





13128

~~520~~

22

BASSIANI CARMINATI

HYGIEN. THERAP. GENER. MATER. MED., ET CHI-
RURGIC. AC PHARMACIAE IN TICIN. GYMNAS. REG.
PROF. NOSOCOMII MED. PRIMAR. ET REG. ACADEM.
SCIENTIAR. NEAPOLIT. SENENS. MANTUAN., ELEG-
TOR. MAGUNTIN. PATR. MEDIOLAN. EC.SODALIS.

HYGIENE, THERAPEUTICE
ET MATERIA MEDICA

VOL. II. PARS I.



PAPIAE MDCCXCH.

Typis Balthassaris Comini.
Praesidibus rei litterariae permittentibus.

Cum haec per multa volumina , perque magnaे contentionis disputationes a medicis saepe tractata sint , atque tractentur : subiiciendum est , quae proxima vero videri possint . Ea neque addicta alterutri opinioni sunt , neque ab utraque nimium abhorrentia ; media quodammodo inter diversas sententias : quod in pluribus contentionibus deprehendere licet , sine ambitione verum scrutantibus .

A. Cora. Cels. pag. II.

DIVI · LEOPOLDI · II

AVSPICIO

INCHOATVM · OPVS

DE · SECVNDAE · ET · ADVERSÆ · VALETVDINIS

AVXILIIS

ABSOLVTVM

FRANCISCO · II · FILIO

IMP · CAES · REGI

PIO · FELICI · AVGVSTO

SPEI · AMORI · ET · PRAESIDIO

POPVLORVM

BASSIANVS · CARMINATVS · MED · PROF

D · D · D

D · N · M · Q · E

DIAI · LEOPOLDI · II

AVARIZIO

INCAGLIATI · OVAS

DE · SEGUINDE · ET · VULGARES · AVESVADENSIS

AVARIZIO

AVESVADENSIS

FRANCISCO · HETTO

AVARIZIO · CAVI · RAVI · CAVI · RAVI

MO · FELIX · AVARIZIO

MEI · AVORI · TA · AVARIZIO

POPLARIA

AVARIZIO · CAVI · RAVI · CAVI · RAVI

A · A · D · A

E · M · G · E · A

INDEX CAPITUM

C A P U T I.

De remediorum inventione. Pag. 1

C A P U T II.

De Medicamentorum actione, atque in sanguinem itinere. 38

C A P U T III.

De Medicamentorum praeparatione, compositione, et praescriptione. 94

C A P U T IV.

De Remediis Emollientibus. 132

C A P U T V.

De Medicamentis Adstringentibus. 176

C A P U T VI.

De iis, quae roborant. 250

C A P U T VII.

De Medicamentis Stimulantibus. 317

C A P U T VIII.

De iis, quae rodunt, aut exedunt.

383

C A P U T IX.

*De Sedantibus, ac primum de Antispasti-
cis, dein de Sopientibus.*

401

C A P U T X.

De Refrigerantibus.

488

C A P U T XI.

De iis, quae corrigunt vitia humorum.

504

C A P U T XII.

De Antisepticis.

531

HYGIENES, THERAPEUTICES, ET MATERIAE MEDICAE

PARS ALTERA

*DE AUXILIIS PHARMACEUTICIS,
ET CHIRURGICIS, AC PRIMUM
DE ALTERANTIBUS.*

C A P U T I.

De remediorum inventione.

516. **C**um dixerim de iis auxiliis, quae sive ad tuendam, sive ad restituendam valetudinem victus ratio suppeditat, de iis nunc dicam, quae ex Pharmaceutico, et Chirurgico fonte ad suos iamdiu Medicina usus traduxit, quaeque eam rite exercentibus maxime utilia sunt, ac plerumque necessaria. Multa enim corporibus nostris incidunt, quae sine manu, aut sine medicamentis, sive per se, sive victu ad sanitatem pervenire non possunt. Sunt vero adeo evidentes horum auxiliarum salutares effectus, ut illos pudeat refellere, qui eorum utilitate, necessitateque temere denegata, omnem usum veluti alienum, et nocuum reiiciunt quasi

Tom. II.

A

pravum, et simulatum Medicorum artificium,
a quo quisque debeat refugere.

517. Cuique proinde recte curaturo
prorsus expedit novisse, quae genera sint,
quae species, quae proprietates rerum, qua-
rum vi, ubi certa copia, certoque modo,
et tempore interius, exteriusve usurpentur,
natura, quibus indigebat, praesidiis provide
adiuta necessarias aegri saluti mutationes per-
ficiat, omniisque functionum laesione sublata
motus omnes, et vires pristinae integritati
restituat. Nec minus quidem ipsis medi-
camentis interest scire ob eandem caussam
quae ad eiusmodi assequendos effectus, mor-
bosque curandos manu administrentur, quae-
que totius corporis commodo fiunt. Quare
de medicamentis dicens de istis quoque au-
xiliis suis locis loquar, illas solummodo mit-
tens rationes, quae etsi ad Chirurgiam pro-
xime referantur, ad eos tamen pertinent, qui
singulares eius partes exsequentes speciatim
tradunt quomodo Artifex divisa uniat, con-
tinua solvat, compressa et contorta emendet,
supervacanea, atque aliena evellat, ac defi-
cientia restituat.

518. Porro cum sine medicamentis nul-
lus persaepe sit Medicinae locus, iuditumque
a natura cuique animanti doloris vitandi,
vitaeque tuendae desiderium hominem pre-
sertim, utpote plenum rationis et consilii,
atque una morbo, mortique obnoxium com-
pulerit, ut in hac, qua versamur, rerum
omnium copia dolorum, morborumque re-

media perquireret, sibique compararet; magna contentione a Philosophis, et Medicis quaesitum fuit quonam modo ipse potuerit corpora, quae medicatis pollut facultatibus, certisque medentur malis, a caeteris apte distinguere, quae eiusmodi carent viribus, sicque perarduam, ac necessariam medicaminum scientiam assequi. Quaesiverunt scilicet quid casus, quid corporum alibilium usus, quid observatio in animalibus Brutis stirpes quasdam, cum aegrotant, vorantibus instituta, quid rerum quarundam inter se convenientia, ac cum aliis similitudo, aut discrimen, quid diversae earum qualitates, quae sensus maxime afficiunt, quidque aliae demum rationes ad remedia cognoscenda contulerint.

519. Verum ipsis iam repertis quam plurimis medicamentis, etsi hocce inquisitionis genus omni vera utilitate destitutum videri queat cuique reputanti curiose potius id quaeri, quam ulla spe fructus proposita; vanum profecto non erit, quin imo utilissimum eo fine susceptum, ut singulae innotescant rationes, quarum subsidio nobis liceat facultates eorum corporum, quae ut sua Medicina nondum adscivit, probabili admodum coniectura prospicere, eorumque veros, potioresque in morbis usus facilius constitutere, tum remediorum, quorum vires vel non satis constitutae, vel non omnes evolutae censemur, certius ac tutius determinare, aut penitus, ac plenius assequi. Licet enim

alibi dixerim (§. XXI. et seq.) in eruendis, explicandisque medicatis corporum facultatibus quosdam spem omnem, omnemque fiduciam perperam collocasse in sensilium qualitatum, quae corporibus insunt, perspecta indole, vel in chemica horum resolutione, quae principiorum naturam, vim, mixtionem, et nexus aperiat, vel in characterum, quos natura iisdem impressit, convenientia, atque affinitate, vel in iis phaenomenis, quae corpora ipsa eductis ex homine humoribus permixta edunt, aut animalibus applicita in eisdem excitant; licet, inquam, dixerim, haec subsidia non tanti esse, ut per se sumpta facilem, perspicuam, et tutam nobis remediorum scientiam exhibeant, quae a sola experientia in aegris instituta, recteque suscepta tuto deducitur; contendo tamen haec omnia prudenter, et scite usurpata insigni adiumento esse ad remediorum vires, et proprietates explicandas, eorumque usus rectius instituendos, ipsamque agendi mechanicen aliquo modo percipiendam.

520. Ut autem a sensilibus qualitatibus exordiar sapore, atque odore medicatas corporum facultates declararari, ac quae remedia gustum, atque olfactum pari modo afficiunt, eadem pariter virtute pollere veteres iam Medici, maximeque HIPPOCRATES, GALENUS, atque AETIUS censuerunt. Profecto ea est indoles, ac vis particularum, quae ex odoris, sapidisque rebus emanant, ut sensiles admodum narium, linguae, atque oris, aliarumve

partium, quibus admoventur, nerveas fibrillas proxime affiant, atque ob miram consensus legem ex hisce ad reliquos quoque nervos suam actionem extendant, unde vel alicuius partis, vel totius etiam corporis conditionem, quae antea obtinebat, aut protinus, aut paulatim immutent. Verum non inde consequitur, quod nonnulli olim docuerunt, ac nuperrime censuit CULLENIUS (*a*) generatim quae gustum, vel olfactum nulla ratione, aut leviter afficiunt, ea tamquam omni virtute destituta, ac prorsus inutilia non esse in remediis ducenda, nisi forte emolliendi, nutriendi, atque edulcandi caussa adhibenda sint. Sunt quippe non pauca, quae, etsi sensus saporis, odorisque vix percellant, manifestas tamen edunt salutares mutationes, sunt pariter alia, quae valida medicamenta sunt, licet insipida prorsus, atque inodora iudicentur, suntque contra nonnulla, quae dum odore, saporeque praestant, virtute aliis remediis quamplurimum concedunt: quemadmodum alibi demonstravi, atque deinceps cuiusque remedii historiam tradens opportune indicabo.

521. Quamquam vero ista evincant ab odore, et sapore remedia nec perpetuo, nec tuto indicari, plerique tamen censem sapida, et odora quaelibet, relictis aliis, ad certa

A 3

(a) Mat. Med. Vol. x. Cap. II. Art. III.

genera ita posse revocari, ut liceat consti-
tuere, quae ad idem, vel alterutra, vel
utraque qualitate spectata, pertinent genus
easdem quoque facultates possidere. Post-
quam enim, inquiunt, ex gustu innotuerit
corpus aliquod, vel amarum, vel dulce, vel
acidum, vel austerum esse, ex eo quod iam
sit evictum, amara fibris robur addere, ac
bilis potentiam acuere, dulcia relaxare, atque
humorum acredinem demulcete, acida refri-
gerare, et corruptioni resistere, ipsaque au-
stera adstringere, ac liquores cogere, nonne
licebit generatim constituere, idem corpus pro
varia saporis indole una, aut altera virtute
donari? Odorem vero quod respicit, nonne,
addunt, tutissimum erit arbitrari aromaticum
corpus nervorum sensum excitare, aut contra
virosum consopire, ambrosiam spirans cordis
musculorumque vim erigere, ac nauseosum
nervos et carnes convellere, ventremque sub-
ducere, quoniam iam innotuit, quae hisce
scatent odoribus ista, pro vario odoris genere
praestare?

522. Haec sane non sine aliqua veritate
proposita tanti quidem prima fronte viden-
tur, ut quemque ad assentiendum cogant.
Verum qui animadvertat sapida, maximeque
odora ad certa genera, quae prorsus distinc-
ta, et satis constituta sint, revocari non pos-
se, divisiones eiusmodi, quas LINNAEUS,
LORRYUS, aliique protulerunt, vagas nimis,
implexas, atque hypotheticas, vel nimis ge-
nerales esse, quae vel sapore, vel odore

uni homini grata et suavia videntur, alteri prorsus diversa videri, pleraque non unum saporis, odorisque sensum, sed ex pluribus compositum explicare, qui etiam gustantibus, atque olfacentibus dissimilis appareat, ac quaedam sub eodem odoris, saporeisque genere iam relata virtute adeo differre, ut admodum diversas, ac plane contrarias actiones exerant, tum in quibusdam odoris, saporeisque qualitates detrimentum pati quin virtus pereat, ac denique nonnulla eas mutationes applicita corpori inferre, quae a sensilibus proprietatibus argui non potuisserunt, qui, inquam, ista omnia animadvertat fateatur necesse est, utramque rationem ex odore, saporeque petitam eruendis, explicandisque remediiorum facultatibus, quae nondum alia ratione innotuerunt, imparem esse, ac solummodo aliquid conferre ad utrumque assequendum, ubi prudenter cum caeteris aliis latentis medicatae virtutis indicis adhibeat.

523. Aequiori autem iure in hanc rem animadvertunt Therapeutices Professores, maximeque **CULLENIUS** magis vagam, imo ineptam, ac prorsus inutilem esse rationem ad remedia revelanda, aut ad explicandas vires a colore corporum desumptam, ut **LINNAEUS**, aliquique proposuerunt. Qui enim volunt colorem pallidum insipida indicare, luteum amara, rubrum acida, album dulcia, nigrum ingrata, hi remediiorum principia, vires, et agendi rationes ignorare plane vi-

dentur, aut magis hypothesis studio duci, quam veritatis.

524. Utinam vero, quemadmodum hactenus proposita ratio ad medicas eruendas corporum vires satis non valet, ad eas facile, et tuto assequendas saltem sufficeret illa, quam non pauci Rei Herbariae, ac Naturalis Professores olim proposuerunt fidenter arbitrati, quae externis notis congruunt, medicatis quoque facultatibus inter se prorsus convenire. Tum enim paucis admodum usu, atque observatione declaratis, compertisque remediis reliqua omnia, utut praestantissima, ex universa rerum natura expeditissime assequemur. Satis quippe esset, cuiusque corporis habitum, notas, et characteres inspicere, atque ex hisce definire cuius classis, ordinis, et generis sit, ut eius quoque posset virtus intelligi. At dolendum hanc rem alio modo se habere. Demus porro eiusmodi classes, atque ordines ad normam naturae constitutos fuisse, demus eidem maxime consentanea esse singula genera, tum etiam concedamus, quam plurima praesto esse exempla stirpium, aliarumque rerum, quae dum genere, et ordine convenient, virtute pariter inter se consentiant; eritne inde concludendum ex hisce, quas vocant, affinitatibus vires remediorum cognosci? Qui observet propositam regulam innumeris pen exceptionibus obnoxiam esse, sub eadem classe quot sunt genera, totidem interdum occurtere virium medicarum discrimina, sub

uno generè species subesse, quarum vires adeo inter se differant, ut ad contrarios edendos effectus aptissimae sint, imo in eadem specie plures praesto esse facultates ita, ut quaelibet pars sibi propriam, a reliquis distinctam, atque interdum oppositam plane virtutem praeserferat, tum denique fere omnes species, saltem quo ad vim, inter se non parum dissentire, qui, inquam, haec omnia observet a GLEDITSCHIO (a) speciatim animadversa nobiscum censebit ex propositis affinitatibus vires remediorum aliquomodo posse coniectari, nunquam vero facile, ac tuto perspici nisi experientia accedat.

525. Si itaque adductae rationes ad remediorum facultates aperiendas non valent aptissima eritne Chemica corporum resolutio, quae evolutis principiis, eorumque proprietatibus declaratis vires una patefaciat? Hanc profecto sententiam olim a Chemicis prolatam non paucos etiam Medicorum amplexos fuisse compertissimum est. Prout siquidem ii e quibusdam corporibus Chemiae subsidio educebant modo salem, vel acidum, vel alcalicum, vel neutrum, modo spiritum, modo oleum, tuto deduci posse contendebant illa corpora roborare, spasmos solvere, nimium humorum aestum, et motum compescere, liquores condensare, corruptionem avertere, vel iam natam corrigere, aut acida

(a) De methodo botanica dubio, et fallaci virtutum in plantis indice.

absorbere, spissa resolvere, ac solidas irritare partes, aut cuncta pervadere, viresque incitare, aliaque pro varia partium natura efficere. A muco quippe, gummi, resina, terra valde copiosa, aliisque principiis resolutione dispectis alias, atque alias vires praemonstrari existimabant. Hinc facile intelligimus quomodo hac opinione Chemicorum plerique ducti tot labores suscepint, ut eorum corporum, quae iam erant inter remedia relata, vel medicata esse suspicabantur, singulas partes detergent.

526. At nemo iam ignorat quam parum Chemici in eiusmodi opere eo, quem proposui, fine suscepto profecerint. Latet quippe fortasse neminem ob multas sane caussas a gravissimis Auctoribus iamdiu prolatas propositam methodum semper dubiam, plerumque fallacem, ac saepe falsam esse. Porro falsam esse quisque facile videt, qui consideret ab ipsa ratione ad resolvenda corpora adhibita, utut lenissimus admittatur ignis, vel quodvis aliud recipiatur auxilium, ita singulas partes resolvi, ut quae virtus ab ipsa forte eorundem unione pendebat, cohaerendi modo, ac varia admixtione, pereat, aut, quae inerat tenuioribus partibus, prorsus evanescat, ac generatim dubium subesse utrum, quae resoluta manent, producta sint, ut loquuntur, an educta. Fallacem rursus ostendit observatio quorundam corporum, quae partes habent eiusmodi, quae perfectam resolutionem aut non admittunt, aut si

admittant nonnisi valde mutatae; ac novam prorsus naturam consequutae in sensu cādunt. Dubiam vero perpetuo esse censem, unde ambigas utrum inter resolvendum cunctas, an tantum aliquas particulas eduxeris, ipsa experientia satis superque evicit, cum saepe Medicis monstraverit, nonnulla, ut alibi dixi (§. XX), quae chemicis rationibus explorata indeole, et proportione principiorum nihil discrepabant, diversos in humano corpore effectus praestare, ac contra alia natura, proportione, et mixtione partium inter se dissimilia easdem vires exerere, eosdemque morbos sanare. Quae quidem discrimina praesto esse omnes fatentur quamquam eorum ratio non satis innotescat. Ignoramus siquidem num in eo fortasse posita sit, quod remediorum quorundam vis a principio adeo subtili, tenuissimoque proficiscatur, ut hactenus cognitis Chemiae periculis detegi nequiverit, aut quod eorum potentia a partium dispositione, figura, nexu, ac peculiari mixtione originem ducat, aliisve modis, qui inter resolvendum plane mutentur, vel ab aliis denique caussis, quae sensuum aciem effugiant.

527. Perperam tamen ex eo, quod argumenta a chemicis periculis desumpta viribus remediorum detegendis, antequam eas experientia evicerit, imparia sint, nonnulli contemnunt subsidia, quae ad Materiam medicam augendam, atque illustrandam Chemia et olim attulit, et nunc rectius exulta maxi-

me praestat. Etsi enim, quae ad evolvenda stirpium, aliorumque corporum, quae ad medicamenta pertinent, principia olim egerunt Chemicorum plerique, ac speciatim NEUMAN-NUS, GEOFFROYUS, BOERHAAVIUS, SPIEL-MANNVS, aliquique non multi usus esse queant, quanti contra facienda non sunt illa, quae nuperime Chemici praestitere, ac maxime egit Ill. THOUVENELIUS animalia cuncta re-media chemicis periculis illustrare aggressus, vel Celeberr. LASONNIUS, et CORNETTUS praestantissima quaedam medicamenta iisdem adiuti rationibus excedentes, vel Ill. FOUR-CROAEUS praestitit cum duabus corticis Peruviani speciebus, ut egregii eiusmodi medicamenti veram indolem, ac compositionem patefaceret? Tanti sane habendae sunt spectata utilitate, quam afferunt, novae istae investigationes, ut negligi nullo modo debeant ab iis, qui remediorum vires, atque usus expendunt.

528. Quam ob rem concludere licet, sive spectetur copia remediorum, quibus Medicina Chemicorum industria lucupletata est, sive plurimum, quorum usus erat compertus, indoles patefacta, sive inde evoluta consideretur aliorum medicamentorum vis, atque ipsa agendi ratio, sive pars, cui medicata virtus inhaeret, aut principium, quod caeteris efficacius est, declaratum respiciatur, sive verior usus atque utilior administratio, magisque propria compositio, ac cum aliis remediis coniunctio tuto constituta animadvertatur,

sive alia commoda, quae a chemicis rationibus promanant, reputentur; fatendum omnino est, tantas utilitates Materiae medicae Chemiam attulisse, ac tantas modo etiam afferre, ut sine ea numeris omnibus absoluta esse nequeat remediorum doctrina.

529. Alias vero quod respicit rationes ad exploranda remedia (n. 519.) propositas arbitror utique ad ea pernoscenda non satis per se valere, at nihilominus contendo, et non exiguum iisdem lucem affundere, et coniecturae, quae veritati, postea constituendae, quam proxima sit, locum afferre, et remediorum iam compertas vires ita patetfacere, ut eorum usus certius constituantur, atque actio vel tuto, vel probabiliter explicetur. Ad hunc proinde multiplicem assequendum finem summi in Arte Viri nonnulla corpora, quae vel iam erant ad mendendum recepta, vel medicis facultatibus donari suspicabantur, humoribus sive ab Homine, sive a caeteris Animantibus eductis admiscuerunt, atque observarunt, quid cum sanguine, eiusdem sero, lympha, saliva, bile, aliisque liquoribus varia ratione coniuncta praestarent. Prout autem ab hisce videbant humorem aliquem in molle, vel firmum coagulum campingi, vel fluidiorem reddi, aut dissolvi, vel sapore, odore, et colore immutari, vel a corruptione tueri, vel contra in eam proniorem effici, aliisve denique rationibus affici, coniecerunt istis rebus inspissandi, cogendi, solvendi, etc. vires inesse.

530. Hanc igitur periclitandi rationem sequuti quidam Medicorum ad remedia illustranda quamplurimum contulerunt; quemadmodum recte observavit MURRAYUS, vir numquam interiturae memoriae, perpendens ea experimenta, quae REDIUS, et TORTIUS cum anthelminticis, LOBBIUS cum lithontripticis, VALLERIUS cum cinnabari, atque ALEXANDER cum nitro, maximeque PRINGLAEUS cum antisepticis instituerunt. Quare dolendum est in hoc periclitationis genere nos adhuc inopia laborare, nec ea semper, qua oportebat, diligentia, atque omni vitata errandi occasione suscepta fuisse. Hanc enim vitare, dum similia fiunt experimenta, quam arduum sit, is facile percipiet, qui animadvertisat, vel ipsum PRINGLAEUM virum paucis comparandum ea, quorum memini, pericula instituentem in quosdam errores incidisse, quos postea Ill. GABERI animadversiones, atque observationes perpendens non cognovit modo, sed raro prorsus exemplo more magnorum Virorum ultro fassus est (*a*). Vel ab una enim conditione mutata quot in ipso experimentorum exitu discrimina praesto esse non possunt? Tanta profecto, ut cum vir Ill. VERRATUS ex cantharidum, aliorumque remediorum, quae cuti imponuntur, ut rubefiat, atque in vesicam attollatur, admixtione cum sanguine, eiusque sero ad eorum virtutem te-

(*a*) Macbroyd, Op. vers. fin.

nuantem, ac solventem, ubi tenuiores partes intimiora corporis subierint, fidenter concluderet, contra III. FORSTENIUS vim prorsus contrariam demonstrari contenderet. Cuius quidem discriminis caussam cum iteratis periculis detegere tentarem (quatuordecim ab hinc annis iisdem susceptis suadente III. BURSERIO, cui totam observationum summam, cuius ipse meminit, postea retuli) facile reperi a diversa experiundi ratione, a dissimili pondere, et proportione rerum sanguini admixtarum, aliisque differentiis originem duxisse.

531. Sed quamvis omnia, quae in errorem possunt adducere, tuto declinentur, atque insuper curetur, ut qui liquores, qui calor, ac quae alia experimentis inserviunt, conditionibus, quae in humano corpore praesto sunt, aut omnino respondeant, aut parum differant, tot accidentunt, tamque dissimiles esse possunt mutationes, quas in primis viis, aut in ipso sanguine remedia subeunt, ob quas nonnulla, vel in sanguinem non advehantur, aut exigua admodum copia a vasculis obsorbeantur, vel pristinas exuant vires, aliasve interdum oppositas acquirant, vel omnem efficacitatem amittant, ut CULLENIO prorsus assentiar reputanti, plura, quae ex eiusmodi experimentis extra humanum corpus institutis deducta fuerunt de remediorum viribus, atque effectibus iudicia, falsa esse. Quod profecto ego ipse maxime cognovi, qui simili methodo nondum tentata quaedam genera remediorum

saepe exploravi visurus, utrum hac ratione generalia quaedam de actione eorundem medicamentorum paecepta tuto possem constituere.

532. Caeterum mutationes, quas nonnulla remedia variis humani corporis humoribus admixta inferunt, sive adducta ratione miscantur, sive iisdem a vasis resorpta, atque in circuitum ducta affusa sint, ac consociata, animadvertere toties utilissimum censeo, quoties ipsae revera aperte innotuerint. Qui enim sciverit quosdam liquores, aut quaedam medicamenta bilem viridem perpetuo efficere, alia urinam rubro, sanguineo, aut alio prorsus alieno colore tingere, aut insolito odore, et halitu inficere, aut eius sedimina inspissare, alia quae ex alvo secedunt diversimode immutare, vel, quae prodeunt ex cute, quo ad colorem, et halitum a propria indole longe diversa reddere, ubi istis remediis adhibitis similia viderit aegrotantibus evenire, cavebit profecto, ne, quae phaenomena ex hisce nascuntur, corporis naturae, aut morbi viribus tribuens turpiter hallucinetur.

533. Num vero remediorum vires, vel perspici, vel certius, ac plenius cognosci queant factis in Brutis animalibus periculis a Medicis quaeri solet. Quidam enim ab iis phaenomenis, quae nonnulla corpora, vel nondum revelatae, vel adhuc dubiae virtutis opportuna ratione parata animantibus ingesta, vel in alvum infusa, vel corio imposita edunt, utrumque posse plerumque constitui fidei-

fidenter affirmant, dum alii, ut iam dixi (§. XXI.), neutrum declarari iudicant. Illi namque ab externis signis, quae hisce periculis exposita animalia edunt, maximeque quadrupedia satis effectus, quos medicaminum vis suscitat, ostendi existimant, etsi quae ipsa patiuntur nequeant loquendo declarare. Quos quidem effectus clarius intelligi putant si quando sanguine ex incisa vena educto, egestionibus quo ad copiam, et indolem exploratis, atque extis secto ventre patefactis, proprius scrutentur quae humoribus, visceribus, reliquisque partibus mutationes acciderunt. Addunt praeterea hoc modo veras quorundam remediorum, quae antea latuerant, facultates tuto fuisse perspectas, ac saepe declaratum num aliquod pharmacum aegris hominibus sine discrimine posset propinari. Denique observant hac ratione nobis licere ad intelligendam quorundam remediorum actionem, ipsamque agendi mechanicas ea pericula suspicere, quae in aegris fieri non possunt, quaeque in ipsis etiam nocentibus hominibus, mortique damnatis tentare, ut quidam proposuere, humanitas non sinit.

534. Qui autem contrariam sententiam tinentur ea, quae animalia edunt, indicia ex ululatu, velleris hirsutia, irrequie, difficultate spiritu, ventris tumore, vomitu, mictu, ac similibus nec semper se exerci, etsi magna sint, quae ab assumptis remediis intus eveniant, observant, nec, cum apparent, satis

esse arbitrantur, ut proprium, ac verum passionis sensum demonstrent, quemque loquendo homo declarat. Animadvertunt rursus ea phaenomena, quae certa corpora in animalibus edunt ab iis persaepe differre, quae in hominibus praesto sunt; atque ita interdum differre, ut quae detrimentum istis afferunt illis omnino parcant, aut contra, dum animalibus summopere nocent, atque exitio sunt, nobis nullam labem, nullamque molestiam inferant. Tot deinceps occurrere discrimina hominem inter ac reliqua animalia observant, ut nullo modo velint, quae in istis accident ad eum traduci: quae quidem discrimina a dissimili humorum conditione non satis constituta, a peculiari cuiusque animantis constitutione, a diversa partium, quae in brutis notatur, fabrica, a dissimili liquorum indole, et proportione, ab acriori succorum digestioni famulantium potentia, a vario sensitatis genere, a maiori, aut minori irritabilitatis gradu, ab opposita virtus cibique ratione repetunt, vel ab aliis caussis, quarum perfecta cognitio nondum suppetit, ac forte ab intelligentia, sensuque hominum disiuncta est.

535. Haec sunt, quae utrinque acriter disputando proposita MURRAYUS in praetium huius generis experimentorum ad medicaminum efficacitatem constituendam speciatim inquirens (a) a Medicis diligenter

(a) Disq. praelect. Accad. Svec. 1772.

expendenda esse iudicavit. Ego vero de eisdem alibi disserens satis constitui quamnam afferrant remediis lucem cum demonstravi eorum subsidio potius erui in quibusnam partibus praecipue se exerat medicaminum, aut venenorū potentia, unde actio clarus innotescat, quam alia patefieri, quae in remediis explorandis Medici perquirunt. Quare, etsi eiusmodi experimentorū genus medicatas quarundam rerum facultates quandoque praemonstraverit, atque interdum veros etiam usus in morbis, quibus obnoxii sumus, non obscure ostenderit, nunquam eo prudentem Artificem adducet, ut ex iis, quae in animalibus eveniunt, de futuris effectibus medicinae homini exhibendae pronunciet, ac quaecumque in illis accidunt sine consilio, ac sine multa trepidatione ad hunc traducat.

536. Praestabitne itaque huic generi experimentorum ad medicaminum virtutem atque actionem prospiciendam illud, quod in iisdem brutis animalibus quoque suscipitur, cum in apertas eorum, sive bene valentium, sive aegrotantium venas, quaedam pharmaca, aut res aliae, quae medendo pares videntur, idonea ratione iniiciuntur? Ubi enim hisce in sanguinem proxime instillatis, iamque ad intimiora, ac singula corporis loca traductis, quin ab oris, et stomachi, intestinorumque humoribus detrimenti aliquid acceperint, celeriores, vividiioresque fiant pulsus, aut calor augeatur, aut somnus accedit, aut

aut vomitus concitetur, aut urina, vel alvus moveatur; nonne primum erit affirmare in venas indita pro vario, quem edunt, effectu aliis atque aliis viribus ita donata esse, ut variis pro dissimili eorum indole, queant usibus prospicere? Quemadmodum vero in LOWERI, BOYLEI, ETMULLERI, KRUGERI, ELSHOLZII, SPROEGELII, aliorumque experimentis visum est tam venena, quam medicamenta in venas vivorum animalium impulsa eos sibi proprios, ac singulares effectus procreasse, quos assumpta, aut alia ratione applicita edunt, dum pro eorum natura sanguinem cogunt, vel soporem accersunt, et nervorum distentiones, ac mortem inferunt, vel contra vomitum, vel alvum, vel urinam, vel salivam movent; nonne tutissimum erit ex phaenomenis, quae nonnulla nondum cognitae virtutis in venas data procreabunt, medicas vires detegere, ac certe constituere? Si praeterea effectus, quos in animalibus brutis, ac maxime quadrupedibus praesto sunt ab emeticis, purgantibus, diureticis, salivam moventibus, refrigerantibus, similibusve remediis infusis ab iis non diffrunt, quae eadem medicamina in homine excitant, ut in periculis ELSHOLZII cum tartaro emetico, BORRICHII cum alvum ducentibus, BAGLIVII, cum cantharidibus, COURTENII cum mercurio sublimato, ac MALPIGHII cum nitro apparuit, cur, quae in animalibus a quibusdam rebus infusis observantur ad hominem fidenter traduci non poterunt?

28

537. Praecipua haec sunt, quae propriae opinioni favere videntur. Sed alia interim suppetunt, quae eidem adversantur. Siquidem verum non est phaenomena, quae a nonnullis liquoribus in apertas venas animalium infusis praesto sunt, iis esse simillima, quae generatim ab eisdem deglutitis nascuntur. Nam, ut mittam, quod apposite cum aliis Medicinae Scriptoribus animadvertisit CULLENIUS id possibile non esse ob mutationes, quas in primis viis, cum solvuntur, dividuntur, atque cum variis humoribus permiscentur, remedia subeunt; ipsi revera experimentorum eventus evidenter declarant diversos esse, ac plerumque plane contrarios effectus, qui ab utroque utendi modo praesto sunt. Exemplo sint, ceteris missis, lac, pinguedo liquata, ipsumque oleum olivarum, quae sane in venas animalium data valde nocent, ac vitam plerumque adimunt, quemadmodum periculis ab HALLERO praesertim indicatis (*a*) innotuit, dum assumpta plane innocua existunt, imo largiter etiam assumpta nunquam vitae minitantur.

538. Neque dicas tantae dissimilitudinis caussam in adductis experimentis ex eo esse repetendam, quod ob minus diligentem periclitandi methodum circumfusus aer interinfundendum venas subierit, ac propere ra-

B 3

(*a*) De Part. Corp. Human. fabr. etc. T. I. lib. III. §. IX. X.

rescens morato sanguinis itinere animalibus mortem intulerit. Nam quominus ab aere inductum soporem, aliaque funesta mala perpetuo repetam vetant ea, quae evenire ab illis liquoribus in animalium venas instillatis ipse observavi usus ad experimentum diligentius instituendum, omnemque aditum aeri prohibendum aptissimo instrumentorum apparatu, quem non multis ab hinc annis descripsit Cl. REGNAUDOTIUS, adhibuitque ad medicamenta in aegrorum venas sine vitae discrimine infundenda: de qua medendi ratione alibi disseram (*a*). Porro vidi eos liquores, atque alios, qui impune ore sumuntur, graves noxas agnis, ovibus, et canibus perpetuo intulisse, etsi animalia mortem saepius eluderent. Quod si tamen accidat, ut, quae per venas sanguini affunduntur, nec gravem morbum accersant, nec mortem adducant, non eos sane effectus perpetuo praestant, quos edunt in os indita, ut quidam nimia fiducia contendunt. Nam etsi BORRICHUS, aliquique tradiderint, ut refert HALLERUS „purgantium eandem dosim in venas infusam alvum moveare, quae deglutita movet „ab aliis tamen, atque a me ipso animadversum est, vomitum potius ciere, quam alvum ducere, tum lenia remedia, quae stomachum evidenter non afficiunt assumpta, plerumque vomitionem, interdum sat vehementem concitare.

(*a*) Histoire de la Société Royale de Med. de Paris. Tom. 2. p. 250.

539. Quid quod? eadem in homine sunt observata ab infusis in venas medicamentis, quae alia prorsus ratione plerumque egerunt, quam assumpta generatim soleant. Enim vero ne ea persequar, quae superioris aetatis Medici attulerunt, nonne nuper vidit REGNAUDOTIUS purgantia semper vomitum concitasse, et quae lenia remedia sunt in venas hominum pariter instillata alvum non sine febri movisse, quemadmodum etiam accidit e gummi arabico similiter injecto, quod horrorem, sat validam febrim, sudorem, atque alvum concitavit: dum haec sane demulcens, blandum, mitissimumque medicamentum nunquam efficit, ubi ore sumatur (a)? Quae porro omnia, ni fallor, satis ostendunt, perperam quosdam contendere hactenus propositum experimentorum genus sive ad medicatas vires rerum, quas ut suas nondum Medicina adscivit, eruendas, sive ad dubias confirmandas remediorum facultates tutissimam nobis normam suppeditare, atque ita quidem suppeditare, ut, quae in anima libus accidunt in homine quoque certo even tura concludamus.

540. An ergo hisce experimentis longe tutiorem viam ad germanos remediorum effectus cognoscendos, qui in aegris locum habent, ingressus est Cel. ALEXANDER (b),

B 4

(a) Loc. cit.

(b) Essays Experim.

cum eos prospici suspicatus ex mutationibus,
 quas pharmaca bene valentibus exhibita in
 pulsuum celeritate, ac caloris temperie infe-
 runt, proprio corpore ad periculum exposito,
 quaedam medicamina assumpsit; ac quae ex
 eisdem passus est diligenter observavit,
 nobisque tradidit? Propius utique reliquis
 periculis hicce investigandi modus accedit
 ad eam, quae omnium tutissima est, remedia
 explorandi rationem; sed interim nimiis patet
 exceptionibus, ac nimiis obnoxius erroribus
 est, ut ad certam nos conclusionem ducat
 in admittendis, aestimandisque viribus, dosi-
 bus, atque usibus medicaminum in morborum
 curatione. Nonnulla quippe remedia, quae
 aegris exhibita protus salutares effectus praes-
 tant, sanum hominem perturbant, ac lae-
 dunt, quia omne medicamentum, quod su-
 pervacaneum est, monente CELSO (*a*), no-
 cuum esse solet. Sunt alia praeterea, quae
 non nisi certis sub conditionibus, quae in
 aegris solummodo occurunt, auxilium affe-
 runt, dum aliis in casibus, ipsaque praeser-
 tim vigente valetudine, aut nullam, aut
 contrariam, aut etiam nocuam vim exerunt.
 Nec desiderantur remedia, quae, etsi neque
 pulsuum motum, neque calorem imminuant,
 aut intendant, dum secunda praesto est
 valetudo, utrumque tamen praestent quoties
 morbus aliquis adversam intulerit. Quaedam

(a) De Med. Lib. II.

Item licet sanis data nec in corde atque arteriis, nec in corporis, quo ad calorem, temperie agere videantur, suas tamen vires mutata corporis conditione, aliis editis signis, evidenter patefaciunt, eaque suscitant, quae modo convenient, modo dissentiant ab effectibus, quos eorum usus in morbis affert. Denique, ne cuncta persequar, non desunt medicamenta morbis quibusdam mitigandis, ac profigandis utilissima, quae sanis data omni virtute destituta, si sensibus respicere solum oporteret, essent iudicanda, quia eos vel nihil, vel saltem manifeste non afficiunt.

541. Hinc evenit, ut, quae ex suis experimentis, non mediocri licet ingenio, ac diligentia susceptis, ALEXANDER deduxit, non omnia prorsus vera, atque observationi in aegris institutae consentanea mihi videantur. Id speciatim de *Castoreo*, et *Croco* existimo. Etsi enim ab utroque remedio, maximeque a *Castoreo* non tanta mihi in morbis pollicear, quanta veteres, aliqui Medici expectabant, neutrum tamen salutaribus edendis effectibus, paullo maiori, quam communiter fieri soleat, copia porrectum impar pharmacum iudico, secus ac olim crediderim, atque ex ALEXANDRI periculis consequeretur. In iis praeterea experimentis, quae simili modo cum aliis remediis, de quibus suis locis dicam, nuper institui, cum experiundi, observandique opportunatatem ultro fecisset strenuus iuvenis, qui varia remedia, ut proprius eorum effectus ALEXANDRI methodo

cognoscerem, audacter assumere consueverat, evidenter didici, quam fallax, et dubia sit illatio ex eisdem deducta, si ad ea, quae in aegris eveniunt, referatur.

542. Ergo licebit concludere hactenus expositas rationes, sive singulae, sive omnes una sumantur, multa quidem subsidia nobis afferre ad coniiciendas quorundam corporum medicatas vires, tum ad medicaminum principia eruenda, eorumque actionem explicandam; generatim vero impares esse veris facultatibus remediorum, usibusque in morbis per se tuto praemostrandis. Quare constituentur esse arbitror, quod alibi monui (§. XXI.), atque omnes artis proceres plane evictum iudicant, facultates, et usus medicamentorum Clinices observationibus certius appeariri, quam alia quacumque ratione, imo perpetuo fallax, ac dubium esse de viribus iudicium nisi ab experientia in aegris instituta fuerit petitum; quae tamen quam accuratissima sit, atque ab iis omnibus erroribus vacua, quibus etiam ipsa ob Medicorum quorundam, vel imperitiam, vel negligentiam, vel ob alias caussas obnoxia evasit, quas alibi attigi (*a*), ac speciatim CULLENIUS recenset (*b*). Profecto si omnes errandi occasionses in remediis periclitandis sedulo Clinici declinassent neque

(*a*) Vol. I. Proem.

(*b*) Mat. Med. Vol. I. Cap. II.

tot falsa de remediis iudicia, quae in Materiam medicam irrepserunt, haberemus, nec multo sane labore in Clinicorum potius libris, quam eorum, qui medicamina speciatim perquirunt ad eruendas horum facultates, nunc quoque versari deberemus, neque eos, qui etiam puri, atque integri videntur Medicinae fontes, quam cautissime, et dubitanter adiremus, ne dum vera, ac tuta remedia attingere credimus, falsa veri specie decepti ambigua, simulata, ac plane inania hauriamus. Etsi enim multiplici eorum vitio, qui olim Materiam medicam pertractarunt, ipsam non paucis erroribus obnoxiam evasisse alibi demonstraverim (§. XIII. et seq.) fateor tamen non minus eius perfectionem retardasse eos inter Clinicos, qui illas de viribus remediorum observationes nobis reliquere, quae nullo modo possunt veritatem declarare, cum ab experimentis deductae sint inconsulto, inepte, imperfecteque suscep-
tis.

543. Porro quamnam utilitatem reme-
diorum vires inquirenti afferre unquam po-
terunt ex datis medicamentis illi saepe
propositi vel funesti, vel salutares exi-
tus morborum, in quibus ratio nos docet
artem non posse vitium corrigere, aut tolle-
re, aut mitigare, vel contra malum eiusmodi
esse, ut solo corporis beneficio queat reme-
veri? Quaenam inde fieri potest ad reme-
dium, curationis caussa, exhibitum cum
vituperandum, tum extollendum conclusio?
Quaenam erui ex iis observationibus, quas,

cum ad vim alicuius remedii ostendendam afferunt, non satis absolutas sistunt, iis magna ex parte neglectis, quae morbi naturam, vim, tempus, et differentiam determinant, vel praetermissis iis animadversionibus, quae aegri temperies, habitus, consuetudo, aliaque huius generis sibi vindicant? Quaenam illatio deduci ex iis narrationibus morborum, in quibus alicuius medicamenti virtus enitusse dicitur, atque interea phaenomena, quae eius praestantiam solum possent declarare, neque singula indicantur, neque ita saltem historice, et sine fuso, prout acciderunt, exponuntur, ut cuique videri debeant e natura desumpta, non vero ex hypothesi, aut ex nimis praecoci, ac fallaci iudicio temere deducta? Quae denique desumi ex iis morborum historiis, quae etsi ab ingenuis, ac medendi usu probatis Scriptoribus eo adducantur fine, ut alicuius auxilii vis, et usus tuto queant constitui, speciem tamen, et caussam morbi, in quo idem auxilium utilisimum cessit, non exhibent? Haec sane ubi negligantur nullo modo possumus de medicamentorum viribus pronunciare.

544. Sed neque possumus veram assequi remediorum facultatem, verumque in morbis usum cum in eas observationes incidimus, ex quibus aperte liquet in remediis periclitandis eas regulas fuisse neglectas, quas perpetuo oportet servare, ut tutissima sint, quae de viribus, et effectibus remediorum deducuntur. Eiusmodi porro sunt pracepta,

quae rectum cuiusque pharmaci administrationem respiciunt, quaeque, sive novae res ad medendum experiantur, sive iam nota remedia usurpentur, ad medicas omnes proprietates, atque actiones detegendas maxime conferunt. Inspicere primum oportet quae nam sit, dum remedium aliquod usurpatum, victus ratio, ac speciatim cuiusnam generis alimenta aeger assumpserit: quoniam iamdiu innotuit pro diverso rerum non naturalium usu medicaminum actionem, vel intendi, vel imminui, vel etiam immutari; atque idcirco perinde non esse si remedium detur sub opportuna corporis exercitatione, ac vacuo sumatur stomacho, vel contra omni motu prohibito, ciboque in ventriculo adhuc haerente propinetur; imo si potus, vel cibus eam indolem habeat, quae medicamento ita repugnat, ut huius naturam in aliam plane diversam resolvat, cum insigni virtutis detrimento. Hae vero observationes si quando negligantur, erit ne mirandum si, qui accidunt, in quorundam experimentis a non nullis remediis effectus ab iis omnino dissentiant, quos Medicorum alii se observasse fatentur?

545. Ob non dissimilem etiam caussam non minori sedulitate curandum est, ne cum aliquod exploratur remedium alia interponantur medicamenta, quae dubitationem possent iure movere, utrum salutares motus, quos Artifex postea animadvertisit, istis potius, quam illi essent tribuendi. Quia sane de

caussa non paucos in periclitandis viribus novarum rerum, vel in admissis iam medicamentis confirmandis persaepe deceptos Medicos novimus. Quare si medicatus potus, qui quotidiano usui inserviat, aegro exhibendus omnino sit, aut aliqua remedio, cuius vires indagandae sunt, praemittenda sit medicina, aut subinde quodcumque interponendum auxilium esse videatur, id perpetuo moneant Clinici, ac sedulo caveant, ne cum hisce credunt viam tantum parare remedio, ut oxyus cum morbo pugnet, medicatricem naturae vim ita commoveant, atque ad salutarem mutationem sollicitent, ut nulla iam pharmaci postea ad salutem exhibendi necessitas supersit.

546. Quod si tamen medicamenti iam comperta natura suadeat non simplex, sed cum aliis commixtum dandum esse, quam sedulo inspiciat Clinicus, ne aut indole, aut copia, quae admiscenda praecipit, errandi caussam tam saepe obviam in prescriptionibus Medicorum afferant. Nonnulla quippe sunt, quae quorundam unionem respuunt, sunt, quae cum aliis nonnisi certa proportione coniuncta utiliter agunt, imo maiores effectus praestant, suntque alia, quae certis rebus admixta tantam resolutionem patiuntur, ut penitus immutata, quas habebant facultates, interdum omnino amittant, interdum novas assumant. Saepe proinde videmus quosdam Medicos ex harum rerum ignoratione pluribus medicamentis una congestis tam incon-

cinnas medicinas componere, ut quemadmodum mixtione, sic viribus una convenire non possint.

547. Expedit rursus curare, ut quod Clinici adhibeat remedium optimae notae sit. Cum enim inter ea medicamenta, sive simplicia sint, sive mixta, maximeque exotica, quibus utimur, nonnulla saepe occurrant, quae qualitatum ratione perfecta non sunt, vel iam viribus prope destituta, vel aliarum rerum minus sumptuosarum mixtione adulterata, vel non ea, qua opus erat, arte composita, ubi Medicus de optimo remedii cuiusque delectu parum sollicitus exiguum, aut nullum ex eo dato salutarem videat effectum, nihil boni ab eius usu sibi amplius pollicebitur, inertis eius naturae tribuens, quod rectius indicatis caussis referre debuisset. Hinc tot de remediorum viribus, atque in morbis usibus dissensus inter Medicos prudentia ceterum, ingenio, ac doctrina spectatissimos originem duxerunt, ac nunc quoque apud quosdam obtinent. Exemplo esse possunt, ut cetera mittam eximia illa remedia, quibus III. ac Cel. Archiatr. Caesar Comes STOERKIU\$ Therapeuticen hac aetate locupletiorem reddidit, quae etsi opportune, prudenterque adhibita valde utilia sint, actuta, parum tamen efficacia, aut etiam inutilia, aut generatim periculosa ideo quibusdam non infimae sortis Clinicis visa sunt, quia eadem, vel adulterata, vel ex aliis stirpibus petita, vel male praeparata ad ex-

perimentum traducta fuerunt. Memini olim
Moschi a praestanti Medico incassum cuidam
 foeminae tamdiu propinati in eo rerum statu,
 in quo indicatissimus videbatur, donec
 animadversum est, cum iam pharmaco, vel
 improvide dato, vel per se inertis inutilitas
 curationis tribueretur, moschum deterioris
 notae, et partim adulteratum hactenus exhi-
 bitum fuisse. Tum enim cum verum mo-
 schum aliunde petitum aegra sumpsisset brevi
 ex eo salutem accepit.

548. In quorundam etiam Clinicorum
 experimentis ideo remediorum, quae pericli-
 tabantur, vis omnis non apparuit, quod in
 eorum qualitatibus corrigendis minus caute-
 se gesserint. Cum enim suppetant medica-
 menta, quae ob ingratum saporem, vel ob
 odoris insuavitatem, vel ob ipsum colorem
 quibusdam forte invisum, simplicia dari non
 solent, ac proinde rebus aliis ad eiusmodi
 qualitates corrigendas, aut saltem obvelandas
 accommodatis permixta exhibentur, non raro
 evenit, ut ea ad alterutrum praestandum reci-
 piantur, quae, vel qualitate, vel nimia copia
 vires remediorum plurimum enervent. Cui
 quidem errori obnoxii esse solent Medici
 nobilium, et divitum, qui eorum mollitiei
 nimium indulgentes ita elegantes fiunt in
 medicamentis edulcandis, ut horum facultati-
 bus imprudenter infirmatis dum satagunt iu-
 cunde mederi, nec cito, nec tuto curent,
 sicque aegrorum, quos nutrunt, deliciis
 potius, quam saluti prospiciant.

549. Perperam igitur ex horum Medicorum observationibus quidquam de medicaminum facultatibus constitueretur: quemadmodum nihil, quod indubium, ac verum sit, constituere licet cuique illorum de remediiis pericula reputanti, in quibus ea neglecta fuerunt praecepta, quae remedii cuiusque exhibendi forma, eiusdem copia, quam dosim dicunt, ac protractus eius usus iure sibi vindicant. Porro exhibendi rationem, quod respicit, Medicorum quidam non animadvertentes, num pulveris, aut extracti potius, quam diluti, aut infusi, aut decocti forma remedium, quod probinabant, magis expediret, ea exhibuerunt, sub qua remedium suae virtutis multum amittit, aut non omnem efficacitatem explicat, aut eam saltem prompte non exerit. In dosi vero remediorum assignanda, quam saepe a Medicis a recta via descitum non est, quoties ipsi, quasi nescirent medicaminum dosim duobus veluti limitibus generatim coerceri, quorum unum minima vis, alterum maxima constituit, non mediam sequuti sunt, sed nunc arctiori, nunc pleniori, quam opus erat, manu phar-maca propinarunt? Cum multa sint, quae paucissime data nullos sat manifestos, ac salutares edunt effectus, largiter vero exhibita evidenter nocent, aut saltem diversa ratione operantur, eadem sane quam obviam, et pronam incautis errandi occasionem suppeditarunt in admittendis, aestimandisque viribus remediorum.

Tom. II.

C

550. Ex eo vero, quod Medicorum nonnulli in novis, aut dubiis medicamentis periclitandis eorum usum citius, quam par erat, deseruerint, vel si in eodem tamdiu perstiterint, quamdiu remedii natura, vel morbi indoles postulabat, neglexerint nihilominus remedium vel subinde intermittere, vel paullatim quotidie augere, nimis saepe de remediorum viribus, usibusque temere fuit iudicatum. Subirascor quandoque quibusdam Medicis, qui una, alterave vice cum remedium sine ulla manifesta utilitate propinaverint, propere de eius inertia concludunt, quin considerent pleraque auxilia nonnisi post aliquot dies largiter exhibita suam vim ex sensilibus effectibus perspicue ostendere, atque utilia evadere, quoniam certo indigent tempore, ut impedimenta, quae eorum actioni praesto sunt, removeant, ac motus suscitent, qui ad naturae, ac sanitatis ordinem aberrantes actiones iterum adducant. Porro ut in hanc rem, quae paratissima in multiplici genere remediorum, ac maxime in diureticis medicamentis suppetunt exempla brevitatis caussa praeteream, satis erit, meminisse, quod saepe animadverti de *Valerianae Sylvestris* usu ad comitialem morbum vindendum. Etenim cum multos epilepsia laborantes hoc uno auxilio sanaverim, quosdam inter eos, qui incassum a Medicis aliis propinatam Valerianam usurpaverant, non alia de caussa sanare ipse potui eodem remedio, quam, quod praecepta de recto huius radicis usu ab

HELVETO HIPPOCRATE TISSOTO iam pri-
dem sancita diligenter sequutus longe diu-
tius, quam alii egerant Artifices, qui prius
curationem susceperant, Valerianam exhibui,
ne etiam semel victus recidivus fieret mor-
bus, quemadmodum saepe evenit.

551. Qui autem dum alicuius remedii
administratio in longum trahitur neque ab
eo subinde abstinent, neque eius vim modo
imminuunt, modo intendunt, modo sensim
quavis die plenius exhibit, ignorare viden-
tur, eam esse humani corporis naturam, ut
non solum validioribus medicamentis, verum
etiam ipsis quoque venenis paullatim admissis
assuescat, quin ullam mutationem, aut ullum
detrimentum accipiat. Cum enim ab assuetis,
sicuti Philosophi perhibent, non fiat passio,
sequitur necessario, ut corpus, quod a reme-
dio primum assumpto beneficium experieba-
tur, progressu temporis non amplius sentiat,
aut saltem tam lene percipiat, quod malo
vincendo impar existat. Quare, ne in usu
praestantissimi caeterum remedii spe excida-
mus, si quando eius vim sensim augere ipsius
indoles, aut aegri natura prohibeat, quem-
admodum interdum evenit, curemus saltem, ut
maiori ipsius pharmaci virtuti prospiciamus,
aegrotanti suadendo, ut modo ab eo sibi
temperet, modo aptis vicibus ad eius iterum
usum redeat.

552. Duo denique sunt, quae in explo-
randis medicaminum viribus non raro Clinici
neglexerunt. Quidam siquidem ex iis, quae

in uno, aut in altero tantum aegro ex dato medicamento accidebant, de eius viribus, atque usibus generatim iudicarunt, non animadvertentes ob singularem cuiusque corporis vim, temperiem, consuetudinem, atque alia, quae in quovis aegro propria occurunt, plurium una conspirantium observationum seriem, non unum experimentum, accuratissime licet institutum, et captum, requiri, ut quae de remediis deducuntur iudicia generatim vera, ac tuta habeantur. Alii vero, quod uno anni tempore, aut in una morbi constitutione proficuum, ac praesentissimum auxilium experti fuerunt, pari modo et in singulis aliis indicatum, utilissimumque perpetuo futurum nimia fiducia tradidere, cum iam sit evictum pro vario anni tempore, proque dissimili constitutionis genio, ita saepe morborum genera differre, ut necessario differre debeat medicina, quae eisdem adhibeat.

553. Cum tot igitur, ac tam magnae praesto sint caussae, quae fallaces, et dubias, ac parum utiles quorundam Clinicorum observationes reddunt, quae remedia sive iamdiu usurpata, sive recens inventa respiciunt; id mihi curae perpetuo erit, dum vim, atque usum cuiusque medicamenti proferam, ut utrumque ex iis studeam eruere Medicorum observationibus, atque experimentis, quibus rite susceptis, ac candide revelatis omnem fidem cordatus nemo detrectabit. Quod si neque ex aliena, neque ex propria experientia

potero de quibusdam medicamentis , quem-
 admodum nimis saepe eveniet , tutissime
 iudicare , curabo sane , ut meam potius ignoran-
 tiam fatear , quam vero similia sectando pati ,
 ut me ipsum , aliosque in ea re , quae vitam ,
 et sanitatem hominis , quam proxime respicit ,
 falsa veri species unquam decipiat . Qua qui-
 dem de caussa opportunum erit praestare ,
 quod alias pollicitus sum (§ . XX .) me per-
 petuo factutum in viribus recensendis reme-
 diorum , scilicet indicare fontes , e quibus ,
 tum vetera , tum nova quaeque ad praesidia
 sanitatis relata ipse depprompsi , ut facile quis-
 que possit de eorum fontium integritate iu-
 dicare , atque una nullo labore assequi pet
 quo nam Therapeutice locupletior , ac certior
 evaserit . „ Oportet enim , dicam cum CEL-
 „ SO , neque recentiores Viros in iis fraudare
 „ quae vel repeterunt , vel recte secuti sunt ;
 „ et tamen , quae apud antiquiores aliquo
 „ posita sunt auctoribus suis reddere „ .

C A P U T I I.

De Medicamentorum actione, atque in sanguinem itinere.

554. **M**edicina iam orta subinde aliorum salute, aliorum interitu, vana, ac perniciosa discernente ab utilibus, et salutaribus, rationem fuisse quaesitam, repertisque deinde remediis de rationibus eorum homines dissevere coepisse, CELSUS luculenter perhibet. Noverant siquidem, vel antiquissimi Sapientiae, ac Medicinae Professores; per quos maxime ars ista humanae salutis praeses increvit, huic quoque disciplinae ratione opus esse, ipsumque Artificem, ut rationalis, atque aptior sit, praeter usum, in ipsa quoque rerum naturae cognitione, ac penitiori contemplatione versari oportere. Cum enim inter multa similia genera morborum, et remediorum cogitare ipse debeat, quod potissimum medicamentum conveniat; illae omnes conjecturae ab indole remediorum, et naturalibus humani corporis actionibus petitas, quae intam obscuro, atque ancipiti casu tutius, atque utilius auxilium queunt monstrare, ad artem sane, atque ad ipsum Artificem non poterunt non iure pertinere.

555. Inter eas vero conjecturas praecipuam partem sibi vindicare actionem rem-

diorum quisque facile sentiet, qui noverit quantum ipsa luminis afferat, ubi perspecta sit, ad meliorem medendi viam ineundam, atque ad aptius remedium eligendum. Porro, ut caetera mittam exempla, qui non ignorabit inter ea, quae alvum ducunt, multa subesse discrimina, quoniam agunt nonnulla impactis humoribus resolutis, alia constrictis partibus relaxatis, quaedam ventriculi, intestinorumque fibris evidenti stimulo percussis, quaedam etiam vehementi irritatione lacessitis, is, inquam, cum debeat homini, qui inflammatione alicubi laboret, aut in eam valde proclivis sit, medicinam praebere, quae ventrem deiiciat, ab iis sane refugiet, quae irritando, nimiumque corpus commovendo possunt, dum alvum moliuntur, morbum graviorem reddere, ac novum etiam suscitare. Qui vero iam allata discrimina ex agendi ratione petita aut ignorans, aut contemnens in eo, quem posui, casu iis posthabitis, quae, dum alvum molliunt, cum morbo pugnant, acrioribus, irritantibusque ventrem sollicitaret, protinus inflammatione insigniter aucta, aut ea, si nondum adfuit, temere accersita in peius omnia converteret. En itaque quomodo ab ipsa medicamentorum agendi ratione, aut cognita, aut neglecta, caussa deducatur, cur rationalis Medicus ei auxilio sit, cui Empiricus non solum noxam, sed hanc quoque gravissimam infert.

556. Etsi igitur generatim incomprehensibilis adhuc prima, atque intimior ratio ha-

beatur, qua medicamenta agunt, verumque principium, a quo eorundem actio pendet, non evolutum iudicetur, quaecumque tamen ex ipsis remediorum effectibus discriminata apparent, quae sin minus propriorem agendi rationem, saltem manifestas eiusdem actionis dissimilitudines exhibeant, quam sedulo Medicus persequuntur. Considerant scilicet remediorum effectus, seu illas omnes mutationes, quae ex remedio interne, externe vivo homini applicito in solidis, fluidisque partibus, sive singulas, sive alias afficiant, quo ad motum, positum, cohaesionem, tenacitatem, magnitudinem; texturam; figuram; mixtionem, temperiem, densitatem, indolem, colorem, aliasque proprietates nascuntur. Mutationes autem istas cum probesciant non minus ab actione remedii pendere, quod admoveatur, suaque vi, atque impulsu novi motus caussam suppeditat, quam proficisci a viribus vitae, ac naturalibus corporis actionibus, quae agentis remedii vim excipiunt, quaequae illatae mutationis genus suis motibus significant, remediorum effectus, sive ipsi generatim, sive speciatim considerantur, derivandos esse concludunt a modo, quo eadem humanum corpus afficiunt.

557. Quemadmodum vero non omnia remedia ab eadem caussa actionem suam accipere videntur, ipsumque humanum corpus, quod afficiunt, praeter eas dissimilitudines, quas in singulis partibus exhibet, aliis, atque aliis in quovis homine iuxta diversas,

41

quae in unoquoque praestō sunt, proprietates obnoxium iure habeatur, ita Medici, dum modum assequi tentant, quo agunt medicamenta, solent caussas rimari, quae ista possunt discrimina afflere. Harum porro causarum alias deducunt a Physicis, et Chemicis remediorum proprietatibus, alias vero ab humani corporis viribus, actionibus, conditionibusque, quae cuique homini propriae sunt. Ab utroque enim caussarum una conspirantium generē, cum corporis viventis conditio, quae, antequam remedium propriatum fuisset, obtinebat, necessario debeat mutari, ipsa autem mutatio non possit non manifestis signis se prodere; facile assequimur tūc in eo generatim omnis remediorum actio quaeratur.

558. Ad caussas porro quod attinet a medicamentis deductas, explosis iamdiu occultis qualitatibus a GALENO, ut eorum effectus explicaret, inventis, tum falsis rejectis principiis, quae Chemicorum schola ad eundem assequendum finem admisit, atque iis etiam plane hypotheticis rationibus relictis, quas BOERHAAVIUS actionem remediorum ex figura molecularium, e quibus coalescunt, deducens in medium protulit, nuperiores Medicinae Professores remediorum actionem, si de physicis caussis quaestio sit, ab illorum forma, a gravitate, a vi, ob quam corporum particulae una cohaerent, et divisioni resistunt, a tempeste, seu gradū caloris, quo gaudent, a sapore, atque ab odore dedu-

cunt. Neque temere sane iisdem proprietatibus tribui remediorum actionem illa luculenter ostendunt, quae in hanc rem p[re] caeteris III. FOURCROAEUS plenissima doctrina adduxit (a). Penitus siquidem, quam ceteri egerant, vim cuiusque caussae scrutatus, quid quaelibet ad actionem remediorum conferat, apte proposuit. Porro dum contendit inter causas, ob quas medicamenta agunt, formam vix esse enumerandam, quia, nisi insolubilia sint, in stomachum delata eam exuunt, quae vero solvi non possunt et raro solent praescribi, et etiam assumpta, si mechanica excipientur venena, non satis manifeste operantur; a caeteris caussis reliquas mutationes perfici contendit.

559. Et re quidem vera quisnam specie effectibus gravitatis, qui in universa spectantur rerum natura, unquam inficias iverit non ipsa quoque medicamenta ab ea suam actionem agnoscere, quatenus suo iam pondere, sive in stomacho haereant, sive intima corporis occupent, premendo, aliterve operando partes, quibus admoventur, evidenter percellunt, ac mutationem aliquam eisdem inferunt? Profecto sive ea, quae generatim de corporum gravitate Physici prohibent, sive quae de effectibus hydrargyri adhuc liquidi ad ileum sanandum ingesti, ac

(a) L'Art de connoit, et d'empl. les médicaments T. I. chap. IV.

tiborum; aliarumve rerum nimis grave sto-
macho onus inferentium Medici tradunt,
sedula cogitatione reputentur, veritati maxime
consentaneum videtur cum eodem FOUR-
CROAEO affirmare ad praecipias caussas, ob
quas agunt remedia, ipsam quoque gravita-
tem pertinere, eius vim in stomacho, atque
intestinis confestim se exeri, ab hisce ad
reliquas partes iuxta consensus legem actio-
nem propagari, tum particulas medicamento-
rum in sanguinem receptas ea quoque vi
operari, imo effectus eo maiores edere, quo
earum gravitas maior est.

§60. Potior autem caussa, quae medica-
menta ad agendum determinat in ea vi, ob
quam eorum particulae una adhaerent, ac
divisioni resistunt, quamque Chemici agglo-
rationem nominant, quaerenda est. Sunt
quidem nonnulli, qui tantam vim ab hoc
principio expectandam non esse credant,
imo doceant eo misorem esse medicamento-
rum actionem, quo eorum cohaesio maior
est, quia tunc minus divisae eorum moleculae
minus spatium occupant, ac pauciores proin-
de corporis partes attingunt, et percellunt,
ac remissius afficiunt. Sed qui ista preferunt,
etsi profetant, quod rationi apprime consen-
taneum videtur, non animadvertisunt tamen,
quod medicamentis, caeterisque corporibus
accidere ignis, aut frigoris, aliarumve caus-
arum potestate Physici iamdiu repererunt,
scilicet cohaerendi vim, qua gaudent, ita
temperari, moderari, aut immutari, ut pro-

vario eiusdem gradu, ac modo ipsa medicamenta admodum varia suae actionis, virtutis, atque efficacitatis discrimina necessario exhibeant.

561. Ex hoc proinde actionis principio arduum sane non erit et vim, et multiplicem remediorum facultatem assequi. Cum enim observante FOURCROAEO medicamenta gradatim cohaesionem, vel amittant, vel recuperent, ut caloris, aut frigoris actione in aliis corporibus evenit, atque inde dura, ac solida mollescant, liquida fiant, in vaporem resolvantur, ac sub specie aeris, quae gas dicitur, consistant, vel contra in vapores mutata densitatem deinde, duritiem, pristinamque iterum soliditatem acquirant, non possunt sane iuxta dissimiles cohaesioneis gradus non dissimiles, atque ad agendum aptissimas proprietates accipere. Non possunt siquidem a diverso cohaerendi modo non eam accipere densitatem, mollietatem, solubilitatem, tenuitatem, atque ultimam prope divisionem, quae requiritur, ut involvere, inspissare, aut plures partes attingere, intimioresve pervadere, imo dividere, dilatare, aliterve agere queant. Quare fatendum est, eos non intimam scrutatos fuisse remediorum naturam, et vim, qui dum medicamentorum agendi rationem explicare student, vim a vario cohaesioneis modo nascentem vel negligunt, vel negant ab ea quoque medicamenta suam virtutem, maiorem efficacitatem, suamque in agenda constantiam, ac promptitudinem quam saepe agnoscere.

562. Nec minus vere, mea quidem sententia, reliquarum caussarum actionem, quas iam indicavi (§. 55) FOURCROAEUS asseruit, scilicet earum, quas medicaminum temperies, sapor, atque odor afferunt. Ex iis enim phaenomenis, quae ex calore, et frigore in humano corpore accidunt, dum fibras, humoresque varia admodum utriusque vis aggrediens magnas mutationes inferat, tutissimum est arbitrari, medicamenta quoque ipsa pro dissimili eorum temperie, ob quam naturalem corporis calorem vel imminuere, vel intendere queant, magnis effectibus procreandis paria futura, ac revera magnos edere. Id profecto obvio ex diversa aquae temperie exemplo desumpto FOURCROAEUS luculenter confirmat; quae, ut notum est, prout gelu concreta, aut frigida, aut egelida, aut calida, aut fervida, aut in vapores resoluta adhibetur, ob dissimilem gradum caloris, dissimilem exerit actionem, ac varias, et prorsus oppositas mutationes suscitat, quae rursus modo mediocres sint, modo tam vehementes, ac salutares, ut inter potiora, ac maiora artis praesidia aqua locum sibi vindicet.

563. Saporem vero, quod respicit ab eo quoque principium actionis remedia agnoscere illa satis ostendunt, quae sapida corpora cum gustus organum, aliasve sensiles partes attingunt, evidenter excitant. Quae enim e sapidis rebus sensationes nascuntur eiusmodi sunt, ut universas humani corporis

partes plus, minusve afficiant, ac diversi modo commoveant, prout in ipsis sensationibus discrimen sit a dissimili sapidarum particularum indole, ac vi, atque a diversa partium natura, et fabrica, quas sapida corpuscula proxime percellunt. Quae quidem caussae, dum plures in sapore differentias constituunt, proprietates quoque, et dissimiles, et validas medicamentis quibusdam tribuunt, ob quas non in solo gustus organo, verum etiam in cute, in stomacho, caeterisque partibus, quae sensui, et motui prospiciunt, subitas, et magnas mutationes inferant, quas secus, ut experientia evicit, non praestitissent.

564. Tutissime itaque inter caussas, ob quas remedia agunt, saporem admittam, Philosophis, et Chemicis dispiciendum relinquens unde vel sapidum principium pendeat, vel oriatur sensationum, quod a sapore fit, discrimen. Li scilicet dispiciant, num ab intima molecularum, quibus sapidum principium adhaeret, configuratione, quae diversa sit, pendeat discrimen sensationum, quas sapida corpora in gustus organo excitant, ac proinde ex ea caussa nascatur saporum distinctio, an potius ratio affectionis, quam sapidae particulae in communi sensorio suscitant, quaerenda sit in singulati earum vi, ob quam nituntur cum organis, quae attingunt, coniungi, aut forte, quod nonnulli probabilius indicant, ab utraque caussa omne principium, omnis actionis ratio, atque omne discrimen

oriatur. Caeterum FOURCROAEI, aliorumque Chemicorum sententia nisi plane evicta sit, quam proxima tamen videtur veritati, dum constituit, saporem nil aliud esse, quam paullo ante indicatae intimae coniunctionis effectum, et sapores gradu tantum inter se differre, ac proinde non alia de caussa quaedam corpora caustica esse, alia vix sapida, quam, quod dum illa cum aliqua humani corporis parte vehementi vi nituntur uniri, ista aegre admodum ad eam accedant.

565. Odorum denique vis quam late pateat in humano corpore quatenus odora, quae erumpunt e plurimis rebus effluvia mira prorsus subtilitate, fugacitate, et natura olfactus, reliquarumque partium nervos protinus, valideque percellunt, nemo est, qui non videat spectatis effectibus, quos ista pro vario eorum discrimine suscitant. Tanta siquidem est halituum, quos odora corpora effundunt, potentia in immutanda hominis conditione, ut modo protinus vires erigant, modo confestim infirment, modo alias mutationes, vel in aliqua corporis actione, vel in omnibus inferant. Qui quidem effectus inter se mirifice differunt, pro ut dissimilis est species odoris, quae tam multiplex esse solet, ut quaelibet certis nequeat generibus adscribi, quemadmodum alibi dixi. Hinc quae summa genera censentur nonnisi exiguum constituunt specierum numerum, quas odora medicamenta exhibent, quae hoc respectu infinitas pene sistunt dissimilitudines ex eo derivandas,

quod principium, a quo odor pendet, in singularibus corporibus tam diversa ratione se habeat, ut in unoquoque, nisi quo ad indolem, saltem quo ad vim, et modum dissimile videatur.

566. Sane circa principium eiusmodi actionis obrepimur undique tenebris, cum intimam eius naturam detegere nitimus, vel eruere quomodo idem principium in quibusdam rebus fugacissimum sit, atque evanescat, in aliis diutissime adhaereat, nec evelli queat, quin protinus pereat, in nonnullis mutetur, in aliis idem semper maneat, atque in quibusdam cum saporis qualitate conveniat, in caeteris differat. Nec satis assequimur quomodo idem, quod simplicissimum volunt, odorum principium immutetur adeo, ut queat praecipuas quasdam differentias sistere, quae eaedem semper maneant, nec destrui arte possint, ac reliquis odoris principiis basim, ut dicunt, suppeditent. Caeterum, etsi haec nondum innoescant, nec generatim satis constituta odorum divisio mihi videatur, ut monui, quam vel ipse LORRYUS proposuit odores omnes, qui simplices dici debeant, ad quinque genera revocans, quamque Ill. FOURCROAEUS admisit; mihi tamen sufficiunt (ut inter praecipuas caussas, ob quas agunt medicamenta, odorem enumerem) manifesta illa phaenomena, quae odores humani corporis fibris admoti suscitant, utpote quae pro multiplici odoris discrimine, proque varia eiusdem virtute admodum dissimilia sunt,

atque

atque ad magnam inferendam mutationem
maxime valent.

567. Ut enim mittam argumenta, quae
ad ingentem odorum vim in corporis condi-
tione immutanda peti solent ex iis venenis,
quae non ideo, quod gas laethiferum, sed
quod proprium odorum summe nocuum prin-
cipium effundant, olfacentibus extant infensa,
nonne medicamenta suppetunt, quae nervis
maxime admota miras prorsus, ac saluberri-
mas inferunt mutationes? Prout siquidem
ista vel camphoram, vel virosum halitum,
vel aethereum spiritum, vel acidum, vel
alcali, utrumque volatile, spirant (quos prin-
cipes, et simplices odores, ex quibus caeteri
componerentur, LORRYUS censuit) nervos,
atque universas partes dissimiliter percel-
lunt, et commovent tanta saepe promptitu-
dine, ac vehementia, ut recte usurpata pree-
sentissima fiant artis auxilia.

568. Hactenus de caussis actionis, quam
remedia a physicis eorum proprietatibus
agnoscunt; nunc pauca de illa vi, quam
eadem remedia a chemicis eorum facultatibus
accipiunt. Cum enim omnibus corporibus
vis insit, qua eorum particulae divisae, ac
resolutae nituntur cum aliis ex diversis cor-
poribus eductis intime coniungi, ac tunc se
mutuo excipientes, atque una coalitae novum
plane corpus constituant novis affectionibus
praeditum, atque eiusmodi quoque vis affi-
nitatis in humano corpore praesto sit, ut ut
a viribus vitae aliquomodo temperetur, atque

D

immutetur; nuperioribus Chemicis assentimur, cum tradunt, eandem potentiam, aut vim etiam in medicamentorum actione se prodere, eamque volunt ab effectibus prospici, quos eadem pharmaca procreant, tum corporis extrinsecus applicita, tum stomacho, atque intestinis recepta, tum in ipsum sanguinem delata.

569. Quam multa porro non sunt phaenomena, quae ostendunt eiusmodi vim medicamentis praecipuam actionis caussam largiri? Profecto si modus, quo medicamina urentia, et caustica, vel acida, vel alcalica, vel volatilia, vel antiseptica agunt, aut venena, eorumve antidota operantur cuti maxime applicita, consideretur, si dempta quibusdam venenis in os inditis nocendi potentia ex provida assumptione rerum, quae ipsa resolvunt, animadvertisatur, si denique mutationes, quas ex vario remediorum genere humores primas vias alluentes, ac speciatim succus gastricus, atque enthericus, ac bilis facile subeunt, aut solidae partes patiuntur, sedulo spectentur: non solum, ut verosimilimum, sed satis evictum haberi posset, hos effectus magna ex parte a Chemicâ corporum affinitate pendere, quemadmodum Chemiae Proceres tradunt, ac maxime FOURCROAEUS contendit.

570. Nec mihi minoris ponderis videntur, quae ad vim, seu actionem remediorum Chemicam, tum in sanguine, tum in universo corpore demonstrandam idem Auctor

in medium attulit. Satis quippe constare arbitratus medicamentorum particulas sanguinis quoque vias ingredi, atque in eodem, licet divisae summopere sint, ac diverso modo immutatae, suam adhuc virtutem retinere, censuit medicamenta, dum ob multiplicem aliam rationem ab eorum physicis proprietatibus derivandam operantur, Chemica pariter potentia salutares mutationes inferre. Interim non omnes FOURCROAEUM recte iudicasse existimant. Sunt enim nuperrimi quidam Medicinae Scriptores, qui, etsi non audeant prorsus denegare medicamenta in sanguinem venire, ut olim quidam non incelestres Medici tradiderant, paucissima tantum in eum influere putant, atque ea quidem vix non inutiliter omnes sanguinis vias excurrere. Horum quippe utilitatem, vel omnem, vel saltem praecipuam deducunt a proxima eorum actione in stomacho, atque intestinis, quae ministerio nervorum ad alia loca, imo ad universa, modo pedetentim, modo protinus extenditur. Quamobrem officii erit in tam gravi concertatione, quam magni interest dirimere, quae utrinque afferuntur, breviter expendere, ut veritas evidenter elucescat.

571. Imprimis autem praestat expendere quae novissime protulit CULLENIUS ad eorum opinionem vallandam, qui fere omnes medicaminum effectus a stomacho proxime affecto deducunt. Non enim ipse satis habuit cum plerisque, tum mecum affirmare in remediorum actione explicanda stomacho quam

plurimum ideo esse tribuendum, quod illa, quae interiora corporis subeunt, magna ex parte viam stomachi petant, quod eiusmodi viscus tam exquisito donetur seusu, ut vim cuiusque rei, quae humanum possit corpus afficere, plus, minusve sentiat, quodque singularis prope sit inter ventriculum, ac reliquas partes nexus, ac valde evidens, atque insignis consensus cum quibusdam intersit: unde motus in eo a pharmacis inducti ad certa maxime loca, atque ad totum etiam corpus quam facile deriventur. Ulterius siquidem progressus est CULLENIUS, dum conquisitis undique rationibus nititur demonstrare plurimum medicamentorum effectus, qui in variis corporis partibus se produnt, ab eorum actione in stomacho solummodo profici, ac pleraque remedia, quae totum corpus afficiunt, in solo stomacho proxime agere. Verum quae magnus Vir in medium adduxit, nisi mea me fallit opinio, dum luculenter ostendunt plurimum in medicamentorum agendi ratione stomachi vi, et consensui, qui latissime patet, a Medicis iure tribui, non evincunt aut omnem, aut praecipuam, aut propiorem eorundem causam actionis in varia unius stomachi affectione generatim esse constituendam; unde ab ea quoque caeterae explicandae sint mutationes, quae ab usurpatis auxiliis in aliis dissitis corporis sedibus accidentunt.

572. Rem porro ita se habere in plenisque, aut pene omnibus medicamentis per-

pefam ex eo deducitur, quod nonnulla ad stomachum vix delata suos exerant effectus antequam ulterius progressa, aut in sanguinem recepta videantur, quod quaedam tenuissimis, ac fugacissimis donata particulis prompte, expediteque operentur, priusquam humorum conditionem immutent, tum quod alia, quae ob sensiles, atque irritabiles fibras speciatim perculsa salutaria fiunt, actionem suam in toto corpore patefaciant, licet vix soluta, vel adhuc integra in stomacho haerent. Iam vero, ne dicam quaedam remedia a resorbentibus oris, faecium, oesophagi, et ventriculi vasculis hauriri, atque in sanguinem oxyus abripi posse, quam communis ferat opinio, neque ex promptitudine, qua cortex *Peruvianus* febrim interdum avertit, et tollit satis declarari eius virtutem a singulari prorsus modo, quo afficit stomachum pendere, quae sane ex volatilibus, aut so-
pientibus remediis sive vix assumptis, sive adhuc integris nascuntur, neque perpetua, neque praecipua phaenomena sunt, quae sub eorum usu post certum temporis spatium, ac post eorum solutionem, atque absorptio-
nem accidunt. Evenit siquidem istis in sto-
macho haerentibus, quod in aliis accidit phara-
macis, quae etsi vel naribus subdita, vel
linguae tantum imposta, atque ore detenta
fibrillarum sensu affecto vim nervorum vel
erigant, atque excitent, vel imminuant, ac
consopiant; longe tamen certiores, diutur.

nioresque effectus procreant, ubi penitiora corporis subierint, ac cuncta pervaserint.

573. Neque a modo solummodo, quo stomachus percellitur, ac commovetur omnes effectus explicandi sunt reliquorum medicamentum, quae etsi agere non posse vulgo existimentur, nisi partes attingant, in quibus salutaris mutatio praestanda est, aut certa copia ad eas deferantur, attamen in istis stomacho remotis locis opportunas, atque exceptatas mutationes suscitare non multo post ac fuerunt assumpta, aut eas etiam inducunt quamquam exigua quantitate hausta sint, aut aegre, et lente in stomacho solvantur. Nam praeter quamquod istis quoque remedii generatim tantum temporis relinquitur, quantum sufficit, ut aliqua eorum portio soluta in sanguinem advehatur, atque ad ea loca, quae eorum contactu indigent, perveniat, humanum corpus ita a natura constitutum videtur, ut minimam etiam quorundam medicamentum vim eius partes, maximeque intimae, penitioresque manifeste sentiant. Eam vero potissimum percipere solent cum magis sensiles atque irritabiles fibrae evaserint, atque ab iis percussae sint particulis, quarum medica virtus, sive iam per se magna est, sive ad insignes effectus praestandos ideo aptissima existit, quia vel in stomacho, atque intestinis, vel in ipsis vasis, quae cum humoribus perfluent, vel in utroque itinere ob quarundam caussatum actionem novum virium incrementum subierit.

574. Quod si ex singūlari aliquo casu ,
vel a peculiari alicuius pharmaci actione ,
quis concluderet generatim constituendum esse
medicamenta , quae universum nervorum sy-
stema afficiunt , et proxime , et solum in
stomacho agere , temere concluderet ; non
minus sane inconsiderate ille ageret , qui ab
eodem principio , seu ab eodem viscere af-
fecto deducendos arbitraretur generales pari-
ter effectus , qui ab assumptis interne medi-
camentis in universo vasorum sanguineorum
genere nascuntur . Non enim argumentum ,
quod ab actione remediorum , quae sudorem
movent , desumit CULLENIUS , tanti ego ha-
beo , ut tutissimum arbitrer allatam sententiam
constituere . Porro si concedit , cum caeterae
augentur exanitiones , seu , ut dicunt , eva-
cuationes , medicamenta , quae eas sollicitant ,
atque eliciunt , organis revera admoveri , quae
secretioni , atque excretioni humoris egerendi
inserviunt , cur hanc agendi rationem prorsus
denegat pharmacis , quae sudorem movent ,
atque omnem eorum effectum ab uno stoma-
cho repetit , qui stimulum , quo fuit percur-
sus , ad cor , atque ad arterias usque traducat ,
seu cum istis partibus communicet ?

575. Id quidem denego , inquit CULLE-
NIUS , quia de aliis exanitionibus quod
verum est nullo modo de sudoribus potest
admitti , tum exigua spectata quantitate me-
dicamenti , quod eos ciet , tum forte perspe-
cta eiusmodi excretionis natura , quae neque
a glandulis , neque ab excretoriis earum

ductibus perficitur. Verum quisnam ignorat, quaedam medicamenta, quamdiu in stomacho manent, tamdiu sudorem non elicere, eumque excitare, quando certo temporis spatio exacto sanguini affusa fuisse licet coniicere, aut quaedam quando revera cum caeteris humoribus in circuitum ducta, ac per totum corpus diffusa proprio iam stimulo vasorum fibras proxime percilleré manifesta phaenomena declarant? Quisnam rursus potest nescire alia medicamenta non prius sudorem elicere, quam humorum, quos attingunt, conditionem mutaverint, aut alia etiam sudori ciendo paria subessé, etsi summam tantum cutim afficiant, vel ex hac via intacto stomacho ad intimiora ferantur? Profecto qui ista iamdiu experientia constituta non negligat, cavebit, ne quod in uno, aut in altero locum habet genere auxiliorum, quae sudorem movent, id in omnibus aequa obtinere temere concludat.

576. Caussam praeterea non video, ob quam CULLENIUS crediderit medicamenta non nisi in stomacho ex eo operari, quod mutari ipsa queant ab iis viribus ventriculi, intestinorumque, quae assumptorum assimilatiōnē prospiciunt, unde si quam actionem eadem medicamina exerant, eam necessariō exerere debeant eo temporis momento, quo primo stomachum attingunt, vel antequām a digestionis opere mutantur. Porro si idem ingeniosissimus caeterum Auctor probe sensit, ac saepius docuit, materiem illam a

natura in corporibus inditam, a qua medica eorum virtus pendet, a digestio*nis* potentiss non mutari, eamque vix, ac ne vix quidem affici, quomodo postea animadvertis coctionis vi texturam vegetabilium disrumpi, ac singulas partes evolvi, inde deduxerit medicatis eorum particulis impedimentum opponi, ne ultra stomachum vim suam extendant, ego sane non assequor. Praesertim vero dum considero tam multa suppeterem remedia, quae etsi vegetabilia, vix aliquas habent nutritioni aptas particulas dum medicatis abundant, ac fossilia medicamenta nullam nutriendo corpori idoneam materiem erogare, quae proinde queat digestio*nis* potentiss obsequi; dumque una video in ventriculo, atque intestinis patulas vias, quas medicamentorum moleculae facile subeant, ac continuato itinere suis adhuc proprietatibus donatae in sanguinem irruant, atque hac illac ferantur ad salutem.

577. Illud denique, quod ultimo loco adducitur ad actionem plurium medicamentorum in stomacho circumscribendam petitum ab admixtione principiorum, humorumque in eodem viscere haerentium non melius iam allatis rationibus propositam sententiam veritati consentaneam declarat. Enim vero quod de acido, et copioso, et evoluto in humano stomacho traditur observationibus, quas in homine tum ego pluries institui, tum Ill. SPALLANZANIUS suscepit (si morbos acoris casus excipimus) manifeste repugnat. Hinc

nisi acorem, vel e reliquis ciborum, aut nondum, aut non satis immutatis, vel ex morbo natum alcalica intus delata offendant; ipsa quidem in neutram naturam converti nec possunt, nec revera solent, ut in ea hypothesi fidentissime admittitur.

578. Verum hoc etiam concesso si admitterem alcalica eiusmodi acido saturata medium indolem in stomacho perpetuo adipisci, eaque sola ratione in humano corpore operari, atque ideo tantum medicamenta existere, quod non mediocrem copiam acidi secum abreperint, quod secus humores, dum componuntur, una recepissent; non possem tamen iudicare remediorum medium naturam habentium actionem tam angustis limitibus coerceri. Ulterius siquidem progredi, in sanguinem defferri, ac, quin sub hoc itinere suas exuant proprietates, vim suam diffundere per vasa in totum corpus, atque hac etiam ratione salutares suos effectus edere ratio, atque experientia evincunt.

579. Si itaque non omnis medicamentorum actio in stomacho, innexisque intestinis quaerenda est, licet plerumque insignis existat, ac maior generatim sit, quam in caeteris partibus appareat, cavendum est ne, qui istis debentur effectus uni stomacho temere referantur; quemadmodum ii solent, qui censem, quam paucissima occurrere medicamenta, quae in sanguinem veniant, aut integris saltem vitibus in eum irruant. Contra-rium quippe constituendum esse, ac revera

affirmandum omnibus medicamentis generatim viam patere, qua sanguini affundantur, atque in eodem affusa universas corporis partes pervadant, suasque vires pro varia eorum natura, modo in uno tantum loco, modo in omnibus exerant, tam multa sunt, quae ostendunt, ut otio abutentis videri posset in hac quaestione immorari, nisi summi quidam in Arte Viri olim crediderint, atque inter eos quidam adhuc crederent plerisque medicamentis vetitum iter in sanguinem a natura fuisse.

580. Quam multa porro non suppetunt rationum momenta, quae manifeste demonstrant medicamina in sanguinem ingredi ex his petita, quae singula eorum genera assumpta procreant, quaeque Medicos generatim non latent? Praetereo, quae desumi solent a manifesta quorundam evacuantium remediorum actione, quae ideo aut salivam movent, aut urinam expellunt, quia organis, quae utramque secretionem, excretionemque praestant, revera admoventur. Mitto quam plurimum alterantium medicamentorum effectus, qui dum ostendunt eorum virtute fluidarum, solidarumque partium conditionem mutatam fuisse, eisdemque pristinam integritatem restitutam, quin ulla acciderit particularum a naturae ordine aberrantium excretio, non obscure declarant, eadem medicamenta intius delata ea loca, eosque humores attigisse, e quibus vitium aliquod erat provida emendatione adimendum. Reticeo denique

mutationes non paucas, atque interdum ingentes in sanguinis motu, atque in universis functionibus a quibusdam pharmacis fieri, quae proprie explicari, atque intelligi nequeunt, nisi haec in sanguinem sibi aditum aperuisse, ac totum vere corpus permeasse existimentur. Praesto siquidem sunt, quamquam ista negligantur, tutiora adhuc argumenta, quibus medicaminum ingressum in sanguinem, atque una cum humoribus per quaelibet loca circuitum, eorumque modo in una, modo in altera parte, modo in omni proximam actionem clarius, et certius quisque constitutat.

581. Propius autem evincunt, rem ita se habere mutationes sensibus perviae, quas non pauca remedia inferunt variis humoribus e sanguine proxime secerni solitis, quatentis cum ipsis suas qualitates, et vires tam evidenter communicant, ut ipsi deinde excreti, quas a mixtione novas proprietates acceperunt, adhuc retineant, ac manifestis signis patefacent. Eiusmodi sane totissimum indicium praebet halitus volatilium quorundam medicaminum, ac speciatim *Moschi*, vel diu, vel abunde assumpti, qui e cute erumpit, ac linteal, et vestes quibus obvelatur corpus facile inficit, ut non raro vidi; praebet *Rhei palmati* radix, quam ingestam odore, et colore suo manantem sudorem, atque una tunicas carni adhaerentes imbuisse *MENTZELIUS*, *TILLINGIUS*, aliique observarunt, imo urinam rufam reddere, seu rubro, qui

ad luteum declinet, colore tingere passim experimur; praebet foetor cum sudore ex eorum corporibus, quibus *cetaceorum oleum* curationis caussa fuit exhibitum, exhalans, qui, animadvertente Ill. PERCIVALIO (a), quo magis ingrato olei odori, nempe corrupti piscis, respondet, ac validior est, eo certius indicat haustum remediorum profuturum; praebet rursus urina, quae ab *Asparagi officinalis* turionibus ingestis singulari prope foetore imbuitur, quemadmodum alienum halitum spirat ex vegetabilibus aliis, quae singillatim persequi nimium esset.

582. Praeter haec vero nonne medicamina in sanguinem venire, cum eo intime commisceri, ac penitiora quaeque pervadere, quin suam virtutem amittant, lac luculenter ostendit, quod ab uberibus nutricis, quae alvum dicens remedium assumpserit, ab infante exsuctum huic ventrem, quemadmodum purgantia solent, interdum movet? Profecto etsi perpetuo non videamus lac principia, et qualitates quorundam remediorum, quibus nutrix usa est, suspicere, atque ita quidem suspicere, ut medicatum evadat, suamque vim in lactentis corpus deducat; id tamen perperam ex eo denegavit CULLENIUS, quod nunquam eiusmodi phaenomenon viderit. Enim vero, quod ipse non observavit, ego non semel vidi, atque alii summae au-

(a) Memoirs of the literary and phil. Soc. at Manchester Vol. the third.

ctoritatis Viri observarunt. Possem, nisi oporteret brevitati consulere, quam plura existis petita exempla proferre, possem ea adducere, quae ex animalibus, maximeque ex Vaccis, quarum lac quarundam herbarum, quibus vicitant, odorem, saporem, aliasque proprietates induit, peti solent; possem rursus ea narrare, quae ad detegendum quoque lac ipsum ab assumptis medicamentis in herbivoris quadrupedibus immutetur, in Capris maxime egi. At cum tempori parendum sit, hisce modo posthabitum, solum monebo, quod in quibusdam mulieribus, quae lac praebebant, nuper mihi contigit observare a nonnullis medicamentis usurpati, scilicet lac in tribus foeminis assumpti rhabarbari odorem, saporem, ac vim alvum solventem retulisse, in duabus ex Manna abunde ore sumpta adeo purgans factum, ut infanti datum alvi profluviu[m] concitarit, in pluribus ex *Alii sativi* largiori usu eiusdem odoris foeditatem contraxisse, atque in una denique nutrice non exiguum Peruviani corticis copiam sumente tantam eius sapori persimilem amaritiem consequutum fuisse, ut cuique gustanti perspicua esset, tum invisa infanti, qui admota ubera fere refugiebat.

583. Non minori rursus perspicuitate remediorum ingressum in sanguinem ostendit phaenomenon cuique notissimum a MIZALDO primo animadversum, quod *Rubia tinctorum* edit, quodque *Galii variae species*, ut

luteum, mollugo, et aparine, Valantia cruciata, aliaeque fortasse stirpes etiam exhibit. Ex earum enim radicibus pabulo ad aliquot dies admixtis cum animalium ossa roseo colore tingantur, terra ossis potissimum affecta, ac subinde humores ex eisdem soleant proprium colorem mutare, nonne remediorum in sanguinem iter, cum eo mixtionem, moram, et penetrandi vim, cui nec durissima ossium fabrica resistat, luculentius adhuc quisque percipiet?

584. Ne autem dicas ista utique ex animalibus, ac vegetabilibus petita verosimile esse in sanguinem venire cum partibus conflentur, quae nihil, aut parum indole differant ab iis, e quibus humanum corpus componitur, tum quae differunt, nempe medicatas particulas in humoribus solvi, eisdemque admixtas extrema vasculorum oscula subire, atque ulterius progreedi posse; non item caetera medicamenta vel ex partibus humanae naturae prorsus dissimilibus coalita, vel admodum acria, vel haedendo corpori paria; ne, inquam, id forte dicas, praesto sunt argumenta, quae haec quoque in sanguinem affundi, atque ad certa, imo ad singula loca intactis viribus pervenire demonstrent. Profecto etsi plane certum credam, quod iamdiu docuit HALLERUS (*a*) villos contractiles in lacteis vasis occurrere, atque in hoc vasorum

(a) Op. cit. lib. XXV. p. 234.

generē vim contractilem multo, quam in vasis rubris insit, validiorem esse, imo ad hanc lacteorum irritabilem facultatem cum eo referam, " si eorum ostia acria varia, et venenata, et spiritus acidos intestina re plentes non facile ad sanguinem admit tant"; contendo nihilominus ista quoque, quaecumque permissi itineris caussa consti tuenda sit, suis qualitatibus praedita genera tim admittere.

585. Utrumque maxime ostendunt *terebinthina*, *resinæ*, et *balsana* dum in os ingesta violae odore, vel alio sibi magis proprio urinam imbūunt, eam præsertim proritant, aliosque edunt in secundis viis suae virtutis effectus; ostendunt *caantharides*, quae sive deglutitiae, sive impositae in urinæ, ac generationis organa speciatim agunt proximæ suae actionis manifestis editis signis; ostendunt ea venena, quae maxime sanguinem afficiunt, atque eum, vel resolvendo, vel cogendo, vel alia ratione corrumpendo extio sunt, tum illa, quae certas partes, aut ipsa speciatim ossa aggrediuntur, quemadmodum a corrupto tritico singulare virus terram ossibus adimens in se habente evenire dicitur; ostendunt rursus duo maxime acida, nempe *sulphuricum*, et *muriaticum* cum illud adhuc acidum e cute erumpere dum scabiem sanat, hoc vero assumptum cauteria, atque ulcera irritare vel ipse CULLENIUS fateatur (a);

ostendunt denique acria nonnulla, quae ad secretoria organa ducuntur sua a credine donata, ea que retenta e corpore prodeunt; quemadmodum *Sodae solutionem* efficere III. PERCIVALIUS testatur (*a*) dum monet largiter assumptam urinam alcalicam reddere.

586. Ea rursus medicamenta e fossilibus deprompta, de quorum in sanguinem ingressu magis ambigunt Medici, scilicet mineralium, ac metallorum particulas nondum arte naturam consequutas, qua in humoribus vel facile, vel perfecte solubiles evadant, lactea quoque vasa subire, ad sanguinem delabi, cunctas cum eo partes permeare, atque eas, quas revera attingunt, corrigere, integrasque reddere, tot sunt, quae luculenter significant, ut denegare inconsideratissimae sit temeritatis. Si enim dubites de *Sulphure*, dubitationem omnem abiicies observando sub interno eius usu erumpentem cutis emanationem sulphur redolere, atque argentum colore inficere, imo illius virtute quasdam cutis aegritudines discuti (*b*). Si de *Oxydo hydrargyri sulphurato tum nigro*, seu aethiope minerali, tum *rubro* seu cinnabari, tum de *Stybio*, deque variis eius *Oxydis haereas*, facile assentes animadvertisendo, quod gravissimi observarunt Medicinae Proceres, quodque ipse non semel,

Tom. II.

E

(*a*) Op. cit.

(*b*) Ibid.

at pluries vidi, ista remedia diu, et copiose in aegris adhibita praestare, nempe interdum salivam movere. Si ambigas de nonnullis aliis, non amplius dubius haerebis reputans animo vel ipsum encausti genus, quod *Oxydum cobalti vitreum* nominant tenuissime tritum ad sanguinem deferri, sicuti ex MURGRAVII periculis in canibus institutis PERCIVALIUS apposite coniecit. Si denique de *Plumbo*, de *Hydrargyro*, ac de aliis metallis, fossilibusque nondum arte multum mutatis in ambiguo sis, eorum effectus respice, qui in singulis corporis partibus se produnt, si ex eisdem ducta remedia tum exterius, tum intrinsecus usurpentur, ac sententiam mutabis.

587. Quae cum ita sint mirari non possum Nuperiores non paucos contendere vetitum iter in sanguinem esse tum *Ferri*, aut *Calybis* suam adhuc metallicam naturam habentis particulis tenuissimis, tum reliquis etiam ex eo petitis remediis, quibus solubillem in humoribus qualitatem concedunt, ac proinde horum omnium actionem stomacho, atque intestinis coerceri, eorumque utilitatem solummodo pendere a robore, quod istis partibus addunt, atque ab earum consensu cum reliquis, quae totum corpus constituant. Miror profecto hanc sententiam claros quosdam Viros amplexos fuisse, maximeque CULLENIUM, Etsi enim praecipuam Ferri in morbis utilitatem a robore, quod stomacho atque intestinis tribuit, deducam, ac

satis assequar quomodo hisce firmatis partibus reliquae pariter confirmantur; censeo nihilominus eius particulas ad sanguinem quoque traduci, atque eum ingressas non una ratione, nec quidem mediocriter, prodesse, tum speciatim prospicere, ne inducto robori laxitas, atque infirmitas brevi succedant.

588. Porro eas particulas ad sanguinem deferri nec si vellem ullo modo possem denegare, cum eum subire experiundo, atque observando ipse cognoverim. Mitto quae ad Ferri per lactea vasa in sanguinem ingressum demonstrandum protulit HALLERUS; mitto quae ab aliis animadversa sunt, ac praesertim ab iis, qui de viribus, atque usibus disserunt aquarum, quae a Ferro, quod vehunt, potiorem virtutem agnoscunt; mitto etiam, quae adversus WRIGHTIUM remedia ex ferro praeparata ad vasa transire negantem pericula in animalibus suscepta possem proferre. Iстis enim, quibus forte aliquid non sine veri specie posset opponi, non egeo argumentis, cum viderim quatuor foeminas, quae iam a pluribus diebus Ferri scobem largiter sumebant, ut avoato menstrui sanguinis fluxu ob laxitatem cohíbito, ac viribus restitutis convalescerent, urinas reddere, quae Ferrum, nec quidem copia exiguum, consuetis Chemiae rationibus nullo adhibito igne exploratae protinus demitterent.

589. Ex his igitur quid de remediorum in sanguinem itinere sentiendum sit facile potest intelligi, etsi illa negligantur, quae de infantium curationibus praestitis, quoties e nutricibus remedia ipsis accommodata, ac pernecessaria sumentibus medicatissimum lac exsugent Clinicorum non pauci candore animi, atque artis usu praestantes perhibent. Quae enim hactenus adduxi aperte demonstrant medicamenta pene omnia in sanguinem venire, suisque viribus adhuc praedita generatim venire, quin negotium debeat cuique facessere quod a plerisque dissentendi causa proponitur, ideo multa in sanguinem non recipi, quia in humoribus, qui vel in primis, vel in secundis viis praesto sunt, solvi nullo modo possunt. Si enim, inquiunt, in eo consentiunt fere omnes medicamenta non agere nisi soluta, nonne efficacitate carebunt, quae solvi non possunt? Nonne insolubilia suppetunt plura, atque idcirco non pauca, quae sanguinis iter non petunt, aut nullam vim exerunt, aut in stomacho, atque intestinis solummodo operantur?

590. Quaedam sane inter ea, quibus medendi caussa Medici utuntur, praesto esse, quae in stomacho, atque intestinis solvi generatim renuant eo in sensu, quo corpora soluta a Chemicis vocantur, ego nunquam denegabo. Subit enim recordatio eorum, quae ad eiusmodi quaestionem persolvendam olim egi, quaeque ab experientis, observationibusque deducta alibi mo-

ndi (a). Memini siquidem me observasse *Oxydum non unum, nempe ferri luteum, hydargyri sulphuratum, tum nigrum, tum rubeum, zinci sublimatum, ac stibii album nitro confectum valde ablutum, Sulphur sublimatum, ac Sulphuretum stibii nativum non solum in gastrico succo ex homine sumpto, sed neque in aliis eius liquoribus primas vias alluentibus, in humore scilicet pancreatico, in entherico, atque in ipsa bile soluta fuisse.* Verum ex eiusmodi experimentorum eventu neque tunc arguebar, quod modo quaeritur, vel illa remedia inutilia esse, vel tantum in stomacho, atque intestinis operando prodesse, vel ad sanguinem non perduci; neque nunc quidem arguar cum eorum virtus, in morbis utilitas, atque in sanguinem iter ex iis, quae paullo ante (§. 586.) proposui, ac Medici perhibent, perspicue innotescant.

591. Cum autem manifeste agant, atque in sanguinem veniant illud necessario consequitur vel chemicam remediorum solutionem in humoribus humani corporis non requiri, ut eorum actio se exerat, vel eam, nisi perpetuo, saltem interdum, in primis viis perfici, aut potius in secundis contingere. Si illud dicas, dices profecto, quod ab iis traditur, qui credunt sufficere, ut medica-

E 3

(a) Ricerche sulla natura es. del suo gastrico. Cap. VII.

menta, quae perfecte solvi nequeunt eam
habeant tenuitatem, proprietatemque, qua
humoribus admixta, adiuncta, atque, ut
dicunt, aggregata instar olei ob interpositam
mucaginem cum aqua uniti, per lymphatica,
aut lactea vasa in sanguinem advehantur. Si
vero alterum mavis defendere, cum aliis
credas, quae in stomachi, atque intestinorum
succis adhuc integris solvi non possunt,
solvi, ubi acido, vel alcali, vel alio princi-
pio, sicuti interdum accidit, una suscepto
iidem succi novam indolem assumpserint,
vel eorum solutionem aliis modis perfici.
Docent siquidem tunc solutionem ab humo-
ribus in sanguine haerentibus fieri, vel ab
aliis caussis originem ducere, quae sive in
stomacho, atque intestinis, sive in reliquis
partibus medicamenta ita resolvant, ut no-
vam iam naturam consequuta solutionem non
amplius respuant.

592. Neque a stomacho, atque ab in-
testinis tenuibus una est via, qua remediis
patet aditus in sanguinem. Nam, ut mittam
in alvum infusa a lacteis vasculis, quae in
crassis quoque intestinis occurruunt, resorpta
ad sanguinea vasa deferri, pleraque etiam
medicamenta externe adhibita summam cutim
ita permeant, ut ad eadem vasa, ad cor,
atque ex eo ad singulas corporis partes de-
ducantur non sine magno interdum effectu,
atque insigni aegrorum commodo. Nonne
enim ex iis periculis, tutissimisque rationum
momentis, quae ad cutis inhalationem neque

HIPPOCRATI, neque GALENO, neque veteribus aliis Medicis incognitam certius demonstrandam una complexus est Vir magni nominis HALLERUS, exploratissimum est, tenuiores medicamentorum particulas obvia ubique in cute, ac satis patula resorbentia vasa, quae etiam laxari, ac constringi possunt, facile subire, ex istis ad sanguinem usque meare, ac per totum corpus diduci? Quae sane vascula ex lymphaticorum generre in cute pervia tenuem ex aere humorem resorbent, aliaque ex eo principia singulari quadam affinitatis lege attrahunt, impositorum quoque medicaminum moleculas abripiunt, ulterius vehunt, atque ad intimiora modo lente, modo prompte deferunt.

593. Nec pauca quidem credas per hanc viam ad sanguinem deferri ex eo, quod non nulli arbitrantur effectus, quos pharmaca cuti imposita excitant, a proxima eorum actione in ipsum cutis organum ob copiam nervorum exquisito sensu donatum generatim profisci, non ab eorum particulis ad sanguinem delatis. Profecto non denego quorundam pharmacorum effectus priori potius modo, quam altero rectius explicari, praesertim cum insignis sit inter cutim, atque intimiores quasdam partes consensus a nervis, ne de ipsa loquar vasorum communicatione, quam lymphaticorum fabrica praestat. Satis equidem intelligo ex proxime affectis nervis, qui ad oculum pertinent, quomodo foliis *Atropae belladonnae* ci applicitis pupilla prius dilatata,

ac dein amaurosis fuerit consequitā, ut Medici perhibent. Satis item assequor ex ipsa fibrillarum, quae in cute sunt, nervearum affectione quomodo *Aconiti napelli* fascicula puellarum sinibus imposta summum virium languorem intulerint, quemadmodum post VIRIDETUM se observasse SCOPOLIUS fassus est. Satis denique explicō, ne caetera perse-
quar, a miro consensu, quem nervi cutis,
ac speciatim inferiorum artuum, et pedum
habent cum iis, qui intestina reptant, quo-
modo abdomini, aut plantis pedum vel gla-
cies imposta, vel quodpiam aliud corpus ad-
motum ad subitam, atque ingentem mutationem
inferrendam idoneum eadem intestina ad dei-
ciendum sollicitet.

594. Ista sane ab alterutra, quam posui,
caussa facile et tuto deduco; sed interim
reliquas mutationes, quas imposta pleraque
medicamina inferunt ab eorum in sanguinem
ingressu, ac proxima in ipsum actione ae-
quiori iure derivandas esse contendō. Id
quippe volunt, dicam cum HALLERO (a)
„effectus manifesti medicamentorum cuti ap-
„plicatorum, vaporum, mercurii, terebinthi-
„uae, croci, aquae in balneis, emplastrorum,
„quae argentum vivum recipiunt, aut nicotia-
„nam, colocynthidem, opium, cantharides, ar-
„senicum, venenorū per cutem resorptorum
„funesta efficacia, etc. Volunt id quae de *Oxydo*

(a) Prim. Lin. Physiol. §. 442.

Sibii sulphurato semi-vitreo, aliisque *Oxydis* acceptimus, quae externe apta méthode usurpata vomitum concitarunt, quemque moverunt *Hellobori albi* recentes radices epigastrio applicatae; quae de ungentis quibusdam, ac speciatim de *Arthanita* impositis ventri novimus, quibus alvum in infantibus, et pueris crebro duxisse *Clinicorum* non pauci fatentur. Volunt quae de utilitate quorundam remediorum ad vermes enecandos ubi imponantur infantis ventri gravissimi Medici tradunt. Id rursus volunt remedia alia, ac presertim *Oleum capieput*, quod plantae pedis affrictum ori saporem suum reddere *SCHWENKIUS* vidit; *Alii sativi* radix, quam corpori applicitam oris halitum foedare post caeteros *PERCIVALIUS* (a) tradit; atque ipsa *Terebinthina*, quam manibus contrectatam urinam violae odore imbucere *KAAWIUS* testatur (b). Id denique volunt, ut unum tantum in multa copia simillium ad venena pertinentium diligam, quae de damnis a Fuco ex *Oxydo plumbi* illatis Caesar. Chiriatr. Comes III. Eques *BRAMBILLA*, paralysi, colicis doloribus, convulsions, ac morte diutinum eius usum consequitis consulto animadvertis, quaeque idem *PERCIVALIUS* retulit (c) ex III. *WALLII* fide de colicis doloribus cum febre coniunctis

(a) Op. cit.

(b) *HALLER* op. cit. lib. XII. p. 85.

(c) On the poison of lead. p. 126.

nervorumque distentionibus in tenero admodum puerο observatis, qui nudis pedibus super *Plumbi* laminas non satis post fusionem refrigeratas incedere consueverat.

595. Quemadmodum vero inhalantia cutis vasa tenues medicaminum particulas resorbent nonne licebit fidenter affirmare ab ipsis etiam pulmonibus si quando cum aere subtilissimae eorum moleculae ad bronchia deferantur, praesertim quae sub specie vaporis consistunt, progredi ex eiusmodi viscere ad sanguinem? Cum pulmonum extimae partes a cutis fabrica natura non differant, atque inhalantibus vasculis non careant nuper rimis utique assentimur Scriptoribus, qui eiusmodi remediorum vaporis aut tenuitatem, aut naturam habentium ingressum per eiusmodi quoque viam ad sanguinea vasa et rationi, et experientiae consentaneum iudicant. Eo enim modo quo effusa in cavo pectoris lympha, aut alijs humor ab eisdem vasculis interdum resorbetur, quae aliunde cum aere advenerint pariter resorberi quid vetat? Quid quod uno, aut alio potius modo mutatae medicamentorum moleculae eadem vasa subeant?

596. Aliam ulterius viam patere medicamentis, qua in sanguinem advehantur, ubi scilicet per uretram idoneo instrumento infusa ad vesicam deducta sint, quemadmodum in singularium morborum curationibus perfici interdum solet, nemo est, qui ignoret, ne dicam modo in quibusdam Chirurgicis administratio-ribus in cava humani corporis ob vulnus aut

casu, aut arte reserata medicatos liquores
infectos resorberi, atque in sanguinem irruere. Sunt enim vero in vesicae interiori facie,
suntque in caeteris corporis cavis locis inhali-
lantium vasorum patula oscula, quae liquori-
bus, nec quidem tenuioribus, resorbendis cum
paria existant eos ad communem humorum
fontem summa interdum promptitudine tradu-
cant.

597. Licet autem natura cum ab internis, cum ab externis partibus viam paraverit, quam medicamenta ingrederentur, ut ad sanguinem venirent, suasque vires per singula loca circuitus ope diducerent, non defuerunt nihilominus Viri, qui valetudinis certius restituenda, ac vitae diuturnioris efficiendae studio permoti novas tentare rationes, novosque arte comparare aditus sibi proponerent, per quos medicamina oxyli sanguinem attingerent, eumque proximus, et virium suarum integritate plane servata validius afficerent. Quod scilicet accidere in brutis animalibus sine ullo interdum vitae discrimine a quibusdam pharmacis in venas instillatis animadverterant idem plane, imo longe utilius, et tutius eventurum coniecerunt in aegris hominibus ab eiusmodi remediorum administratione prudenter, atque opportunè instituta. Nec defuere qui, sin minus proximam in venas reseratas medicamentum infusionem et vacuam periculo, et proficuum admodum crederent, saltem tutam, utilissimamque iudicarent quorundam, quae copia etiam exigua

insignes edunt effectus, insitionem sub cute idonea ratione peractam.

598. Porro ab alterutra medendi methodo quam multa Medicorum quidam sibi non pollicebantur, cum in eam profunda cogitatione defixi singulas eiusdem utilitates, atque usus coniectando perquirerent? Hisce curandi rationibus quidam morborum quorundam semina destrui posse antequam evolventur, quidam proserpentes iam aegritudines aliquas protinus discuti, quidam certo eas curari, quae aliis modis immedicabiles essent, quidam demum naturale hominis decrementum retardari, atque una quam longissimam eius vitam effici posse suspicati fuerunt. Enim vero, inquiunt, si variolarum, aut morbillorum virus cuti insitum singulare aegritudinis genus sanissimo homini inficer ei laboranti pharmacum aliquod paratione inditum proficere non poterit mature usurpatum, atque ex veneno suscepto vel instantis, vel se iam evolventis mali antidotum, vel absolutorium evadere? Si in sanguinem instillata, vel sub cute inserta, quorundam praesestim animalium venena humanum corpus pessime immutant, ac vitam adimunt, cur quaedam medicamenta ita adhibita salutares mutationes non procreabunt, et vitam labantem pristinæ integritati non restituent? Nonne de quibusdam venenis ex animalium classe petitis iam constat ad eorum enervandum vi-
rus, atque omnino infringendum nil esse po-
tentius quam aliquod pharmacum in ipsum

vulnus, in quod animal lethi causam infudit,
propere demissum?

599. Num etiam hoc modo, addunt, singulares medicinae detegi possent, quae dum minima corporis vascula intactis plane viribus permeando, atque ubique se se adigendo composito humorum motu, atque illorum fluiditate aequa servata, aut reddita, itemque fibris mollitie restituta, terrae collectionem in solidis partibus retardarent, aut eiusdem excessum iam ortum tollerent, unde sensilitatis, atque irritabilitatis decrementum ad insigne tempus praepedirent? Nonne, quod, ut alibi monui (§. 87.) virus e tritico, *Ergot* nuncupatum efficit terram ex ossibus adimens tutius quaedam pharmaca praestarent? Huius porro, aliarumque caussarum, quae ad praecocem interitum paullatim nos ducunt, effectibus pro corporis necessitate cohibitis num homo posset suam diutius curare valetudinem, suaque vitae curriculum in longius protrahere?

600. Qui in rerum contemplatione fervidae imaginationi nimium indulgent in haec quasi nescientes ita abripi solent, ut ipsis plane vera, ac tuta videantur, quae vel tantum aliqua ex parte consentanea sunt veritati, vel experientiae adversantur. Quamquam enim verosimile sit suspicari, medicaminum quorundam sub cute inditorum vim interdum magiam futuram, quemadmodum ad *Colubris beri*, seu *viperae nostratis* virus penitus infringendum *Potassa fusa* sic adhibita in experi-

mentis III. FONTANAE (a) summam habuit, ac quaedam alia adversus nonnulla venena habere dicuntur; attamen nimia adhuc laboramus similium observationum inopia, ut quisque possit hanc medendi rationem multis usus arbitrari. Maxime vero cum ex fausto eiusdem eventu nequeat constitui, quod nunc est in quaestione, tutius nempe, atque utilius per hanc viam pharmaca sanguinem ingredi. Quae enim cuti intromissa, aut vulneribus inflictis imposita profuerunt dempta venenis contagie, ac nocendi potestate, non ideo futuras aerumnas prohibuere, aut praesentissimam incipientis mali medelam attulere, quod in sanguinem irruerant; sed quod in cute, aut in vulnere, proximisque huius partibus hærens adhuc virus ad nocendum impar sua virtute reddiderunt.

601. Ad medicaminum vero injectionem quod attinet in venas aegrorum post illa, quae alio fine de ea, sive in animalibus, sive in homine suscepta superius monui (§. 538. 539.) vix oportet dicere hoc medendi genus tam plenum discriminis esse, ut ab eo prorsus debeat prudens Artifex abstinere, etiam cum conclamatum est, ne videatur occidisse, quem ipsius sors interemit, ipsamque artem in criminationem adducat non caedem, sed sanitatem molientem. Interim cum etiam post ea, quae ad hujus medendi rationis olim propo-

(a) Sur le poisons T. 2. supplément.

sitas, atque interdum adhibitae inutilitatem, atque perniciem demonstrandam Medicinae Proceres adversus ETMULLERUM, aliosque proposuerunt, non defuerint hac aetate, qui eum quandoque convenire crediderint, imo REGNAUDOTIUS ausus fuerit non proponere modo, sed etiam instituere, mei muneris est, monere nunquam esse amplectendam. Etsi enim aegri, in quibus experimenta sua idem Auctor egit, variis medicamentis in medianam brachii venam innectis, nempe infusu foliorum *Cassiae Sennae*, decoctu ligni *Guaiaci officinalis*, remediis alvum ducentibus, aliisque lenioribus rebus instillatis, mortem non occubuerunt, ea tamen passi sunt mala, vomitus scilicet, tormina ventris, vehementes alvi fluxus, acerbos capitum dolores, horrorem, sat magnum frigus, ac validam febrim, quae gravem intulisse laesionem, ac vitae metum iniecisse perspicue significant (a).

602. Quae cum ita sint quisnam tam anceps, ac nocuum voluerit experiundi genus unquam suscipere? Quis cum REGNAUDOTIO arbitrari tunc saltem utile, ac tutum futurum, quando febrim excitare oportet, aut ob vim stomachi fractam, atque ob asphyxiā expedita valido stimulo irritabiles fibras ad contractionem adhibere? Nonne enim tunc suppetunt alia, quae aegris sine ullo salutis detimento, ac sine ullo vitae metu subveniant? Evidem nolle unquam, dicam cum

(a) Op. cit. T. II. p. 250.

cum HALLERO (a), „ ob haec experimenta
 „ novam medicinae facienda viam ingredi,
 „ etsi suasor non deest, et in praecipiti casu
 „ a morsu venenatae bestiae, forte celerius
 „ aegro, subveniri possit, quam per longas
 „ ventriculi, intestinorum, et lacteorum va-
 „ sorum ambages. Nimis enim multa nobis
 „ experimenta facienda, et cum periculo
 „ coniuncta supersunt, donec dosum veros
 „ fines, et remediorum immediate in sangu-
 „ nem missorum innocentiam ea cum certitu-
 „ dine teneamus, quae in re seria, vitamque
 „ mortalium tangente requiritur. Multa enim
 „ absque incommodo ventriculo traduntur,
 „ quae non absque pernicie sanguini miscen-
 „ tur.

603. Caeterum quocumque modo huma-
 no corpori medicamenta admoveantur aliam
 actionem exerunt cuti imposita, aliam in
 stomachum atque intestina demissa, aliam ad
 sanguinea vasa delata. Perinde siquidem non
 est si uni potius, quam alteri corporis parti
 applicita sint, si eam proxime attingant, vel
 ob alterius consensum afficiant, ac rursus si
 una potius via ad organa, aut ad viscera,
 quae mutatione indigent, quam alia ferantur.
 Nonnulla quippe sunt, quae in oculum illa-
 psa eum valide stimulant, inflammant, ac
 laedunt, in os vero indita, atque ad stoma-
 chum adhuc integra deducta, hunc nullo modo
 com-

(a) Op. cit. lib. III. §. XIV.

emmovent, dum vicissim alia eiusmodi viscus plurimum stimulant, quae oculo admota nullam irritationem, nullamque molestiam ei solent inferre. Sunt medicamenta, quae omnem eorum efficacitatem in primis viis ostendunt, eamque ita insumunt, ut ad communem humorum fontem, aut ad diversa organa postea traducta vix non inutilia, aut etiam plane inertia fiant. Sunt quae sanguinis vasis recepta, singulis partibus fere intactis, in una tantum suam virtutem impendant. Sunt pariter alia pharmaca, licet simplicia, quae modo cutim, modo stomachum, modo alvum, modo urinae organa, modo alias partes ad excretionem sollicitant, vel saltem quae aegris utilem opem praestant, nunc valida ex iisdem partibus excretione promota, nunc admodum exigua, aut nulla etiam excitata. Sunt demum, quae certius agunt in alvum infusa, quam ore assumpta, aut quae utilius uni, quam alteri corporis sedi impunguntur.

604. Ista sane discrimina in medicamentorum actione occurrere iamdiu compertum est, diuque de eorum caussis inter Medicos quaesitum. Frustra tamen quaesitum fuit, donec Nuperiores eadem deducere, atque explicare tentaverint a singulari quadam proprietate affinitatis nomine designata, quam medicamenta, eorumque moleculae habent cum humani corporis solidis, et fluidis partibus, earumque principiis. Cum enim animadverterint, reiectis etiam absurdis veterum

quorundam Chemicorum hypothesibus, affirmandum esse in humani corporis functionibus affinitatis vim, ob quam solidae, fluidaeque particulae se attingentes in mutuos amplexus ruunt, atque intime consociantur, ex plurimis tum secundae, tum adversae valetudinis phaenomenis declarari; voluerunt quoque in medicamentorum actione eam non parum sibi vindicare; ac proinde caeteris caussis, ob quas eadem agunt, et prosunt, singularem hanc attractionis speciem necessario accensendam esse docuerunt. A principiorum siquidem medicamentis inhaerentium affinitate in actum deducta, eorumque nisu in proximas solidarum particularum, atque in humorum moleculas, atque ab istarum renixu nunc valido, nunc remissiori facile explicant quomodo hisce motibus vitae vires percussae, atque excitatae mutationes, modo in quibusdam, modo in singulis partibus, inferant, quae promptitudine, magnitudine, ac varietate mirae prorsus videntur, prope ingentes, atque ad sanitatem restituendam accommodatissimae. Has autem mutationes, quas conjectura facile prospici posse ex chemica remediorum affinitate arbitrantur, huic revera caussae tribuendas esse ab iis rursus effectibus luculenter demonstrari contendunt, quos quaedam medicamentorum genera excitant, tum cuti imposita, tum in primis viis recepta, tum sanguini affusa, atque cum eo in circuitum ducta. Hinc concludunt non solum, inter principia alibi proposita (n. 560. 561.):

a quibus agendi vim medicamina accipiunt; affinitatem esse recensendam, sed ab eiusmodi virtute praecipuos, ac potiores eorum effectus proficisci.

605. Nimius vero essem si singulos vellem casus proferre, in quibus allatum actionis principium in medicamentis se prodere asserunt ii praesertim Chemiae Scriptores, qui caeteris caussis neglectis omnem fere vim, omnemque eorum efficacitatem a chemicis proprietatibus explicant; quemadmodum nimius essem si vellem ea in medium adducere, quae ad eiusmodi opinionem evertendam alii animadvertunt, ac maxime qui credunt, affinitate reiecta, mutationem omnem, quam medicamenta praestaut, simplici admodum actione perfici. Ex eo enim proficisci existimant, quod remedia vel novos humano corpori stimulos inferant, vel iam existentes alienos, et noxios a morbidis caussis illatos, vel nimium evolutos redundant, removeant, aut destruant. Est porro in utraque sententia nimium hypotheseos studium, ac nimia contradicendi voluptas, aut obsistendi pervicacia, ut ego queam alterutri plane subscribere. In priori siquidem temere reiiciuntur, aut parvi fiunt physicae caussae medicamentis inherentes, quae remedia ad agendum determinant, quorum sane, ut iam evici (§. 560. 561.) actio evidens, ac saepe magna est. Item perperam denegatur illarum caussarum vi ita excuti, atque affici posse vitae vires, ut eos interdum edant effectus, quos ipsi

uni affinitati plane adscribunt. In ea praeterea non satis plerumque solet perpendi quantum iis etiam in casibus, in quibus affinitatis caussa enitere videtur, eadem actio a viribus, atque actionibus humani corporis moderetur, atque infringatur, vel contra alias incitetur, atque augeatur.

606. In altera autem sententia fidenter nimis asseritur medicamenta, spectata agendi ratione, ad duo summa genera, stimulantia scilicet, ac sedantia posse revocari, imo quae sedantia sunt, suo pariter stimulo non destitui, atque ideo irritationes morbi vi excitatas removere, atque insolitos, abnormes, ac noxios motus compescere, quia irritationi existenti contraria inducta, vel aliis stimulatis partibus, vel stimuli praesentis potentia aucta, sensuum, viriumque incremento, vigori, atque effreni motui imminutio, infirmitas, inertia, requies, aut naturalis ordo succedunt. Id enim hypothesim plane sapit, nec generatim cum veritate consentit a stimulo omnium remediorum vires, ac singulos eorum effectus derivare etiam si cum quibusdam admittatur multiplex illius discriminem, imo tot eiusdem stimuli indole, vi, atque agendi modo, et gradu dissimilis constituantur species, quot medicamentorum, sive alterantium, sive evacuantium genera suppetunt. Etenim hoc etiam admissso, quod generatim verum non est, plura sunt, quae assequi non possunt, et prospicua non fit actio remediorum. In ea denique opinione perperam omnis in

humanum corpus denegatur actio affinitatis, atque ea speciatim in medicamentorum effectibus locum non habere decernitur.

607. Etsi enim velim suis limitibus conclusam huius virtutis potestatem, dum medicamentorum agendi rationem, et caussas perquiro, neque ei referendam esse salutarem mutationem, quae aliis eorum principiis ad agendum aptissimis, compertisque viribus debetur, verosimillimum tamen, ac certum arbitror generatim affinitate quoque sua agere remedia, interdum ab ea omnem suam efficacitatem mutuari, quemadmodum suis locis dicam, atque eam medicatis particulis inherentem, ac multis edendis effectibus parem, quam maxime prospici a mutationibus, quas in humano corpore non pauca pharmaca subeunt. A qua enim caussa, nisi ab eiusmodi affinitate, quaedam medicamenta ita possunt in humano corpore mutari, ut in uno eius loco necessarias exuant proprietates atque aliam indolem, aliam formam, aliam vim acquirant, in altero vero hisce relictis pristinam naturam, formam, et facultatem recuperent? Si ob hanc vim caetera corpora istis mutationibus obnoxia fiunt, cur non aequa medicamenta?

608. Mutari porro quaedam medicamenta, tum in primis viis, tum in sanguine, atque interdum idem remedium unam mutationem in stomacho, aliam in sanguineis vasis subire iamdiu compertum est. Eiusmodi vero mutationis vi quaedam medicamina

resoluta, atque in aliud plane corpus conversa novam medendi vim acquirere, nunc quam ante habebant, ac secus edidissent, prorsus exuere, est pariter iamdudum evictum. Nonnulla item pharmaca quarundam caussarum actione aut in stomacho, aut in sanguine penitus resolvi, ac nihilominus cum e corpore multiplici via secedunt pristinae compositioni, ac naturae restitui est iampridem observationibus Medicorum constitutum. Interea mutationes istas penitus investigarunt nuperiores Chemici, cum eisdem obnoxia esse medicamenta ob affinitatem (quam *electivam*, aut *compositionis* vocant) conieciissent, acriterque defendant. Phaenomena sane, quae praesto sunt ex *Carbonate magnesiae* ubi acidum in primis viis offendat, quae *Acidi potus* cum bile suscitant, quae ex *Acidis fossilibus*, tum in primis cum in secundis viis nascuntur, quae *Sulphur sublimatum* exhibet, quae *Oxyda* ex variis sumpta metallibus sistunt, quae demum interne, atque extrinsecus adhibita quaedam remedia edunt, PERCIVALIO potissimum observante (a), luculenter significant affinitatis vi nonnulla medicamenta resolvi, ac quaedam resoluta restitui, aut alio iterum modo componi.

609. Sed nec melius, nec clarius allatas mutationes prospici contendunt, quam spectatis effectibus *Hydrargyri*. Cum enim plura sua.

(a) Op. cit.

deant, sive per lymphatica resorbentia cutis
vascula intrmittatur, sive ore assumptum
per lactea ad sanguinem transeat, utroque in
casu eadem vasa *in statu calcis*, ut dicunt,
subire, necessarium censem, ut ante eiusdem
ingressum conditionem, quam per se non
habet, a corporis viribus acquirat. Acquirere
autem in primis viis, etiam ubi metallicam
adhuc formam habens ad eas pervenerit, ex
eo praesertim arguunt, quod ipsum licet pu-
rum, et nullo modo mutatum ad plures un-
cias in os ingestum, ut pondere suo in Ileo,
aliisque morbis, sicuti olim passim fieri
consueverat, auxilio esset, ea subinde praesti-
terit, quae eius in sanguinem transitum si-
gnificarent, ac salivam interdum concitaverit.
Quod quidem phaenomenon ab aliis animad-
versum mihi quoque contigit in duobus ae-
gris observasse, quorum unus ad Ilei sanatio-
nem, alter ad curam crebri, ac diutini vomi-
tus, cum *Argentum vivum* ex cuiusdam non igno-
bilis Medici consilio unciatim assumpsisset, co-
piosum saliva fluxum post aliquot dies pas-
sus est. Tunc siquidem in stomacho, atque
intestinis hydrargyro accidit ex glandularum
muco, quod *Gummi arabicum* praestat in illa
hydrargyri praeparatione, quam eius inventor
Illi. PLENKIUS *Mercurium gummosum* appella-
vit, vel, quod probabilius aliis videtur, a
gasticis fluidis, aliisve principiis novas pro-
prietates, novamque naturam adipiscitur.

610. Hac ratione hydrargyrum, quo ad
chemicalas proprietates mutatum dum e lym-

phaticis, aut lacteis vasculis ad thoracicum ductum fertur, ac sanguini dein affusum in circuitum ducitur sub utroque itinere mutationes alias subire, donec inter agendum, ac cunctos corporis amphractus pervadendum ad pristinam naturam accedat, imo metalli formam, priorem indolem, atque omnes sibi proprias, ac necessarias qualitates recuperet, Medicorum observata perspicue declarant. Quoties enim sub largiori, diuque continuato hydrargyri usu animadversum non est nummum ore receptum, aut cuti admotum idem ostendisse metallum (a)? Quoties *vivi mercurii* globuli in ossium cellulis, atque in perinaeo visi non sunt a gravissimis Auctoribus, quos HALLERUS (b), et PERCIVALIUS (c) specatim indicant? Nonne vel nuper in tuberculo, quod post *hydrargyrosim* in gena sinistra nobilis cuiusdam Viri eruperat, exciso mercurii vivi guttulam, eamque satis insignem III. CALDANIUS reperit (d)? Haec sane restitutum pristinae naturae, et proprietatibus hydrargyrum virium vitalium actione demonstrant; atque una ostendunt in humano corpore medicamenta quaedam vi affinitatis iis mutationibus obnoxia fieri, ut queant et in integrum resolvi, et resoluta iterum restitui.

611. Caeterum ne credas resolutum hydrargyrum perpetuo restitui, imo ut affirmes

(a) Lib. XII. p. 85. 86. (b) Loc. cit.

(c) Op. cit. (d) Instit. Physiol. pag. 78.

quaedam remedia, ac speciatim ex hydrargyro petita tum intus, tum extrinsecus adhibita eo modo resolvi, ut nullum sensibus manifestum naturalium proprietatum, suaequae presentiae indicium praebent postquam vitae vires passa sint, faciunt imprimis observata atque experimenta, quae ipse tredecim ab hinc annis institui in iis, qui ad syphilidem vincendam hydrargyro interne, externe utebantur. Etsi enim medicinam faciens quibusdam aegris, qui ex prava curationis methodo non minus syphilide, quam illatis ab hydrargyrosi incommodis laborabant, maximeque salivæ profluvio viderim semel argenteum nummum diu ore detentum nigrescere, ac pluries observaverim in tribus ossium carie affectis argentaeum vas, quo excipiebatur saliva, nigris hinc illinc maculis subinde fodari: tamen in nullo alio aegro, cui ego medicinam feci (quam plurimis autem feci) simile phaenomenon vidi. Quin imo syphiliticorum, qui hydrargyro utebantur salivam abunde excitam quoties chemicis rationibus exploravi, toties in ea nullum latentis hydrargyri indicium potui detegere. Neque ipse quidem detexit Cl. MARABELLIUS cum olim meo consilio eiusmodi pericula iterasset, tum nuper nova etiam suscepisset in saliva, in urina, aliisque excretis eorum, qui syphilides occupati mercurio curationis caussa utebantur (a). Quae quidem cum manifeste evin

(a) Bibl. Med. Chirurg. T. I. P. IV. p. 715.

aut hydrargyrum ita resolvi, ut non solum deinde non restituatur, quod interdum vidi (§. 610.) evenire, sed plane evanescat; non ne licebit inferre corporis viribus idem remedium penitus dissolvi, aut speciatim a syphilitico viru plane transmutari? Quod autem accidit hydrargo nonne idem remediis aliis evenire coniectabimus, atque interdum eadem nonne penitus inverti dicemus?

612. Tam magnas igitur mutationes medicamenta cum interdum subeant; cum arte, ac maxime humorum, qui in universo corpore sunt, admixtione divisa, ac nunc imperfecte, nunc plane, et vere soluta fluidas, solidasque partes attingant; cum interne assumpta, aut extrinsecus imposita non solum in primis viis, aut in cutis organo, aliisve partibus, quibus proxime admoventur, actionem suam exerant, sed ope consensus ad penitiores quasque extendant; cum maiorem efficacitatem, novamque interdum vim, non raro insignem, ideo explicit, quod multiplici via lymphatica, et sanguinea vasa ingressa intima quaeque, abditaque pervadant modo propriis viribus retentis, modo aliis etiam assumptis; cum nunc superfluas, et nocuas particulas educendo, nunc eas mutando, et corrigendo, quic ullam sensibus manifestam exinanitionem moliantur, salutares edant effectus; cum pro varia corporis sede, ad quam potissimum feruntur, ac pro varia parte, quam maxime afficiunt, dissimilia praestent: nonne primum erit cuique assequi quomodo

medicamenta provido naturae consilio nobis
praestita , aut arte inventa ita sint comparata
ut infinitam pene actionis , quo ad vim ,
gradum , tempus , locum , effectum , et modum
dissimilitudinem exhibeant ?

613. Eadem praeterea medicamenta cum
non unum habeant actionis principium , sed
multiplex tum a physicis eorum proprietati-
bus , tum a chemicis eorum viribus ortum ;
cum horum quodlibet principium per se
sumptum ad valide agendum idoneum sit ;
cum aptius longe evadat ubi reliquorum vi-
ribus adiunctis suam explicit efficacitatem ;
cum omnium vis una coniuncta ad utilem
praestandam mutationem non raro conspiret :
facile assequimur qui fiat , ut eadem princi-
pia humani corporis partibus applicata , cum
ipsis admoventur medicamenta , in eas vim
faciant , ac nunc simplici , nunc multiplici
impulu , et nunc leni , nunc valida actione
pluribus modis easdem immutent , quo ad
formam , cohaesionem , compositionem , indo-
lem , affinitatem , motum , aliasque dotes , et
conditiones , quas in fluidis , solidisque par-
tibus , ex quibus humanum corpus conflatur ,
naturales , aut possibles novimus .

614. Agentibus siquidem medicamento-
rum principiis in partes eiusmodi hae sane
propria forma , gravitate , cohaesione , den-
sitate , ac contractilitate praeditae , insitis
sensibilitatis , atque irritabilitatis viribus dona-
tae , atque affinitate , aliisque proprietatibus
non destitutae non poterunt sane non illorum

actioni plus, minusve reniti. Prae caeteris autem debebunt necessario reniti musculares fibrae, ac maxime nerveae, quas natura singularibus viribus insignivit, ut motibus sensibusque prospicerent. Erit quidem magna vis ab irritabilitate sive cum nervis insita facultate conspiret, sive per se agat, ut interdum evenire censeo cum multis innixus rationibus nequeam eandem vim, ut quidam Cl. Viri opinantur, cum sensilitate confundere, atque ab ea natura distinctam esse contendam. Erit maxima sane virtus a nervorum, ac cerebri viribus, quarum in humanum corpus late patet imperium, etsi non omnes velim remediorum effectus cum nuperrimis quibusdam Auctoribus a proxima, atque unica nervosi systematis actione perpetuo derivare. Erit denique non exigua forte potentia ab illo electrico principio, quod in animalibus, atque in homine, nobilissimo sane inventu, nuperrime detexit Ill. GALVANIUS (*a*), etsi videatur ex experimentis ab Ill. Collega VOLTA mecum susceptis principium eiusmodi motibus praesertim prospicere earum partium, quae voluntatis nutui obsequuntur.

6.5. In hoc vero aut uno, aut multiplici agentium, ac renitentium partium necessario conflictu nonne novus in humano corpore motus concitatitur? Nonne mutatio aliqua necessario praesto erit modo simplicissima, modo ex

(*a*) De Electricitate animalium Comment.

pluribus composita, quae nunc lenis, et lenta, nunc insignis, ac subita sit, quaeque etiam vel unam tantum partem, vel universum corpus afficiat? Hisce autem mutationibus, motibusque vitae vires providentissime adiutae nonne restitutis, quae sunt secundum naturam, ac quae eidem contraria existunt, propulsatis, aut quae corrigi nequeunt foras expulsis, sublato iam morbo, eiusque caussis devictis omnia sanitatis ordini restituent? Ego sane istis conjecturis adductus medicamentorum manifestam agendi rationem non obscure concipio, etsi penitorem, ultimamque eiusdem actionis, aut modi mechanice me fatear ignorare.

C A P U T III.

*De medicamentorum praeparatione, compositione,
et praescriptione.*

616. **M**edicamenta cum saepe simplicia, saepe mixta opitulentur, ac quae simplicia sunt raro, ut e natura emergunt, aegris soleant praescribi, sed plus, minusve mutata, seu praeparata, quae vero mixta prosunt rerum numero, mixtionis modo, forma, ac componendi, atque usurpandi ratione inter se valde differant; tum curationes idem remedium nunc simplex, nunc praeparatum, nunc mixtum, nunc multa, ac subinde dissimili arte compositum requirant: non alienum videtur ante indicare singula eorum genera, ac varias species, atque una proponere potiora praecepta, quae in eorum praescriptione servare generatim oportet, quo minor eorumdem medicaminum vires, atque usus deinde exsequentibus mora sit.

617. Scire itaque expedit simplicia ubi aliquomodo mutentur praeparata vocari; tum praeparationis non unum genus occurrere. Alia enim comminuenda sunt, alia exprimenda, alia extrahenda, alia coquenda, quaedam liquanda, ac quaedam resolvenda. Cum autem quodvis praeparationis genus varia Artificis industria, dissimili modo, ac diverso

admodum artificio instituatur, in varias unumquodque species propriis nominibus distinctas iure solet discriminari. Quemadmodum enim comminutio simplicium animalium, vegetabilium, ac fossilium perficitur modo ea incidendo, ut partes divisae in pulverem citius fasscant, suasque moleculas aliis postea modis tentatae facilius erogent, modo idoneis instrumentis radendo in fragmenta, aut in assulas, aut in ramenta, aut in scobem plus minusve tenuem, modo in pulverem redigendo, qui rudis, vel simplex, vel tenuissimus sit, praesertim idoneo cribro, aut apto incerniculo traiectus; sic eadem comminutio in varias species distingui consuevit. Potorem autem speciem constituunt *Pulveres*, qui rursus non solum differunt ob tenuitatem variam, ut dixi, quam contusae, ac tritae partes consequuntur, verum etiam, quod alii *simplices* sint, ex uno medicamento petiti, alii *compositi*, ex pluribus apte una commixtis; tum quod alii *interni* sint, alii *externi*, prout vel solent assumi, vel extrinsecus admoventur, nempe dentibus, naribus, aut cuti, unde *dentrifrici*, *errhini*, atque *adspergines* vocantur. Quae quidem forma cum remedia paria efficiat, ut plurimum divisa cum pluribus partibus in contactum veniant, efficit quoque ut eorum virtus validius, ac promptius se exerat.

618. Expressione vero diversarum vegetabilium partium varia adhibita methodo, ac vario instrumentorum apparatu praeparantur

96

Succi, qui ideo expressi, ac saporis, educuntque principii ratione aquosi, salini et oleosi solent nominari. Hinc ad expressionem pertinent *Olea fixa* aut *dulcia*, seu illa crassa, et unguinosa, quae ex plurim vegetabilium seminibus praelo suppositis, aut contusis exprimendo educuntur; tum *Facculae*, seu illa sedimina, quae ab expressis, aut decantatis succis, ob solidas adhuc particulas ad fundum vasis quiete subsidentes sponte decidunt deinde exsiccantur, atque in pulverem comminuuntur; tum *Sales essentiales*, qui proprie ex quarundam stirpium succis regens expressis, depuratis, in quiete relictis, ac interdum evaporationi, aut fermentationi etiam traditis vario artificio educuntur; tum *Emulsion*, aut *emulsio*, seu lacteus liquor, qui ex admixtione olei fixi, et aquae ope mucilaginis exurgens ex seminibus potissimum vegetabilem mucagineis, et oleosis contusis, et tritis aqua subinde irroratis atque expressis paratur, ac multis notis lac refert.

619. Ad extrahenda vero e corporibus medicata principia quemadmodum valent *infusio*, *digestio*, *maceratio*, *decoctione*, ac *lixivium*, sic huius praeparationis genus in varias species discriminatur, seu varia ob diversitatem operis, eductarumque rerum praeparata complectitur. *Infusio*. etsi late sumpta exprimat omne artificium ad aliquid ope liquoris e corporibus educendum, proprie tamen accipiatur ad designandum liquorem medicamentum particulis mediocris caloris subsidio imbatum, qui

qui *Infusus* dicitur. Cum infusione confundunt quoque nonnulli *macerationem*, ac *digestionem*: dum alii distinguendam utramque ideo existimant quia illa fit frigido liquore simplicibus affuso, haec vix aliquo adhibito admodum exiguo calore perficitur. *Mucilago*, aut *mucago*, seu pars illa vegetabilibus propria digitis adhaerens ex carbonico, hydrogenio, atque oxygenio ita composita, ut compositionis modo differat a saccharo, aliisque oxydis vegetabilibus, si ope infusionis, aut decocturae foras erumpat *Mucosum* vocatur, si sponte e plantis prodeat *Gummi*, etsi utrumque nomen promiscue a quibusdam accipiatur; sicuti nuperrime indiscriminatim accipitur ad designandam *Gelatinam* seu illam ex animalibus eductam materiem, quae evaporationis vi mollem densitatem nacta frigore concrescit ac pellucida, et tremula, si iterum igni admoveatur, liquefit. Ipsum autem gummeum principium *Extractivum* dicitur, cum *Extracto* non confundendum. Etenim qui *succus* e vegetabilibus expressus, si postea calore inspissetur, *Succus inspissatus* dicitur, idem decoctione eductus *Extracti* nomen assumit si evaporationis subsidio certam, nunc maiorem, nunc minorem densitatem adipiscatur. Extractum enim modo *siccum* est, modo *molle*, modo *simplex*, modo *compositum*, modo si e succo confectum sit *alcohole* aqueo extracto *spirituosum* ac proinde iuxta naturam succi inspissandi modo *gummosum*, modo *resinosum*, modo *gummi resinosum* appellatur.

Caeterum succus expressione elicitus, atque evaporatione inspissatus, si densitatem habeat syrapi *Sapa*, si mellis *Roob* dicitur; imo utrumque magis inspissatum, ac tremulum *Gelatum*, aut *Gelatina*, aut *Miva* vocatur.

620. Quae vero medicamenta infusione vel ultra diem, vel tamdiu protracta, ut *Digestio* vocanda sit, praeparantur, sunt *Tinctura*, *Essentia*, *Elixirium*, et *Resina*. Nomen *Tincturae*, quae hodie *Alcohol resinosum* nuncupatur, licet usurparetur olim ad meraciorem medicaminum infusionem, aut solutionem ex aqua designandam, vel etiam ad *Spiritum stillatitium* volatili eorum parte imbutum significandum, nunc proprie indicat medicamenti infusionem alcohole peractam. Interim cum interdum e quibusdam medicamentis ad educendum quoque gummi una cum resina utendum sit *alcohole aqueo*; hinc *tinctura* in *spirituosam*, ac *semispirituosam* a Medicis adhuc distinguitur. Eadem praeterea *tinctura* olim *Essentiae*, nunc *Olei volatilis* nomen assumit, ubi quo ad principia, ac colorem magis satura sit, imo ipsa essentia maiorem saturationis gradum, intensioremque colorem consequuta *Elixirium* alias dicebatur. Est demum *Resina* illa matieres vegetabilium aqua insolubilis, inflammabilis, atque alcohole solvenda, quae sponte erumpens *nativa*, arte educta ope *alcoholis*, aut etiam *naphtae*, vel *olei volatilis* (quatenus uterque liquor *etheris* habet principia, nempe carbonicum, atque hydrogenium) *artificialis* dicta, ab adhibito liquore seiuncta, lota,

alique exsiccata: a qua proinde quaedam Magisteria non differunt; quemadmodum a nativa resina *Balsama naturalia* non different, nisi resinoso principio salem acidum concretum suaviter fragrantem adiunctum haberent.

621. Seiungi ab istis praeparatis non debet tum *Vinum*, tum *Acetum*, utrumque *Medicatum*. Nam vina medicata cum iis non confundenda, quae uvarum loco e fermentatis quorundam fructuum succis, addito saccharo, interdum fiunt, nil aliud sunt proprietate loquendo, quam infusa simplicium remediorum ex vino modo rubro, modo albo, plerumque austero, aut acidulo, nunc debilium, nunc ingentium virium, vel eius loco ex Zytho, ad dies aliquot macerando, aut digerendo confecta. Simplicium enim inditorum fermentatione non amplius utimur ob satis manifestas caussas ad haec medicata vina paranda, imo ad ipsum vinum absinthites recte conficiendum, quo divites, et splendidi convivia auspicantur, fermentatione non indigemus cum optimum sine ea apud nos conficiatur. Neque a vinis, quo ad praeparationis modum, differunt *Aceta medicata*, seu infusa confecta e simplicibus acido acetoso diu maceratis, vel apte digestis. Sunt tamen vinis durabiliora, crebrius eisdem usurpantur, ac cum nunc unum recipient remedium, nunc multiplex, imo interdum destillationi etiam commitantur, alia *simpicia*, alia *composita*, alia *composita* et *destillata* dici solent.

622. Decoctura vero, dum novum affert
praeparationis genus ad extrahenda remedia
valde idoneum, in diversas species tribuitur.
Nam si liquor, ac generatim aqua inter ebu-
liendum e Simplicibus medicatas horum par-
tes secum abripiat, *Decoctum* vocatur; deco-
ctum si tenue sit, maximeque e cerealium
stirpium seminibus, aut ex aliis vegetabili-
bus, eorumque partibus gustui haud ingratissimum
confectum hodie *Ptisana* dicitur, alio in
sensu ac Veteres consueverant hac voce ac-
cepta; si decoctum diutius inferveat, ac
plura remedia recipiat *Apozema*; ac demum
si ex animalibus materies cum aqua coquenda
petita sit *Ius*, aut *Iusculum* appellatur. Nec
omittendum est quodvis decoctum, si extre-
mis fovendis partibus inserviat *Fomentum*
dici, tum *Epithema*, si idem tepidum, aut
frigidum imponatur, tum *Enema*, aut *Lotio*, si
in alvum debeat infundi. Denique si reme-
diū ex quocumque genere petitum nempe
vegetabilium, animalium, aut fossilium cum
oleo fixo decoctum sit, tunc *Oleum coctum*
dicitur: quo tamen generatim praestat mace-
ratione paratum aut infusione, aut digestio-
ne, aut additione rerum praeſertim in oleo
solubilium, resinosarum scilicet, et volati-
libum, quae ex una remedii specie ductae
simplex oleum, ex pluribus *compositum* effi-
ciunt; utrumque externis maxime usibus ido-
neum. Denique huc pertinet *Lixivium*, seu
Iliquor sale praeſertim alcalico imbutus qua-
tenus eo non solum quaedam remedia mite-

scunt, atque edulcorantur, verum etiam ex ipsis sal extrahitur, aut materies, quae postea Iota, et correcta abluta, vel dulcificata vocatur.

623. Cum autem quaedam simplicia coquenda sint, ut Medicinae usibus apta fiant neque coctura eodem perficiatur modo, neque quod eius subsidio opportunam mollietiam, et formam acquirit, atque ex ea emergit medicamenti genus idem perpetuo sit, significandum est, siccum coctionem vocari assationem, humidam elixationem, unde cocta nunc Assa, nunc Elixa dicantur; tum elixando parari Pulpas, Cremores, Cataplasma, atque Olea elixa. Pulpa est pultis species mollis, et crassa, quae non solum ex fructibus, aut drupis quorundam vegetabilium facile separatur, sed illa etiam, quae pultamenti densitatem habens ex fructibus, radicibus, et seminibus quibusdam assis, aut elixis educitur. A seminibus vero, quae farinam occludunt in pultem cum aqua decoctis, vel ex earum farinis cum aqua, aut alio liquore in pulticulam redactis Cremor exurgit, medicamentum interno usui, ac speciatim alendo corpori dicatum. Hinc ab eo non una ratione differt Cataplasma, quod mollietiam, et densitatem pultis etsi referat ex paucis tamen, aut variis rebus liquidis et solidis, coctis, aut admixtis, farina, mucilagine, aqua, vino, oleo, lacte, aliisque pluribus confectum non diffluit, et vesica, aut lineo panno involutum imponitur: quod quidem

In simplex, et compositum, in coctum, et cromum distinguuntur, ne dicam illud *calidum*, *hoc frigidum* plerumque partibus admoveri. Quae vero e quibusdam seminibus oleosis inter coquendum, aut elixandum prodeunt olea densitate, aliisve notis butyri aemula *Olea elixa* vocantur.

624. Depurganda autem quaedam medicamenta sunt, ut commodius, atque utilius Medicinae usibus prospiciant, ab inutilibus, alienis, atque etiam nocuis particulis, quas cum utilibus ac medicatis vehunt modo *clarificatione*, modo *purificatione*, modo *purgatione*, modo *solutione*, vel *colatura*, vel *sublimatione*, aliisve rationibus. Quare accedit, ut pro vario purificationis modo, quem subeunt nonnulla remedia, distincta nomina sortiantur. Dicuntur proinde *Succi depurati* qui, vel sibi relicti a sedimento quocumque, inclinato vase, quo continentur, ut paullatim in aliud purus excipiatur liquor (quod dicunt *decantare*), vel e panno laneo traeicti (quod *colare nominant*) liberantur; *clarificati*, qui filtri ope puritatem assequuntur; et *despumati* qui inter ebulliendum, interdum ovi albumine prius subacti, dempta spuma, et magis puri, et limpidi fiunt. Quod si modis aliis a qualibet aliena, aut corrupta, aut noxia materie medicamenta expurgentur *Depurata*, aut *Mundata* dici solent: tum speciatim *Lota*, quae a quisquiliis lotione privantur.

625. Liquanda autem sunt simplici admodum opere plura medicamenta, ut densi-

tate eorum amissa ; et depurari , et remedii aliis commisceri facile queant paucissima vero fusione , et vitrificatione . Illa tamen utimur ad quaedam corpora fossilia ita depuranda , ut metallica eorum pars pura obtineatur , quae *Regulus* dicitur , aut sal aliquod solidam formam nanciscatur , ac *Lapis* dici queat ; alteram vero adhibemus ad *Oxyda* quaedam ita praeparanda , ut vitrea , aut semivitrea fiant , unde remedium *Vitri* , aut *Vitrificati* nomen consequatur .

626. Resolvenda vero sunt vario distillationis , sublimationis , atque unctionis opere , vel alio artificio simplicia quaedam medicamenta , ut ea , quae , vel solum , vel magis in eisdem delitescunt medicata principia sub diversa specie prodeuntia consistant . Porro destillatione consequimur *Aquas stillatitias* , aut *destillatas* , quas non solum plerique *Pharmaciae Scriptores* in simples , seu ex uno plerumque vegetabili remedio distillatas , in mixtas , seu ex pluribus paratas , atque in compositas , seu e multis ductas medicatis rebus loco aquae vino , aut alcohole aqueo usurpati distinguunt , sed nonnulli in plures adhuc species secernunt illis addentes *aromaticas simples* , *aromaticas oleosas* , *virosas* , *amaras* , *spirituosas* , *salinas* , etc . Nunc vero magna ex parte aquis stillatitiis tamquam superfluis , alienis , atque inconciannis , et corruptioni obnoxiiis ab usu rejectis , ac paucissimis etiam retentis ex iis , quae aromatico imbutae principio utiles censentur eas ad duo genera

revocant Nuperiores, quorum unum complectitur illas, quae habent *aroma aqua dispersum*, alterum reliquas, quae idem *aroma ab alchole solutum* continent. Distillatione item consequimur e vino, aliisque fermentatis liquoribus *Spiritum ardente*, aut *inflammabilem* olim dictum suis notissimis proprietatibus a caeteris distinctum liquorem, nunc *Alcohol nuncupatum*, quod ex *carbonico*, atque *hydrogenio* coalescens ab oleo volatili, ab æthere, aliisque affinibus corporibus principiorum proportione, et modo satis discriminatur, etsi ab istis natura non differat. Qui quidem liquor in *simplicem*, vel *aquam vitae*, in *rectificatum*, atque in *rectificatissimum* iamdiu distinctus prout plus, minusve, aut nihil aquae continet, nunc, purissimus ubi sit *Alcohol*, ubi aqua dilutus *Alcohol aqueum* nuncupatur. Consequimur denique destillando cum alchole unum, aut multiplex aroma *Spiritum aromaticum* ut olim vocabant, nunc *compositum*, qui hodie *Alcohol oleo unius aromaticum volatile* nuncupatur, huius in alchole solutione aequo obtinendum; tum *Spiritum salinum*, seu volatile sal liquore aliquo solutum, nunc *alcalicum*, nunc *acidum*, *simplex*, ac *compositum* iamdiu dictum, hodie, modo *Phlegma ammoniacale*, aut *Gas aqua solutum*, modo *Acidum dilutum aqua*, modo diversimode nuncupatum; tum etiam *Oleum aethereum*, seu *stillatitium*, seu *essentiale*, quod nunc *Oleum volatile* dicitur, calore ebullientis aquae e diversis vegetabilium quorundam

aroma praesertim fragrantium partibus destilans; tum denique *Oleum empyreumaticum*, seu illud omne oleum nudo igne e sicco quolibet corpore distillatione proveniens odore ingratu, aut vix ferendo donatum, quod non tantum ex animalibus, ac vegetabilibus rebus, sed e quibusdam etiam fossilibus, *Succini* exemplo, prodire observant Chemici, quodque generatim empyreumaticum oleum omne in ipso distillationis actu e *carbonici*, atque *hydrogenii* intima coniunctione efformari videtur.

627. Ad illud resolutionis genus, quod sublimationem dicunt, pertinent *Flores*, seu quae partes flocculos referentes inter sublimandum sursum erectae, atque internis vasorum parietibus acretae, quae *Muriatis*, *Oxydi*, aut *Acidi sublimati* nomen rectius assumunt, excepto sulphuris flore, qui *Sulphur sublimatum* dicitur. Pertinent etiam varia e fossilibus ducta hoc artificio remedia, quae proinde *Sublimata* vocantur; tum *Sal concretum*, sive *alcalicum volatile* ex animalibus petitum, sive *acidum volatile*, quod primum *Carbonatis ammoniacalis*, alterum *Acidi*, vel *benzoici*, vel *boracici*, vel *succinici* vocabulis designamus. Ad tertium vero resolutionis genus ab ustione praestitum revocantur superstites a combustis corporibus *Cineres*, seu *Carbonates potassae*, vel *sodae* adhuc impuri, item *Salia fixa*, quae omnia pariter una *Carbonatis potassae* vel *sodae* voce complectimur; *Calx* in *lapideam* olim, et *metallicam*

distincta, quae aut simpliciter *Calx* est; aut *Oxydum*; ac demum *Croci varii metallorum*, ac *Praecipitata*, quae pariter *Oxyda* generatim dicimus.

628. Hactenus de medicamentis dixi, quae vel simplici, vel multo opere necessariam praeparationem consequuta medicis usibus inserviunt; nunc dicam de iis, quae non modo ex aliquo artificio, cui simplicia subiiciuntur, emergunt, sed *Saccharum*, aut *Mel* ad sui praeparationem, aut compositionem perpetuo recipiunt tum maioris, aut novae virtutis, tum maxime conservationis caussa: quae proinde inter praeparata, ac mixta remedia medium quodammodo locum obtinere videntur. Huius generis sunt *Syrupi*, qui sive *simplices*, sive *compositi*, fiunt ubi succis vegetabilium infusu, vel decoctura, vel expressione praeparatis duplum plerumque adiiciatur sacchari potius, quam mellis alias exhibiti, utpote minus grati, ac magis ad fermentandum proclivis, ac solutum dea *saccharum* cum succo eam ignis vi spissitudinem acquirat, ob quam nec fermentescere, nec in crystallos concrescere confectus *syrupus* facile queat. Sunt illius pariter generis *Mellita*, et *Conservae*. Ex illis habemus, praeter mel sive *virgineum*, sive *commune*, *Hydromel*, seu mel aqua remixtum, atque interdum etiam fermentatum, *Oxymelites*, vel *Oxymel* tum *simplex*, seu mel coctione purificatum *acido acetoso* ad sui dimidium unitum tum vario donatum nomine pro infusi una

cum acido Vegetabilis discriminé, ac *Mel medicatum*, seu commune mel vegetabilibus succis dissimili methodo eductis admixtum, et puri instar mellis densatum. Ex *Conservis* vero, quo nomine gaudent Vegetabilium partes concisae, vel contusae atque in pultem redactae, ac saccharo commixtae, binae emergunt species; quoniam tenerorum partium cum saccharo permixtio omnem mollitatem non adimens *Conserua*, duriorum vero obductio ex saccharo, quod prius solutum, ac dein concrescens involutum remedium induret, *Conditum* audit. Sunt denique propositi generis *Penidae*, ac *Rotulae*, quia illae dicuntur succi uberrima sacchari copia exsiccati, istae succi vocantur saccharo admixti, atque ignis actione ita inspissati, ut super tabulam effusi, cessante calore, in rotulas queant efformari.

629. Progredior nunc ad ea, quae mixta, vel ob plurium rerum coniunctionem vario artificio absolutam *Composita medicamenta* dicuntur. Praeter illa enim, quae hinc illinc de praeparatis disserens indicavi supersunt non pauca, quae hic exsequi debent. Porro pulvis ex rebus variis admixtis exurgens *Compositus dicitur*, si idem aliis componendis remediis usurpandus sit *Species*, si ipse compositus atque aromaticus saccharum recipiat *Tragema*, ac si e trochiscis comminutis confectus fuerit *Tragea* vocatur. Pulvis praetea, qui sive ad eius obvelandam acredinem, vel ad alium assequendum finei cum idoneo

liquore, aut mucilagine, aut glutine in mas-
sulas variae figurae involutus non humescit
in aere *Trochiscus* nominatur: medicamenti
species, quae non tautum ad interna referri
solet, verum etiam ad externa, quia generatim
materiem largitur *Suffitibus*, quos aegris admove-
mus pulveribus, speciebus, pastillis, simplicibus
variis, aromaticis, atque odoris in ignem sic
coniectis, ut instar sumi erumpentes medica-
tas particulas cum circumfuso aere proxime
hauriant. Quod si *compositus pulvis*, aut spe-
cies idonea materie ignis ope cogatur, ac
tessulam referat *Morsulus* dicitur, qui saccharo
etiam, aliave materie confectus sine igne, nec
semper certa praeditus figura, ac sigillo obsi-
gaatus *Tabella* nuncupatur, a qua *Pastillus* vix
ob minorem molem, atque ob magis efficacia
remedia ex quibus consurgit, potest distin-
gui. Figura enim, sacchari defectu, aut co-
pia, atque impressis signis, ipsoque etiam
usu medicamenta ista inter se nec satis, nec
tuto discriminari rectissime nuperrimi Phar-
maciae Professores monuerunt.

630. Sed istis medicamentis longe usita-
tior est *Mixtura*, seu liquor ex fluidis pre-
paratis una commixtis subinde pulverulenta
acida, mollia, ac densa remedia recipiens,
dummodo et pauca copia adiificantur, et
solvi non renuant, aut secus insolubilia mu-
cilagine, saccharo, aliisve rebus subacta sol-
vantur. Quae quidem *Mixtura* triplex est.
Si enim admodum diluta sit, seu, ut dicunt,
diffusissima, atque una eleganti colore, suavi-

odore, ac sapore iucundo donata *Iulapium* dicitur: quod nomen dilutis syrups alias tribuebatur. Si vero iulapio minus diluta sit mixtura, ac nihilominus ex sat efficacibus remediis coalescat, tunc *Mixtura media* appellatur, imo, si una vice sumenda sit, eam nonnulli *Haustus* voce designant. Si demum mixtura sub exigua liquoris vi ex validis admodum conflata medicamentis efficacissima sit, licet ad guttas quavis vice, non ultra sumatur, eam vel *Mixturam contractam*, vel *Guttas* nominant.

631. Quam proxima sunt istis medicamentis *Linctus*, *Collyrium*, et *Gargarisma*, quae etiam a plerisque ad *Mixturae* genus tamquam eius species referuntur. Nam *Linctus* Latinis, *Elegma* Graecis, et *Looch*, aut *Lohoch* Arabis nil aliud est, quam simplex crassiorum medicaminum mixtio plerumque ex syrups, aut mucilaginibus confecta in morbis praesertim pectoris, faucium, atque oris lingenda, quam adversus asperae arteriae affectus quoties adhiberent Veteres, toties *Arteriacen* vocabant. Est autem *Collyrium* mixtura, aut liquor quicumque oculis applicitus, nisi etiam *collyria* dicenda sint cum Antiquioribus medicamenta quaecumque oculis proxime imposta. Dicitur *Gargarisma* mixtura plus, minusve diluta, quae ore excepta gargarizatur, atque iterum expuitur, quae si ad coluendum os sine gargarizatione usurpetur *Collutorium*, vocatur, ne dicam ad fo-
vendas fauces, atque interiora oris retentum

in ore tepidum quodvis liquoris genus *Folium pro ore* vocari.

632. Admixtione autem plurium Simplium cum ea mellis, aut syrapi, aut idonei liquoris copia, quae requiritur, ut compositio mollis, et cohaerens melle spissior sit, compositum medicamentum divisim ab aegro sumendum *Electuarium* appellatur; cuius variae species habentur. Etenim si buccellam mole sua aequet *Buccella* dicitur, si hanc non superet, ac non solum sumi una vice debeat, sed electuario proprie dicto minori donetur mollitie *Bolus*. Ubi vero *Electuarium* et mollius sit, et maiori confectum arte, et praestantioribus conflatum remediis *Confectio* vocatur, quae rursus distinguitur in *Opiatum* ubi opium habeat, vel in *Opiatam* ubi electuarium opio licet destitutum ad dies aliquot partitis vicibus usurpandum sit, in *Antidotum* ubi adversus venena vel per morsus, vel per cibos, aut potionis nostris corporibus inserta maxime proficua, ac pernecessaria remedia continere existimetur, atque in *Hieram* ubi magnas, atque eximias prorsus vires confectio habere videatur.

633. Neque multum a confectione distat medicamentum illud interne usurpadum, quod ex variis remediis sub exigua copia valde actuosis partim mollibus, et humidis, partim siccis, et aridis subactum, ac densatum in massam electuario solidiorem *Massa Pilularis* dicitur, quae pilulis materiem praebet. Enim vero *Pilula*, seu *catapotium*

est exigua pars ex illa massa excerpta in globulum, aut sphaerulam convoluta, quae pondere, et magnitudine difert; et nunc *officinalis* nunc *magistralis* dicitur, seu in medicamentariis officinis iampridem parata, seu recens ex Medici praescriptione ab Artifice confecta, quae sive ex massa pilulari, desumpta, sive ex tempore composita nunc solummodo ob varias caussas iure probatur.

634. Miscendo praeterea cum cera, vel pice, terebinthina, vel oleis expressis, et coctis, ac pinguedinibus varia simplicia, succos, ac gummi, resinas solutas, aliaque nunc pauca, nunc plura remedia prius praeparata, igne apte adhibito, conficitur *Emplastrum*, seu frigoris vi in solidum corpus concrescens, non friabile, tenacitate donatum, levi calore ductile, atque igne disfluens medicamentum, quod super alutam, aut quodvis aliud idoneum corpus extensem cuti dein impositum ei nectitur, atque adhaeret. Caeterum *emplastrum* ob diversum modum quo conficitur, ac dissimilem materiem, ex qua coalescit, vel *simplex*, vel *mixtum*, vel *compositum* dici solet: quod sane non debet cum *Cerato* confundi, sicuti alias fieri consueverat. Nam praeterquamquod *Ceratum* mollius est *emplastro*, ut possit tantum, dum refrigerando solidam densitatem acquirit, in tabellas dividit, non vero manibus tractari, subigi, atque in cylindros efformari, (qui *magdaleones*, aut *magdalidae* vocantur), ut fit cum *emplastris*, persaepe medicamentum ad *cerata* relatum *Saponis* nomen rectius assumit.

635. Quemadmodum enim saponis voc
nunc utimur non solum ad designandam in-
timam coniunctionem *Salis fixi* cum *Soda* in
aqua, atque alcohole solvendam, quae sola
Sapo alias dicebatur, verum etiam quaelibet
compositio saponis praecipuas dotes habens
ex *Oleis fixis*, atque ex *Potassa*, vel *Soda*,
vel *Alumine*, *Magnesia*, *Barite*, *Calce*, *Am-
monia*, tum ex *Acidis*, tum ex *Oxydis* variis
metallorum, *Sapo* quoque dicatur; evenit ut
quae *Cerata Oxyda* eiusmodi, aut metallorum
calces recipiunt, hodie *Sapones metallici* ap-
pellentur. Quod enim nonnulli existiment
ideo praesertim minus recte *sapones* vocari
quod eisdem, ut spissescant, additur cera, non
multi faciendum esse nuperiorum Chemico-
rum observatio luculenter evincit, cum da-
ceat ad metallicos *sapones* componendos
necessariam non esse, quia oxygenium &
calcibus erumpens, calore ebullientis aquae
accidente, satis est ad pinguedines, aut olea
fixa apte inspissanda.

636. Hodie igitur *Sapones* in *alcalicos*, in
acidos, atque in *metallicos* distinguimus. Qui
enim ex *Oleis volatilibus* cum acido, vel *am-
moniaca*, *potassa* atque aliis exurgunt *sapones*,
nunc, ut a prioribus discriminentur, *Saponulos*
vocamus, a quibus quaedam remedia parum
distare videntur, ac speciatim *Elaeosaccharum*.
Quatenus enim hoc medicamentum nil aliud
est quam *Saccharum*, sive *Oxydum vegetabi-
le* ex *hydrogenio*, ac *carbonico* certa oxygi-
ni copia natum, *oleo volatili* saturatum, ut
praec.

praecipuas referat saponulorum proprietates, ad horum genus iure referendum esse videatur, sive terendo saccharum cum oleo iam educto, aut praeparato, sive corticibus eiusmodi oleo foetis sacchari frustulo affricto, eoque imbuto deraso Elaeosaccharum obtineatur. Non igitur iniuria hoc medicamen ad saponulos potius, quam ad aromaticos compositos pulveres referunt, quemadmodum hactenus consuevit.

637. Verum ut redeam ad emplastra, et cerata ab eisdem materiae genere *Unguenta* non differunt, seu quae illinire, atque ungere solent medicamenta. Differunt tamen ab illis quia maiorem mollitatem habent, densitatemque butyri, aut mellis, quia frigore non solida fiunt, lenissimo calore non difluunt, leni liquescunt instar axungiae, quia alio componuntur modo, atque alios usus habent, quia demum ex pinguibus generatim coalescent. Generatim, inquam, cum quaedam sint unguenta sine pinguibus composita, sintque pariter quaedam sine igne parata. Porro unguenti veluti species habentur *Pomatum*, et *Linimentum*. Primum vocatur unguentum ubi ad minores inunctiones recipiatur, ut in labiorum, papillarumve fissuris, vel capitis morbis. Alterum vero proprius est unguentum oleo densius, atque unguentis mollius alicubi adhibendum: quod interim nomen etiam pinguibus, et oleis calide admotis passim tribuitur.

Tom. II.

H

638. Demum si hisce medicamentis, quae hactenus sum exequutus, addantur illa, quae etsi ab expositis desumi soleant, certis tamen usibus, certisque partibus dicata varia sortiuntur nomina, erunt sane cuncta indicata, quae ad praeparata, ad mixta, atque ad composita sive crebro, sive raro adhibita, pertinent. Quamobrem non erit ab instituto alienum hic quoque monuisse *Balneum*, seu medicamentum extrinsecus corpori admovendum distingui in *humidum*, in quo liquor ei proxime admovetur, atque in *vaporosum*, in quo tantum vapor corpus attingit; tum *humidum* rursus discriminari in *Universale*, ac *Singulare*, nempe vel totum corpus, vel solum aliquam eius partem afficiens; tum quod *singulare* est, si dimidium corporis ab umbilico usque ad pedes in eo detineatur, *Semicupium*, aut *Insessum*, si pedes tantum, *Pediluvium* vocari; tum aliis partibus admotum *Lotionem*, aut *Lavamentum* dici; imo aquam vel simplicem, vel medicatam ex alto guttatum, aut indeficienti rivo depluentem in aliquam corporis particulam *Embrochen* Graecis, *Ducciam* Barbaris, *Stillicidium* nobis appellari. Nec praetereundum est, medicamentum aliud aut toti corpori, aut eius parti admoveri, aut ore cum aere recipi dum siccae, odorae, inflammabiles, ac volatiles particulae e vario remediorum genere ignis ope excusae praestant *Suffimenta*, aut *Suffitus*, ad quos excitandos, praeter Trochiscos, et Pastillos, de quibus iam dixi, aptae prostant in medica-

mentariis officinis ad alendum ignem, atque ad emittendum halitum compositiones, quae pro dissimili forma *Baculi*, *Candelae*, *Aviculae Cypriæ*, ac *Taedæ* vocantur.

639 Expedit etiam indicare medicamenti quodcumque genus sive siccum, sive humidum extimis corporis partibus affrictum *Fricium*, aut *Fricatorium* a quibusdam dici; tum ex *Epispasticis* seu iis, quae stimulandi, ac rubefaciendi caussa imponuntur, quod picem maxime habet *Dropacem* esse, quod sinapis contusæ semina recipit *Sinapismum*. quod calorem, ruboremque solum infert *Phaenigmum*, aut *Rubefaciens*, et quod denique partem, cui adhaeret, in vesicam attollit *Vescatorium*. Cuicunque autem parti, aut membro ista medicamenta admoveantur sua nomina retinent, si excipimus carpis manuum applicata *Epicarpia* vocari.

640. Varium denique nomen cum medicamentum saepe assumat iuxta locum, cui admoveatur, iamdiu usu receptum est, ut non linteo inclusum (quod *Sacculus* diceretur) impositum capiti *Calantica*, aut *Cucupha*, aut *Cucullus* appelletur; fronti et temporibus *Frontale*; oculis, ut iam dixi, *Collyrium*, naribus *Erbinum*, aut *Odoramentum*; dentibus eluendis, et curandis, foventisque gingivis *Dentrifictum*; in ore detentum, aut etiam dentibus paullatim confectum ad eliciendam salivam *Apophlegmatismus*, aut *Masticatorium*; sumptum ad gar-garizationem, aut lotionem oris, ut alibi monui, *Gargarisma*, aut *Collutorium*; collo

appensum, atque ad contagem praesertim, et morbum arcendum olim crebro gestatum *Amuletum*; cordis scrobiculo applicitum, dein super alutam extensem scutum referens, aut cor, *Scutum*, aut *Corculum Stomachicum*; in uretram quod linteum cerato idoneo utrinque obductum in oblongum cylindrum convolutum immittitur *Cereolus*, qui ex elastica etiam materie nunc conficitur; in cava corporis quaecumque, etiam arte, aut morbo facta, idoneo syphunculo liquidum infundendum *Iniectio*; quae in alvum demissa, ut indicavi, *Clysmæ* est. Tandem medicamentum solidum ex varia materie confectum fere instar digitri crassum, et longum ob multiplicem finem muliebri claustro insertum *Pessus*, aut *Pessarium* dicitur; tum quod in formam oblongi ac teretis coni conformatum ex rebus variis medicamentum plus, minusve solidum intestino recto inseritur, ut mole sua, aut virtute alvum servet apertam, vel ducat, *Suppositum*, aut *Nodus intestinalis* vocatur.

641. At satis de praeparatis, mixtis, ac compositis medicamentis, quae saltem summatim indicanda esse duxi, ne eadem, quae fuse, atque absolute in Medicorum etiam utilitatem exequenda esse duxerunt plerique Scriptores, ac speciatim Illustr. GAUBIUS (a), IACQUINIUS (b), et LAUGERIUS (c) utpote

(a) De Method. Concinn. formul. Medic.

(b) Miscel. Austriac. Vol. I.

(c) Institut. Pharmac.

medicinam , aut chirurgiam facientibus accom-
modatissima , ac pernecessaria inconsulto
praeterirem , ut quidam temere consueverunt .
Ista enim insignem auxiliorum partem con-
stituunt , quorum usu sine summo aegrorum
detrimento salutaris Ars carere non potest .
Utinam proinde quae de iisdem medicamen-
tis praeparandis , et componendis plenius
fuisserent docenda , quaeque paratissima essent ,
modo possem proferre , neque instituti ratio-
ne coactus deberem ea omittere , tum vix
aliqua ex iis etiam attingere , quae de medi-
caminum praescriptione Clinicum interest
novisse , ne secus fortasse videar in aliorum
provincias furtim quodammodo irrumpere !
Quod quidem monendum erat , ne mihi vitio
verteretur , si tum de componendis remediis
non omnia dixerim , tum de iisdem praescri-
bendis dicturus paucissima tantum attingam
monendo potius , quam docendo .

642. Quam multa porro in eorum praescriptione animadverti , ac perpetuo servari
non debent , cum Medicus , quae iam praepa-
rata in medicamentariis officinis prostant , aut
quae ex tempore iubet facienda , in quovis
casu praescribit ? Multa sane expendere
oportet , ac primum inquirere qua maxime
forma indicatum remedium propinare conve-
niat , cum periude non sit una potius , quam
altera exhibere . Etenim si expeditat curare ,
ut remedii exhibendi vis confestim se expli-
cet , ac summopere divisum plures partes
attingens efficacius agat , fluidam formam ei

conciliare oportet, vel in pulverem subtilissime tritum idoneo liquore solvere eo momento quo assumitur, si et partitis vicibus, aut dosibus dandum sit, et multo ante nequeat infundi quin virtutis aliquid amittat. Contra autem, si e re videatur, ut pharmacum in stomacho diu haereat ne confestim, sed sensim solutum vim suam paullatim explicet, eo coalitum modo, atque involutum exhibetur, quo aegre admodum, et lente solutionem ab humoribus subeat. Quo quidem in casu pilulae formam nactum commode deglutitur. Item quae fluida quoties propinarentur, toties utpote ingrato sapore, et foetido halitu praedita, atque acria, et valde stimulantia vel assumi non possent, vel fauces laederent, vel assumpta propter fastidium illlico reiicerentur, in pilulas conformata sine nausea, ac sine illius irritationis, aut vomitus periculo ingeruntur. Quod si plura commiscenda sint remedia, nec ea quidem paria sub exigua mole sat manifestis, et validis edendis effectibus, imperiti Artificis esset in pilulas tunc ea conformare, quae fluida danda sunt, vel, si odore, aut sapore invisa sint, in electuarium congesta maxime expediunt.

643. Discendum praeterea ex ipsa medicaminum exhibendorum indole, quae ipsis forma maxime conveniat, ut efficaciora sint; quoniam nonnulla sunt, quae potissimum prosunt sicca, ut evenit in iis, quae ad acidum primarum viarum absumendum, vel ad roborandum usurpantur, dum alia longe me-

Ius expedient fluida, ut passim dicitur de medicamentis, quae ad sudorem movendum solent praescribi, ne caetera ex aliis remediorum generibus petita exempla proferam. Discendum quoque est ex remediorum principiis, quae vel diutina decoctura vexata, vel in extractum inspissata ideo maxime convenient, quia evaporationis vi, diffatis inutilibus, alienis, et nocuis eorum particulis, mendicatas tantum, atque utilissimas retinent. Discendum demum quae contrario prorsus modo paranda sunt, cum eiusmodi sint, ut, nisi leviter infusa, ac sine expressione parentur, cum innocuis, atque utilibus particulis alienas, ac nocuas in liquorem demittant, quas secus retinuissent.

644. Ex ipsa pariter simplicium natura, ac proprietatibus dispicere oportet, quae apta materie involvenda sunt, ac nullo igne tentanda, ne secus fugacissimas, quas habent partes, amittant prius quam assumantur, quod perpetuo est curandum, ne dum unum periculum Artifex declinat in aliud temere incidat, quemadmodum ii solent, qui tanta materie pharmacum obducunt, ut ei omnem fere efficacitatem adimant, vel in novum plane corpus alios effectus praestitum convertunt, aut qui tam compactam formam, vel duritiem pharmaco tribuunt, ut nonnisi solvatur leitissime, vel plane insolubile ex ventriculo atque intestinis descendat, atque immutatum de corpore elabatur, quin ullum suae virtutis indicium, aut valde exiguum ediderit. Cui

quidem vitio obnoxia maxime sunt praestantiora licet remedia, neque natura insolubilia quoties in pilulas nimis compactas compinguntur. Hinc monent etiam prudentissime Medici, ne fiant pilulae ex iis, quae aegre admodum solvuntur, neve generatim propinquentur cum omni humore amisso induruntur, quia tunc vel immutatae descendunt, vel nimis tarde agunt, vel saltem, ubi praesertim plures sumantur, stomachum onerant.

645. Nisi etiam quis probe calleat indolem, ac proprietates exhibendorum, in eorum solutione, aut commixtione quam facile decipietur, modo liquore ad pharmacum solvendum, qui minus conveniat, delecto, aut adhibito quod qualitates, sin minus vires, potest invertere; modo praetermisso additamento alicuius corporis, quod imperfecte solutum remedium, ne prorsus dein resolvatur, inhibeat; modo factae solutioni adiuncta materie, quae ob diversum affinitatis principium, praesentis cohaesionis vinculis solutis, novam prorsus compositionem, novumque remedium efformet; modo copia nimia additorum vel mixturam, vel infusum, vel decoctum ob tantum onus eiusmodi efficiat, quae aut imparia sint omnibus partibus solvendis, vel retinendis solutis, aut pondere suo aegri stomacho officiant; modo sumpto liquore ad solutionem, vel mixturam, aut uberiori, aut parciore, quam oportebat, copia, unde enervetur nimio humore vis medicamenti, aut

quantitate nimia inutilem molestiam sumen-
tibus pariat, vel non omnia medicata prin-
cipia educantur, vel admixta remedia magna
ex parte, aut saltem aliqua ad fundum vasis
insoluta descendant.

646. Interea cum istas saepe graves er-
tandi occasiones peritus Artifex declinat,
curet etiam, ne ea ratione solutionem, mix-
tionemve perficiat, quae intactis caeterum
remediorum viribus, sapore, aut odore in-
gratum, ac plane aegrotantibus invisum medi-
camentum reddat. Etsi enim damnanda est,
ut alibi monui (§. 548.), illorum consuetudo
qui nimium aegrorum voluptati indulgentes
vel ab omnibus, quae grata non sunt, phar-
macis abstinent, vel nimio artificio obvelata,
involuta, atque immutata exhibent cum insig-
gni et illorum salutis, et medicarum virium
detrimento, est quoque non minori severi-
tate improbanda eorum methodus, qui ingra-
ta, nauseosa, insuavia, ac naturae repugnantia
sine ulla necessitate exhibentes, neque ea
aliis parumper admixta, quae qualitates sine
virium dispendio emendant, propinantes
tortoris potius, quam Medici partes agere
mihi videntur. Eius enim officium est, ut
bito, ut tuto, ut iucunde curet. Nam pree-
ter quam quod aegri ista sumere reluctantēs
tantum concipiunt medicamentorum fastidium,
ut simpliciora, non ingrata, imo etiam iu-
cunda deinde sumere pervicaciter renuant, ac
cum necessariis medicamentis ipsum quoque
Artificem refugiant, ubi etiam quasi per vim

eadem assumant, vel protinus reiiciunt, vel cum tot anxietatis, ac molestiarum turbis retinent, ut maiorem inde noxam accipient, quam si eadem prorsus non assumpsissent.
 „ Praestat enim nullum, dicam cum GAUBIO
 „ quam tale exhibere remedium, a quo na-
 „ tura abhorret: cuius regulae preeprimis in
 „ Foeminis delicatioribus, Infantibus, etc.
 „ ratio habenda „ (a). Quamobrem iuvat
 quoque medicamenta, quo etiam ad formam,
 ut ab aegri minori difficultate assumantur,
 eorum naturae, consuetudini, ac voluntati
 accommodare. Quidam enim pilulas, quidam
 bolos aegre admodum assumunt, dum contra
 mixturas, aut potionis facile hauriunt.

647. Quaecumque tamen forma praescri-
 bendis remediis impertienda videatur curare
 potissimum oportet, ne, eorum principiis, ac
 chemicis proprietatibus neglectis, ea una ad-
 misceantur, quae virtute, ac indole plane dis-
 similia, etsi coniunctionem non respuant, vi-
 res tamen inter se elidunt, vel penitus re-
 solvuntur, ac proinde utroque in casu me-
 dentis expectationem elidunt. In hac enim
 re quam saepe ignobiles, ac Chemiam ignari
 Medici, aut perfunctorie medicinam facientes
 in unum, vel alium errorem non inciderunt?
 Profecto quam saepe in alterutrum incidisse
 verisimillimum redditur si interdum visum
 quoque est, quosdam non incelestres Medicos

(a) Op. cit. pag. 7.

praescribere nunc *Oxydum Stibii sulphuratum rubrum*, vel *aurantiacum cum acidis*, et quidem largiter exhibitis, nunc *Tartritem potassae stibiatum cum alkali*, nunc *Muriatet ammoniacalem cum Potassa*, vel *Soda*, aut earum *Carbonatibus*, nunc *Sulphatet ferri cum Sulphate*, aut *Tartrite*, aut *Nitrato potassae*, nunc *Muriatet hydrargiri dulcem*, cum aliquo alcalico sale, nunc *Sapones alkalinos cum acidis*, nunc demum, ne caetera persequar, *Campboram*, aut *Resinan* alcoholi prius solutam cum aqua postea admiscent ad alcoholis vim temperandam aut prorsus infringendam, quin animadvertant pharmacum e liquore excussum ad fundum vasis praecips ruere, atque ei tam facile adhaerere, ut dum in seius aeger potionem deinde assumit, eius liquorem, non pharmacum assumat.

648. Quare Medicus studiosissime curet ut hanc tam pronam errandi occasionem, ac caeteras paullo ante indicatas, tum aliis etiam locis propositas, tutissime declinet, ne secus aut nullam suis aegris opem afferat, aut portigendo etiam, quae ob ineptam mixtionem, vel improvidam resolutionem nocua fiunt, molestiam, ac damnum patiat iis, quibus levamen, ac salutem se alaturum fidentissime pollicebatur. Cum praeterea illud etiam sit evictum ad rectam medicamentorum praescriptionem pertinere quoque methodum, qua Clinicus debeat formulam concinnare, in quationes, et regulae scripto exarantur a medicamentario Artifice perpetuo servandae, sive

quae in officinis iam prostant praeparata, sive quae ex tempore paranda sunt apte componat, atque aegro sumenda tradat; superest, ut quae in hanc rem potissimum animadvertisenda sunt modo brevissime exsequamur. Nullo siquidem pacto omitti possunt, quae de ratione formulas concinnandi remediorum, seu, ut dicunt, consignandi potiora suppetunt praecepta, quaeque speciatim ad scriptionis modum, ad pondera, atque ad mensuras attinent.

649. Porro formulam a Medico conscriptam, quae Artifici indicat materiem, mensuram, formam, et dosim medicamenti aegro exhibendi quatuor partes, nempe *Basis*, *Adiuvans*, *Corrigens*, *Constituens*, seu *Excipiens* constituunt. Basis dicitur praecipuum medicamen, a quo vel omnis, vel potior in aegri salutem effectus expectatur, estque nunc *simplex* si uno exurgat medicamento, nunc *composita*, si e pluribus confletur. Quae quidem basis, nisi quantitate reliquis postea ei innitendis, atque addendis praestet, eisdem saltem debet virtute, atque efficacitate antecellere. Quod si e re videatur principis medicamenti, aut baseos actionem qualibet addita materie adiuvare, quod tunc additur, ut plerumque fit, *Adiuvans* nuncupatur. Istud enim, modo illius actionem, in eundem motum conspirando, validiorem, effacioremque reddit, modo materiem, in quam operatur, ita disponit, ut oxyus agere queat, modo propria etiam virtute, aut sin-

gulari stimulo ad eam, quae expedit, viam actionem, aut vim, pharmaci, imo hoc ipsum determinat, modo impedimenta removet, quae in humano corpore actioni ipsius medicamenti, ubi solum exhiberetur, obessent.

650. Id vero, quod medicamento admiscetur, ut eius qualitas sive odoris, sive saporis, sive coloris ingrata, prava, aut invisa emendetur *Corrigens* nuncupatur. Unde liquet non semper hocce additamento formulas indigere, ut recte, ac commode sint compositae, ac proinde apposite post ea, quae ab aliis iam tradita fuerunt, nuper monuisse Cel. PICHLERUM (a) corrigens abesse debere ubi non adest, quod egeat correctio-ne, ubi copia, non qualitate medicamentum laborat, neque corrigentis nomen tribui posse cuicunque rei, quae vitium non demit, quin virtutem una infirmet, aut destruat, neque correctionem ullo addito medicamento perficiendam esse, ubi formula tantum mutata, seu novo compositionis genere delecto, facile, ac tutum est, ipsam formulam aegri naturae, consuetudini, aut desiderio accommodare.

651. Sicuti autem necesse est et aliquam medicamentis formam impertiri, et eam, quo fieri magis potest, aegri palato, ac voluntati aptam efficere, et variis morbi conditionibus accommodare, et parti, cui admon-

(a) Meth. Med. formul. Conscrif.

veri debet, opportunissimam reddere; hinc omnino oportet, quando haec vel omnia, vel aliqua praestanda sint, basim, adiuvans, ac corrigens apta materie excipere, aut medicamento, quod, cum requisitam formam caeteris tribuat, *Constituens* audit. Debet vero *Constituens*, ut idoneum maxime sit, reliquorum, quae formulam ingrediuntur, indoli, ac copiae generatim respondere; nunc maiori, nunc minori dosi praemitti debet; imo plerumque, si nec magnam vim habeat, nec ullum afferre queat periculum, copia indefinita, quam postea Artifex in compositionis actu decernit; ac demum debet, si excipienda opposita natura donentur, ac se invicem repellant, eiusmodi esse, ut inter utriusque corporis particulas cohaesione vinculum interponat, quo invicem misceantur et conjuncta maneant. Caeterum inutile esse *Constituens* si iam praescripta medicamina per se requisitam formam queant nancisci; tum eligendum esse, quod suis viribus reliquorum facultatibus non adversatur; tum illud praesertim, quod cum excipientis vice fungitur una adiuvantis, et corrigentis munus explet, aliis quibusve anterendum esse prudentissime PICHLERUS animadvertisit (a). Quod maxime curandum est, cum in concinnandis formulis potissimum studium in eo esse debeat, ut, quo magis licet, simpliciores exurgant.

(a) Op. cit. pag. 10.

652. Hisce omnibus perpetuo servatis,
 atque iampridem omnium adhibendorum me-
 dicaminum viribus, usibus, et dosibus oppor-
 tunis cuique aetati, morbo, et caussae probe
 perspectis, atque in tanta, quae suppetit, for-
 mae varietate commodiori constituta quemad-
 modum ad formulam conscribendam accedens
 Medicus eorum, quae comparanda, et compo-
 nenda Medicamentario praecipit, aestimatio-
 nem instituit modo numero, modo pondere,
 modo mensura, locus iam monet, ut pauca
 de eisdem proferam. Scire enim expedit, etsi
 ponderis, ac mensurae non eadem ratio sit
 ubique terrarum, aut nullam tamen, aut valde
 exigua differentiam in iis esse ponderibus,
 ac mensuris, quibus omnium pene Gentium
 Medici utuntur, tum etiam esse receptum,
 ut pondera, ac mensurae Romanis numeris
 exprimantur. Verum sicuti hodie ad omnem
 erroris occasionem declinandam, tam saepe
 pronam, atque interdum plenissimam periculi,
 Signis pharmaceuticis medicamenta nunquam
 designamus, ut alias fieri consueverat, tum
 ad metum confusionis vitandum Abbreviatio-
 nibus, ut dicunt, olim in formulis perpetuo
 usitatis, infreuenter utimur; mensuram quo-
 que, et pondus praestaret ad utrumque erro-
 ris genus prohibendum ipsis potius vocabulis
 clare expressis, quam numeris designare.
 Quod si hanc rationem Medici nolint gene-
 ratim amplecti, eam tamen sequantur, cum
 ea pharmaca praescribunt, quae, nisi exigua
 sumantur dosi, salutem, et vitam in praesens

discrimen adducunt. Hoc enim modo cum difficilius sit decipi, tutius quoque et aegrotum securitati, et Medicorum famae consuluntur.

653. Porro minimum ponderum habetur *Granum* quod hordei, aut tritici mediocre semen, vel granum aequans, divisum rursus in mediam, tertiam, aut quartam sui partem Medici concipiunt, ac designant. *Obulus* apud nos pendet grana duodecim, tum *Scriptulum*, aut *Scrupulum* grana vigintiquatuor, dum quibusdam locis ille a denis, hoc a vicenis granis constituitur. *Drachma* e tribus constans scriptulis hic pariter loci non sexaginta grana, ut Romae, Bononiae, atque alibi, at septuagintaduo aequat. Eadem proinde proportionem sequuntur *Semuncia*, quae habet drachmas quatuor, *Uncia*, quae octo continet, *Sesquiuncia*, *Sextans*, *Quadrans*, *Triens*, et sic porro usque ad *Libram* ventum sit, quae eadem ratione ex duodecim constans uncias *Pondo*, sive *As* olim dicebatur.

654. Mensuras quod respicit duplex earum genus est, unum ad arida, et sicca media pertinens, alterum ad liquida. Ad primum varia referuntur. Quidquid tribus digitis comprehendi potest *pugillus* audit, qui a nonnullis in maiorem, minoremque distinguitur, prout vel quinque, vel tribus tantum digitis fit. Quod prehendi potest mediocris manu distenta *Manipulus* est, uloa vero complicata *Fasciculus*, seu mensura, quae duodecim manipulis comparatur. Ad secundum

dum genus revocantur *Gutta*, seu liquoris, qui guttatim extillet, portiuncula, quae non semper uni grano respondet, *Cochleare*, quod dimidiam fere unciam aequat, vel, si parvum sit, drachmam, ac *Cyathus*, aliis *Vasculum*, duas uncias communiter attingens, ut alias silentio mittam mensurarum species, quae vel antiquioribus Medicis usitatae, cuiusmodi erant *Congius*, *Urna*, *Amphora*, *Culeus*, *Sextarius*, *Quartarius*, *Hemina*, *Cotyle*, *Cadus*, et *Modulus*, vel hodie a Germaniae, et Galliae Populis usu probatae, diversisque nominibus designatae, nobis plane insuetae sunt, quibus in more iamdiu positum est, ut liquorum, qui debent inservire medicinae, pondus, quoties libram excedat, toties non mensura, sed librarum numero tutissime exprimatur.

655. Circa ordinem autem, quo formulae sint conscribendae, quamquam nihil, quod perpetuum sit, queat constitui, si excipimus quodvis remedium qualibet linea esse exarandum, ac quae eiusdem sunt generis, aut ponderis non esse interpositis aliis disiungenda, docent nihilominus Medici generatim basim, veluti totius compositionis columen caeteris praemittere oportere, atque ei proxime adiuvans addere, dein corrigens, ac demum constituens subiungere. Usus interim invaluit, ut quae pleniori manu praecipiuntur reliquis anteponantur, imo pro formularum discrimine alias ordo servetur. Hinc in *Mixturis*, *Bolis*, *Electuariis*, *Emplastris*, aliisve

medicamentis constituens caeteris praeponitur, in decoctis vero primum ligna et radices, postea cortices, et semina, dein herbae, fructus, et flores consignantur.

656. Expositis medicamentis oportet rationem Artifici indicare, qua praeparare, aut componere rectissime debeat medicamentum, tum addere num capsula, num vasculo, aut phiala, an charta illud debeat includere, ac postea monere quonam modo medicamentum aegro dandum sit, non solum ut apud alias Gentes rectissime fit, sed apud Italos quoque, et Insubres quavis aetate fieri consevit, et adhuc a Medicis non infimae notae fieri solet. Ultimo loco formulae apponitur Medici nomen, ut Medicamentarius praescriptioni utpote cogniti, ac probati Artis Magistri fidem adhibeat, atque hic quocumque in casu operae suae rationem reddere queat, suamque famam, si mala fortuna in discrimen adducatur, a sycophantarum criminationibus, atque invidorum dicteriis vindicare.

657. Tandem quaeri solet num in formulis praescribendis Latii idiomate, an Vernaculo potius uti expediat, quemadmodum in quibusdam Italiae Provinciis consuetudo coepit. In hac re quid praestet, quid sequi mallem non est profecto cur dicam, cum tutissimum credam servare quod legibus sanctum est, aut ob consuetudinis diuturnitatem vim legis habet. Satius quippe videtur mihi si Medici, quae formulis consignanda decunt, sive Latino, sive Vernaculo utantur

idiomate, nitide, perspicue, et clare conscribant, vitatis omnibus, quae vel dubitacionem, vel confusionem, possent iniicere, vel aliam quamcumque erroris caussam ea in re praebere; quae hominis sanitatem, et vitam proxime attingit.

C A P U T I V.

De Remediis Emollientibus.

658. **E**tsi humanum corpus ita Natura comparaverit, ut solidae illius partes vel singulae, vel omnes ex improviso rerum non naturallium usu, aliarumve caussarum vi nimiam duritiem, nimiumque vigorem contrahant cum evidenti, nec levi sanitatis multifariam inde laesae detimento; subsidia quoque praestitit, quae rite usurpata opportunam, ac necessariam mollitatem eisdem reddunt, quae iam ortas aegritudines aufert, aut futuras avertit, et naturale totius corporis decrementum, quod nimius rigor maxime adducit, manifeste praepedit. Emollientia siquidem, ac relaxantia praestitit remedia, quae doris, ac rigidis fibris applicita, sive aliquid inter earum particulas interponant, sive aliquid ab eisdem attrahant, ac secum abripiant, sive aliud fortasse mutationis genus inferant, earundem cohaesionem imminuunt. Hac vero imminuta, cum partes tunc debeat necessario ob pristinam amissam densitatem, atque ob minorem attritum molles fieri, atque inter se minus resilire, non possunt quoque non laxas, ac magis flexiles evadere.

659. Quemadmodum vero, quae in simplicissimis fibris, seu earum elementis ista

remedia perficiunt, cum partibus, quae ex iisdem coalescunt, communia sunt, ac saepe quae in una accidentur ad universum corpus propagantur, inde Medici explicant quomodo salutares effectus, quos emollientia, et relaxantia uni loco admota suscitant, ad reliqua etiam extendantur. Profecto ego non diffitebor in humano corpore late patere emollientium medicamentorum actionem, praesertim quod sanguineis, reliquisque vasis illius partis, quam remedia proxime attingunt, relaxatis, eiusque fibris sensui, et motui dicatis eodem tempore affectis debeat necessario et in reliquis partibus vasorum, fibramque tensio imminui. Nec inficias iverim proinde, generalem tunc laxitatem oriri debere, quia partes nectuntur omnes, ac vitae vires in agendo una conspirant. Interea existimo quosdam huic consensui nimium tribuisse, quosdam contra minus, quam oportebat, dum emollientium vires, atque effectus aggressi sunt explicare.

660. Animadvertis utique **CULLENIUS** emollientia, ac speciatim Aquam, atque Oleum ad ventriculum, atque ad intestina tenuia delata in eorum tunicas, utpote copioso, nec facile solubili muco obductas, verisimiliter non penetrare. Docet etiam idem Auctor vix ad ventriculum emollientia delapsa quem maiorem forte habebant gradum caloris pretius amittere; tum eadem, maxime quia fluida, aut liquida sunt, vel ulterius peristaltico motu expedite promoveri, vel brevi

exsugi, aut absorbere. Temere nihilominus ex his quisquam concluderet effectus, qui in istis etiam visceribus ex emollientium usu nascuntur, pendere dumtaxat a consensu oris, et pharingis priusquam remedia stomachum subirent proxime affectis, ac relaxatis. Etenim mucus non ita oblitus stomachi, intestinorumque parietes, ut contactum remediorum liquoris, ac saepe vaporis formam habentium prohibeat, neque ipse solutionem renuit ex aqua, tum simplici, tum aliis imbuta principiis, quae solvendi vim augeant. Quamquam praeterea calorem, qui temperiem humani corporis excedat, stomacho, innexisque intestinis excepta, tamdiu scimus retinere, quamdiu expedit, ut solidae partes vim eius sentiant, atque ab eo mutationem aliquam percipient. Non protinus vero hauriuntur eiusmodi remedia a resorbentibus vasculis, quamvis eorum actio valde expedita sit, at paullatim resorpta satis temporis generatim habent, ut manifestos, nec leves emolliendi, ac relaxandi effectus in illis partibus edant, quas proxime attingunt.

661. Neque ideo quod idem CULLENIUS tradiderit in sanguinea vasa nonnisi lente admodum emollientia affundi, atque in iisdem summopere dividi, neque in eorum internas tunicas satis agere partim ob humorē, qui ex ipsis exsudat, aqua difficulter solvendum, partim ob celerem motum humorū, qui vix ingressa emollientia ad secretoria, atque excretoria organa confestim traducit; expli-

candi omnes effectus sunt, quos ista remedia in morbis edunt non a proxima eorum actione in vasa, sed ab uno consensu reliquarum partium, quas proxime attigerunt, ac relaxarunt. Nam praeterquamquod eiusmodi caussae non tanti facienda sunt, ut CULLENIUS censuit, limitant potius, quam excludant proximam emollientium actionem in vasa, quae et multis phaenomenis manifesta est, atque ab eo fortasse principio remediis quibusdam inhaerente proficiscitur, quod adductae conditiones in suis motibus non impediunt, aut destruunt. Nonne forte chemica quadam vi eiusmodi remedia abripiendo aliquid e materie, quae vasa, aut contentos humores constituit, tensionis caussam immittunt? Nonne contrario etiam modo aliquid eidem materiei tribuendo, quod cohaesionem infringat, laxitatem poterunt brevi, et facile inferre?

662. Iстis etiam modis in vasa emollientia agere verisimile videtur, praesertim cum nequeant, ut dicebam, caussae a CULLENIO, aliisque adductae eorum actionem, aut magna ex parte, aut omnino prohibere. Etenim non tam lente, ut ipse censuit, abripi in sanguinem haec remedia fluidam formam habentia docet copia excretionum ex largo, ac saepe repetito aquae potu intra breve temporis spatium excita. Nec resorptus humor, atque ad vasa delatus tanta celeritate vias excretionum subit quin vasa ipsa, praesertim cuncta pervadens, aliquandiu affi-

ciat. Ergo minus vere quidam acriter defendunt, tum in ventriculo atque intestinis, ea parte excepta, quae in alvum infusa proxime recipit, cum in lymphaticis, et sanguineis vasis nullam fere vim emollientia habere; ac proinde horum effectus ita derivandos esse ab una actione in externas corporis partes, aut istis innexas, ut ex ea, ob consensus legem, deducatur quomodo externum eorum usum totius corporis flacciditas, aut laxitas quandoque consequatur.

663. Caeterum qui in explicandis emollientium effectus non animadvertunt, tum nexum, et vinculum, quo singulae nostri corporis partes adhaerent, tum in suis motibus conspirantes vires vasorum, nervorum, cerebri, musculorumque, ignorare videntur, quod experientia evicit, emollientia uni tantum loco, seu artui imposita non solum hunc afficere, emollire, ac relaxare, verum etiam aliis etiam partibus laxitatem saepe inferre, imo interdum universo corpori, antequam potuerint, quae in cute sunt vascula ad resorbendum idonea tantum humoris emoliendi caussa admoti exsugere, atque ad caetera lymphatica, tum ex istis ad sanguinem transferre, quantum videtur requiri, ut eiusmodi laxitas et brevi, et in quovis fere loco rigiditati succedat; imo hanc ipsam infirmitas, aut debilitas interdum excipiat.

664. Interdum, inquam, debilitas, seu infirmitas quarundam partium, aut omnium consequatur. Etenim non in ea sum senten-

ta, in qua multos versari video, ut credam emollire, ac relaxare idem esse, ac debilitatem inferre. Nam praeterquamquod ad opportunam mollitatem, ac flexibilitatem solidis redactis eorum vigori, ac firmitati quoque prospicitur, non raro homines offendimus debilitate laborantes, etsi rigidae, ac durae texturae sint, ac contra alios mollis admidum, et laxi corporis habitus, et tamen sat firmos, et bene valentes. Quare, etsi inter caussas debilitatis mollities, aut laxitas nimia fibratum iure adnumeretur, ea nihilominus perpetuus non est emollientium effectus, maxime quod pleraque, ac forte omnia, quae in hunc finem remedia internis, externisve partibus admoventur, dum emolliunt, et laxant, alias persaepe queant valde oportunias, nec parum salutares mutationes uaa procreare.

665. Et re quidem vera cum cuti emollientia alicubi imponuntur alii, atque alii effectus praesto sunt. Tum enim quae fere iubarerant extimae partes mollescunt, et constrictae relaxantur; quae deinde subtus positae tensae, ac nimium resilientes erant cutis fibrae paullo post cedunt, ac mobiles, et flexiles fiunt; musculi item contracti, ac subduri a contractione remittunt, nisi etiam flaccescant; ac vasa tensionis plus, minusve amittunt. Hinc irritatio, dolor, et spasmus imminuuntur, ac removentur, maxime in partibus agenti remedio propioribus; unde exhalatio cutis revocatur, circuitus humorum

naturali ordini restituitur, fitque eorum, stimuli etiam ope, ut observat recte CULLENIUS, quem emollientia quaedam admoveant cuti, utilissima saepe ab internis partibus ad externas, vel a superis ad inferiores avocatio. Quam plurima enim suadent alios, atque alios effectus ideo emollientia edere, quia praeter vim emolliendi, ac relaxandi alias habent proprietates, modo stimulandi, modo temperandi, modo refrigerandi, aut sedandi, ut aliis locis dicetur.

666. Hinc intelligi, deducique facile potest quomodo emollientia praecox, aut naturale ex rigiditate, et duritie fibrarum corporis decrementum arceant, vel iam illatae senectutis incommoda leniant, eiusque futuros effectus retardent; quomodo in morbis inflammatoriis, maximeque intestinorum, renum, et vesicae, in doloribus ex calculo, in spasticis affectionibus, quae a rigiditate, et strictura, atque ab irritatione quacumque, vel ab acri quovis humore, vel a veneno, vel ab aliis caussis inducta insignem afferant utilitatem; cur saepe in febribus multiplici fine temperandi, laxandi, et spasmum solvendi aptissimum locum inveniant; cur in secretionibus, excretionibusque alicubi, aut imminutis, aut cohibus ob nimiam vim cohaesionis, atque inductam ex ea in humeribus densitatem, aut alienam indolem, magnopere expediant libero reddito sanguinis circuitu, atque aliorum avocato eius in aliquod viscus irruentis impetu, unde modo

evit is exhalatio usque ad sudorem, modo saliva, modo urina, modo alvus cieatur; cur ob adductas caussas circumventi sanguini impedimentis sublatis, vasorumque cuiusque generis actione liberrima reddita, subinde etiam stimulo aliquo leniter excussa, obstructiones saepe reserent, aut earum resolutioni aliis postea auxiliis plenius consequendae viam parent; cur denique in morbis capitis nervorumque, insania, vigilia, ardore, aestu que comitatis magnum afferant auxilium, ideo nempe quod molestis irritationibus amotis, et quibusdam partibus, vel omnibus relaxatis, nervosa quoque vis nimis tunc excitata consensus lege imminuitur.

667. Patet proinde cuique, quam creber atque utilis sit emollientium usus in morbis internarum partium sive singulae, sive omnes laborent; quemadmodum utilissimus in omnibus fere morbis ad Chirurgiam pertinentibus existit. Indicatur quippe generatim in iis, in quibus dolorem lenire, calorem imminuere, siccas fibras humectare, rigidas mollire, et constrictas relaxare oportet. Quare in tumoribus, ulceribusque communis usus esse solent, ne dicam passim recipi ad inflexiles, rigidosque artus, et caeteras partes duras ita molliendas, ac relaxandas, ut suos motus, pristinamque integritatem recuperent. Porro in tumoribus adhibita, refrenata inflam matione, eorum resolutioni favent, vel, ubi huic locus non sit, suppurationem promovent laxatis fibris, ac contentis humoribus

solutis, tum in ipsis ulceribus a rupto abscessu relictis, quatenus extrema ora vasorum mollia servant, inflammationem prope ulceris labia, aut callum, quod deinde obducitur, avertunt, exitumque humorum promovent, quorum etiam acredinem temperant, ac reliqua removent impedimenta, quae naturae cicatricem molientis salutaribus motibus obsunt. Hinc ratio patet cur hisce remedii carere nequeat Chirurgia, eademque emollientia modo resolventia, modo temperantia, modo humectantia, modo maturantia soleat vocare.

668. Iam vero significandum est, quae ad emolliendum et proprie, et potissimum valent. Vix autem interest monuisse ad eiusmodi finem assequendum plurimum conferre diuturnam totius corporis, ac maxime partis, quae laxanda speciatim est, quietem, vitam otiosam, et desidem, animum omni cura, ac contentione vacuum, somnum diu protractum, alimenta quae multum continent aquae, moram in regione humili, quae crasso, et nebuloso aeri, humidisque vaporibus obsito atque una calido exposita sit: quenam haec ob compertissimas rationes vix interdum ad laxandum, atque emolliendum a Medicis probari solent. Alia siquidem omni discrimine vacua, non dubia, non ambigua, at vere utilia praesidia paratissima habent, quibus mollitiem, et laxitatem duris, rigidisque partibus inferunt.

669. Quamquam vero multa ad id accommodata esse plerique arbitrentur, quae idcirco proponam, omnes tamen consentiant *Aquam* puram, aut simplicem certo caloris gradu donatam mollientibus reliquis antecellere, imo cunctis adeo praestare nonnulli contendunt, ut velint a calido vapore, qui ex aqua calente resolvitur singulos effectus pendere, quos edunt emollientia. Quam ob caussam singula medicamenta huic capiti relata, vix *Oleo*, quod raro etiam ad molliendum idoneum perhibent, excepto, ideo tantum proficia iudicant, quod aquam caloris vi in vapores resolvendam, eamque valde copiosam vehant. In qua quidem opinione quid veritatis insit ex iis luculenter patebit, quae singula emolliendi caussa proposita, atque usitata deinceps expendens opportune monebo.

670. Primum autem *Aqua* vires, et usus ad emolliendum, et laxandum exsequar; quoniam eam nacta caloris temperiem, quae nec minor sit iuxta REAUMURII Thermometrum gradu decimo tertio, nec maior sit vicesimo septimo, aut eo saltem, quem sine ardore, aut sine ulla molestia corpus sustinet, ad emolliendas, ac laxandas solidas partes valde idonea existit, quin imo longe aptior sit si quando aucta caloris vi in vapores magis resolvatur. Tunc enim *Aqua* non solum maiorem particularum tenuitatem consequuta facilius, et promptius cuncta pervadit, atque ad intimiora uberioris traduci-

tur, verum etiam quaeque magis diducit, et laxat, quia maiorem iisdem admovet calorem, cui potior est vis in corporibus dilatandis, imo eum admovet, quem secus sine evidenti salutis detimento quisque ferre nequiret, aut saltem sustinere, quin ex eo mutationem aliam emollientibus plane contrariam patetur. Scimus enim caloris actionem ita ab humido vapore temperari, ut eum humanum corpus ad illum gradum ferat, ex quo, siccus ubi esset, non leviter laederetur, vel, quin mollitiem, ac laxitatem acciperet, ad suos motus validius adhuc, novo, ac magno stimulo expositum, excitaretur.

671. Hinc liquet cur in usu *Aqua* ad emolliendum adhibitae curandum sedulo sit, ut eius calor, sive *Lotionis*, sive *Balhei* forma usurpetur, laxet, non stimulet, atque ubi magis laxandum sit instar *Vaporis* suppositam partem afficiat, tum cur illae magis emollient *Fotus* species, quae diutius et calorem retinent, et vaporem demittunt. Ad *Fomenta* idcirco laxandi caussa alicubi imposta prae linteis, et filtris *Spongia officinali*, seu marina calida aqua imbuta potissimum utimur, quia liquorem, quem recipit, facile, diuque retinet, et cum calidum vaporem diutius emitat, caeteris aliis rationibus commodior est, nec tam saepe novo debet humore irrorari. Oportet siquidem cum *Aqua* utimur emolliendi fine eam subinde, et toties renovare quoties calor multum remiserit, nisi idoneo machinamento ob ignem suppositum

pars, quae fovenda, emollienda, et laxanda est, calido vaporis indesinenter exhalanti maneat exposita, quemadmodum ubi inflexible, rigidumque mollire membrum expediat Chirurghi præcipiunt. Porro in quovis casu, cum emollientia usurpantur, ne effectu carant, neve minorem utilitatem aegris affrant, saepius renovanda sunt, nec generatim qualibet vice, docente CULLENIO, minus saltem hora manere debent applicita, nisi scilicet aliam ineundam esse rationem morbi natura, et caussae, partis quae auxilio indiget, singularis conditio, aut aegri vires iubant.

672. Quacumque vero ratione adhibenda sit aqua fine emolliendi, et laxandi quae ruit Medici an maioris effectus caussa res aliae ei adiici debeant, quae novam vim impertiantur, aut illius actionem maiorem, et durabiliorem efficiant? Nonnulli siquidem hac ducti opinione oleosa, et mucilaginea admiscenda præcipiunt, alii vero haec additamenta, vel credunt aliena, vel saltem cum CULLENIO dubitant an utilia sint. Verum si idem praestantissimus Auctor oleum, cum aqua intime commixtum solidarum partium interstitia subire posse, in ea se adigi, atque hoc modo validius relaxare non denegat, si id rursus a lacte e cicurum animalium uberibus recens educto vel simplici, vel aqua remixto expectandum esse concedit, quia in eo oleum iam est cum aqua intime consociatum; non debuisse profecto affirmare

quemquam perperam sibi polliceri emollientibus ex addito oleo virium incrementum accedere. Nam vero, etsi oleum purum nequeat cum aqua per se intime commisceri, nonne iamdiu novimus admixtionem eiusmodi mucilaginem, aut gummi suis interpositis particulis facile efficere? Quod si de eiusmodi methodo parum sollicitus CULLENIUS extiterit lacti maiorem, quam habeat aqua, molliendi potentiam non adscribens, ea tamen, vel lac, vel aquam cum oleo consociatam plus laxando, atque emolliendo saepe profuisse Medicorum alii observarunt.

673. Neque tantum Proceres Artis ex oleo maiores, certioresque reddi cognovere emollientes et laxantes Aquae calidae vires sive interne, sive externe indicatis usibus eadem inserviat, verum etiam additis vegetabilibus, quae mucilagine abundant. Profecto Cl. Auctor, cuius paullo ante memini, stirpes, quae copiosam mucilaginem, seu *Mucosum* vehunt, ac facile erogant emolliendo vix non impares reputat, ac generatim censet eas Aquae resolventem virtutem potius imminuere, quam augere. At nimis fideenter utrumque constituit, ac voluit eas ideo vix interdum profuturas, quod cuticulae aridatem, atque exsiccationem, quae evaporatae iam aquae succedit, mucilagine post se relitta provide avertant. „ Certissimum enim „ est, inquit GREGORY, eas solidas partes „ animalium corporum moliores, et magis „ flexiles reddere, scilicet ob has quodammodo

„ modo humectatas , vel fortasse oleo illitas ,
 „ quod motum particularum in se mutuo fa-
 „ ciliorem reddit , minuta nimirum , vel forte
 „ sublata frictione illa , quae motum impe-
 „ diebat . Praeterea pura calida , et etiam
 „ plurimi liquores aquosi , sive calidi , sive
 „ frigidi admoti fuerint , per evaporationem
 „ brevi dissipantur , partesque ideo externas ,
 „ quas fovebant , et emolliabant aridas , et
 „ rigescentes relinquunt . Oleosa vero , et
 „ mucosa medicamina ab hoc incommodo
 „ fere immunia sunt ; saltem multo tardius
 „ dissipantur . Merito igitur cum omnibus
 „ fomentis ad emolliendas partes nostrorum
 „ corporum externas miscentur (a) .

674. Certis itaque fundamentis cum innixa sit oleorum , et stirpium mucilaginearum utilitas in emolliendo , ac relaxando , sitque proinde eorum usus satis constitutus , atque omnium Gentium consuetudine recepus , officii erit tum de iisdem , tum de caeteris , quae ad emollientia medicamenta referuntur , nunc disserere . Porro ad olea , aut adipes , quod attinet ex Animalibus desumptas perperam ex vario eorum genere olim desumi consueverunt , atque in diversas species distingui , quae dissimilibus , ac propriis edendis effectibus , ac quibusdam proinde morbis speciatim curandis pares iudica-

Tom. II.

K

(a) *Conspect. Med.* n. 1077.

bantur. Dummodo enim pura, et recens pinguedo sit, quam velis adhibere, aut liquare, ut in oleum solvatur, perinde est a quocumque animante eam desumas. Hinc nuperrimi Medici iure arbitrantur emolliendi, et laxandi caussa, si pinguedo illinienda sit, aut malagmatibus excepta imponenda, satis esse axungia uti *Tauri bavis*, vel *Stis scrophae*, vel si densior, et calore tardius difluens conveniat, *Ovis Arietis*, seu uti bovilla, suilla, aut ovilla. Quamobrem reiiciantur tandem aliquando ex illis medicamentariis officinis, in quibus adhuc vulgi credulitati dicatae occurunt adipes, aut axungiae, quas inter Aves *Phasiani galli domestici foemina*, *Tetrao coturnix*, *Anas boschas*, et *Anas anser*, utraque *domestica*, praebent, quas inter Pisces suppeditant *Salmo thymallus*, ac *Muraena anguilla*, quasque inter Mammalia largiuntur *Canis familiaris*, *Foelis catus*, *Lepus*, sive *timidus*, sive *cuniculus*, atque *Ursus*, tum *arctos*, tum *meles*. Hae quippe omnes nil proprii habent, quo pinguedini cuique praestent, imo, cum raro suppetant recentes, emolliendo minus idoneae censemur. Vetustae enim obrancorem consequutum potius stimulant, atque irritant, quam emolliant, et laxent.

675. Itaque etsi eiusmodi pinguedines, vel emolliendo si recentes, irritando si vetustae interdum profuisse dicantur illinitae in artuum, aliarumve partium doloribus, atque in humorum congestione, glandularumque indurationibus, ac revera profuerint, cum

utrumque a quacumque pinguedine Anima-
lium, atque ab oleo e Vegetabilibus expresso
generatim expectandum sit, non est sane
cum illae medendi caussa in officinis retinean-
tur. Neque istis dumtaxat Medicina non
indiget, utpote superfluis, sed aliis etiam
carere sine ullo aegrorum detimento ipsa
potest, ac debet, quae ob singulares etiam
proprietas olim valde commendari solebant.
Porro pinguedo, aut oleum *Canis vulpis* ad-
versus arhtritidem nihil praestare, p[er]e cae-
teris pinguis potest; adiunctum vero aro-
matibus, quae medicamentarii quidam *Codi-*
ces addenda praescribunt, ab istis vim acci-
pit. Nec adeps *Castoris fiberis* alias insigniter
celebrata sive per se, sive cum unguentis,
quae nervina vocant, illinita debilia mem-
bra roborat, cum ipsa pariter, licet e glan-
dulis conglomeratis desumatur, quae sub
folliculis *Castoreum* continentibus occurunt,
pinguium rationem, quo ad vires, sequatur.
Pinguedo autem *Colubris beri*, aut *Viperae* no-
stratis quamquam habita fuerit a Cl. Artis Pro-
fessoribus ut egregium remedium in paralysi,
atque in pustulis oculorum, ulceribusque si-
nuosis, eadem nihilominus non plus efficit,
quam aliud quodvis unguen. Adeps denum
ex humano corpore desumpta ignari vulgi,
ac non ignobilium Clinicorum opinione, et
usu alias magni facta in rheumatismo, atque
in cerebri, nervorumque affectibus nihil pro-
fecto potest efficere, quod non quaelibet
possit pinguedo; ne dicam vanam, et ridi.

culam egisse rem, qui eam in atrophia, et tabe intus exhibuerunt.

676. Nullam quoque possum peculiarem facultatem oleosae materiae tribuere, quae ex multis cerebri ventriculis *Physeteris macrocephali* incolae Groenlandici maris, atque ex tota eius spina dorsali expressa, variisque modis, ac lixivii alcalici ope depurata, alba, pinguis, mollis, sicca, fragilis, et laminulis quodammodo composita ad nos advehitur nomine *Spermatis ceti*, quod, ut liquet, ei male tribuitur. Saporem habet pinguem, et glutinosum, atque odorem vel nullum, vel adipis non ingratum. Aquae vero frigidae coniunctionem respuit, atque in calida liquecens pristinam tamen densitatem recuperat statim ac caloris vis cessat; ab alcohole non solvitur; igne inflammatur; cito rancescit, ac tunc flavedinem contrahit; cerae, qua solet adulterari, facile unitur; destillationi commissa butyri instar difflit, atque ex retorta in excipulum tota descendit, quin empyreumatis quidquam contrahat, aut quidquam post se relinquat.

677. Unguinosum autem eiusmodi oleum recens, et sincerum oleo amygdalino solutum, vel in bolos conformatum, vel ovi vitello, mucagine, aut syrupo subactum, aliisve modis administratum ad multas aegritudines probant plerique, ut relaxans, lubricans, demulcens, atque anodynnum medicamentum. Hinc non desunt, qui contra tussim, faucium asperitatem, raucedinem, asth-

ma, phthisim, sputum supptessum, inflammations pectoris, varios affectus intestinorum, renum, ac vesicae, passionem hystericam, et lochia retenta magnificent, ac passim adhibeant, ubi laxare, atque emollire conveniat; imo sunt, qui hisce, aliisve morbis toties etiam mederi iudicant, quoties ad curationem praestat crassum, et tenax incidere, ac tenuare, sanguinemque alicubi haerentem, et concretum resolvere. Verum hanc vim a spermatis ceti natura expectandam non esse, eamque in morbis non exeri cum probe sciant quidam Nuperiorum, mecum sane non poterunt non mirari in quibusdam adhuc Italiae locis in adductis casibus crebro usurpari. Recentissimum enim, cuiusmodi non suppetit, attenuare, ac vere resolvere non potest, rancidum vero, ut plus, minus illud perpetuo est, quod in officinis prostat, irritando in pectoris inflammatoriis malis nocere necessario debet cum generatim stimulantibus exasperentur. Quamobrem saepe vidi *Sperma ceti* a Cl. Clinicis tunc usurpatum morbi solutioni offecisse, aut saltem per se propinatum nunquam profuisse, unde salutares effectus, quos nonnulli eius virtuti retulere, ab aliorum medicaminum viribus deduco, quae cum eo exhibuerunt.

678. Externe vero *Sperma ceti* oleo amygdalino solutum, vel cerae, oleo, mucilagini, aut cuique materiei admixtum, ac linimenti formam nactum cutis fissuras, asperitates, atque ulcuscula sanare plerique do-

cent, ac practerea glandularum tumores a tenaci, et nimia copia haerente humore, vel a lacte congesto ortos tentant saepe resolve-re, additis interdum *Sapone*, *Croco*, aut *Camphora*. Porro utrumque praestare facile con-cedam, quatenus communes *Olei fixi* proprie-tates habet, nempe aridas partes humectandi, scissas uniendi, duras emolliendi, contractas relaxandi, atque interdum, ut rancida olea solent, etiam discutiendi si eiusmodi stimuli genus ad resolvendum sufficiat. At cur *Sperma ceti*, quod solummodo ad ea valere potest, quae oleum generatim praestat, cele-brandum adhuc sit, atque in medicamentariis Officinis servandum ego sane non video; prae-sertim cum summae curae hodie sit ubi-que locorum a supervacaneis, atque alienis eas tandem liberare.

679. Pari iure e medicamentariis Officiniis proscribenda sunt, si nondum sublata sint, illa *Olea Infusa*, aut *Cocta*, sive *simplicia*, sive *composita*, quae tum emolliendi fine, tum aliarum virium caussa valde probari, et variis corporis partibus multiplici aegritudine de-tentis crebro illiniri alias solebant. Ea nimi-rum olea intelligo, quae infusis in commune oleum *Catellis*, aut *Scorpionibus*, aut *Lacertis*, aut *Viperis* parabantur quasi adversus venena animalium, et pestem antidotum, et debilitatis, doloris, ac rigiditatis remedium afferrent; quemadmodum Vulgus quorundam prae-sertim Medicorum vana, ac plane irridenda creduli-tate deceptus fidentissime olim existimabat.

Vix enim in tanta, quae nunc obtinet, Medicinae luce, interest ea ob instituti rationem commemorasse, ac dixisse ne quidem communi praestare oleo, ac prorsus aliena ab arte monstrari.

680. Itaque ad emolliendum, et relaxandum si oleum commodet, illa satis usu venient apud nos magis recepta olea, quae ex fructibus, seminibusque oleosis exprimendo educuntur, quaeque modo persequar, orsus ab eo, quod ex *Olea europaea* paratum, *Oleum commune*, audit. Porro quod e fructibus Olivatum nomine cognitis, seu drupis carnosis austera amaritie donatis, in quibus dura nux cum nucleo subdulci occluditur, idoneo machinamento exprimitur oleum optimum est, purum, tenue, dulce, nullum ingratum halitum emitens, et leviter citri instar flavicans, si e carne ipsa, quin testa, vel nucleus confringatur, eductum sit, expressumque ex olivis perfectam maturitatem consequutis. Oleum enim quod *Virgineum* seu, ut loquebantur Latini, primae notae, aut primae pressurae non est, nec egregii saporis, nec limpidum apparet, at plus, minusve acre, odore ingratum, et densum, cuiusmodi e testa nucis, maximeque e nucleo diffracto obtinetur; quemadmodum ex Olivis immaturis, quas drupas, aut pausias dicebant Veteres, amarum esse solet, tum mucidum, atque unguinosum ex nimium maturis elicatum.

681. Quare cum omnes, quas adduxi, bonitatis notas in Italia habeat imprimis Oleum Lucense, tum Hetruscum, tum Nicæense ex Provincia et caeteris Medicinae usibus, et speciatim emolliendi, et laxandi, de quo nunc dico, communiter inservit. Ceterum non est cur Insubria debeat aliis Italicae Provinciis purum, et medicatis usibus valde idoneum invidere cum ex *Oleis* in Briantinis Collibus, et Montibus Latio proximis late excultis Olivae legantur, quæ, si rite matuerint, torculari maxime idoneo, ad normam machinamenti premendo oleo antiquis Romanis usitati Reg. Societatis Patriae Mediolanensis cura alicubi fabrefacto, suppositæ egregii saporis, grati halitus, omniumque qualitatum ratione probatissimum Oleum uberrime effundant. Eiusmodi quippe oleum et optimum condimentum cibis suppeditat, et Medicinae plane commodat, cum aetatem, ut caetera olea praestantiora, satis ferat, quin in oleariis vasis, maximeque in vitreis ampullis probe occlusum, frigidoque loco detentum propere rancescat.

682. Oleum autem, quod ex fructibus *Amygdali communis*, seu amygdalis putamine privatis, aut seminibus valde copiosum exprimitur, dummodo sine caloris subsidio, atque ex iisdem recentibus eruatur, caeteris oleis antecellit, quatenus sapore valde gratum, dulce, mitissimum, blandissimumque perhibetur. Neque ex altera varietate *Amygdali communis*, cui nucleus amarus est,

oleum simili modo, ac pari diligentia expressum ullam amaritatem praesefert, imo sapore plane convenit, reliisque dotibus, nisi etiam dicendum sit illo, ut plerique tradunt, tardius rancescere. Valet proinde utrumque ad emolliendum, et laxandum, utilissimumque iis omnibus in casibus censetur, in quibus oleum indicatur. Magni proinde usus non solum interne, verum etiam externe apud nos esse censuevit, quippe quod ex non vetustis amygdalis expressum recentis olei proprietates, et vires habet, quamquam hodie a Clinicis praestantioribus longe rarius interne soleat praescribi, quam non multis ab hinc annis hic praesertim loci fieri consueverat.

683. Rarius adbuc, quam olim usus ferebat in quibusdam maxime Insubriae locis ad Medicos usus recipitur oleum aliud, quod semina cuique notissima *Lini usitatissimi* inodora, insuaviter dulcescentia cum manifesto mucaginis, atque olei sensu dum praelo supposita exprimuntur, erogant, quod sine igne eductum, et recens pellucet, acrimonia caret, non male quibusdam sapit, etsi nauseam plerisque moveat, leviter lutescit, et non tam facile rancescit, dum igne adhibito, tostisve seminibus elicium, ac vetus acredinem exhibit. Natura, et viribus cum duobus paullo ante indicatis oleis convenire superiores Medici generatim perhibent, eisque dumtaxat saporis gratia concedere; unde alibi illis passim substituitur cum minori

praetio veniat, quod quidem apud nos ad illud crebrius exhibendum non allicit, quoniam nec sumptuosum utrumque oleum est, Amygdalinum, atque Olivarum, nec sumentum palato, et stomacho generatim arridet ob nauseam, quam plerisque inducit. Hinc vix ad clysteria hodie recipitur.

684. Oleum quoque erogant apud nos sat copiose nuces *Iuglandis regiae*, quod rite sine igne expressum, maximeque epidermide ex nucleis exempta, dulci, et miti sapore donatum amygdalino vix cedere censemur; unde ab ipsis etiam divitibus interdum ad acetaria recipitur, imo a quibusdam ad pisces fricandos adhibitum avide expetitur. Nihilominus ad medicos usus nemo sane est, qui oleum ipsum, omni licet cura paratum, atque ex recentissimis expressum nucleis praescribat, praesertim quod in vermbus necandis, quos, neque thaenia exclusa, subgere olim creditum est, nullam hic fuerit famam consequutum. Quamobrem, ut in Insubria Oleum istud abundet, generatim Agricolis potius, quam Civibus condimentum affert ciborum, nec sane ob aliquam acrimoniam, atque invisum halitum, quem alimentis coctis, et fricatis, utpote non diligenter expressum, ac subrancidum, conciliat, probandum.

685. Praeter ista olea blanda, ac sat pura, ut interne recipi possint, atque externe relaxandi, atque emolliendi fine probari debeant, simili modo alia exprimi ex oleosis

Vegetabilium fructibus, seminibusque notissimum cuique est. Sed eadem Medicinae, apud nos saltem, non inserviunt sive nunquam recepta fuerint, sive utpote supervacanea exoleverint. Nam oleum ex nucleis nucum *Coryli avellanae* eductum, licet odore careat, et subdulce sit, inusitatum prorsus est. Neque ex nucleis *Pinus pineae*, qui tam trebro apud nos cibis addi solent, oleum, quod in se habent, si nondum rancorem induerint, mite, dulce, et cum amygdalino, ut quibusdam visum est comparandum, nunquam educitur. Neque Oleum unquam petimus ex nucleis, quos, etsi privati epidermide obstatum et blande oleosum saporem farcimini- bus, aliisve cibi addi interdom solent, nuces *Pistaciae verae* includunt. Oleum pariter ex- primi non solet ex seminibus, quae quatuor frigida maiora vocantur, nempe *Cucurbitae*, sive *lagenariae*, sive *citrulli*, et *Cucumeris*, sive *melonis*, sive *sativi*, etsi blandum mi- tissimumque contineant, quod in emulsionis forma extracta fundunt. Exoletum est vero oleum illud, quod in quibusdam morbis ac speciatim in ictero, et colica hepatica ex calculo olim probatissimum quibusdam fuit ex seminibus *Cannabis sativae*, e quibus sane, seu nucleis albis cortice, et membrana oc- clisis exprimitur. Oleum autem *Myagrinum* quod ob dulcem, et gratum saporem ex *Myagri sativi* seminibus expressum communis instar olei, si neque hoc, neque butyrum ex vaccino lacte suppetat, in quibusdam

Europae Regionibus tenuioris sortis homines adhibent, hic loci nec Medicinae inservit, nec condimento. Insuetum pariter nobis prorsus est utroque fine ex seminibus *Papaveris somniferi*, quae cum omni careant virtute vel abunde comeduntur impune, expressum oleum, quod mite admodum, nec halitus, aut sapore invisum Gallis, aliisque Europae Populis in communis olei egestate huius defectui suppetias attulit. Oleum vero Rarorum, seu ex seminibus eductum *Brassicae napi* Rusticis solummodo in quibusdam Insubriae Provinciis non ingratum condimentum loco vulgaris olei suppeditat, ubi rite, diligenterque expressum sit, ac probe servetur, ne rancidam acredinem, quam concipit, citius consequatur.

686. Iстis autem oleis non addo neque Sesaminum ex seminibus *Sesami orientalis* expressione eductum, tarde rancescens, sapore gratum, quia licet Indis condimentum, nobis ne medicamentum quidem praebet. Neque oleum *Cocos* ex nucibus *Cocos butyraceae* expressum in India valde usitatum subiungo, quia cum intra paucos dies rancidum evadat, nec quidquam proprii habere videatur, medendi caussa ad nos usque non advehitur. Neque ob eandem rationem immoror in qualitatibus, atque usibus expendendis oleorum, quae ex *Coco nucifera*, ex *Elaide guineensi*, aliisque palmis Indiae Populi exprimitur. Neque demum nunc dico de *Oleo illo*, quod ex *Ricini communis* seminibus sive

apud nos cultis educitur, sive ex India ad nos usque transfertur, quoniam alia potius virtute, quam emollienti a Medicis solet usurpari.

687. Commemorabo potius duplex genus Olei, etsi utrumque ad Animale régnum referatur, atque unum non simplici expressione, alterum distillatione educatur, oleum scilicet Ovorum, atque oleum Cerae. Ovi quippe vitellus, qui iam cum unguinosis oleis plurimum convenit, ad duritiem coctus, atque expressus oleum largitur, quod labiorum, papillarum, et cutis fissuris, atque ulcerulis illinitum, mederi, ino ulcerati caeci, aurium, labiorum, aliarumque partium dolores interdum compescere dicitur, licet tamen a reliquis oleis virtute non differat. Ex cera autem, seu ex cognita cuique materie e floribus ope pedum rastratorum ab *Ape mellifica* collecta, atque elaborata, unde favi, et cellulæ consurgunt, subflava, molli, sapore, atque odore quodammodo mellis, dura, summo frigore friabili, calore ductili, atque ex eo sat valido liquecente, inflammabili, ac vi ignis in integrum avolante, quae neque in aqua, neque in alcohole, at in oleo solvitur, inter distillandum post phlegma, acidum nidorosum, ac spiritum foetidum, oleum consequimur, seu butyri speciem, quae repetitis distillationibus purior fit, acom rem amittit, atque instar fixi olei liquida evadit. Hinc non solum Cera ipsa flava, seu citrina, seu ut improprie dicunt, virgi-

nis, quae Medicamentariis utpote crassior, et mollior prae alba adhibetur atque in Gerasis, Emplastris, ac quibusdam Unguentis ad certam potius conciliandam densitatem, quam emollientis, aut alterius virtutis caussa veluti basis recipitur; verum etiam eius Oleum, et Butyrum medicamentis accensentur. Interim utriusque usus internus olim propositus, utpote aegre meientibus, et calculosis laxando accommodatissimus, nunquam apud nos invaluit, atque externus fere exolevit. Tumentibus enim haemorrhoidibus, aliisve partibus dolorem compescendi sine nec Butyrum imponitur, nec Oleum labiorum, papillatum, vulvae, manuum, ac pedum fissuris, aut ipsis pernionibus, ut olim fieri consuevit, ac vulgus interdum solet, a peritis Chirurgis hodie illinitur, qui usitatoria nunc, ac tutiora remedia usurpant.

688. Caeterum de oleis, et butyris dicens silentio praeterire non possum duas praesto esse species, unam ex Animalibus, alteram ex Vegetabilibus petitam, quarum emollientibus, laxantibus, ac reliquis, quae inde pendent, viribus Medici, et Chirurghi plurimum tribuunt. Unam porro Butyrum affert ex vaccino eductum lacte, cuius alibi memini (§. 205.) quod natura lene, atque emolliens recens impositum duris, et dolentibus tumoribus subvenit, eosque ad suppurationem si nequeant resolvi, invitat, quinimo vel ore assumptum, vel in alvum infusum emollientes, ac relaxantes facultates exercit.

Interne tamen, cum vere unguinosum oleum sit, caute dandum est, ne ea incommoda suscitet, quae eiusmodi olea generatim inferrunt, nisi prudenter usurpentur, ut alibi monstro.

689. Alteram autem speciem constituit Butyrum, seu oleum de Cacao ex nucleis *Theobromae cacao* opportuna methodo, quam alio loco (§. 321.) indicavi, eductum, quod ob acidum una coniunctum tarde admodum rancescens, licet interne nunquam apud nos exhibeatur, ubi tamen reliqua indicantur olea, non raro expediret. Indole quippe mitissimum, sapore, odoreque gratum, ac tam densum, ut per se in tabellas conformatur, dum egregie emollit, et laxat, una involvit. Quare papillarum fissuris oblinitum medetur, coecis haemorrhoidibus impositum prodest, atque instar turundae, si intus doleant, Suppositorii modo inditum earum cruciatus lenit, et tollit, tumidasque venas vel resolvit, vel reserat, unde sanguine erumpente morbus discutiatur, quem etiam praecavet mature adhibitum. Non minori proinde utilitate aliis imponeretur partibus si crebrior eius usus apud Chirurgos esset, quemadmodum conveniret, ex eo maxime quod rite praeparatum difficilime rancescat,

690. Iam vero ut redeam ad olea usitatoria, nempe Olivarum, Amygdalarum, et Lini tutissime possum constituere ex principiis, viribus, atque effectibus, quos unumquodque in humano corpore edit, idem esse

unum, aut aliud adhibere sive emolliendi, et laxandi fine, sive alio quovis administretur tum interne, cum externe. Satis enim evictum est nulli peculiarem facultatem competere, sed unumquodque eandem vim habere, iisdem vitiis obnoxium esse, iisdemque usibus prospicere. Pari siquidem modo quodlibet duras partes emollit, et constrictas laxat, siccas humectat, et stimuli vim solvendo retinendit, cum nondum acredinem conceperit. Item unumquodvis ex aere oxygenio, ut putant plerique, absorpto rancidum fit, tuncque alias induit facultates, ob quas stimulando, atque irritando par evadit, neque pristinam blandam, mitemque indolem cum molliendi virtute recuperat, nisi cum aqua alcalico imbuta principio, aut cum alcoholle subactum omnem rancorem exuerit, seu oxygenium, quod assumpsit, dimiserit.

691. Quodvis praeterea ex indicatis oleis vel solum, vel cum ovi vitello, aut emulsione, syrupo, saccharo, gummi arabico subactum modo potionis, modo linctus, modo emulsi forma assumptum simili modo agit, unde aequa anodynum, antispasmodicum, expectorans, aliisque alibi indicandis facultibus praeditum est, verum etiam aequa valet ad caustica, et acria venena assumpta enervanda sive eadem involvat, sive resolvat, ac minus nocua reddat, chemica etiam ratione operando, sive stomachum, atque intestina contra eorum virus muniat, inducasque contractiones solvat. In sanguinem

item delatum alterutrum oleum ad eos praestandos effectus idoneum habetur quos ab oleosis pinguibusque in eum affusis Medicis sibi pollicentur. Similiter unumquodque oleum cum relaxando stomachi robur imminuat, nauseam facile moveat, caloris vi etiam rancescat, rancidumque factum stimulet, calorem augeat, acredinem sanguini tribuat, humoribusque primarum viarum, ac potissimum bilem vitiet, in inflammatoriis, gastricis, putridis, biliosis, malignisque febribus generat noxium facile evadit, nec in aliis morbis indiscriminatim usurpatum noxa interdum caret, aut perpetuo solet prodesse. Hinc etsi olim creberrima esset sive communis olei, sive lini, sive imprimis amygdalini interna in plerisque morbis administratio, hodie apud saniores Clinicos quam rarissima est.

692. At inquiet fortasse quisquam si communes oleis istis expressis sunt vires, cur in haemophthisi, et Colica Pictonum Oleum Lini, in veneno a *Colubris* vel *beri*, vel *cherseae* morsu infuso Oleum Olivarum, in spasticis vero intestinorum, renum, et vesicae doloribus, atque in torminibus recens natorum Amygdalinum tamquam singularis virtutis remedium plerique Medicorum summis laudibus extollunt, neque Oleis istis promiscue utuntur? Profecto perperam quisquam ex laudibus, usibusque quorundam Clinicorum, aut ex Vulgi opinionibus quisquam contenderet olei cuiusque propriam, ac praestantissimam facultatem demonstrari. Enim

vero in haemophthisi, ac phthisi si oleo cochleatim subinde hausto locus interdum sit, aequo prodesse sive ex Amygdalis, sive ex seminibus Lini, sive ex Olivis desumatur, observatio iamdiu evicit, quae etiam ostendit in Colica Pictonum Oleum lini, sive præservationis, sive curationis caussa non plus efficere, quam quodvis aliud oleum. Item adversus venena Colubrum vel commune, vel amygdalinum, vel aliud quocumque oleum antidotum credere, ut a Cl. Viris traditum est, post ea, quae GEOFFROYUS, et HOUSARDIUS ad experimentorum, atque observationum fallaciam demonstrandam egerunt, quaeque nuper protulit Ill. FONTANA, idem esset ac veritatis loco quod falsum prorsus est temere amplecti.

693. Si igitur communes Oleis expressione elicitis, maximeque e Lini seminibus, Amygdalis, atque Olivis vires insunt, atque interne sumpta aequo agunt, promiscue etiam poterunt eadem olea externe usurpari ubi mollire, ac laxare extimas corporis partes expediatur. Animadvertisunt nihilominus Medici, et Chirurghi flexilitatem, laxitatemque rigidis, ac subtensis fibris singula quidem conciliare imposita, at interim quae tenuiora sunt olea cum facilius, atque oxyus resorbentium vasorum oscula queant penetrare, atque ad intimiora corporis pervenire, eadem rectius præ caeteris imponi existimant, sive oporteat ea dumtaxat illinire, sive frictione curare, ut melius oleum vascula permeet.

Qua de caussa utpote tenuius, ac minus mucagineum Oleum commune anteponunt oleo Lini, ac generatim expressa e Vegetabilibus olea Animalium oleis, et pinguedinibus anteferunt, licet id vix animadvertendum esse CULLENIUS arbitretur.

694. Sed circa externum olei usum, quaestio adhuc superest dirimenda, quae apud Medicos, et Chirurgos iamdiu invaluit, utrum scilicet impositum oleum impedit ne in ea parte consueta cutis exhalatio continat, neve ex circumfuso nobis aere absorptio fiat humoris, vel illius, cuiusque indolis sit, principii, quod naturaliter resorbetur, atque intimius traducitur, an potius emanationem, atque una ingressum aequa retardet? Porro quamquam accuratae observationes Clinicorum, quarum auxilio facile, et tuto queam quaestionem persolvere, nondum suppetant, nimum tamen mihi videtur cum CULLENIO, aliisque censere eorum opinionem tutam unquam non esse, qui credunt oleum impositum cuti vasculorum extrema obstruere, atque istis occlusis perspirationem suppressare, cum ab eiusmodi caussa saepe olei usum in externis corporis affectibus male cessisse Chirurghi observaverint. Nec quae argumenta desumuntur ex consuetudine Veterum Romanorum, Populorumque, qui Asiam incolunt, satis huc faciunt, quoniam olea, et unguenta post sudationem, frictionemque imponunt, vel eodem corpus perflicant. Vix autem cre-

dibile videtur MURRAYO (*a*) „ per oleum „ arceri humiditatem aeris posse si in toto „ corpore perfricaretur “. Attamen ubi nulla accedit frictio, crassum admodum imponatur oleum, diuque cuti adhaereat exhalationi, atque absorptioni aliquatenus officere verisi- millimum, ac certum videtur.

695. Ab Oleis progredior ad ea consi- deranda Vegetabilia, quibus emolliens, et laxans virtus tribuitur, quorum quidem bene multa a Medicinae Scriptoribus recensentur, etsi paucissima sint. Repererunt siquidem Clinici perperam ob peculiarem emolliendi, et laxandi vim fuisse probata Vegetabilia, quae molli, et laxa praedita textura copiosam continent aquam, quoniam ista nonnisi ob communem vim agere queunt, quam ab aqueis partibus accipiunt; ac proinde haec plane supervacanea iure arbitrantur. Sunt eiusmodi Oleracea fere omnia, atque impri- mis *Spinacea oleracea*, cuius alibi memini (§. 178.) de Oleribus dicens, atque herbae, quae inter quinque emollientes referuntur, nempe *Mercurialis annua*, quae saponaceo suc- co abundans ubi recens sit, et laxans, alvum- que ducens a quibusdam habita, non certo emolliens a LINNAEO censemur (*b*); *Parictaria officinalis*, quae aqua, non mucilagine dives, et vix temperans ab emollientibus hodie ex-

(*a*) Mat. Med. Vol. II. pag. 47.

(*b*) Mat. Med. pag. 216.

cluditur; *Acanthus mollis*, seu branca ursina, quae vix demulcens, atque emolliens a quibusdam habita stirps supervacaneis nunc accensetur; ac *Beta vulgaris*, quae sane multo praedita humore, et dulcis ad olera, quae crebro edi solent, potius pertinet, atque ad ea, quae humectant, et diluunt, quam quae propria virtute mollitiem, laxitatemque inducunt. Quare ex quinque emollientibus una est *Althaea officinalis*, cuius maxime radix insipida, tenaci, glutinosa, lubrica, et nutritive mucilagine plenissima ad emolliendum eximia habetur, et caeteris usitatior est, sive per se adhibenda sit, sive cum aliis remediis molliendi, et laxandi caussa, ut in quibusdam unguentis, et emplastris fieri solet.

696. Perperam etiam ad emollientia, quidam Medicorum adhuc traducunt *Alsinem medium*, a cuius foliis emollientes facultates vix SPIELMANNUS expectat (a), *Violam odoratam*, seu *Violariam*, cuius herbam ad superflua, aut incerta emollientia iamdiu amandam esse experientia docuit, ac *Melilotum officinale*, cuius summitatibus resolvendi fortasse, ac discutiendi vim quisquam posset concedere, non laxandi, et molliandi, licet hoc fine malagmatibus adiici interdum soleat. Quamquam praeterea, quae ad Columniferas pertinent stirpes, emollientes omnes generatim iudicentur, attamen neque *Gossypii herbacei* semi-

L 3

(a) *Instit. Mat. Med.* pag. 451.

na mucilaginem occludentia sive ad emulsiones, sive ad pultem, aut mucaginem, sive ad oleum ex iisdem exprimendum recipiuntur, neque *Alceae roseae* flores, perperam a quibusdam adstringentes iudicati, evidenter mucilaginei hodie usurpantur, utpote qui exigua admodum facultate praediti supervacanei iure censemur.

697. Itaque *Althaea officinalis*, et *Malva sylvestris* duae sunt stirpes, quae caeteris reiectis ad emolliendum utpote probatae virtutis Medicinae usibus sufficiunt. *Malva* enim sive ex indicata specie, sive ex *rotundifolia* commodissima, atque usitatissima est, quatenus eius maxime folia varia forma infusi decocti, fatus, cataplasmatis ob multam, quam habent mucilaginem, egregie emolliunt, ac proinde sive potionem interne hauriendam, sive gargarisma, sive lotionem clysmate infundendam praestent, sive externum quodvis medicamenti genus praebeant, multis in casibus, qui emollientia, laxantia, atque involventia requirunt, efficacitatem suam ostendunt. Quare recte tum ipsam, tum althaeam quinque emollientium herbarum loco usurpandam esse recte novissimi Pharmaceutici Codices prescribunt. Caeterum quemadmodum *Malvae* folia praestant virtute floribus, radicibus, et seminibus, quae idcirco partes usurpari hodie non solent; ita cedunt evidenter *Altheae* radici, quae tantam habet mucaginem, ut LEWISIO docente (a) fere ad

(a) Mat. Med. pag. 35.

mediam contineat, eamque infusu, aut decoctura facile eroget. Quare cum eadem in pulvere nunquam apud nos recipiatur, raro in infusu, saepissime vero in decoctu, opportunum erit III. MURRAY consilium (*a*) ad duas vel tres drachmas in quavis aquae libra non ultra coquendam esse, ne secus mucilagine nimia fastidium moveat, et stomacho pondus, aliamve molestiam inferat. Quod quidem praeceptum, cum similia praecipimus remedia, generatum servare oportet.

698. Interea, cum tam copiosam mucilaginem praebeat Althea, non est cur ex gummi Tragacantha, vel Arabico, ex radice Salep, ex seminibus Cydoniorum, Foeni graeci, et similibus emolliendi caussa mucilago desumatur, atque eorum proinde vires et usus, alibi proponendos, modo exsequar. Quare potius addam multiplici forma, ut de Malva iam dixi, Altheae radicem crebro, utilissime que praescribi, tum commode eam cum fructibus dulcibus, mucilagineis, emollientibusque quos *Ficus carica* largitur, interdum coqui, si potionem, aut gargarisma praestare debeat; tum alias cum lacte, si valde emolliens cataplasma adhibendum sit. Quod demum spectat ad Malvae, et Altheae praeparata, et composita medicamenta brevissime dicam, quod censeo Conservam ex floribus malvae utpote superfluam ex officinis pro-

L 4

(*a*) Mat. Med. V. III. n. 396.

scribendam esse; neque Unguentum est
herba retinendum, utpote supervacaneum,
ubi in eisdem prostet Unguentum Al-
theae, quod vel ex mucilagine huius radi-
cis, vel etiam ex aliis confectum egregie
emollit, et laxat inunctum, ut passim fieri
solet; tum retento Syrupo Altheae, qui
ubi simplici admodum modo confectus sit
ex decoctu radicis, et saccharo, nisi multum
emolliendo praestet, leniter tamen emollit,
resolvit, et commode potionibus, aliisve me-
dicamentis additur, reiiciendum contra esse
Syrupum Altheae Fernelii, qui copia
rerum plane inconcinnus, si probari unquam
possit, alio potius, quam emolliendi fine,
probari deberet; tum rursus Pastam Al-
theae, seu eius mucilaginem cum gummi
Arabico, et Saccharo ovi albumine inspissa-
tam, tabulatim divisam, non tamen duram,
dum solvitur in ore leniter emollire, et fau-
cium asperitati saepe mederi; tum denique,
quod mucilaginem Altheae recipit Empla-
strum Diachylon vim habere, qua du-
ris emolliendis tumoribus inserviat, eosque,
si nequeant resolvi, ad suppurationem,
praesertim si emplastrum compositum
sit, seu Ammoniacum, Crocum, aliaque
huius generis habeat, valide invitet.

699. Atque haec, quae hactenus sum
exsequutus, potiora sunt emollientia, et rela-
xantia, quibus salutaris Ars utitur. Nam
caetera, quae huius generis a quibusdam
habentur; vel omni prorsus carent emolliendi

facilitate, vel eam ab humido calore, quem
emittunt, solummodo agnoscent, vel cum
emollienti aliam potiorem virtutem coniun-
ctam possident. Porro non emolliunt radices
Ranunculi patientiae, flores *Matricariae chamo-*
millae, ac *Sambuci nigrae*, aliaeve stirpes,
quemadmodum rectissime **CULLENIUS** obser-
vat adversus **LIEUTODIUM**, qui perperam
eas emollientes iudicavit. Ab humido vero
calore, quem ex aqua accipiunt, ac emitunt,
vix omnem mutuantur, quam exerunt, Ce-
realium seminum farinæ subactæ, atque in
pulmē redactæ plus, minus densam, quoties
lintero exceptas foyendis, et laxandis partibus
a Chirurgis imponuntur. Quando autem aqua
ex alto instar stillicidii depluit adhuc calida
in aliquam corporis partem, quæ mollienda,
et laxanda sit, uode et flexilis evadat, et
ab impactis humoribus liberetur, non inducta
solummodo mollitie, et laxitate prodest,
verum etiam excussa solidarum partium, quæ
debilitate laborant, actione, et contractilita-
te. Eos siquidem effectus coniunctim afferre
videtur magnum istud artis praesidium, quod
pariunt Balnea, et Frictiones, ubi illa istis
antecedant, aut harum usum excipient.

700. At nimium fortasse de remediis
emollientibus, quæ ideo fuse exequenda
iudicavi quia, ut iam dixi, variis eorum
spectatis effectibus (§. 665) et frequenti-
tatem usu in morbis, maximeque in iis, qui
ad Chirurgiam referuntur. (§. 702) utiliora,
atque usitatora Artis auxilia pertinent. Post-

quam enim nostra praesertim aetate Chirurgiae Proceres docuerunt, atque usu comprobarunt emollientia multo saepius, et certius, quam alias crederetur, *Antiphlogistica*, *Resolventia*, atque *Anodyna* evadere, aut ubi inflammatio nequeat resolvi, *Suppurantia*, *Maturantia*, ac *Digestiva* fieri, quemadmodum loquuntur, eorum sane administratio in morbis inflammatorii magnopere invaluit. Maxime vero invaluit, et quidem iure, postquam Ill. RICHTERUS, summus sane Chirurgiae Professor, quem magni semper faciam, constitutis casibus, in quibus externarum partium inflammatione praesente Emollientia indicantur, luculenter evicit (a) multo rarius, quam plerique existimabant, in ea corporis aegritudine Emollientia non prodesse, eorumque loco Adstringentia medicamenta convenire. Quo sane modo dum Vir praestantissimus omnem abstulit Chirurgis ulterius disputandi occasionem, utrum in externis inflammationibus emollientia, an adstringentia adhiberi debeant, de Aegrorum quoque salute insigniter meruit.

701. Animadvertis quippe RICHTERUS in inflammationibus curandis illud non esse praecipuum, sicuti plures arbitrantur, ut e loco inflammatione correpto sanguinis copia arceatur, et discutiatur, ac praeterea reputans animo, quod Ill. Eques a BRAMBILLA, cui summa est auctoritas, ac medendi peritia iamdiu docuit (b), vel acetum mitissi-

(a) Observat. Chirurg. Fasc. III. Cap. VIII.

(b) Dell' Ossicrate.

um in vehementioribus inflammationibus
 insigniter nocuisse accersita potissimum gan-
 graena, generatim Discutientia remedia minus
 proficua, ac saepe nocua iudicans accurate
 constituit quando emollientia et relaxantia,
 quando adstringentia, et discutientia adhi-
 benda sint. Tradit proinde primum reme-
 diorum genus in inflammationibus prodesse,
 quae ab irritatione suam potissimum originem
 agnoscunt; in iis, quae acutus ac vehemens
 dolor, tensio valida, ac siccitas oris comitan-
 tur; in caeteris, quae sanari sine suppuratione
 non possunt, cuiusmodi censemur a vul-
 neribus inductae, in quibus suturae locus
 non est; in acutis praeterea fere omnibus,
 atque in illis quae acrem humorem demit-
 tunt, ut in humidis, catarrhalibus, et rheu-
 maticis ophthalmiis, atque in gonorrhœis
 virus habentibus. Nec minus apposite, ac
 sapienter, ut perpetuo solet, idem RICHTER-
 RUS docet in quovis casu habitum aegri
 Chirurgum inspicere sedulo debere, atque
 una conditionem partis, in qua inflammatio
 pus tentat movere. „Facile enim, inquit,
 „ut plurimum ferunt adstringentia, et discu-
 „tientia remedia corpora laxa, spongiosa;
 „torpida, humoribus inertibus referta; contra
 „vero, quae sunt sicca, calida, insigni sen-
 „sibilitatis, et irritabilitatis gradu praedita
 „melius ut plurimum ferunt emollientia. Ut
 „vero corpora varia, ita etiam variae eius-
 „dem corporis partes vario sensibilitatis gra-
 „du gaudent. Alterum quod respicit,

„ locum illum, subdit, qui pus continet,
 „ circumdat saepe tumor rubens, et valde
 „ dolens; aliquando vero parum dolet tumor
 „ ille, et valde durus est; in priori casu
 „ mere emollientia adhiberi, in posteriori his
 „ acria stimulantia addi, conducit (a).

702. Constitutis hoc modo casibus inflammationis, in quibus indicata, et proficia sunt emollientia, et relaxantia, non minus accurate eos determinat RICHTERUS, in quibus eadem, vel parum aut nihil prosunt, vel nocent, ac proinde, quae adstringunt, et discutiunt valde commoda, ac necessaria existunt. Porro haec sua virtute congestos humores discutiendo, ac valide irruentes repellendo, ut inflammatio resolvatur, et supuratio queat arceri, speciatim prodesse docet, quando inflammatio ab imminuto robo-re, sublata tensione, et laxitate, debilitateque vasorum praecipuam caussam agnoscit, ac speciatim ubi ipsa vehementem aut omnium, aut singularum partium commotionem, et contusionem excipiat, ubi in cerebro, eiusque meningibus post contusa capitis vulnera succedat; ubi ecchymoses et suggillationes ossiumque fracturas, aut sine luxatione, aut statim reposita, sequatur; ubi eadem inflammatio articulis valide concussis, et contusis, ac maxime femoris supervenit in suppurationem, et cariem pronissima. Ex eodem prin-

(a) Op. cit. pag. 110. III.

cipio docet rursus RICHTHERUS adstringentia generatim requiri in lentis, et chronicis inflammationibus, ut in iis, quas scrophulosum virus comitatur, aut infert, atque in caeteris, quae etsi ab irritatione natae, temporis tamen diuturnitate roboris, ac tensionis viribus attritis laxitatem, debilitatemque intulerunt, unde humorum fluxus e quibusdam partibus, ut in vetustis gonorrhœis diu perseveret, aut tumor alicubi haerens mollis, oedematosus fiat, atque in magnum volumen excrescat. Demum docet ob adductas rationes, quae adstringunt, atque discutiunt plerumque imponenda esse quoties, licet inflammatio adsit, laxitate, et torpore partes solidae laborent, fluidaeque inertes, et parum mobiles sint, membrum vero, cui admoveri debeat medicamentum, parum sensile sit, atque irritabile.

703. Quare oportet concludere emollientia, sive interne, sive externe adhibenda sint, non esse indiscriminatim usurpanda, tum quando, utpote indicata, ac pernecessaria, administrantur, eorum usum, ut prospere cedat, quam caute, et iuxta Artis præcepta esse instituendum. Inter haec præcipuum est, ne emollientia remedia, ac præsertim validiora, sive proxime cuti admoveantur, sive medicamentis ei impositis super iniicenda sint (quo etiam modo eorum absorptioni saepe prospicitur), diutius, quam expedit, imposta maneant, aut saepius, quam deceat, renoverentur. Secus enim nimia laxitate in-

terdum inducta summopere nocent. Hinc in usu Balnei emolliendi caussa instituto, ut saepe commodissime fit, minus temporis in eo sive generale sit, sive *insessum*, aut *pediluvium*, aut *maniluvium*, aut *fomentum praestet*, sitque *humidum*, aut *vaporosum*, absumitur, quo maior est vis calidi vaporis, quae ex liquore exhalat, ac pars fovenda, atque emollienda plus extensionis habet. Ob quam sane caussam, ubi ea specie balnei calidi et vaporosi, quam Rutheni Populi adhibent, quamque cum *Laconico*, aut *Assa* Veterum Romanorum, et Graecorum nonnulli perperam confundunt, utendum sit, Clinici ad pauca horae minuta eius usum extendunt, praesertim, cum ei nondum aeger assueverit, quia magna copia vaporis ab ingenti calore evoluti propere humanum corpus summopere relaxatur, et sudoribus difflit.

704. Interea ubi vel ex improviso emollientium interno usu, vel ex eorum etiam externa administratione vel inopportuna, vel in longius, quam erat in votis, ob morbi singularem naturam protracta, vel ex partis, cui admota fuerunt ista remedia, peculiari conditione videat Artifex nimiam illatam fuisse mollitem, laxitatem, flacciditatem, debilitatemque, propere pravam hanc vel totius corporis, vel alicuius partis constitutionem emendet, ne generalis, aut singularis sequatur infirmitas, maximeque nervorum, quae omnibus fere morbis patet. Quae quidem mala avertet prouido remedio.

rum usu, quae emollientibus et laxantibus
contrariam vim habent, atque eorum praeser-
tim, quae modo subiungam.

C A P U T V.

De Medicamentis Adstringentibus.

705. **Q**uemadmodum solidarum humani corporis partium integritati, si quando internarum, externarumve caussarum vi nimiam duritatem, et rigiditatem, atque insolitam contractionem nactae saluti minitentur, aut eam iam laedant, providentissima Natura prospexit emollientibus comparatis medicamentis, quae opportunam mollitatem, et laxitatem afferrent, sic plura, ac validissima nobis obtulit auxilia, quibus iisdem partibus contrarium vitium consequutis, seu tam laxis, molibus, et flaccidis redditis, ut valetudinem tentarent, aut etiam adversam adducerent, tuto mederemur. Sunt eiusmodi quae corpori admota particulas, e quibus fibrae conflantur, densando, et contrahendo solidarum partium cohaesione maiorem efficiunt, quaeque Adstringentia generatim dici solent, etsi non una ratione agere videantur, nec quovis in casu fibras, quarum mollitatem emendant, aut vim cohaesione augent et firmant, in minus spatium constringere iudicentur. Adstringentium itaque voce late sumpta, sicuti hodie apud omnes fere Proceres Artis consuetudo obtinuit, ego quoque illa omnia medicamenta, quae solidis partibus maiorem cohaerendi vim

vim impertuntur Adstringentia vocabo, quae secus dissimili spectata ratione, qua suum praestant effectum, aliis debuisse, iuxta quorundam sententiam, magis propriis nominibus indicare.

706. Quamvis enim nondum evoluta prorsus sit ratio, qua eiusmodi medicamenta humano corpori cohaesionem restituunt, vel augent, ac propinde qui hanc Therapeutices partem exequuntur de Adstringentium agendi mechanice inter se adhuc dissentiant; verisimile tamen videtur arbitrari in hac re affinitatem, quae inter principia solidas partes constituentia, ac particulas medicamentorum praesto sit, magni faciendam esse. Ex ea siquidem primum est deducere quid fiat, ut medicamenta modo solidis mollitię et laxitate laborantibus reddito elemento, (cuiuscumque porro naturae sit) quod ablatum, vel copia, seu vi imminutum naturalem firmitatem sustulit, modo novo iisdem addito principio, quod dum auget densitatem, melius firmitati prospiciat, modo ex ipsis fibrarum moleculis secum abrepta materie, quae vel quantitate excedens, vel plane aliena laxitatis caussa extitit, modo parum inter se cohaerentibus partium elementis nulla re interposita arctius una contractis, quid, inquam fiat, ut medicamenta ad mollitem, laxitatemque corrigendam accommodatissima evadant. Tot enim hisce rationibus cohaesionem conciliari posse particulis, e quibus singulae coalescent corporis partes, Medici perhibent, etsi quidam

ab una, alii potius ab altera Adstringentium actionem derivent. Ego autem censeo nullam ex istis iure excludi si in eo, quem dicebam, sensu adstringentia accipientur.

707. Nemo proinde mirabitur si ob adductam caussam ad hoc caput referam ea quoque genera remediorum, quae, ubi eorum proprietates, atque agendi rationes potius spectarentur, quam effectus, qui interdum ex ipsis sequuntur, huc non pertinerent, ac praesertim ubi ea solum Adstringentia dicenda essent, quae linguae imposita adstrictionis sensum imprimum. Caeterum etsi credam eiusmodi sensum, quem generatim proprie adstringentia in lingua, ore, et fauibus suscitant dum has partes evidenter constringunt, adstringendi facultatem praemonstrare, non existimo ex vario adstrictionis gradu maiorem, minoremve eorum efficacitatem in stomacho, aliisque partibus perpetuo declarari, ut quidam arbitrantur. Sunt enim medicamenta, quae etsi vix leve adstrictionis sensum gustu patefaciant, interne tamen recepta validas adstringentes vires explicant, suntque contra, quae sapore valde adstringentia ex effectibus, quos postea edunt, pa- rum efficacia monstrantur. Tum pariter non est perpetuo iudicium ad adstringendi facultatem eruendam, vel ad gradum virtutis constituendum petitum e nigro colore, quem medicamenta solutioni tribuunt e *Sulphato ferri* paratae, cui acidum ita admunt, ut ferrum pulveris nigri forma ad vasis fundum

praeceps ruat. Cum enim iamdiu quorundam Chemicorum observatione , nostrisque etiam experimentis innotuerit nonnulla occurrere remedia diversis plane viribus praedita , Emollientium quorundam exemplo , quae simile phenomenon excitant in eam solutionem demissa , licet omni careant adstringendi facultate ; innotuit pariter adductum indicium tam ambiguum interdum esse , ut certam nequeat regulam nobis suppeditare .

708. Cui autem principio referenda sit adstringens potentia remediorum , quae molles , et laxas partes corrigant , studiosissime quaerunt qui Therapeuticen tradunt , rei interim veritate nondum constituta . Etenim si ab acido , et terra , ut optime observat CULLENIUS , ex quibus Adstringentia quaedam medicamenta componuntur , adstrictionis vim repetas , contrarium videbis in *Carbonate magnesiae* , in quo acidum , nempe *Carbonicum* terrae unitum medicamen alvum laxans largitur . Si ex eo deduces quod Adstringentia , cum non omnes terrestres , quas habent , particulas acido saturatas sistant , e partibus queant , quibus admoventur , vel acidum , vel alterius indolis humorem attrahere , atque hoc modo adstrictionis effectum edere , dices quod in aliis locum habere nequit Adstringentibus , in quibus acidum valde excedit . Si denique ad alia principia tamquam adstrictionis caussas olim prolata configues , ad ea sane configues , quae aut falsa , aut prorsus dubia sunt . Quare iuvat potius exoptare

ut nova experimentorum serie ad strictionis principia in medicatis corporibus evolvantur, quam ea modo infirmis fundamentis constitando superstruere.

709. In quas vero partes Adstringentia agant, utrum scilicet in eas tantum, quae ad elementa pertinent, nec sensui, aut motui prospiciunt, an etiam in eo genere fibrarum, quae sensiles sunt, atque irritabiles, si quis quam quaerat, tutissimum erit respondere dum priores maxime afficiunt ea plane ratione, qua coria mortuorum animalium densa, ac durissima reddunt, alias etiam partes ita percellere, ut insitis earum viribus excussis maiores queant effectus edere, atque a loco, cui proxime admoventur, ad remota etiam, et dissita consensus lege suam actionem propagare. Plurima quippe sunt, quae nos monent rem ita esse constituendam, etiamsi demus Adstringentia potissimum agere in partes, quas simplices, et mortuas dicunt, et, quae agunt in reliquas, Roborantia potius vocari. Quare, cum saepe Adstringentia utrumque solidarum partium genus afficiant, rectissime docent Medici, traditique CULLENIUS non ita quovis in casu eadem remedia inter se posse seiungi, ut innotescat, quae unum genus, quae alterum speciatim aggrediantur.

710. Interea cum Adstringentia sensiles quoque, atque irritabiles fibras interdum afficiant, nec quidem mediocriter, modum facile explicant Therapeutices Scriptores quo ista medicamenta sua actione, ministerio praeser-

tim nervorum, ad eas partes propagata, quas proxime non attingunt, ita easdem immutent, ut earum etiam mollities, aut flacciditas emendetur. Quam quidem agendi rationem ii maximi faciunt, qui non solum mecum existimant Adstringentia potiorem vim in parte exercere, cui proxime applicantur, ut in ore, faucibus, stomacho, atque intestinis tenuibus accedit, ac praesertim in externis corporis partibus; verum etiam cum quibusdam Artis Magistris credunt vetitum Adstringentibus esse iter in sanguinem, aut si id prorsus non denegent, cum CULLENIO tamen censem adeo exigua copia sanguini affundi, vel adeo divisa in universum corpus, ac proinde manifestis et salutaribus edendis effectibus imparia diduci, ut coacti sint omnem eorum actionem, quae in aliis quoque partibus, imo in omnibus interdum se prodit, ab uno stomacho proxime, et speciatim affecto derivare. Quod maxime confirmari credunt a promptitudine, qua nonnulla Adstringentia intus assumpta effectus suos saepe insignes, atque utilissimos praestant.

711. Verum quamquam ego a consensu lege, atque a proxima adstringentium actione saepe sat valida in sensiles, atque irritabiles stomachi fibras horum medicaminum utilitatem arguam, nequeo tamen eorum opinioni subscribere. Nam cum alibi abunde evicerim (§. 587), quae potiora sunt Adstringentia, quaeque, eorum natura spectata, minus facta videntur, ut in sanguinem influant, in eum

revera affundi, atque ad penitiora quaelibet corporis loca intactis adhuc viribus pervenire, non possum in solo stomacho omnem actionis caussam, et rationem constituere. Censeo proinde nisi perpetuo, quod nimium esset, aliquando saltem totum vasorum systema ab Adstringentibus proxime affici, atque ita affici, ut universum corpus eorum utilitatem percipiat. Maxime vero quod videam vel ipsum GREGORYUM, ut caeteros mittam aequae insignes auctoritate Viros, vero simillimum arbitrari „ multa eorum in san-
 „ guinem parum mutata, pristinisque viribus
 „ adhuc pollutia recipi, et ideo totum cor-
 „ pus pervadere, et effectum in eo quam
 „ maxime generalem habere (a). Quod qui-
 dem ut non solum verosimile, at certum
 habeatur, nimirum principium adstringens age-
 re in fibras, quibus admovetur, atque in
 humores, cum quibus admiscetur, quin muta-
 tionem subeat, tuto ducit Ill. DURANDIUS
 ex eo, quod PERCIVALIUS illius praesentiam
 in urinis cognoverit (b).

712. Ad effectus autem Adstringentium revocant Therapeutae praeter eos, qui potiores sunt, solidis scilicet partibus densitas inducta, atque illata constrictio, eorum quoque firmitatem, et duritatem cohaesionis vi auctam; imminutum sensum nervorum, quem

(a) Op. cit. n. 1067.

(b) Nov. Mém. de l'Acad. de Dijon. 1783.

ex mollitie, et laxitate orta debilitas nimis excusserit; mobilitatem, quae eandem causam agnoverit, sublatam; nervorum infirmitatem ex eo ortam principio emendatam; ac denique fluidarum, solidarumque partium integratatem conservatam, vel ipsis redditam, quoties putredine tententur, aut eam iam conceperint. Sicuti enim Adstringentia conservato inter particulas, quae fibras, humoresque constituunt, cohaesionis vinculo putredinem ab eisdem arcent, ita cohaesione iam indicatis modis (§. 706) restituta eam, aut partim, aut prorsus evolutam corrigunt, unde dupli in sensu Antiseptica medicamenta evadant.

713. Hinc facile eruitur horum medicaminum in quamplurimis morbis utilitas, eorumque creber usus in iisdem sanandis qui tum ad Medicinam, tum ad Chirurgiam pertinent. Enim vero indicantur, et summopere prosunt generatim in morbis, qui nimiam mollitem, laxitatemque, atque inde ortam fibrarum inertiam, ac debilitatem tamquam caussam agnoscant, aut eiusmodi vitio comitantur. Speciatim proinde convenient in cachexia, ac variis hydropisis speciebus incipientibus, atque in exitu chronicarum aegritudinum, quae ob nimias excretiones, aut mali diuturnitatem viribus solidorum attritis laxitatem intulere, aut iam existentem auxerunt. Prosunt interdum in haemorrhagiis internis quando a vasorum laxitate, et robore fracto solummodo pendent. Interdum, in-

quam, quoniam in medicina facienda verissimum esse cognovi quod iamdiu experientissimi Clinici observaverant, atque ipse testatur CULLENIUS raro admodum ad sanguinem ob eam caussam fluentem cohibendum valere, ne dicam in reliquis haemorrhagiis Adstringentia aliena esse, et nocua. In iis enim quae ab impetu sanguinis ad extremitates vasorum, atque ab eorum actione nimis aucta fiunt, cum temere a quibusdam Medicis tentata vidisem, aut ab ignaro Vulgo usurpata, vidi quoque uberiori reddito sanguinis fluxu gravissime nocuisse.

714. In alvi etiam fluxibus Adstringentia magni fiunt. Verum, si diarrhoeam a laxitate excipimus, aliena sunt, et nocua. Etenim quae ab acri humore, a stimulo quocumque, aliisve caassis fiunt, morbum exasperant, et peiora mala adsciscunt, nocentque praesertim in dysenteria, contra quam ferat quorundam opinio Medicorum. Quod si quando in hac aegritudine profuisse quidam testentur, tunc solum verosimile est profuisse cum hic fluxus ob sui diuturnitatem, nec rite institutam curationem aut diarrhoeae naturam aquisivit, aut laxitas, vel mobilitas eiusmodi auxilii genus postulabat. Caeterum in quovis casu sive haemorrhagiae, sive diarrhoeae sedulo considerandum est, utrum fluxus criticus sit, aut a nimia copia pendeat humoris, an a laxitate. Nam criticum cohibere nocuum summopere est, tum periculi plenum a nimia copia illatum sistere, nisi quantitate sua vitae metum

iniciat, dum contra utrumque profluvium, ubi ab altera caussa, ut dixi, nascatur, opportuna Adstringentia omnino requirit.

715. Magni quoque a Medicis plerisque fieri solent Adstringentia ad album foeminae fluorem, quem Leucorrhæam vocant, sanandum, cum eum a relaxatis excernentium vasculorum osculis deducant; tum ad serosum ex uretra in maribus fluxum sistendum, quem gonorrhæam simplicem nominant, quam sive primaria sit, sive stillicidio superveniat virus habenti, ab illa pariter caussa repetunt. Verum etsi ego nequeam denegare in utroque fluoris genere Adstringentia indicari, hisce tamen interne porrectis, licet sat validis, et copiose, diuque usurpatissimam vix interdum imminutam copiam erumpentis humoris observavi, imo rarius adhuc utrumque morbum radicitus sublatum. Iniectionis vero forma eadem remedia in vaginam, aut in uretram infusa, sicuti in utroque morbi genere frequenter apud nos usu venit, video pariter ad aliquot horas, imo ad aliquot dies, ubi saepius renoventur, leucorrhæam suppressare, non generatim auferre, tum mucosum ex uretra fluxum nec perpetuo, nec facile plenumque sanare. Ob quam sane vel nullam vel exiguum Adstringentium efficaciam in Leucorrhæa magis arbitror confirmari, quod ob alias etiam causas satis constare iamdiu censui, hanc aegritudinem apud nos curatu difficultissimam, ac subinde, cum sublata videatur, redeuntem a sola laxitate, debilitateque

rarissime oriri, aut soveri, sed ab aliis vitiis
praesertim humorum una proficisci quibus
saepe arduum sit radicitus mederi.

716. Probantur rursus Adstringentia ad
nimios sudores cohibendos quoties ob laxita-
tem, debilitatemque effundi videantur. At
interea sive rarissime eiusmodi effusio ab ea
tantum caussa nascatur, sive ad illam mode-
randam vis Adstringentium parum valeat et
raro solent hoc scopo praescribi, et parum
prodesse. Probantur item adversus nimium uri-
nae fluxum, ac praesertim diabetem, utpote
morbo a laxitate, et organorum, quae urinam
secernunt, excernuntque, infirmitati contraria;
sed tum quoque exiguum utilitatem afferre
consentur, ac potius, quae Roborantia pro-
prie vocantur proponi, atque usu venire
consueverunt, atque una ea Artis praesidia,
quae nutritii ex alimentis educti succi opti-
mae compositioni, atque assimilationi prospici-
ciunt, impediuntque ne quod assimilari debet
resolvatur, aut summo Aegrorum damno mu-
cilaginis insipidae, vel mellitae indolem adep-
tum cum urina eliminetur.

717. Proponuntur denique tamquam pro-
batae virtutis remedia adversus renum, et
vesicae calculos, ac crebro usurpantur. Ve-
rum ubi expediant non ideo prosunt, quod
vel calculum solvant, vel eum expellant
quemadmodum communis erat olim opinio
Clinicorum. Prosunt enim, ut optime CUL-
LENIUS observat, dolores, aliaque ex calcu-
lis orta mala mitigando, ac tollendo, etsi

plerisque eius sententia salutarem Adstringentium effectum deducentis ab acido stomachi absorpto plane hypothetica videatur. Neque enim graves ex calculo molestias ab acore stomachi generatim fieri observant, neque saepe eas sedare remedia, quibus adstrictionis vis inest, neque demum Adstringentia proprie esse, quae haerens acidum absorbent, atque invertunt.

78 Dum autem apposito Adstringentium usu multis, qui chronicis, lentisque passionibus detinentur, auxilium affert Medicina, eorum quoque prudenti administratione non paucis Aegris salutem Chirurgia promittit. Docent quippe eius Professores non solum Adstringentia interne assumpta ulcerum sanationi prospicere quatenus pus bonae indolis efficiunt, verum etiam externe adhibita quae magis adstringunt, ac proprio veluti nomine Styptica audiunt insignem opem quibusdam in casibus praestare. Ego vero non solum credo puris optimi generationi subinde roborando potius totius corporis fibras, et vasa, quam adstringendo remedia quaedam favere; sed praeterea existimo utilitatem Adstringentium in externis corporis malis arctioribus limitibus coerceri, quam Vulgus existimat. Nam inflammations quod respicit tantum abest in omni casu horum medicarum usum convenire, ut potius dicendum sit in iis solum prodesse inflammationibus (§. 701. 702.), quas laxitas, sublatum robur, vehemens commotio, suggillatio, artuum con-

tusio, scrophulosum virus, aliaeve caussae huius generis movent, aut quas motus, mobilis, viriumque defectus comitatur, aut quas morbi caussae, atque aegrorum tempes- ries, et constitutio lentas, chronicasque red- diderunt.

719. In morbis vero oculorum, in quibus relaxata vasa hoc remediorum genus indicare videntur, raro sufficient ac tuta sunt, ob eas caussas, quas Chirurgi Sapientiores rimantur; atque in recentibus vulneribus irritando, et affluxum humorum derivando no- cent potius, quam prosint. In haerniis autem quod impositis Adstringentibus quidam ad- scribunt, longe aequiori iure subligaculo, aut ventrali, aut sacculo debetur, qui ingui- num tumorem dum sustinet, et arcet, integu- mentis laxatis praestat, ut contrahi paullatim queant, atque ita firmari, ut per se tumorem postmodum contineant, atque ulterius, ne erumpat, prohibeant. In haemorrhagiis de- nique vasorum, quae vel graviores sunt, vel vulneribus, aut excisionibus Chirurghi manu institutis succedunt, et raro, ut notum est, licet Adstringentia spleniis imponere, quibus saucius locus comprimitur, et quando etiam id agere licet, non ex eo praepedire Adstrin- gentia sanguinis fluxum videntur, quod cir- cularibus vasorum sanguineorum fibris con- strictis horum lumen imminuant, ac revera occludant; sed ex eo quod absorbendo fluen- tem ex compresso vulnere cruentem retineant spongiosa, et absorbenti qua pollent pro-

prietate, sicque obturamento quodam opposito omnem humoris aditum prohibeant, ne foras erumpens haemorrhagiam renovet.

720. Hisce de Adstringentibus generatim propositis ad ea singillatim consideranda accedo partim ex Vegetabilibus, partim ex Fossilibus desumpta, ut unumquodque remedium non modo innotescat, sed potissimum pateat quoniam inter multa, quae adstringunt, in quibus indicatione maxime conveniat; cum differentia in dolo, efficacitate, ac viribus ipsis, quatenus, praeter adstringentem, alia, atque alia in nonnullis facultas delitescit. Sunt huius census, ut a Vegetabilibus exordiar, non solum Fructus generatim, qui cum nondum perfectam, sibique propriam maturitatem fuerint consequuti, gustui austeri apparent, atque acerbi, sed ii qui omnem, quem apud nos queunt subire, maturitatis gradum consequuti acerbisculum, et gratae austerae, aut leniter acidum saporem adhuc retinent, qui nutriendo corpori idonei tuto, et utiliter tamquam lenia adstringentia agunt; licet hodie ad alvi fluxus cohibendos, atque in universum ad emendandam laxitatem rarissime soleant a Medicis apud nos praescribi, olim aliquin valde usitati.

721. Eos autem speciatim alibi indicavi, cum (§ 192.) de fructibus plus, minusve austeri disserens eos ennumeravi, quos praebent *Punica granatum*, *Pyrus cydonia*, *Cornus mascula*, *Crataegus azarolus*, *Olea europea*, et *Mespilus germanica* reliquos omittens, qui apud

nos neque inter edules fructus, neque inter adstringentia remedia recipiuntur. Quare hic loci solummodo addam *Mivam*, seu rob *Cydoniorum* instar gelatinæ, horum succo cum saccharo inspissato, confectum vix infantibus interdum in Insubria praescribi in diarrhaea, in qua leniter adstringere, atque una refrigerare oporteat, usitatissimum olim, nec spernendum medicamentum; eiusque *Syrupum*, qui ad eadem valet vix quasdam Officinas retinere. Addam quoque baccas *Sorbi aucupariae*, quae siccae ad adstringendum aptae dicuntur, non adhiberi, etsi ex renum calculis ortos dolores, aliaque mala decem numero, aut semel, aut bis intra diem ingestas, egræ compescere BERGIUS testetur (a). Addam rursus tum fructus *Pruni spinosae*, seu sylvestris, tum *Conservam* ex eisdem expressis cum saccharo confectam, quae ad alvi profluvium alias commendari, et frequenter usurpari consueverant, non amplius usu venire.

722. Usitati potius sunt quidam succi, qui inspissati ad nos e longinquis regionibus advehuntur, si unum, vel alterum excipimus hodie exoletum. Nemo siquidem adstringendi caussa nunc apud nos utitur vel succo *Acaciae verae* qui ex immaturis fructibus *Mimosae niloticae*, arboris in Arabia, et Aegypto crescens, expressus, dein inspissatus, in nigras

(a) Mat. Med. V. 1. pag. 416.

massas concretus, et gustui initio adstringens, ac dein subdulcis in alvi profluviis, atque in haemorragiis internarum partium alias probari consuevit, vel succo item huic similissimo ex *Citino hypocistide* desumpto, qui ad eadem mala valere olim tradebatur. Vix etiam ac ne vix quidem praescribi hic loci arbitror succum olim magni factum, Sanguinis draconis nomine cognitum, etsi in medicamentariis Officinis adhuc occurrat. Etenim succus iste, qui ex scisso cortice arboris Americae australis, quae *Pterocarpus draco* dicitur, erumpit, licet eum, quem Officinae habent ex fructu *Calami Rotang* in Insulis Malacca, et Iava multiplici opera educi MURRAYUS observet (a), nisi additis fraude, aut lucri caussa, quemadmodum saepe fit, Adstringentibus adulteretur, ea gaudet adstringendi facultate, qua a scriptulo usque ad duas drachmas exhibitus haemorrhagia, aut alvi profluvio detentis queat, prout communis olim erat Medicorum opinio, evidenter subvenire, aut ulcera, et vulnera exsiccando cicatrice implere. Porro dum considero eiusmodi succum sive in placentas conformatum, sive in glebas, aut globulos nucis Iuglandis magnitudine concretum, ac foliis siccis instar folliculi inclusum, quae sola species purior altera apud nos prostata, omni prorsus sapore, atque odore destituta,

(a) Appar. Med. V. 5. pag. 304.

ac fragilem, inflammabilem, ac fere omnem resinosum, cum alcohole propinatum generatim fuisse censeo vel admixtis dolo medicamentis aliis, ut monui, vel alcoholis viribus refendos esse salutares effectus, quos ei Clinorum quidam olim retulerunt. Hinc nisi Sanguis draconis retinendus sit ad rubrum colorem remediis quibusdam impertiendum, cum obscurus ruber adstringentes mixturas alcohole solutus rubicundas efficiat, atque contritus Cinnabarim colore aemuletur, ego non video cur eo Medicina indigeat.

723. Duo itaque fere sunt inspissati succi quibus inter Adstringentia relatis potissimum Ars utitur, uno qui Catechu, seu Terra Iaponica, altero, qui Gummi kino a Medicis appellatur. Primum quod attinet scire expedit neque terram esse, ut nimis diu creditum est, neque in Iapone naturaliter reperiri, sed nihil aliud esse eiusmodi materiem, seu massam fragilem, rubro fuscum sapore austero, in qua primum amaritatem, dein dulcedinem diu durantem detegas, magis in aqua, quam in alcohole solubilem, ac sulphatem ferri solutum nigredine inficientem, nihil aliud, inquam, esse KERRIO speciatim auctore, cuius narrationi omnes iam subscribunt, quam sucum ex interna parte ligni *Mimosae cate* in Malabarja, Surate, aliisque Indostani Imperii provinciis coctione eductum, atque inspissatum, donec Solis ardore exsiccatum in frusta, aut massas concrescat. Eius usus creber esse solet, praesertim ad conficiendas

tincturas ad eluendum os , gingivas confirmandas , vel aphtas , aut ulcuscula abstergenda , quae os et fauces obsideant si scorbutica labes , aut putredo ex aliis caussis nata subsit , tum ad Trochiscos cum saccharo , cui Ambra , aut Moschus raro additur , pardos , qui ore voluntur in adductis vitiis , vel in levi tonsillarum , et faucium tumore , quem laxitas induxit . Habet siquidem praeter vim adstrictoriam , antisepticam quoque non mediocrem facultatem , ob quam adductis in casibus egregie subveniat . Potius hodie raro praecipitur in alvi profluviis , vel in colica Pictonum , aut morbis vesicae , in quibus et laxitas emendanda sit , et una prohibendum , ne copiose mucus egeratur , licet non raro visum sit eam vel ad scriptulum semel et iterum assumptam , vel in alvuna maiori dosi infusam insigniter profuisse , maxime ex eo quod aquam , in qua solvitur , mucagineam reddat .

724. Ad Gummi autem Adstringens , seu *Kino* quod spectat , nempe remedium paucis ab hinc annis ad Medicos usus inventum sapore , aliisque indicis adstringens iudicatum dum ex nondum determinatae arboris in Africa crescentis trunco erumpere tradidit III. FOTHERGILLIUS , tradidit quoque inter praestantiora adstringentia medicamenta iure accenserit . Quandoquidem tum eius , tum aliorum Medicorum Hyberniae , et Angliae observationibus evictam summam eius utilitatem habemus in morbis , quibus Adstrin-

gentia validiora convenient. Porro in diarhaea speciatim, atque in uteri haemorrhagiis, quae puerperis superveniunt, valde utile hoc gummi fuisse **CULLENIUS** perhibet, dum contra fatetur per se exhibitum in albo mulierum fluore nihil praestitisse. Etsi vero exterarum Gentium Medici hoc novum remedium magnificent, cum tamen modo pulveris infusi forma, modo pluries exhibuissem ad duas, tres, et amplius drachmas quotidie ad aliquot dies, nec minus hebdomada in alvi fluxu diutino, atque in vetusto ex utero cruento fluore, quin per se morbum sustulerit, quem interea cum alumine coniunctum (ex quo additamento magnum confici remedium adstringens idem **CULLENIUS** iudicat) nunc lenivit, nunc sustulit, vehementer dubito, utrum in plerisque casibus, quos Medici adducunt ad *Kino* summopere adstringens declarandum, insignis efficacitas huic tribuenda sit, an potiores effectus referendi admixto alumini, aut spiritui vini, ad solutionem, seu tincturam parandam adhibito, cum alterutra ratione generatim Medici usurpaverint. Id enim definire non sinit exigua, qua adhuc labore, copia experimentorum, quae ad dubitationem removendam hactenus suscepit.

725. Veniunt deinde in censu Adstringentium Stirpes quam plurimae, quas etsi **CULLENIUS** ordinandas esse iudicaverit iuxta varias naturales Classes a Botanicis constitutas, ac proinde distinxerit in Senticosas, Stellatas, Vaginales, et Cryptogamas, fateri tamen oportet

alias non paucas occurrere; quae ad alios Ordines pertineant, imo eas, quas sub uno, aut altero Ordine complexus est gradu virtutis quam plurimum inter se differre, quod singulas rimando patebit. Eoim vero inter Senticosas *Agrimonia eupatoria* licet aromatico odore adhuc recens, et sapore leniter amaro atque adstringenti non careat, atque in infuso instar *Thaeae* confecto in haemorrhagiis, atque in internis ulceribus tamquam adstringens olim probata fuerit, vix ob exiguam, nec satis evictam eius utilitatem adstringentibus videtur accensenda, ne dicam eius vim in febribus intermittentibus, in quibus apud nos crebro fuit adhibita, in inveterata scabie, in herpete, ac rheumatismo chronico dubiam plane esse. *Alchemilla vulgaris*, sive herba odore destituta, ac vix austera, sive radix gustu anterior recipiatur, inefficax plane ad adstringendum communiter censemur, ac proinde Medicinae supervacanea, nisi antispasmodicam facultatem, quam in morbo epidemicus eius folia in infuso, tinctura, atque extracto propinata ostendisse spasmos, qui digitos manuum, et pedum occupabant mitigando, ut ex TAUBIO retulit MURRAYUS, nova pericula certius evincant. *Potentillae* duae species, una *anserina*, seu *Argentina*, altera *reptans*, seu *Pentaphyllum* eiusmodi sunt, ut eorum usu carere sine damno queat Medicina. Nam ad priorem quod attinet speciem, eius herbam in narium, atque uteri haemorrhagiis cum exhibitam quandoque vidi sem iisdem si-

stendis prorsus imparem esse cognovi; quemadmodum fluori albo imparem cohibendo cognovit CULLENIUS, ulceribusque sanandis internarum partium Medici alii non parem agnoverunt, etsi in phthisi pulmonali ulcera rosa semel profuisse post ROSENSTEINIUM Ill. ACRELIUS (*a*), atque in empyemate opem tulisse Cel. BERGIUS testentur (*b*). Alteram vero quod respicit speciem, nempe *reptantem*, seu Pentaphyllum, cuius radicem post HIPPOCRATEM (*c*) ad febres intermittentes vincendas quidam probarunt, alii ad alvi profluvia cohibenda, imo ad utrumque folia æque valere nonnulli iudicarunt, veluti supervacaneam, aut etiam inefficacem Clinici hodie contemnunt.

726. Istis tamen Senticosis maiorem nunc famam apud Medicos *Geum*, tum *urbanum* seu *Caryophyllata*, tum *rivale* obtinuit cum non solum radicem illius, quae recens Caryophyllum redolens gustui aromaticæ est, austera, atque amara, tum alterius speciei, quae inodora ipsa quoque austera percipitur, in alvi fluxibus, haemorrhagiis, aliisque morbis a laxitate, debilitateque illatis adstringendo utilem Clinici olim habuerint; verum etiam, nostris diebus utramque, maximeque ex priori specie petitam febres intermittentes Peruviani instar corticis sanare

(*a*) MURRAY op. cit. V. III. n. 355.

(*b*) Op. cit. Vol. I. pag. 442.

(*c*) Lib. II. de Morb. p. 473. edit. Fœs.

non pauci tradididerint. In essentia enim, id decoctu, aut in pulvere BUCHHAVIUS, AASKOWIUS, CALLISENIUS, TODIUS, et WEBERUS (a), si de *urbano* loquimur, testantur ad unciam unam in essentia, ad sesquialteram in decoctu, atque ad paucas drachmas in pulvere exhibitum febrim sistere. Nec dissimili modo porrectam *Gei rivalis* radicem in quotidiana, tertiana, et quartana febre profuisse KALMIUS in America septentrionali (b), et BERGIUS in Europa (c) retulerunt. Verum ut mittam, quae ad evincendum vel nullam, vel exiguum febrifugam virtutem inesse *Gei urbano* ex LUNDIO, BRANDELIO, ACRELIO, DALBERGIO, aliisque Clariss. Clinicis recentuit MURRAYUS (d) de utriusque radicis apud nos inefficacitate ad febres intermitentes vindendas, quae vel *Corticis peruviani*, vel succedaneorum usum postulant, sive vernales sint, sive autumnales, tot mihi suppetunt observata ex multiplici experimentorum, quae hic loci superioribus annis egi, numero deducta, ut nequeam utrumque *Geum vere* febrifugum censere, etsi in quovis casu ad aliquot uncias exhibeatur.

727. Vix autem indico inter Senticosas stirpes *Spiraeam filipendulam*, seu *Saxifragam rubram*,

N 3

(a) Buch. Obs. circ. rad. *Gei urb.*

(b) Murr. V. III. n. 394.

(c) Op. cit. V. III. pag. 132. (d) Loc. cit.

quia, licet eius radix exsiccata amaritie, atque aliqua fortasse adstringendi qualitate non creat, inefficax est; tum *Spiraeam ulmariam*, quia nec eius floribus, qui gratae odori ad sudorem, aut exanthema pellendum alibi usurpantur; nec herba utpote sapore austera adstringens, ac vulneraria olim iudicata unquam hic loci utimur. Vix etiam attingo folia, et radicem *Fragariae vescae*, cuius fructus in sanorum, aegrorumque diaeta veluti eximios alio loco probavi (§. 190) non omni adstringenti facultate destitui, quia ab inerti, ac supervacaneo hocce remedio in tanta, quae praesto est, copia validiorum, atque utilium, nunc iure abstinemus. Potius itaque de Senticosis sermonem absolvam dicens de iis speciebus, quas medicamentariis Officinis duplex genus *Rosae*, et *Tomentillae* largitur.

728. Porro Rosam quod respicit mittens *centifoliam*, seu *damascenam*, aut pallidam cuius flores aliis usibus dicatos expendam alibi, *gallicam*, et *caninam* solummodo commemorabo. Ex *gallica*, seu *rosa rubra* flores adstringenti, et subamaro sapore praeditos desumimus ad varia preparata, et composita conficienda, cuiusmodi sunt *Conservae Rosarum rubrarum*, *Saccharum rosatum*, *Mel rosatum*, *Acetum Rosarum*, *Tincturam*, ac *Syrupum*. Caeterum cum *Mel*, et *Syrupus* aliis usibus inserviant, *Saccharum virtute* a conserva non differat, *Acetum vero*, et *Tinctura vix* quidquam efficacitatis ab

eisdem rosis accipient, hic tantum monebo Conservam, quae contusa petala nondum explicata cum purissimo saccharo miscendo conficitur, ubi rite facta sit (atque ad iudicium MURRAY (a) non plus sacchari habeat, quam rosarum conservatio requirit, nempe ad aequale pondus) in phthisi ex ulcere largiter, diuque assumptam insigniter proficiam gravissimos Medicos olim tradidisse. Sed cum ego saepe in tam diro morbi genere eam dederim, ac saepius adhuc ab aliis Clinicis abunde, et diu propinatam viderim, quin morbum unquam vicerit, aut valde leniverit, fiderent subscribam CULLENIO, qui adductas curationes aliis potius auxiliis, maxime diaeteticis, quam Conservae rosarum virtuti sapienter retulit. De *Rosa* autem canina seu sylvestri monere oportet eius fructum, qui Cynosbatos vocatur, acido dulcem adstrictione praeditum ad acetaria, et condimenta crebrius recipi, quam ad medicamenta, ac fungum, seu Bedeguar calculosis, epilepticis, atque hydrophobia detentis alias valde proficuum judicatum, nunc inutile censi, atque ex genere remediorum delendum.

729. Sistit vero *Tomentilla* speciem, quam erectam dicimus, cuius radix ob saporem aromaticum valde austерum, quo reliquis Senticosis stirpibus praestat, non parum utilis

N 4

(a) Vol. cit.

His omnibus in casibus prohibetur, in quibus Adstrigentia indicantur. Id quidem sua experientia suffultus tradit CULLENIUS, qui praeterea docet eam modo solam, modo cum radice *Gentianae luteae* forma pulveris abunde ingestam intermitentes febres cohibere, quemadmodum LÖSECKIUS iam pridem monuat (a). Verum eam in pulvere a media drachma ad unam, subinde ad alteram saepius die datam nunc per se, nunc cum amaris, ac speciatim cum *Gentiana coniuncta* fateor meam plerumque spem fefellerat etiam si aliquot eius unciae fuissent insumptae in febribus, nec quidem gravioribus, atque in ipsis quandoque vernalibus. Nec credo, ubi etiam in eo febrium genere plus efficeret Tormentilla, Senticosis reliquis generatim anteponendam; quia dum maiorem adstrictionem ostendit, eo vitio obnoxia est, ut stomachum Aegri facile infestet, qui infirmus sit, aut exquisito sensu donetur.

730. A Senticosis progredior ad Stellatas, inter quas tamen nullam hactenus stirpem invenio, quam adstringendi caussa iure possim Clinicis proponere. Nam, ut mittam eas, quae ob dissimiles vires ad alia remediorum capita revocantur, falsum plane est folia *Valantiae cruciatae*, vulgo *Cruciatae contusa*, aut decocta si imponantur instar cataplasmatis infantum haernias cohibere, et

(a) Ausel. Arzneym p. 467.

vulneribus, atque ambustis mederi; tum a sumpta quovis alio morbo a laxitate profecto implicatis opitulari. Quid vero de herba *Asperulae odoratae*, seu *Matri-sylvae*; aut *Asperulae proferam* anceps haereo. Etenim ex una parte herba utpote vehementi odore in *Melilotum* incidente donata Medicinae non inutilis, videtur, ex altera vero tutis observationibus innixa non videntur; quae de eius facultatibus ii protulere, qui eam exhilarare, epilepsiae mederi, obstruktiones viscerum discutere, paralysim solvere, scabiem mundare, atque hydrophobiam avertere affirmantur.

731. Nec tutius possum de variis *Galii* speciebus iudicium proferre. Tradunt profecto generatim Medicinae Scriptores eius species in Officinis receptas, cuiusmodi sunt *Galium verum*, seu *Luteum*, *Galium mollugo*, seu *Album*, et *Galium aparine*, seu *Aparine vulgaris*, si earum summitates distillationi subiiciantur, acidum liquotem demittere, et lac cogere, tum radices ossa animalium rubro colore tingere si cum pabulo assumantur. Quod enim BERGIO tentanti ex herba *Galii veri* acidum educere, ac cum ea lac cogere experimentum in Svecia non successerit (*a*), nec lac item coagulare in Scotia CULLENIUS potuerit, alibi nulla aqua ad distillandum adhibita BORRICHII methodo successit, atque

(*a*) Op. cit. V. 1. pag. 64.

ad obtinendum lactis coagulum Galium Veteres usurpasse, imo nunc quoque ad parandum caseum in Hibernia usu venire MURRAYUS apposite observat (a). Omne proinde discrimen a diverso distillationis modo, atque a soli dissimilitudine proficiisci existimo. De viribus autem cuiusque Galii si a me quaeratur ultro fatear eas, sive adstringentes, sive aliae quaecumque sint, valde exiguae, ac dubias mihi videri. Nam ne dicam de *aparine* inefficacitate tum in morbis, quibus generatim Adstringentia opitulantur, iamdiu evicta, cum in tumoribus, atque ulceribus scrophulosis a CULLENIO nuper comperta, nemo hodie adstringendi caussa *Galium* sive *verum*, sive *molluginum* usurpat. Neque utriusque herbam floridam a granis octo ad drachmam in pulvere, a duabus drachmis ad duas, tresve uncias in succo, atque a pugillo ad manipulum in infuso quotidie aliquot diebus ieiuno stomacho adhibitat spasticis malis prodesse, ac speciatim epilepsiae mederi facile crediderim postquam flores *Galii veri* pluries epilepticis inutiliter praescripsit CULLENIUS, ac de succo florentis *Galii mollugini* tamquam infido epilepsiae remedio, ac recidivae arcendae impari Ill. GARDANUS conquaestus est (b).

732. Nullam praeterea a radice *Rubiae*

(a) Op. cit. V. I. pag. 372.

(b) Gazette de Santé 1774.

vinctorum, quamquam amara, ac leviter austera sit, ad strictionem sat manifestam, atque in morbis valde utilem mihi polliceor. Et enim in obstructionibus viscerum, atque in ictero, aliisque morbis, laxitate praesente, modo in pulvere, modo in decoctu a drachmis duabus ad quatuor, imo ultra partitis vicibus datam urinam vix interdum paullo auxisse vidi; sed nunquam adeo vidi profuisse, ut sive a plerisque Medicis cum HIPPOCRATE (*a*) multi in adductis casibus haberi, sive inter quinque Aperientes minores radices collocari debuerit. Neque in rachitide, contra quam magni eam fecit LEVRETUS (*b*), aliquid boni ab eius usu expecto, cum saepe inutiliter eandem praeceperim iis Aegris, quibus Roborantia, et Resolventia caetera postea exhibita profuerunt. Quare arbitror notissima cuique experimenta cum Rubiae radice a Physiologis in animalibus eadem pastis ubique fere locorum suscepta dum demonstrarunt ossa roseo colore elegantissimo inficere, terra ossis potissimum affecta, ac subinde urinam, sanguinem, adipem, et sudorem similiter colorare, non vero cartilagines, tendines, ligamenta, et periostium, non illud quoque, quod fidenter quidam Medicorum censem, probasse materiem, quae cum fluidis miscetur partibus,

(*a*) Lib. de Vict. Acut.

(*b*) Traité des Accouch. pag. 277.

ac durissima ossa pervadit praestantissimum etiam auxilium Clinicis largiri.

733. Referuntur quoque, ut dixi, ad Adstringentia Cryptantherae plures, ac speciatim Filices; quo autem iure referantur singula genera rimando, quae speciem aliquam adstringentem medicamentariis Officinis praebent, cuique facile patebit. Itaque scire expedit *Polypodii vulgaris* antiquitus Filiculae radicem, sive quercubus, sive aliis arboribus adhaereat, vix odoram, dulcem, dein amaram, et non sine nauseosa qualitate lenissime adstringentem eiusmodi esse, ut eam neque adstringendi, neque demulcendi, neque resolvendi, neque alvum laxandi, aut praesertim maniam discutiendi caussa a prudenti Artifice debeat, ut alias fieri consuevit, unquam praescribi. Iamdiu enim cognovi hanc radicem, saepius eam in Aegris experiencingo in chronicis viscerum, ac totius corporis morbis a laxitate illatis nullam opem afferre, in pectoris affectibus a catarrho, aut muco natis perperam eius succum recentem Succo Glycyrrhizae substitui, eamque in extracto ad aliquot drachmas, in succo ad duas, tresve uncias, vel in infuso, aut decoctu ex quatuor, et ultra eiusdem radicis unciis perfecto generatim alvo solvendae hic loci imparem esse; ubi non multis etiam ab his annis Rhabarbari aemulam Medicorum quidam existimabant. Quod ideo accidisse verisimile est, quia eam propinabant cum aliis alvum ducentibus coniunctam, quemadmodum

ii praestiterunt, qui adversus maniam eadem usi sunt aliis etiam ad curationem interpositis remediis, quibus aequiori iure consequatam mali mitigationem, aut sanationem quisque tribuet.

734. Item radicem *Polypodii filicis* maris levissime nauseosam, ac saporem habentem, qui leniter amarus atque adstringens aliquam dein dulcedinem, exiguumque acrimoniam exhibet, adstringendi caussa, ne modo de eius facultate, et usu ad necandos vermes dicam, quod alio loco exsequar, eam olim in pulvere, decoctu, vel succo datam Nuperiores plane negligunt. Num vero saltem dicendum *Filicis* folia ventrem mollire? Num radix ad duas drachmas in pulverem contrita alvum leniter movet, ut RUTTYUS narrat (*a*), aut Rhabarbari vires ita aemulatur, ut alvum prius laxet, dein adstringat? Mortuum ne foetum expellit sicuti post AETIUM monet OLIVERIUS (*b*); unde quam caute gravidis danda sit? An calculum solvit, nascentem discutit hydroperim, ac denique rachitidi medetur? Ista omnia mihi non vera videntur. Nec maiorem ego fidem tribuo viribus adstringentibus, ob quas infarcta ex laxitate abdominis viscera, ac speciatim lienis tumores discutiantur, radicis viscidiae, amaricantis, ac valde nau-

(*a*) Mat. Med. Antiq. et Nov. pag. 405.

(*b*) Journal. de Med. T. 12. p. 129.

seosae, quam praebet *Pteris aquilina* seu *Filix foemina*, quae utrum ad Anthelmintica pertineat, ut *Vulgus* existimat, alibi despiciam.

735. Nunc potius caeteros Filices tamquam adstringentes persequar eo praesertim fine, ut contra communem opinionem innotescat vel exiguam, vel nullam ad id facultatem possidere. Ita equidem censendum arbitror de variis *Adianti* Speciebus. Nam *Adiantum capillus veneris*, seu *Capillus veneris*, cui *Adiantum pedatum*, vel *Asplenium adiantum nigrum* multis in locis substituitur, herbam exhibet leviter fragrancem, praesertim si fervida infundas, ac lenem adstrictionis sensum cum aliqua dulcedine linguae imprimenterem; quae etiam non omnis mucilaginis expers herbas quinque Capillares ingreditur, ac prae caeteris usurpatur in morbis pectoris et fauciū, ac speciatim raucedine, tussi, difficiili screatu, atque asthmate incipiente quoties aegritudo ab inerti, crasso, et nimio muco originem agnoscat, neque inflammatio, aut insignis acredo praesto sit. Sed eam vix non inutilem esse iamdiu Medici sapientiores monuerunt, quibus eo lubentius subscribam, cum etiam largiter a me adhibitam in infusu, ne quod inest odoris periret, eos observaverim effectus edere, quos, nullo modo adstringentes, calenti aquae, atque addito saccharo referre tutius erat. Nec Syrupum Capillorum veneris Monspelien-
sium paratum ex herba, cui syrpus affun-

ditur, rite confectum plus probabo, quem ad
iam indicata mala egregie valere Vulgus exi-
stimat. Nam vires, quae huic Syrupo, qui
vel cochleatim lingitur, vel cum infusibus,
decoctibusque assumitur, vel aliis admiscetur
remediorum formulis, a plerisque tribui so-
lent, ab **Aqua Aurantiorum**, quae
plerumque ad maiorem suavitatem odoris
impertiendam ei additur, atque ab ipso sac-
charo proficiisci mihi, aliisque Medicis vi-
dentur, qui mecum proinde censem ad pra-
vum potius quorundam medicaminum sap-
rem corrigendum, quam ad morbos per se
curandos eum in Officinis adhuc servari.

736. Aliam vero quam paullo ante in-
dicavi speciem Adianti, nempe *Adiantum*
pedatum scimus eam in Anglia, et Gallia
Capillo veneris substitui, atque ex sapore
leniter acerbo, quem habet adstrictoram
eius vim **BERGIUM**, aliosque coniicere; sed
non est cur hac specie in Canadensi regno,
atque in Virginia perenni laboremus post-
quam constitit Capillo veneris supparem esse,
nempe vix non inertii remedio. Quare pro-
gredior ad varias enumerandas species, quas
ASPLENIUM Medicinae suppeditat, quasque
ego vix non reiiciendas esse arbitror, ut
pote nimis leni, vel astringendi, vel resolvendi
virtute donatas, ut certam opem ex earum
usu Medicus sibi queat polliceri. *Asplenium*
siquidem *hemionitis*, seu *Hemionitis astringens*
pectoralis, et *vulneraria* olim proposita tam-
quam inefficax exolevit. *Asplenium scolopex-*

drium seu Lingua cervina, aut Scolopendrium
herba inter quinque Capillares recepta gra-
veolens, parum austera, et modice acris non
plane inutilis a manipulo uno ad duos infusa
mihi videtur, etsi cum Veteribus eam non
parem habeam lienis tumor, et viscerum
obstructionibus resolvendis, tum curandis
pectoris morbis, etiam si a laxitate, mucosave
colluvie fiant.

737. Huic qualitatum, viriumque ratione
Asplenium ceterach proxime accedere dicitur,
 et *Capillarium* numerum auget, imo speciatim
 renum, et vesicae affectibus, quos minores
 calculi, aut arenulae intulerint, opitulari
FERNELII, MORANDII, CRANTZII, aliorum
 que auctoritate perhibetur: quod non satis
 experientia evicit. *Asplenium trichomanes*, seu
Adiantum rubrum, herbam ex quinque Ca-
 pillaribus mucilagineam leniter dulcem, ac
 modice austera alii *Capillo* *veneris*, alii
Rutae murariae quo ad vires comparant, in
 eo tamen consentientibus veluti supervaca-
 neam nunc non iniuria exolevisse. *Asplenium*
 item *adiantum*, seu *Adiantum nigrum Tricho-*
mani, aliisque *Capillaribus* succedaneum,
 neque istis magis expectorans, superfluum
 est. Denique *Asplenium ruta muraria*, seu
Ruta muraria una pariter ex *Capillaribus*
 herba est, inodora, subdulcis, et leniter au-
 stera, quam aquae incoctam addito melle
 tussientibus, atque asthmaticis succurrere,
 vomicam disrumpere, renum dolores lenire,
 vesicam ab arenulis liberare, infantum haem-

nias cohibere, et rachitidi, aliisque chronicis morbis auxiliari multi olim magni nominis Medici tradiderunt. Sed ista omnia quae LUDWIGIUS denegat, atque in dubium revocant HALLERUS, et VITETUS, nemo prudens hodie admittet, nisi mecum calidæ aquæ largiter epotæ, et melli addito salutarem effectum interdum adscribat. Nemo pariter admittet, quod alii tradunt Rutam murariam cachexiam, et iecinoris, aliorumque viscerum obstructions sanare ob laxitatem adstrictoria virtute sublatam, cum eiusmodi vim tam exiguum habeat, ut vix debeat inter Adstringentia medicamenta adnumerari. Potius igitur inter Filices herbae *Equiseti arvensis* adstrictoriam facultatem tribuas, quam ei Medici omnes concedunt, quamquam casus non constituant, in quibus eo nunc inusitato remedio utendum sit.

738. Quod denique attinet ad reliquas Stirpes, quae vel ad Filices, vel ad Muscos referuntur adstringendi praesertim scopo proponi solitas eas Medicinae supervacaneas pronuncio. Nam *Ophioglossum vulgatum* seu Lingua Serpentis subdulcem, et glutinosam alvi fluxibus, albo mulierum fluori, atque haemophthisi mederi nemo credet, aut vulnera, atque ulcera sanare impositam. *Osmundam lunariam* seu Botrytim *Ophioglosso* succedaneam olim habitam immodicis praesertim, ac cruentis fluxibus alvi interne, externeque usurpatam auxiliari nemo pariter censabit; aut *Osmundae regalis*, seu *Filicis flori-*

Tom. II.

O

dae radicem amaricantem, ac paullo nauseosam parem habebit cum HERMANNO, RAJO, BOWLEO, aliisque rachitidi certo sanandae, aut cum aliis Scriptoribus haernia, alvique fluxu laborantibus valde utilem intus, exterioriusve adhibitat. Nemo quoque arbitrabitur eam stirpem, quae licet nondum ad certum ordinem, et genus relata sit, tamen eius radix *Calaguala* dicta, quae qualitatum ratione radici Osmundae, et Polypodii quam proxima est, eam, inquam, post ea, quae ipse egi ad eius exiguam vim demonstrandam in morbis quibus proponitur, vel adstringendi, vel resolvendi fine multi esse faciendam (a). Denique *Polytrichum commune*, seu *Adiantum aureum*, etsi non omni adstrictoria qualitate careat, eiusque herba quinque Capillarium numerum expleat, nec sputo movendo, nec sanandis morbis pectoris, aut cohibendis fluxibus alvi par remedium prudens Artifex nunc existimabit.

739. Maiores autem vires adstringentes sibi pollicentur Medici a quibusdam aliis Stirpibus ex diversis Ordinibus hinc illinc desumptis, quas idcirco singillatim persequar, licet quasdam neque usu, neque virtute satis queam probare. Ex Oleraceis duo genera adstringentes sistunt species, nempe *Rumex* et *Polygonum*, ut *Rheum* praeteream, quia Stirpes, quas complectitur usitatores hodie movendo ventri, quam adstringendo

(a) Saggio sulle virtù e sugli usi della radice di *Calaguala* 1791.

esse solent. Porro *Rumex acutus*, seu *Lapathum acutum*, aut *Oxylapatum radicem* cum aliqua amaritie leniter adstringentem sistit, quam in scabie, impetigine, lepra Graecorum, aliisque cutis diutinis affectibus utilissimam Veteres pronunciarunt, si eius decoctu ablueretur cutis, aut eadem cum aceto cocta imponeretur, nos sane in ea chronica cutis affectione, quam Insubres ei valde obnoxii, salso appellant, etsi ad morbum radicitus tollendum non valeat, non sine evidenti utilitate, ubi maxime robur visceribus addere conveniat, atque excretiones intendere, Aegris in decoctu ad aliquot drachmas, (dosi pedetentim aucta, ne plus stimulando officiat stomacho atque intestinis, vel alvum resolvat, ut vidi liberalius ingestam efficere) passim adhibemus.

740. Etsi vero *Rumex aquaticus* radicem praebeat austram, amaram, herbae Britannicae, aut *Hydrolapathi* nomine Medicis cognitam in decoctu ex aqua, aut vino a Veteribus in stomachace usurpatam, atque exiniam in scorbuto, eiusque affectibus a Nuperioribus habitam, plane inusitatus nobis est. *Rumex alpinus*, cuius radicem Rhabarbarum Monachorum afferre alibi dicam, nunquam apud nos usu venit, cum eius radix alvi profluiis sistendis Alpicolarum more supervacanea in tanta copia remediorum, quae certius, et validius adstringunt, ac roborant, habeatur. *Rumex denique acetosa* seu *Acetosa* hic loci vix non omni caret

usu. Eius quippe folia, e quorum succo expresso Sal essentiale, seu Acidulum oxalicum ipso Tartrito acidulo potassae paulo acidius, ac solubilius obtinetur, rari admodum usus sunt, quoniam earum loco, ut ut egregie temperent, et scorbuticis subveniant *Acido oxalico* suo, potius *Acido nitrico* utimur. Radix vero austero, et amaro sapore donata nunquam praescribitur ut ea, quae ad movendam urinam, ad resolvenda visceris infarcta, atque ad emendandam laxitatem inefficax est.

741. Potius igitur ex *Polygani* genere usitatum ad adstringendum remedium desumitur, nempe ex *Polygano bistorta*, aliis nunc tribus speciebus exoletis, quae olim usu et fama invaluerant. Etenim nec *Polygani hydropiperis*, seu *Persicariae urentis* folia, quae recens contusa, atque imposita cutim rubefacere dicuntur, neque ad purganda ulcera, neque ad oedematosos discutiendos tumores adhibemus; nec *Polygani persicarias* herbam lithontripicam credimus; nec *Polygani avicularis*, aut herbae *Centumnodiæ* ad duas, tresve uncias in succo, vel in decoctu usurpatae tantam adstrictionis vim tribuimus, ut credeendum sit haemorrhagiis, aut diuturnis alvi fluxibus, aut vulneribus mederi.

742. Itaque sola *Bistorta*, seu radix *Polygani bistortæ* valde austera, aliisque indicis adstringens ex caeteris speciebus probari ad medendum debet. Multum quippe

efficaciter a scriptulo ad drachmam dimidiam in pulvere, vel ad unam drachmam, alteramve in decoctu quavis vice in diarraea, aliisque morbis utilissime administratur, in quibus Adstringentium, et Roborantium usus tutus, atque optimus est; ac maxime eorum, quae antiseptica etiam virtute, ut Bistorta, praestant. Quod vero maiorem Medicorum animadversionem de eius viribus meretur usus est in febribus intermittentibus, quas non solum per se interdum tollere iamdiu innotuerat, quod adstringentibus aliis commune est, sed fere instar Corticis peruviani tuto facile, et certo sanare coniunctam cum Gentianae radice, aut qualibet alia amara stirpe super CULLENIUS asséruit. Profecto frequenter, et validius reliquis febribus cohibere posse Bistorta videretur; at interim saepe fallere etiam amaris unitam, et largiter datam stomacho non parum molestam evadere, ut Cortici nequeat substitui, multis iam experimentis, atque observationibus in diversa epidemica febrium constitutione, atque in vario Aegrorum, caussarumque discrimine, ac dissimili morbi specie institutis evidenter didici. Speciatim autem observavi in iis casibus, in quibus Cortex peruvianus omnino indicatur, parca manu exhibitam febrem non sistere, ac maiori, ubi etiam eam supereret, non sine multo Aegrorum incommodo superare. Hinc credo generatim hoc genus remedii in hisce febribus valde ambiguum, nec tutum adeo, ut quibusdam videtur, ne dicam quod

iam prudenter docuit MURRAYUS, caeteras etiam stirpes adstringendi virtute donatas in febribus intermittentibus tutas non esse, quae remedii unice adstringentibus suffocantur potius, quam curantur (a).

743. Hisce accedunt Vegetabilia reliqua, quae olim magnam celebritatem obtinuerunt tamquam Adstringentia medicamenta, vel adhuc obtainent. Sunt eiusmodi *Punicae granati* cortex, *Malicornium* dictus, austerus, amarus in haemorrhagiis alvique profluviis plurimi factus, et vere adstringens nunc fere exoletus, ac flores, *Balaustia* nuncupati, qui cortice mitiores nunc negliguntur. Sunt herba, et flores *Hyperici perforati*, quoniam huic stirpi suaviter oleni, leniter amarae, atque adstringenti fere balsamicae cum nimium adstringendo, detergendo, ac resolvendo olim tribuissent Medici, ac veluti insigne vulnerarium, atque abstergens remedium in infuso, extracto, essentia, et syrupo crebro adhiberent, hodie Clariores Clinici, ac Chirurghi exiguum, aut nullam ei fidem praestant. Sunt *Lythri salicariae* flores in Italia ad alvi profluvia cohibenda olim multi usus nec virtute destituti, nunc raro adhibiti, nec immerito cum satis manifestos, atque insignes ex iisdem effectus nunquam viderim. Sunt rursus illius generis herba, et flores *Achillaæ millefolii*, seu *Millefolii*, in quibus etsi sapor leniter adstrictorius, atque una paullo

(a) Op. cit. V. IV. p. 407.

aromaticus, atque amarus cum adstringenti
roborantem, atque antispasmodicam virtutem
praemonstrare videatur, tum magui habita
fuerint in morbis fere omnibus, qui similia
medicamenta requirunt, ego parum tribuo:
praesertim cum videam in plurimis locis ab
hac stirpe Clinicos generatim abstinere.

744. Praeter haec Vegetabilia inest quo-
que virtus adstringens *Myrti communis* bac-
ci, et foliis, quae tamen olim crebro usur-
pata nunc *Coriariis* potius, quam Medicis
inserviunt. Inest etiam virtus radicibus, ac
praesertim foliis *Plantaginis latifoliae* seu ma-
ioris, et *Plantaginis lanceolatae* seu minoris
quam foliorum et sapor leniter adstringens
atque amarus, et eorum utilitas aliqua in
diarrhaea, in ulceribus, atque interdum in
febribus intermittentibus, ac minoribus vul-
neribus declarant si tum in infuso, vel deco-
ctu, vel succo sumantur, tum contusa externe
impouantur. Interea non inde consequitur
Plantaginis aquam distillatam vul-
nerariam, atque adstringentem esse, quae
perperam a quibusdam adhuc praescribitur,
cum utraque destituatur virtute. Inutilis
etiam adstringendo est radix *Convallariae po-*
lygonati, seu sigilli Salomonis, quia eadem
dulcis, et cum amara acrimonia mucilagine
dives verius ad Emollientia, quam ad Ad-
stringentia pertinere recte censemur. Nec
fidendum est *Visci albi* cortici, quem *Lignum*
Visci quercini Medici vocant, licet aromati-
cam adstrictoriam amaritatem sapore patefa-

Ciat, quando certo, atque efficaciter adstringens remedium indicatur, ne dicam de ceteris eius viribus alibi expendendis. Quare superest, ut Vegetabilia adstringentia complectar proponendo ea, quae de *Arbutu uvae ursi*, de *Cortice Quercus roboris*, et *Nerii antidyserterici*, de *Ligno Haematoxyli campechensis*, ac de *Nucibus Quercus cerris* recentiores Medie docent.

745. Folia *Arbutus uve ursi* initio syptica, dein amara, in quibus cum insipida resina gummi abundat sapore amarum, a quo praecipuam vim quidam deducunt, non solum ad Adstringentia hac aetate Clinici retulerunt, verum etiam ob hanc vim, atque ob singularem in calculis urinariis actionem veluti lithontriptica magni fecerunt. Praesertim vero cum HAENIUS, aliquique susceptis in calculo laborantibus periculis, institutisque etiam extra corpus humanum experimentis, chronicis urinalium organorum vitiis ex calculo, pure, aliisve caussis ortis mederi, ipsosque calculos non raro resolvere tradiderint. Profecto si quae apud Medicinae Proceres de *uva ursi* ocurrunt una sumantur oportet fateri eam cruciatus renum, et vesicae, dysuriam, stranguriam, vel ischuriam ex calculo interdum mitigare, urinam, mucum, pus, arenulas, ipsumve subinde calulum pellere, huius incremento non raro adversari, ac nephritidis dolores ex eadem caussa quandoque prohibere, quin tamen aut omnibus subveniat, aut vere calculum solvat,

quemadmodum quidam tradidere. „ Huic enim opinioni (inquit apposite Vir nunquam interiturae memoriae MURRAYUS , qui singulari commentario (a) Uvae ursi principia vires , atque usus iamdiu illustravit) „ nec „ quantum capio extra corpus humanum in- „ stituta experimenta favent, nec phaenomena „ in Aegris , quibus offertur obvia . Nimis „ prompte saepe effectus insequitur , quam „ ut emolliri , deliquescere , vel delabi calculus „ inde posset ; nimisque cito saepe redeunt „ mala pristina neglecto usu , quam ut in „ novum coalescere posset ; vere subinde „ profusisse , symptomatibus etsi silentibus , „ catheter declaravit . Magni tamen , sapienter subdit , quod possem etiam propriis „ observationibus confirmare , uva ursi facienda , quoniam cruciatus , reliquaque in- „ commoda tollendo vitam tollerabilem , negotiiisque aptam reddit , lotium praeterea , „ sabulum , et lapillos in maiorem calculum „ concreturos pellit , tum et roborando renes „ diathesin ad calculum sufflaminat (b) . Datur autem Uva ursi pulveris forma a paucis granis ad scriptulum quavis vice , ac , dosi deinceps aucta , usque ad drachmam , quae modo bis die , modo saepius exhibetur , frigida super hausta si amaritie officiat ; tum etiam assumitur in decoctu , qui ex una , vel altera drachma foliorum cum aquae libra parari solet .

(a) De Arb. uva ursi 1764.

(b) App. Med. V. II. pag. 63.

746. Cortice *Quercus roboris*, cui non secus ac caeteris arboris partibus stypticus, atque acidus sapor inest, iamdiu probatissimo plerisque remedio adstringente, atque ad coria densanda valde usitato perraro utuntur Itali Medici, dum crebro eum exterarum Gentium Clinici praescribunt. Quare sive illa, quae praestat extra humanum corpus, spectentur, sive satis evicta habeantur, nec Aluminis una adhibiti propria sint, quae de hoc Cortice Aegris exhibito tradit CULLENIUS, esset sane idem cortex ubique obvius multis aliis anteponendus adstringentibus, quae nunc usurpantur. Ego enim hunc corticem nimis raro solum adhibui, etsi saepe cum alumine utar, ut de eius efficacitate tuto queam iudicare. Eum porro decoctum in levi tumore faucium, in uvulae relaxatione, atque in angina tonsillarum profusse mature adhibitum idem Auctor testatur: quae quidem consentiunt cum iis, quae de illius usu, et viribus ab Antiquioribus prolata fuerunt. Caeterum hic loci decoctum ex Glandibus a quibusdam non sine utilitate in iisdem casibus propinatum vidi, quin tamen viderim easdem glandes, SCOPOLIO potissimum ad eas in febribus intermittentibus experiundas me incitante, eam exerere vim, utut dia et largiter in benignis purisque intermittentibus exhibuissem, forma, et copia, qua Peruviano cortice utimur, ob quam tutum, atque efficax generatim remedium Antipyreticum lagiri dicendum sit.

747. Cortex vero alter a Materiae Medicinae Scriptoribus Adstringentibus medicamentis adnumeratur, qui ex *Nerio antidyserterico* sumptus sapore austero non ingrate amaro donatus ex Malabaria, ac Ceilano in Scotiam atque Angliam advectus, ac Profluvi corticis nomine cognitus valde inclaruit. Tritus enim in pulverem, ac cum syrupo in electuarii modum subactus ad scriptulum unum vel alterum bis, terve aut pluries etiam die dysentericis exhibitus magnam opem iisdem asserre dicebatur. Interea cum alii nec proprii quidquam contra dysenteriam in eo inesse tradiderint, nec tuti etiam usus alii iudicaverint, tantum pristinae famae amisit, ut neque in nostras hactenus Officinas admissum sit, neque alibi usitatum esse soleat quamquam non inutile remedium, ut quidam malunt, dici possit. Enim vero in diarrhaea tum recenti, cum inveterata, atque in diutina dysenteria utilissimam opem attulisse eum testem habemus, nempe Ill. MONROUM, cuius auctoritati nefas esset reluctari.

748. Quod vero respicit reliqua duo Adstringentia scire expedit *Hematoxyli campechensis* lignum leniter adstringenti, ac subdulci sapore donatum Anglis potius, quam nobis vel rasum, vel decoctum, vel extractum ad duas, tresve drachmas exhibendum adstringens medicamentum diarrhaea, atque antiqua dysenteria laborantibus, si adstringentia prosint, erogare. Nuces vero Gallae dictae, sive ex *Quercu robore*, sive ex *Quer-*

en cerasis desumantur, in quibus se abdit insectum ex *Cynipis* genere praesertim ex Oriente advectae admodum probatae, ubi validus adstringendum esset, olim usitatae nunc negliguntur.

749. Si quis autem quaerat quanam de causa dicens de Adstringentibus Vegetabilibus praeteream silentio novum illud remedium *Gummi rubrum* vocatum, quod valde adstringens *Kino* persimile nupertime propositum Cel. WHITIUS (a) respondebo donec aliorum experientia eius proprias vires, ac veros usus constitutus satis esse e vestigio attingere, quae ex eiusdem Auctoris testimonio proferuntur. Satis proinde erit monuisse *Gummi rubrum* non verum gummi esse, at succum ex inciso trunco arboris, quae *Eucalypti* species creditur, copiosissime erumpentem, gummi resinosum, qui longe plus in alcoholе, quam in aqua solubilis, etsi in utraque solutione validissime adstringat, tantam habuit virtutem adversus dysenteriam, ut plurimos Aegros hoc morbo detentos, si unum excipimus, ab eodem WHITIO exhibitus sanaverit. Utinam proinde ad nos usque tam eximum pharmacum cito advehatur, adiectumque laudibus respondeat, atque abunde praeconceptam expectationem expletat!

(a) Journal of a Voyage to New South Wales.

750. Haec praecipua sunt, quae inter Vegetabilia ad adstringendum a Medicis vel proponuntur, vel adhibentur: quibus modo addam ea, quae ex Fossilibus adstrictionis caussa peti solent, ut omnem Adstringentium materiem complectar. Antequam tamen ista singillatim persequar, ne adstringens quodcumque omittatur auxilium, indicare oportet in hoc remediorum genere locum sibi vindicare *Vinum* austерum, aut immaturum, aut acidulum, cuius varias species alibi recensui (§. 312) quod proinde recte administratum laxitatem emendat, ac calidum praesertim impositum, vel instar balnei usurpatum relaxata, ac debilia membra confirmat; tum *Alcohol aqueum* seu *Vini spiritum*, qui fibris adstrictis non solum prudenter assumptus roborando inservit, humores una, ac maxime sanguinem inspissando, et putredinem arcendo, vel iam natam emendando; verum etiam adstrictione sua efficit, ut vario modo partibus applicitus resolutioni prospiciat, recentibus vulneribus, quae minora sint, medeatur, et sanguinis fluxum cohibeat, nimiam suppurationem moderetur, ecchymoses antevertat, aut contusa resolvat, ligamenta relaxata confirmet, atque oedemata discutiat. Hinc magni usus est apud Chirurgos, qui vel eo simplici utuntur, vel additis aromaticis herbis, adstringentibusque stypticis multiplices parant liquores, cuiusmodi sunt *Aqua vulneraria*, *Spiritus vini camphoratus*, atque *Aqua sty-*

ptica Clementina. Huic potior virtus nuper tribuebatur cum sectis arteriis, si probae notae sit imposta earum fibris constrictis haemorrhagiam sistere diceretur. Verum etsi Spiritui vini simplici praestantior sit eiusmodi liquor, cuius arcanam compositionem Aug. Caesar. iussu Ill. Eq. a BRAMBILLA publici juris fecit; attamen in maiori vulnere, nisi apta compressio fluxum sanguinis dein prohibeat, per se non sistit, nec generatim vacat vitiis, quibus ob adstritoriam, ac stimulantem vim administratio spiritus vini obnoxia est. Docentibus quippe magni nominis Chirurgis, ac speciatim Ill. PLENKIO^(a), quem plurimi facio nocet hosce remedii genus in ambustis nigrescentibus, in maioribus vulneribus, ac maxime quae ab ignea ballista fiunt, aut cerebrum attingunt, in gravioribus contusionibus, ac denique in partium inductionibus, quas discutere animus est.

751. Inter caeteras etiam facultates, ob quas medicatissimum *Acidum acetosum* seu *Acetum vini* perhibetur adstritoriam quoque vim habere et sensus adstrictionis declarat, quem in ore, et labiis imprimit, eo quidem maiorem, quo aquae minus vehit, maximeque si *Stillatitum* aut gelu, aliive modis *Concentratum* sit, ac rursus notissimi eius in morbis externis effectus evincunt. Iamdiu siquidem a Veteribus

(a) Mat. Chirurg.

accepimus laxis membris impositum robur
restituere, oedematosos tumores dispellere,
unde totius habitus, aut singularis partis
hydropisis discutiatitur: quod accidere magna
laxitate praesente non raro observavi. Sci-
mus praeterea ex III. TISSOTO (a) aliisque,
ne proprias adducam observationes in haem-
orrhagia uteri post partum lintea eo medi-
da abdomini, et lumbis frigide imposta
egregium remedium suppeditare. Scimus
denique ambustis confestim admotum futura
mala reprimendo interdum avertere.

751. Sed dum istis liquoribus, ac gene-
ratim validioribus, quae suppetunt, acidis
vegetabilium succis adstrictoriam facultatem
inesse tuemur, maiorem sane tribuimus Aci-
dis ipsis fossilibus. Ob quam sane caussam
facile quisque intelliget cur cum celebrioribus
Chirurgis, ubi valide adstringens remedium
in externis morbis conveniat magni faciam.
Aquam Thedenianam, ac prae caeteris
probare soleam. Cum enim hic liquor ab
III. THEDENIO, quem honoris caussa nomi-
no, utilissime inventus ea proportione factus,
ut tribus libris tum *Acidi acetosi*, tum *Alco-*
holis, ac *Sacchari librae*, unciae octo *Acidi*
sulphurici aqua diluti admisceantur, adstringen-
tia auxilia, quae potiora sunt, recipiat prae-
stantior quoque caeteris iure habetur iis om-
nibus in casibus, quibus similium remediorum
genere Chirurgia medetur.

(a) Avis ac. Peup. pag. 451.

753. Adstrictoriam vero facultatem, et quidem admodum validam fossilibus Acidis, ac speciatim *Sulphurico*, *Muriatico*, et *Nitroso* competere nemo est qui deneget, quamquam unde eadem explicanda sit quaeri adhuc inter Medicos soleat. Non enim sufficit eam ex proprietate, quam habent humores, maximeque sanguinem coagulandi, derivare quoniam diluta etiam adstringendo prosunt sive interne sumantur, sive externe usurpentur. Dum interim admitto in sanguinem delata tantum suae virtutis adhuc diluta Acidia fossilia retinere, ut manifesto queant vel adstringere, vel alio modo utiliter operari, non diffiteor non satis evictum esse bona, quae interdum praestant in haemorrhagiis adhibita, ab eorum adstrictione proficiisci, quin imo arbitror vel a sedanti, vel a temperanti, vel ab alia agendi ratione verosimilius deduci, atque explicari.

754. Hisce e vestigio de usu Acidorum adstringenti propositis proprius ad ea, quae Fossilia exhibent, Adstringentia medicamenta accedens protinus considerabo, quae ex Terris, atque ex Lapidibus desumpta adstringendo paria, vana sane credulitate, et Medicinae, Aegrorumque detimento, Medici olim iudicarunt. Quae profecto ob hanc caussam ne quidem attigissem, nisi ea saltem indicanda instituti nostri ratio praescriberet. Quis enim hodie etsi imperitus, aut ignobilis Medicus est, qui Gemmas in morbis malignis, exanthematicis, aut a veneno illatis alias celebra-

tissimas adstringentes vires referat. Otio sane abutentis esset in iis persequendis immorari, quae plerique protulerunt, ut eiusmodi vim adstringentem, aliasque facultates plane egregias competere demonstrarent *Quarzo vitreo pellucido rubro*, seu *Rubino*, *Quarzo vitreo* seu *Saphyro*, *Quarzo vitreo obscure luteo*, seu *Hyacintho*, ac speciatim quinque lapidibus praetiosis, quorum fragmenta in omnibus Officivis prostabant. Eadem, quae *Granatum*, *Sardum*, *Saphyrum*, *Smaragdum*, atque *Hyacinthus* dicebantur; ex *Silice* cum copiosa *Aluminia*, atque exigua copia *Carbonatis calcis* exurgunt, atque uno *Quarzi colorati vitrei* nomine complectuntur. Horum quippe, ac parum dissimilium a *Silice* diversa proportione *Aluminiae* unito compositorum nempe *Grysoliti*, *Opali*, *Carneoli*, *Silicis vulgaris*, *Iaspidis*, et *Lapidis lazuli* famigeratissimas virtutes, ac speciatim, de qua dico, adstringentem vim profluviis alvi, albo fluore ute-ri, atque haemorrhagia detentis proficuam uno nunc ore *Clinici* tamquam vana superstiosae credulitatis, et caliditatis commenta irrident, atque reiiciunt.

755. Quare mirari subest in eo valde composito medicamento, quod *Confectio hyacinthina* dicitur, *hyacinthum*, ac praetiosa fragmenta in quibusdam adhuc locis recipi, eandemque compositissimam, ac plane inconcinnam, atque ab Arte alienam a quibusdam in tanta Medicinae, ac Pharmaciae luce adhuc praescribi. Maxime vero,

quod Confectionem hanc qui retinendam esse voluerunt, ne usitatissimum olim remedium, ubi oporteret vires cordis, et muscularum incitare, calorem augere, venenorū potentiam infringere, febribus mali moris mederi, acidum absorbere, ac speciatim vomitum, atque alvi profluvium sistere, oblivioni prorsus traderetur, non ita correxerint, ut non aliquid vel inutile, vel viribus pugnans adhuc retineat. Ego proinde censeo vel prorsus e genere remediorū auferendam, vel si ea quisquam uti velit, quemadmodum apud nos quidam adhuc utuntur, ubi excitans et stimulans remedium conveniat, eam compонendam saltem esse, caeteris reiectis, ex foliis dumtaxat Dictamni cretici, e Cinnamo-
mo, Myrrha, Croco, Camphora, vel Mo-
scho syrupo Corticis vel Citri, vel Peruviani una coniunctis.

756. Non possum etiam Veterum Medicorum sententiae subscribere, dum impense laudant, ac nobis tamquam valida adstringentia remedia proponunt Lrides, et Terras, e quibus nullam veram utilitatem Nuperiores sibi pollicentur. Etenim *Argillam cretosam albam* seu Leucargillam, aut Samiam etsi adstringendi, atque abstergendi fine Veteres olim non raro adhibuerint, praesertim admiscentes colyriis, quibus chronicam oculorum inflammationem discutere tentabant, hodie nemo inter Medicos eam vel usurpat, vel probat. Nemo etiam usurpat *Argillam cretosam albam* seu *Terram sigillatam albam*, aut

Bolum albam Melitensem, insipidam, quae ex Melita Insula in tabellas, aut pastillos sigillis notatos advehebatur, cum eadem alexipharmacis, cardiaca, ac speciatim in morbis exanthematicis et morsibus serpentum praestantissimum remedium afferre diceretur. Nec aliam etiam *Argillae* speciem, quam Terram nucerianam dicunt Melitensi succedaneam, non multis etiam ab hinc annis in variis Italiae locis usitatam quisquam apud nos forte adhibet. Nec pariter *Argilla cretosa*, quae vel *cinerea* sit, vel *citrina*, aut *lutea* quisquam hodie utitur. Quod si quis adhuc *Argilla cretosa cum oxydo ferri*, seu Bolo armena rubra, quae subpinguis, leniter styptica, inodora, friabilis et manus inquinat, et ponderosa est, uti adhuc velit cum SWIETENIO, aliisque, in immodicis alvi profluviis demulcendo, absorbendo, ac leniter adstringendo non raro proficuam reputans, caveat saltem ne cum aliis alexipharmacam, ac cardiacam censeat, neque fidenter vel per se praescribat, vel compositis medicamentis, quae nunc etiam alicubi ingreditur, admiscendam iubeat.

757. Ad caeteras vero Terras, et Lapidem, quod attinet, quae alias ad hoc caput referri consueverant, missis iis, quae alio potius, quam adstringendi scopo vel proponi, vel probari solent, alibi indicandis, summatim dicam *Carbonatem calcis Stalachtitidis* nomine alias propositum utpote adstrictione haemophyoicis utile remedium, atque in ulcusculis

exsiccandis oculorum , si colyriis adderetur ;
 idoneum plane exolevisse ; nec *Baritum*,
 eiusque *Carbonatem* satis hactenus constare,
 quid virtutis exerant , nec *Silicem* contritum
 tenuissime , alias adstringentibus adnumeratum
 inter remedia nominari ; nec demum *Carbo-*
nam calcarium , seu *Alabastrum* in Officinis
 adhuc esse retinendum quoniam praeparatum ,
 ut alias fieri consueverat , veluti adstringens ,
 ac refrigerans , (ac proinde unguentis etiam
 suas tribuens facultates) per se nullam
 potest utilitatem afferre . Hisce proinde om-
 nibus vanis , supervacaneis , aut dubiis reie-
 ctis properemus ad ea indicanda , quae vali-
 diora , usitatoraque cum sint medicamenta
Adstringentia e Fossilibus petita , potiorem
Medicorum observationem exigunt.

758. Antecedat istis *Sulphatum aluminae*
 seu *Alumen* , quod purum ubi sit sive nat-
 um , sive factitium nullo roseo colore dona-
 tum , purumque in crystallos concretum modo
 polyedras , modo irregulares , in aqua calida ad
 modum copiosa longe melius , quam in fri-
 gida solubile ad adstringendum praestantissi-
 mum remedium iure censetur . Hinc vel ab
 ipsis Veteribus magni factum , ac crebro
 adhibitum fuit ; tum nos utilissime eodem
 saepe utimur non minus externe , quam inter-
 ne . Quamquam enim **CARTHEUSERUS** , **BARO-**
NIUS , aliquique nunquam interius dandum esse
 suaserint , cum vehementer adstringat , imo
 quidam cum Cel. **VITETO** (a) affirmaverint

taro in haemorrhagiis prôdesse, in nimis
reliquorum humorum fluxibus nocere, nau-
seam atque interaneorum dolores concitare,
sputum suppressare, bronchia irritare, ac diu
adhibitum maciem adducere, aliaque gravissi-
ma mala inferre; ista tamen omnia ego vel ab
imprevida eius administratione, vel a nimia,
qua datum fuit, copia fidentissime deduco.
Hinc etsi non diffitear Alumen vehementer
agere, attamen nequeo illis Auctoribus con-
cedere interne tuto dari non posse, nec
quisquam sane Medicorum concedet. Ubi
enim neque inflammatio adsit, neque insignis
obstructio, aut congestio, neque nimia fibra-
rum sensilitas, aut irritabilitas, morbus vero a
laxitate, vasorum ruptura, et putredine ori-
ginem ducat, Alumen parva dosi prudenter
administratum plane innocuum, atque egre-
gium plurium aegritudinum remedium exis-
te non modo Veterum, sed Nuperiorum
maxime observata dubio procul evincunt.

759. Horum itaque experientia, ac no-
stra etiam certo constat Alumen ad grana tria
prima vice datum, deinde usque ad sex,
ad octo, imo assuetis paullo ultra (quae
dosis subinde die opportune, quantum expe-
dit, iteratur) sive per se, sive aliis rebus, et
mixturis additum, sive lactis sero solutum,
quod Serum Aluminosum tunc dicitur,
sive remediis adstringentibus, ac speciatim
cum Sanguine draconis, ut in Specifico
Helvetii, vel potius ex CULLENII sen-
tentia cum Gummi Kino apte coniunctum

plurimis sane morbis mederi. Medetur autem praecipue menorrhagiae, aliisque uteri haemorrhagiis, quas eiusdem relaxata vasa afferunt, imo interdum, ut passim vidi, quas humorum acredo, aut ad putrescendum proclivitas foget. Medetur quoque interdum diutinae, crebrae ac narium haemorrhagiae ab iisdem causis illatae cum tribus Aegris caeteris incassum adhibitis auxiliis a me usurpatum serum aluminosum salutem attulerit. Potius subscribam CULLENIO reputanti inutile esse, ne dicam nocuum futurum, in haemophthisi, quia in eo cruento fluxu a nimia vasorum actione pendente adstringentia nocua perpetuo videri idem Auctor rectissime observat. Unde non arduum est ex caussarum, quae haemorrhagias inferunt, discrimine explicare quid in vomitu cruento Alumen mihi interdum successerit, interdum nihil profuerit caute etiam tentatum. Enim vero ubi minus parca manu exhibeat Alumen, et eas affert molestias, quas (§. 758) paullo ante indicabam, et, nisi protinus excutiatur vomitu, alvum movet, quemadmodum idem Alumen singulariter virtute sua movere, quando pertinacissime in colica saturnina adstricta alvus ducenta sit, a quibusdam dicitur. Quando autem pedetentim exhibeat sive per se forma pulveris, aut pilulae, aut cum sero diarrhoeae ex laxitate egregie medetur, ut iamdiu apud nos usu compertum est, tum profestis, qui diutina dysenteria obnoxii evaserunt, nec contra album mulierum fluorem

inefficax, remedium, ut passim experior,
diu datum existit, etsi CULLENIO non suc-
cesserit.

760. Contra diabetem praeterea sero
lactis admixtum egregie valere DOWERUS,
RUTTYUS, aliquique plures affirmant, puerorum
vermes quotidiano potui additum citra nau-
seam expellere idem RUTTYUS monet, Coli-
cae Pictonum, ac rebellibus, diurnisque
intestinorum affectibus, in quibus eorum
motus languet, potenter auxiliari tradit GRAS-
SHUITIUS, eandemque Aluminis utilitatem in
Colicis doloribus, quorum natura huius gene-
ris remedia permittat, Nuperiores non pauci
magnificant. Ego autem istis omnibus in
casibus non tanta mihi ab Alumine expertus
polliceor, quanta ipsi promittunt. Caeterum
in diurnis stomachi doloribus a mobilitate,
spasmo, et debilitate mihi profuit interdum,
cum alia irrita cessissent remedia, minima
quidem dosi, at saepius intra diem porre-
ctum; qua ratione hocce medicamentum ge-
neratim tutius, atque efficacius esse passim
experior. Eius autem usum in febribus inter-
mittentibus quod respicit, ac pertinacissima
imprimis quartana, quibus post HARTMAN-
NUM, ETTMULLERUM, TRENKAM, et CUD-
DENIUM, aliosque non pauci testantur mede-
ni, licet profuisse interdum potuerit, (ut
interdum, laxitate praesente, aliisve caussis
existentibus propriam curationem postulantibus
Adstringentia caetera prosunt) ego quidem
censeo parvi esse faciendum. Tentanti quippe

pe mihi pluries febres intermitentes putas
nec curatu difficiles Alumine sistere modo
solo, modo aliis adiuncto remediis, etiam
amaris, nunquam susceptum experimentum,
etsi bis febrim mitiorem reddiderit, me voti
compotem fecit.

761. De externo autem Aluminis usu
Chirurgis usitatissimo in eo omnes consen-
tiunt apprime convenire gargarismatis forma
in uvulae, et tonsillarum tumore, ubi vel
admodum exigua inflammatio sit, (etsi in
quovis anginae tonsillaris gradu tuto, et
utiliter se dedisse testetur CULLENIUS) in
gingivarum laxitate, et corruptione, atque
in omnibus oris ulcusculis; colyriis additum
in serosis, et rebellibus oculorum inflamma-
tionibus, et palpebrarum, quo in casu aliis
praestare remediis ad grana quinque in aquae
uncia solutum CULLENIUS observavit; ac
demum sinuosis, putridisque ulceribus insper-
sum, tum excrescentibus carnibus impositum,
maxime Ustum alumen prodesse: quo ta-
men fine vix hodie a quibusdam adhibetur
cum validiora, ac commodiora praesidia
suppetant.

762. Iam vero ad ea metalla progre-
diamur, quae Adstringentia largiuntur, nempe
ad Zincum, ad Plumbum, ad Cuprum,
atque ad Ferrum. Ex Zinco duo potissimum
desumpta medicamenta nempe *Sulphatum zinci*, seu *Vitriolum album*, atque *Oxydum zinci sublimatum*, seu *Flos zinci* hic debent expen-
di. Primum enim in crystallos quathor,

vel quinque latis habentes concretum atque in aperto aere efflorescens, in aqua facilime solvendum, inodorum ac sapore donatum valde adstringenti obscure dulci, atque acri etsi nunquam hodie apud nos exhibeatur interne, alias tamen propinari solebat, imo alibi interdum praescribitur. Scimus enim tum ipsum, sive nativum, sive factitium, tum repetitis operibus depuratum, quod Gilla Theophrasti dicebatur, non ad vomitum solummodo excutiendum paucorum dosi granorum olim dedisse Italos Medicos, verum etiam ut ventriculum, atque intestina adstringendo firmarent. In dysenteria quippe, atque in diarrhaea valde usitata erat Gilla, atque iis omnibus casibus opitulari tradebatur, quibus nos exhibita *Violae ipecacuanhae* radice medemur. Inter nuperrimos autem Clinicos internum *Sulphatis zinci* usum frequenter admisit CULLENIUS in iis morbis in quibus adhibere consueverat *Oxydum zinci sublimatum* cum pari adstrictionis, et roboris effectu.

763. Interea cum praeter vim adstringendi nullam aliam propriam possideat *Sulphatum zinci*, cum probe sciam contra epilepsiam, aliasque spasticos morbos nullam habere facultatem, atque, ubi indicatur tamquam adstringens, ad unum etiam vel alterum granum exhibitum quibusdam vehementem concitare vomitionem, ac generatim veneno esse certa datum dosi, inductisque diris stomachi doloribus, ventrisque terminibus, vix absor-

bentibus, oleosis, mucilagineis, atque alcali-
cis remediis auferendis, vitae minitari, hocce
medicamentum nunquam intus dandum esse
suaderem. Quod si vero istis careat vitiis
ubi rite confectum sit, neque ad sex, octo,
decem, aut duodecim grana, et ultra partitis
vicibus datum *Oxydum zinci sublimatum* no-
cuum existat, ut saepe vidi (a); cum tamen
remedium istud, quamquam adstringens sit,
LUDDMANII, GAUBII, aliorumque laudibus
non respondeat, in ea maneo sententia, quam
alio loco protuli. „ Cum zinci flores ad
„ roborandum, et adstringendum aliis reme-
„ diis cedant, ac speciatim ferro; cum ad
„ acidum primarum viarum absorbendum,
„ corrigendumve superflui sint, quoniam id
„ tutius, et melius praestat magnesia; cum
„ que ad maiores spasmodicos morbos supe-
„ randos non valeant, imo nec leviora eius-
„ modi mala, eorumque symptomata, quae
„ aliis postea antispasmodicis facile obtempe-
„ rant, plerumque mitigent: concludere licet,
„ eos flores nimia fiducia ad medendum
„ fuisse praescriptos, neque adhibendos esse
„ in iis morborum generibus, in quibus plu-
„ rimum conducere hactenus creditum est,
„ neque adnumerandos antispasmodicis artis
„ auxiliis, quibus evidentem, certam, ac
„ validam vim inesse, experientia iamdu-
„ evicit (b) „ . Utrum vero quod istud *Oxy-*

(a) Opusc. Therap. Vol. I. pag. 70. et seq.

(b) Op. cit. pag. 91. 92.

dum zinci sublimatum non praestat, efficiat certius, ac longe efficacius quod acidorum ope obtinetur, seu *Oxydum e sulphate zinci ab alcali praecipitatum*, prout nuperrime Clinico Summo, Ill. DUNCANIO quidam Medicus retulit (*a*), novis erit experimentis constituentum.

764. Itaque satis erit in externo Zinci usu cum Chirurgis aquiescere, qui duce praesertim Ill. CAMPERO, si adstringere paullatim conveniat, quin suppuratione inhibetur, idem *Oxydum zinci sublimatum* ulceribus admovent; qui *oxydum* illud zinci aliis admixtum metallis, aliisve saepe rebus *Tutiam* dictum ad adstringendum atque exsiccandum colyriis, aut unguentis addunt; qui que colyriis ad duo, tria grana, aut ultra etiam si validius adstringendum sit, pro quavis aquae uncia *Sulphatum zinci* admiscent, atque oculorum chronicis inflammationibus imponunt, qui que adhibent ut ulcuscula ab inflammatione relicta abstergant, atque exsiccent, vel cum Ill. PLENKIO (*b*) ex eo confectam *Aquam Ophthalmicam* melle rosaceo remixtam in aphtis, quibus egregie mederi affirmat, vel demum aliis in morbis externis usurpant, quos speciatim ii inter Chirurgos commemo- rant qui RUTTYO subscrubunt arbitranti hocce vitriolum p[re] caeteris adstringere (*c*), dum

(*a*) Bibl. Fis. d' Europ. T. XIV. 136.

(*b*) Toxicologia pag. 234.

(*c*) Op. cit. pag. 550.

contrariam plane sententiam VITETUS tue-
tur (a).

765. Summam autem animadversionem a Medicis, ac Chirurgis maxime postulat Plumbum, aut Saturnum, quatenus varia, quae in Officinis prostant, praeparata exhibet, quibus omnibus virtus inest plus minus adstringens, et quidem valida, atque una ob latentem, quam habent, venenatam indo-
lem, quamque interne, externe usurpata vel palam, vel clanculo saepe exerunt, per-
facile nocua, ac perniciosa evadunt. Quam
multa porro, quam varia sint mala, quae
plumbum sive liquoribus, qui potionem
praestant, suas particulas tribuerit, sive eas
cum cibis paratis in plumbeis vasis, aut
stanno plumbato obductis, aut fictilibus
plumbo vitreo incrustatis comunicaverit, sive
sub specie halitus in pulmones cum aere
venerit, facile modo subito, modo lente
infert, quisnam est qui ignoret? Quam vero
istis morbis, quos saturninos Medici nomi-
nant, gravissimis sane, ac propriis signis
nimis tarde interdum dignoscendis, perar-
duum saepe sit vel occurrere, vel iisdem
iam evolutis mederi oleosis, opiatibus, purgan-
tibus idoneis opio adiunctis, tum salibus,
alumine, absorbentibusque remediis, vel su-
perstites horum morborum reliquias aliis
pharmacis pro re nata admodum variis, atque

(a) Op. cit. pag. 258.

ex omni pene medicaminum genere desumptis radicibus tollere quis pariter est qui ne-
sciat? Haec sane adeo comperta sunt omni-
bus, ut, etiamsi denegari non possit adstri-
ctoria plumbi, eiusque praeparatorum facultas,
nemo sit, qui eiusdem quoque summopere
sedantem, nocuam, ac venenatam una con-
iunctam potentiam non plurimum metuat.
Quare etsi audaces et olim, et non multis
etiam ab hinc annis non defuerint Medici,
nec quidem incelestres, qui *Acetitum plumbi*,
seu *Saccharum Saturni* intus dederint, eiusque
tineturam in febribus, in phthisi, atque in
aliis morbis, in quibus adstringendi, ac sed-
andi indicatio occurrit, ii sane nunquam
prudentem hodie Artificem aut laudatorem,
aut sectatorem invenient. Ego quidem ab
omni interno Saturninorum medicaminum usu
perpetuo abstineo, ac perpetuo abstinendum
esse, quantum in me est, praecipio, nisi
mea, saltē celebrium Clinicorum auctoritate.
Remedium enim, dicam cum Ill. PLENKIO,
quod „centies detrimentum attulit, et se-
„mel, iterumve forte fortuna, aut benignae
„naturae industria non nocuit, aut etiam
„profuisse solummodo videtur, fugiendum
„est (a).

766. Quod autem pertinet ad externum
Saturninorum usum in morbis, qui Chirurgi
opem requirunt, non arduum sane erit con-

(b) Op. cit. pag. 258.

stituere quid in tanta, quae suppetit Scriptorum concertatione, quorum alii eadem, ut aliena et nocua perpetuo esse fugienda tradunt, alii utpote valde utilia, atque innoxia prudenter quidem, at fiderenter, usurpanda esse docent, sentiendum sit, post ea maxime, quae in hac re praeceunte, Cel. atque experientissimo Viro Eq. a BRAMBILLA (a), Ill. SMIDTHIUS, aliqui eximii Chirurgiae Professores (b), observationibus in medium ad ductis protulerunt. Horum quippe experientia cum aperte demonstraverit generatim externe adhibita Saturnina vel suis intromissis particulis nocere, vel repellendo noxios humores ad interiora non parum saepe officere; demonstravit quoque eadem nec carere periculo, nec plerumque esse proficia. Plerumque, inquam, nam perraro, et cautissime usurpari posse et ipsi concedunt Chirurghi, et ipse quoque ultro concedam. Hisce autem prahabitis ratio cuique patebit, ob quam censem Aquam vegeto mineralem, aut Saturninam Goulardii, quae componitur ubi *Acetiti plumbi* seu Extracto Saturni unciae dimidiae (cui adiicebatur alias spiritus vini uncia una, vel altera) binae librae. Aquae stillatitiae affusae probe misceantur, prudenter, et raro admodum esse usurpandam. Etsi enim plures eum cum inventore

(a) Act. Acad. Chir. Ioseph. V. I.

(b) Antigoulard. Wien. 1785.

GOU LARDIO temperando, discutiendo, repellendo, exsiccando, atque adstringendo parem habentes in inflammationibus, contusionibus, et suggillationibus, in chronicis oculorum vi-
tiis, atque in ulceribus et fistulis valde proba-
verint, quidam magni fecerint iniectam ad go-
norhoeas virus habentes sistendas; alii tamen
ex eius usu interdum exasperatas inflamma-
tiones, interdum ulcera in peius mutata,
interdum contusa aegrius resoluta, saepius
ex cohibita gonorrhoea inductos bubones,
et quandoque phymosi praesente gangraenam,
ac frequenter Saturninos morbos clanculo
illatos commemorant. Quod si addimus CUL-
LENIUM ingenue fateri se pleraque a GOU-
LARDIO adducta confirmare nullo modo po-
tuisse, ac Cel. HAIKENIUM inutilitatem, no-
xam, ac perniciem Saturninorum medicami-
num forma sive pulveris inspersi, sive lo-
tionis, sive malagmatis, sive unguenti adhi-
bitorum abunde ostendisse; erit sane eorum
usus angustioribus adhuc limitibus coercen-
dus.

767. Maxime vero quisque usum metuet
externum Saturninorum, de quibus hactenus
dixi, tum administrationem nimis adhuc fre-
quentem et liberalem apud quosdam Chirur-
gos vel *Oxydi albi plumbi cum acido acetoso*,
seu *Cerussae ad intertrigines praesertim*
infantum, vel *Balsamum saturni ad im-*
petigines, fungosa ulcera, et fistulas, vel Un-
guenti de Minio nempe ex Oxydo plum-
bi rubro, aut Unguenti de Lithargy-

rio nempe ex *Oxydo plumbi semivitreo*,
 nunc albicante nunc lutescente ad ulcerationes
 exsiccandas, atque implendas, vel similium
 unguentorum ad alios usus, maxime, inquam,
 metuet postquam sciverit quam facile ex istis
 etiam medicamentis abditum virus a vasculis
 facile exsuctum ad interiora gravi Aegrorum
 detrimento quandoque abripiatur. In hanc rem
 possem multa proferre illati damni exempla,
 nisi satis essent, quae iam (§. 594) ex III. Vi-
 ris PERCIVALIO, WALLIO, et BRAMBILLA ad-
 duxi, ut evincerem non solum sub forma sa-
 lis, sed etiam calcis Saturnum impositum tan-
 tum virus intromittere posse, ut gravia ex eo
 mala nascantur. Quare videant tandem fac-
 minae, quae Saturninis fucis vitia corporis
 occultant, aut quae *Acetitis plumbi addito*
alumine aqua solutae, seu *Lactis Virgi-*
nis usu cuti albedinem, nitoremque conci-
lliant ne in grave discrimen suam valetudi-
nem adducant, ut passim accidit, nec prius
huius inconsideratissimae vanitatis, atque
imprudentiae earum poeniteat, quam coactae
sint immedicabili malo, aut praematura mor-
te malae aetae rei poenas luere.

768. Progrediar nunc ad ea, quae ex
 Cupro ducuntur remedia. Cum enim Medici
 iamdiu cognovissent variis Cupri praeparatis
 adstrictoriam inesse virtutem, ea ad medendum
 traduxere, quamquam non ignorarent idem
 metallum quacumque ratione solutum vehe-
 mens venenum evadere ad vomitus, ad inte-
 raneorum cruciatus, ad praefocantes spiritus
 angu-

angustias, ad diras inflammations, ad distensiones nervorum inferendas, usque ad necem aptissimum certa copia, modo cum cibis in cupreis vasis coctis, modo cum potu in cuprea situla diu servato, modo alia ratione interne susceptum. Qua quidem in re eo audaciores Medicos, Chirurgosque extitisse cuique videbitur animadvertenti eiusdem virus certum nondum antidotum fuisse compertum, ac quae potiora hactenus censentur auxilia, nempe tepidae nauseosae potionis, oleosa, pinguia, mucilaginea, lactaria, absorbentia, emollientia, ac calida balnea imparia interdum esse aut perniciei praecavendae, aut gravissimi praegressi morbi reliquias evelendis. Tam magnam solutum Cuprum stimulandi, atque erodendi potentiam assumit, tamque magnam in humano corpore exerit!

769. Nemo proinde mirabitur si nunc dicens de iis Cupri praeparatis, quae ad strictionis caussa vel adhiberi, vel proponi solent, de reliquis ad exedendum idoneis alio loco rectius dicturus, non subscrivam CULLENIO qui *Sulphatem Cupri*, aut *Vitriolum coeruleum*, *Cyprium Veteribus dictum ex Cypro Insula*, e qua purius advehebatur, crystallos rhomboidales referens, facilius fervente aqua, quam frigida solubile, inodorum, saporemque habens valde austерum et nau-seantem cum magna acrimonia coniunctum a quarta grani parte, vel a dimidio grano bis die, aucta pedetentim dosi, ut molestiam

Tom. II.

Q

aliquam, aut nauseam moveat, interne exhibuit, ac roborando, interdum urinas ciendo, aut vermes enecando epilepticis, atque hystericis, aliisve Aegris proficuum fuisse tradit. Hoc enim remedium a me hic loci adhibitum in similibus casibus nemini profuisse, vomitionem vero, anxietatemque nimiam plerisque concitasse observavi. Nemo pariter mirabitur si Cuprum ammoniacum, quod dosi Vitrioli paullo ante indicata exhibitum adstringendo, ac roborando egregium, et tutum in spasmodicis morbis, maximeque epilepsia nuper propositum, adhibitumque vix unquam usurpandum esse existimem. Quod enim alibi monui (a), etsi mitius vitriolo, et pedetentim datum vomitum non moveat, exiguum in illis morbis utilitatem afferre; id nunc novis experimentis pluries susceptis ulterius possum confirmare, nimirum epilepticis modo nihil, modo parum prodesse, et ubi etiam morbi invasionem ratardet, quod in tribus Aegris vidi, non prohibere quin proxima accessio longe vehementior sit, ac metum iniiciat. Nemo denique mirabitur, si de adstringenti Cupri usu externo loquens credam Sulphatem cupri cautissime, et perraro ulceribus exsiccandis prodesse, quia saepe dum exsiccat, puris fluxum intempestive cohabet, atque ulceri proximas partes inflammat, ac rodit; tum

(a) Opusc. Therap. pag. 105.

si censeam Sulphatum Cupri cum nitrato potassae aluminoso nigro seu Lapidem divinum, aqua solutum, seu inde natam Aquam Sapphirinam, vel Ophthalmicam in humidis, diutinis ophthalmiis, ac corneae ulcerationibus probatissimam perraro, et prudenter tentandam esse, quoniam valde irritans, et reprimens saepe morbum potius exasperat, quam leniat.

770. Unum igitur ex Metallis est Ferrum, quod varia sistit remedia, quae dum valide adstringunt, ac roborant noxa carent. Quare idem Metallum caeteris usitatus est, ac vere praestantissimum Artis praesidium habetur. Id enim admittunt Medici omnes, etsi non omnes de ratione consentiant, qua idem remedium actionem suam in humano corpore exerat. Quidam siquidem non nisi chemico modo solutum operari existimant, suamque opinionem ex eo veram demonstrari observant, quod Ferrum salibus nondum solutum inefficax plane sit, quod ubi solutionem eiusmodi non habeat eam in stomacho, atque intestinis ab acido ibidem hærente facile acquirat, quodque in statu metallico assumptum, ob susceptam ex acido mutationem, nigra, quae ex alvo prodeunt, perpetuo reddat. Alii vero licet ultro fateantur ferrum iam solutum priusquam assumatur valide agere, et nisi solutum sit solvi in humano corpore posse, ac revera saepe dissolvi, volunt nihilominus ipsum adhuc metallicam formam habens, dummodo in tenuissimas

particulas resolutum sit et efficax, et proficuum esse, imo tutius atque innoxius eo, quod vel iam acidum assumpsit, vel in primis viis idem acquirit, in *Oxydum luteum* tunc conversum.

771. Inde autem sequitur quod Medicorum alii salinas Ferri praeparationes metallico ferro anteferant, atque ipsum *Oxidum ferri luteum* seu Robiginem cum CULLENIO non solum efficacissimam, verum etiam prae caeteris stomacho aptam iudicent; dum contra Clinici alii salinas praeparationes, ut pote quae plus iusto stimulant exigua etiam dosi, nec multum efficient nisi copiose, et diu datae (sicuti ipse fatetur CULLENIUS), quo ad virtutem, atque usum parvi faciunt, imo idem Ferrum, nec quidem Chalybem, intenuissimam scobem vel super porphyritem, vel alia methodo praeparatum sine ulla robigine anteponendum esse praecipiunt, nullo etiam in primis viis vel ex morbo, vel ex assumptis acore praesente, ne secus vel iam, vel postea robiginosum factum omni fere, ut Ill. TISSOTUS monet, careat virtute (a), aut etiam sumentis stomacho, imo toto etiam ventri, pondere, nausea, erosionis sensu, doloribus, aliisve, ut facile accidit, illatis incommodis nimium officiat. In hac autem concertatione, quam prorsus expedit tuto dirimere, cu n eadem rectam medendi ratio-

(a) Avis au Peupl. V. II. p. 44.

nem proxime respiciat, ego quidem arbitror Ferrum adhuc metallicum in stomacho plus minus solvi (etsi tenuissimum, ac non plane solutum et agere posse, et intimiora vascula meare non denegem) cum Ferri scobem in gastrico succo adhuc integro ex homine sumpto facile, abunde, ac perpetuo solvi (a) observaverim; quin tamen inde concludam præparatis reliquis scobem ferri non rubiginosam cedere virtute, aut ipsam tutam, ac plane innoxiam Rubiginem esse. Saepissime quippe vidi scobem illam, quoties rubiginosa data a Medicis esset, vel adhibita acidis non vitatis alimentis, aut morbido acore stomacho haerente, toties anxietatem, cardialgiam, nauseam, subinde vomitum, ac ventris dolores concitasse, et diu etiam usurpatam Medicorum spem iis in morbis elusisse, quos postmodum ego ferrum nulla rubigine infectum exhibens brevi, et feliciter sanavi. Maxime vero ita censeo, quod experiundo didicerim non sine nimio Aegrorum incommmodo, ac cum exigub admodum fructu rubiginem, seu *Oxydum ferri luteum*, apud nos saltem, etiam parva dosi, et a tribus granis pedetentim aucta exhiberi.

772. Dum interim scobem Ferri non rubiginosam seu Limaturam Martis veluti apte adstringentem, atque una egregie roborantem magni facio ad totius corporis, aut

Q 3

(a) Ricerch. sul Suco Gastr. Cap. VII. pag. 126.

singularis partis laxitatem, flacciditatem, debilitatemque removendam; dum proinde eam in cachexia, in chlorosi, ac menstrui sanguinis fluxus tum retentione, tum suppressione ab ea caussa, caeteris praestare remediis quotidie experior, praesertim si aromaticis mixta iuxta Cel. TISSOTI methodum adhibetur, atque, ut soleo experientia suffultus, ad parva potius grana pluries die propinetur, quam semel, aut iterum ad scriptulum, vel ultra quavis vice copiosior assumatur; dum praeterea ad ipsam etiam menorrhagiam ab uteri vasorum laxitate, ac robore sublato natam sistendam, ad album fluorem, ad aliorum etiam morborum, quos similis caussa intulerit aut foveat, curationem expediendam, atque ad plurium aegritudinum reliquias ex laxitate superstites abigendas eandem Ferri scobem saepius accommodatissimam habeam, non is tamen sum, qui ideo velim reliquis medicamentis, quae adstringendi scopo preparantur, suntque Medicis accepta, aut præmium adimere, aut eorum usum sive improbare, sive saltem veluti prorsus supervacuum reiicere.

773. Neutrum porro ego constituam, etsi non omnia aut valde utilia, aut satis tuta credam Ferri praeparata, quae adstringendi potissimum fine in Officinis servantur, quaeque modo persequar, de reliquis alio loco dicturus. Puto siquidem commodum saepe remedium esse Tartritum ferri cum potassa, seu Globulum, aut Bolum Martis

quoniam scio globulum istum, si ei per noctem vel aqua, vel magis vinum affunditur, liquorem praestare, qui leniter adstringendo, ac roborando in morbis chronicis, in quibus laxitas, aut debilitas corrigenda sit, utiliter assumitur; tum eundem globulum vel aqua, vel alcohole aqueo, vel oxycrato solutum, ut eo imbuantur lintea, contusis, suggilatis, ac laxatis, flaccidisque impositum membris saepe auxiliari. Puto etiam *Tartritum ferri cum potassa*, cui *Tincturae Martis tartarisatae* nomen est, a guttis quindecim ad triginta, aut ultra cachecticis, stomacho languidis, atque infirmis, hypocondriacis, ictericis, atque obstructione detentis, ubi adstringendum, et roborandum sit, non mediocreiter convenire, aut illius loco *Tincturam Martis pomatam*, quae fere una apud non recipitur cum apto liquore excepta grata sit, stomacho non officiat, paullo etiam liberalius assumpta. Potius, ubi alterutra ex dictis prostet, supervacaneas censeo *Tincturam Martis Zweelferi e Sulphate ferri*, et *Acetite potassae*, ac *Tincturam martis alkalinam Stahlii e Carbonate potassae cum oxydo ferri*. Superfluis etiam lubenter adscribo *ferri Oxyda*, seu *Crocos martis* olim in alvi profluviis valde probatos a granis aliquot ad scriptulum, ac speciatim *Oxydum ferri carbonatum* seu *Crocum Martis*, *Oxydum ferri luteo fuscum carbonatum* seu *Crocum martis aperitivum*, et *Oxydum ferri rubro fuscum carbonatum*, seu

Crocum martis adstringens, ut
caetera istis similia nunquam in Insubriae
medicamentariis Officinis recepta Ferri praeparare silentio mittam.

774. De duobus demum, quae e Ferro
ducta memoratu digna supersunt, nimirum
de *Muriate ferri ammoniacali sublimato*, seu
Ente martis, aut *Floribus salis ammoniaci marti libus*, ac de *Sulphate ferri*, seu *Vitriolo martis*, aut
viridi ita existimo, eos flores a granis qua-
tuor ad scriptulum, aut paullo supra, si de
adultis loquimur, in morbis, in quibus sco-
bem ferri probavi, expedire, et diu datos
revera prodesse ultro admitto, atque etiam
fateor teneris pueris ab uno grano, pedeten-
tim aucta dosi, non inutiles extitisse adversus
rachitidem, qua laborabant. Sed nihilominus
non possum admittere in febribus intermit-
tentibus, atque intestinorum vermis singu-
larem plane virtutem exerere, aut cum Ill.
SELLIO proponere (a) eosdem flores interne-
sumptos, atque una exterius ad aliquot dra-
chmas impositos multi facere in cancrosis ul-
ceribus, postquam vidi usurpatos nullam opem
attulisse, imo morbum exasperasse. De alte-
rius autem medicamenti, seu *Vitrioli viridis*
usu censeo non eos esse imitandos, qui
aqua solutum paucorum dosi granorum non
ad vomitum solummodo ciendum, atque ene-

(a) Reuss. Dispens. Univ. p. 295.

candos vermes, sed etiam, ut potenter adstringant, et toborent, ipsum sapore valde austерum aliis etiam ex Ferro desumptis medicamentis anteferunt. Quoties enim huius remedii proprietates, effectus, ac Medicorum observationes respicio, toties internam eius per se adhibiti administrationem non possum admittere. Scio enim vel admodum exigua dosi propinatum, praeter nauseam, et vomitum, anxietatemque, stomachi, intestinorumque cruciatus, diarrhaeam, tenesmum, ac convulsivos subinde motus concitasse. Quare arbitror satius esse hocce vitriolum externe usurpare iis in casibus, in quibus duo alia vitriola convenient, tum adhibere, ut passim solent Chirurgi, in narium haemorrhagiis, eodem insperso super linum, aut gossypium in penicillos, pyramides, et conos convolutum, ac vulneri applicito, dummodo existimemus ex diductis osculis vasorum largiter effluentem sanguinem non minus vitrioli virtute, quam aptae compressionis vi tunc fuisse cohibitum.

775. Atque haec erant de Adstringentibus medicamentis, ac speciatim monenda de Ferro, quod ideo tam egregium laxitatis, et debilitatis existit remedium, quia praeter vim, quam adstricteriam proprie Medic vocant, habet aliam una conjunctam ad debilitatem removendam aptissimam, vim nempe roborandi, unde ipsum iure pertinet ad ea quoque Artis auxilia ad quae proponenda modo accedo.

C A P U T V I .

De iis, quae roborant.

776. **C**um imminutis, fractisque viribus, quae cerebro, nervis, et musculis insunt, ac motibus harum partium segnescentibus oriatur debilitas, atque inertia, vel languor actionum praesto sit, quae ex illis proxime viribus pendent, tum earum etiam, quae in toto corpore fiunt; ex ipsa vero debilitate, aut languore plura, et quidem gravia, mala nascantur: haec sane neque praecavere, neque discutere salutaris Ars posset, nisi idonea haberet praesidia, quae sensibilitatis, atque irritabilitatis vires erigendo, sublata debilitate, seu restituto fibris, et partibus quae vitales dicuntur, robore et futuros morbos averterent, et iam evolutos, ac proserpentes curarent. Quare insigni humanae salutis commodo accidit, ut ista, quae utrumque tuto, et valide efficerent, auxilia in universa rerum natura a Medicis iamdiu detegerentur, quae non mortuis, ut dicunt, solidis partibus instar Adstringentium, at vivis, vitalibusque muniis obeundis propriæ dicatis opportune affectis, sive potentiae insitae conditionem immutent, sive mutationem inferant fibris, quibus eadem vis insita inhaeret, aut singulis, aut omnibus corporis

partibus robur restituerent, et vitae vires atque actiones provide excitarent, atque intenderent.

777. Quae porro tantam vim habent Roborantia vocantur ex eorum effectibus evidenteribus, atque experientia plane evictis, et si eorundem propior agendi ratio, eiusdem actionis mechanices, atque ipsum etiam in medicamentis abditum actionis principium ad eas adhuc res pertineant, in quarum ignorantia versamur. Quare arbitror eadem medicamenta, quae generali nomine, atque alias communiter accepto Roborantia vocavi, minus apposite a Nuperioribus non paucis Tonica dici, tum ab aliis Amara nuncupari. Enim vero dicam cum Ill. GREGORYO (a) » vires muscularum pendere multum a tensione fibrarum ex quibus constant, et hac minuta vel sublata minui, vel tolli; eadem vero aucta, intra certos limites augeri: quaedam etiam ex remediis roborantibus tensionem fibrarum musculosarum, vel in parte qualibet, vel in universo corpore, augere, admodum verisimile est. Omnia vero eodem modo prodesse minime probabile videtur; quod profecto de nonnullis vix credibile est,. Praesertim vero credibile non est, cum nonnulla in ipsum proxime cerebrum, quod huic tensioni obnoxium non censemur, agere videantur, tum in nervos

(a) Op. cit. Cap. XXVIII. n. 1097.

agere, qui molles, et laxi aut instar chordae, quemadmodum falso creditum est, aut saltem instar muscularum tendi non possunt. Quin imo nonnulla interdum ideo Roborantia flunt, quia tensionem, quae vel nimia, vel aliena ubi sit debilitatis caussa existit, imminuunt, et tollunt.

778. Aequiori praeterea iure non erunt Roborantia ista medicamenta Amara promiscue dicenda, aut saltem erunt omoia, quae amaritatem aliquam habent medicamenta ad istud Roborantium genus revocanda, ut a quibusdam fieri video. Licet enim tradat CULLENIUS exceptis Adstringentibus nullum suppeteret ad roboranum accommodatum medicamentum quod amarum non sit, id sane tradit, quod veritati non consentaneum mihi videtur. Sunt enim non pauca ex aromaticis, et salibus ducta, sunt ex evacuantibus, Stimulantibusque quedam petita, suntque ex aqua ipsa purissima, aut ex Aquis medicatis hausta praesidia ad roboranum accommodatissima, ne diaetetica, et mechanica auxilia attingam, etsi gustui amara non appareant, ac nullam intus abditam amaram revera materiem contineant. Occurrunt praeterea nonnulla medicamenta, quae caeteris utique, sive intensitate, sive puritate saporis, quo ad amaritatem praestare videoas, iisdem vero quo ad virtutem longe cedere, ac contra alia reperies, in quibus cum exigua admodum amaritie insignis roborandi facultas enitet. Quo de caussa in hac re Viro artis

usu, ac doctrina insigni CULLENIO nequeo,
ut voluissem, assentiri.

779. Hinc etiam arbitror ad verum detegendum principium actionis, quo suos Roborantia generatim edunt effectus, aut inutile, aut satis non esse curam omnem transferre in evolvenda natura illius materiei, quae corporibus amaritiem tribuit. Minus proinde erit dolendum si qui hactenus suscepit fuerint labores ad eiusmodi materiei indolem evolvendam spem Chemicorum frustraverint. Hoc quidem plane evictum habemus amaritiem a volatilibus partibus non proficiisci, non ab oleo pariter volatili pendere, non a salibus oriri; non autem habemus evictum in quonam principio eadem consistat. Non enim quod ad caussam aperiendam amaroris, quo pollet maxime *Absinthium vulgare*, nuper egit Cl. KUNSELMULLERUS, quodque tradit ipse de resina, tamquam unica eiusdem saporis origine, ego tanti adhuc habeo, ut inde deducam resinosis partibus amaritiem corporum omnium esse referendam. Iam quippe compertum mihi est nonnulla praesto esse, quae amaritiem habent nullo modo resinae inherentem, atque aqua levi negotio extrahendam, ne illud etiam addam illius Auctoris instituta cum Absynthio experientia referentem Virum summi nominis Ill. CREL-LIUM (a) animadvertere nimium, aut singulare

(a) *Chemische Annalen* ec. V. IX. 1789.

videri amaritiem omnem, quam unciae quatuor Absynthii in pulverem redacti ostendebant, in duobus tantum resinae scriptulis delituisse.

780. Verum dum moneo non omnia Roborantia, adstringentibus licet exceptis, amara esse, atque in eorum amaricie vim omnem non abdidisse naturam, moneo ulterius non ita esse Adstringentia, ac Roborantia inter se confundenda, ut cum non paucis affirmemus quae adstringunt eadem pariter robore. Quamquam enim demus Adstringentia generaliter roborantia quandoque evadere, „non „omnia pariter, dicam iterum cum GREGORYO (a) roborantia vim adstringentem habent; quin et quaedam ex iis sunt, quae „partes solidas mortuas nullo modo afficiunt. „Neque demum in ipsis verissimis remediis „adstringentibus, vis robors pro rata parte „cum altera viget, sed saepe magna observatur cum haec exigua est, et contra, parva „interdum, cum vis adstringens maxima existat. Minime ergo absurdia est distinctio illa „Medicorum inter roborantia, et adstringentia „remedia,. Quare mirari tandem desinant inter Medicos, qui nimio novandi amore capti receptas etiam medicaminum divisiones veluti superfluas, aut repugnantes flocci faciunt, vel prorsus reiiciendas audacter decernunt.

(a) Op. et Cap. cit. n. 1100.

781. Quatenus vero Roborantia debilitatem corrugunt, muscularium fibrarum tensionem, firmitatemque augent, cerebi, nervorumque vires excutunt, atque ob consensus legem, et partium reliquarum nexus omne solidorum genus plus minusve afficiunt facile assequimur, quomodo eadem praeter hosce potiores effectus valde salutares, alias etiam in iisdem partibus, atque in ipsis humoribus edant. Maxime vero edunt, et novos prope singulares afferunt ex eo quod ex dissimili, ac multiplici remediorum genere eadem auxilia petita praeter roboran tem alias una proprietates habeant, alias facultates, alias agendi rationes; prout eadem Roborantia sunt quoque adstringentia, amara, aromatica, stimulantia, aut alterius generis medicamenta. Hinc intelligimus cur eadem ad multiplices debilitatis caussas removendas valeant, ac multa emendent corporis vitia, pluribusque in casibus convenient, quos Clinicorum est recensere, ac speciatim ciborum desiderium faciant, digestionemque expediant, ac plurimum adiuvent, morbidi acoris in stomacho evolutionem impediunt, et molestas eiusdem intestinorumque inflationes ex aere ob fractum robur nimis rarescente, haerenteque antevertant, atque alia commoda afferant, ipsis tum erectis viribus, tum subinde excretionibus imminutis ex debilitate incitatis, et auctis.

782. Alii praeterea sunt effectus, quos a Roborantibus, ac speciatim ab iis, quae Ama-

ra sunt, plerique sibi pollicentur; de quibus interim non una est Medicorum sententia. Nam in obstructionibus viscerum multi Roborantia amara valde utilia censem, dum contra CULLENIUS sibi fere nunquam, etiam abunde exhibita, tradit profuisse; cum tamen nequeat denegari quoties, ut plerumque apud nos fit, a laxitate, debilitateque nascatur obstructio, toties amara quaedam prodesse. In isto probantur magnopere a plerisque Medicinae Scriptoribus, dum contra ille Auctor ineffacia eadem existimat, et quidem, quantum ipse etiam observavi, rectissime. Item dum valde utilia in bilis vel defectu, vel inertia communiter iudicantur, non convenient inter se Medicis utrum eorum utilitas vel ab aucta bilis amaritie, vel a stimulo sibi proprio, quo intestinorum conditionem immutent, motus incitent, et spasticas constrictiones solvant, derivanda sit. A quibusdam rursus tamquam vere emmenagoga commendantur cum tamen nullam propriam in uteri vasa actionem exerere iamdiu evictum sit, atque una compertum Chloroticis ob restitutum universo corpori robur opitulari, etsi verum saepe esse cognoverim, quod monuit CULLENIUS, per se adhibita morbum non radicitus tollere; quem facile adstringentibus adiuncta sanant. Quidam insuper adversus vermes, maximeque ad *Ascaridem lumbricoidem* singulare donata virtute Amara omnia cum Vulgo iudicant, cum tamen eiusmodi opinionem iamdiu Vir nunquam interiturae memoriae

RE.

REDIUS veritati non consentaneam monstrat-
verit, atque ego pariter novis periculis,
observationibusque suffultus, quas alibi pro-
ponam, possim constituere, ab alio sane prin-
cipio, quam ab amaricie deducendum esse
si quaedam amara medicamenta vermes ene-
cent.

783. At duo maxime horum medicaminum
effectus Clinicorum animadversionem exigunt
post ea praesertim quae de iisdem protulit
CULLENIUS speciatim inquirens, num amara
in podagra et calculis tam eximum, ut qui-
dam vel antiquitus credidere, praesidium
afferant, numve Roborantia ex Adstringenti-
bus, atque Amaris confecta tantam in febribus
intermittentibus virtutem ostendant, quantam
Cortex Peruvianus habet. Dum autem assen-
timur **CULLENIO** sapienter reputanti amara,
etsi diu, ad unum nempe, alterumve annum
usurpata podagrae invasionem, redditumque
saeppe prohibeant, huius tamen morbi loco
lentos et chronicos alias affectus vel non
arcere, vel etiam inferre, qui morte demum
finiantur, ut in tribus Podagrīcīs ipse etiam
accidisse olim vidi, sive ex diutino eorum
usu stomachi robur plane infringatur, sive
nervorum vis abdito in amaris generatim, ut
plerique censem, veneno plurimum infirme-
tur, ac dum rursus eadem remedia cruciatus
calculorum inhibere, (non interim sat tuto,
ac perpetuo) arbitramur, nolumus contra in
alteram eiusdem Auctoris sententiam ire.

784. Evidem concedam Adstringentia febres intermittentes certis sub conditionibus, ut iam monui (§. 742) interdum sistere, vel eas interdum robore quibusdam partibus, atque universo fibrarum nervearum, et carnearum generi restituto, aut earundem conditione mutata sanare, tum potissimum concedam iisdem indicationibus praesentibus easdem febres cohibere Amara, et Adstringentia una coniuncta. Utrumque enim vel antiquissimis Medicis, maximeque HIPPOCRATI notum erat, estque iamdiu hic loci ob earum febrium frequentiam omnibus compertum. Utuntur quippe nonraro Clinici adstringentibus, amaris, aromaticisque. Sed neque ipsi parem Cortici peruviano opem in febribus intermittentibus ab hisce remediis generatim expectant, neque ipse maxime expecto, qui longa, atque ad plures annos protracta in Aegris quam plurimis periclitatione, ut remedium, quae Cortici succedanea censemur, verum praetium definirem, omne demum studium eo super transtuli, ut experimentorum, atque observationum subsidio aequa lance perpendarem, ac tutissime constituerem quanti CULLENII sententia facienda Medicis esset. Porro duce experientia eo rem perduxi, ut, quin modo consulens brevitati proponam, quae fuse de tota illa investigatione alibi exsequar (*), tuto possim concludere tantum

(*) Eiusmodi experimenta, atque observata complectar secundo Opuscul. Therap. volumine, quod iamdiu absolutum, nunc vero typis consignatum, quamprimum prodibit in lucem.

abesse, ut amari, atque adstringentis remedii coniunctio largiatur pharmacum, quod innocua plane indole, tuta agendi ratione, promptitudine, securitate, et constantia Corticem Peruvianum aequet, aut proxime attingat, ut potius affirmandum sit omni ratione huic quam maxime cedere, nec prudentis, ac nobilis Artificis fiduciam mereri. Praesertim qui animadverterit cum PERCIVALIO (a), aliisque Artis Proceribus in Cortice *Cinchonae officinalis* actionis principium, aut febrifugam vim non in eius amaritie sitam esse, tum illud remedii genus saepe et diu, et largiter, modo in una, modo in altera intermittentium febrium constitutione, ubi nulla vel inflammatoria, vel gastrica, vel alterius generis complicatio subesset, me exhibuisse ea methodo, qua Cortex praescribitur, quin febrim, quam hicce facile, et breviter sustulisset, plerumque discuteret. Quod enim interdum discutiat sublatis peculiaribus morbi caussis, aut corporis conditione mutata erit ne mirandum postquam vel ipsi insoliti, ac subiti animi affectus, vehementes corporis motus, victus ratio repente mutata, atque omnigena pene genera remediorum subinde discutiunt?

785. Externe autem Roborantia adhibita quantum afferant praesidii quoties eadem non totius corporis commodo, sed singularis tan-

R 2

(a) Op. cit.

tum partis usurpantur dum Chirurgi perquirunt nos monent utiliter in artuum debilitate varia forma imponi, si tensio, ac vigor alicui parti conciliare expediat, quaedam etiam prodesse in iis contusionibus, quibus lenia Adstringentia iam dixi auxiliari, etsi in haerentes humores, impactos, atque effusos per se non videantur proxime agere, tum denique ideo sordidis, putridis, malignisque ulceribus nonnulla applicita Roborantia abstergendo, et cicatricem adiuvando non mediocre generatim commodum afferre, quia cum roborandi facultate ea quoque donantur, qua proserpenti putredini resistant, ac quae iam computruerunt aliquatenus emendent.

786. Non ex uno porro medicamentorum genere, ut iam dixi (§. 781), Roborantia desumuntur, neque ex uno Pharmaceutico fonte. Ex ipso quippe Diaetetico plura deprompta, quae virium conservationi in secunda valetudine prospiciunt, in adversa quoque apta ratione, atque opportuno tempore usurpata debilitati contraria fiunt, eiusdem caussas removent, effectus tollunt, atque humani corporis partibus vel aliquibus, vel omnibus robur, vigorem, tensionemque facile, tuto, atque efficaciter restituunt. Horum omnium praesidiorum singulas species, vires, effectus, et modum recte utendi, quo sanitatem tueantur, atque ipsis etiam morbis, quorum caussa, vel pars magna debilitas est, insigne quidem afferant remedium, ita sum exsequutus in priori harum Institutionum parte, ut ea

modo retractare idem esset ac , sicuti in proverbio est , crambem recoquere . Quantum enim conferant , et quam magni facienda sint in multis quidem morbis ad universum corpus firmandum , ad erigendos , incitandosque omnes naturae motus , ad insitas maxime carnis , et nerveis fibris vires excutiendas , atque ad vigorem ipsi etiam animo imperitiendum , (cui tanta est pro affectuum dissimilitudine ad vim totius corporis sive immuinuendam , sive augendam potentia) optimus cibi , et potus usus , ac praesertim esculentorum , et poculentorum propriam robortandi facultatem habentium , multiplicia exercitationum , et gestationum genera tutissimis Gymnastices praeceptis iam traditis (§. 424. et seq.) composita , frictiones (§. 451.) providus aeris delectus , (§. 59) idoneus vestium usus (§. 70. et seq.) unctiones , lotiones , frigida balnea (§. 485. 486.) tum demum animi pathemata excitantia (§. 500. et seq.) quanti , inquam , habenda sint indicatis locis fuse proposui . Quamobrem hisce praeteritis solummodo quaedam attingam de frigido Balneo , cuius in roborando , excitando , ac reprimendo usu in adversa valetudine utilitatem , atque usum non ea hactenus summatione exequutus , quam hocce vere eximum praesidii genus requirit .

787. Huius Balnei usum vel antiquitatem plerosque Populos crebro instituere censuisse non solum ad munditatem corporis , ad eius refrigerium , atque ad quosdam Religionis

fitus, verum etiam Graecos, aliasque Gentes
 ad tuendam valetudinem, ad robur impertinendū,
 atque ad quosdam morbos sanandos
 frequenter suscepisse cuique compertum est.
 Hinc in Italia tum primaevi consueverant
 Incolae vix in lucem editos infantes in flaviis
 mergere, eosque gelu durare et undis, tum
 deinceps Romani frigida Balnea usque ad
 ostentationem vigente sanitatem receperunt,
 ac Medicorum consilio ad multas aegritudines
 vincendas frequentarunt. Noverant siquidem
 vel antiquissime Homines corporis mer-
 sionem in aqua eo frigoris gradu donata,
 quo artus leviter ac brevi intremiscant, ac
 paullo post cutis rubeat, ac parumper inca-
 lescat, ac mollis fiat, vel aliquo perfundatur
 humore, membris robur accedat, animus
 recreetur, atque appetitus se exerat, tutissi-
 mam esse, tum maxime proficuam subinde
 tentatam, eoque modo susceptam, ut qui in
 piscinam, vel amnem descendit protinus in
 aquam se proiciat, dein ex ea se attollat,
 atque iterum mergatur, toties eiusmodi vicis-
 situdines experiens, semel, bis, aut tertio,
 quoties et consuetudo, et corporis natura,
 et virium ratio vel permittant, vel iubeant.
 Hac enim methodo ex Aqua modo frigida,
 modo frigidissima citra eas noxas, quas ea-
 dem secus apti frigoris gradum excedens, vel
 nimis diu ac repetito applicita, infirmatis
 muscularum, nervorumque viribus, ac stoma-
 cho speciatim laeso inferret, eos omnes salu-
 tares effectus humanum corpus, experiri ob-

servatione didicerant veteres Medici, quos nos ex frigoris proprietatibus deducimus, quosque roborantes, excitantes, et reprimentes esse constituimus. Caeterum concedimus a mutata frigoris vi, quoad calorem, corporis temperie, a gravitate aquae incumbentis homini in ea protinus demerso, a densitate et cohaesione maiori particularum inter se ob cutis muscularumque fibras subito constrictas, et rigescentes, a singulari stimulo intromisso, atque ad totum nervorum genus confestim propagato, atque ad cor traducto, ut citatior in intimioribus partibus sanguinis circuitus fiat, et secretiones, excretionesque expediantur, eos omnes effectus non satis fortasse assequi, quemadmodum Therapeutae generatim existimant, quibus frigi Balnei, aut ipsius Aquae gelu concretae vera, aut potior agendi ratio in humanum corpus tenebris adhuc involuta videtur.

788. Ex istis interea effectibus, quod nostra potissimum interest, satis declaratur qui frigidum Balneum, sive universale, sive singulare, pro re nata prudenter admissum in secunda valetudine debilitatis incommoda avertat, appetitum excutiat, stomachum confirmet, digestioni faveat, nutritioni propiciat, animum exhilarat, ac singulas corporis functiones integras servet; qui apposite usurpatum in adversa, interdum etiam instar Sillicidii adhibitum in pluribus affectibus a debilitate, languore, laxitateque illatis, aut coniunctis, maximeque in nervosis, et con-

vulsivis morbis, quorum omnium genera, ac species Clinicorum est definire, magnum saepe emolumentum afferat; qui utile interdum sit in antiquis, et rebellibus capitis doloribus glaciem perficere, aut eam impo- nere, tum viribus pene exsolatis admoveare aut plantis pedum, aut ventri, ut in malignis febribus, in diutina ventris obstructione, aliisve casibus iamdiu usuvenire consuevit; qui generatim frigida aqua, quacumque ratio- ne externe applicita corpori sit, eo magis roboret, et aliis etiam modis, suis intromis- sis particulis, utilior evadat quo eadem me- dicator existit ob naturam, et copiam pri- cipiorum propriam medendi vim habentium, unde *Aqua salino muriaticae*, aut ex *acido carbonico acidulae*, aut *ferrugineo gaseosae*, aut *ferrugineae compositae vulgari frigidae aquae antecellant.*

789. Quamquam vero sive ad tuendam sive ad restituendam valetudinem frigidum subinde tentare Balneum et tutum generatim et utilissimum credam, atque in medicina facienda eius commoda satis perspexerim, tum insuper probe sciam quanta Sanorum, Aegrorumque voluptate et commodo a Sum- mis Medicis, qui in Calidioris Italiae regio- nibus Cliniken exercent haec medendi ratio passim instituatur, moneo tamen apud nos neque adeo frequenter, neque audacter adeo utroque fine usurpandum esse, ut olim a quibusdam tradebatur. Etsi enim alibi tum in Italia, tum in Europa, maxime ubi ab

inuenire aetate consuetudo coepit, plerique et tuto, et non sine multa utilitate eodem utantur, variis tamen Insubriae locis istud auxiliū genus et indicatum et rite adhibitum non raro aut nihil profuisse, aut plurimum caussam malorum extitisse me saepe immortalis nominis Praeceptor BURSERIUS admonuit id aut humido coelo, crebrisve vicissitudinibus obnoxio, tum corporum naturis, tum aliis, sapienter, ut solebat, caussis referens: quod verissimum esse cognovi. Quare ubi conveniat studiosius apud nos illae omnes serventur regulae, quae a Clinicis tradi solitae dum futuram ex frigido balneo utilitatem certiorem reddunt, una praecavent damna, quae iisdem neglectis superveniunt, ac speciatim ea mala, quae ex facili perspirationis defectu apud nos maxime oriuntur.

790. Vix autem post ea, quae de Aquae tum frigidae, tum gelidae, atque in glaciem concretae sive in secunda, sive in adversa valetudine (§. 301. et seq.) interno usu protuli, nunc oportet dicere quantum eadem conferat ad robur impertiendum. Multum sane ob satis evidentes caussas, tum potissimum valent Aquae illae Medicatae, quae ex acido carbonico acidulae, aut ferrugineo gaseosae, aut ferrugineo compositae principe robante virtute aliis etiam facultatibus coniuncta donatae apto tempore, et modo, certa copia, quae non nimia sit, ad plures dies assumptae et provida victus ratione diligenter servata miram plane in chronicis plerisque morbis operam

praestant. Quare fontibus, qui salutares eiusmodi aquas largiantur, cum careat Insubria, rerum omnium caeteroquin beatissima, commodum est quod soli natura denegavit ex arte comparare earum Aquarum loco, ubi usus expedit, quemadmodum passim soleo, Aquam vulgarem apta methodo imbuendo medicatis tum gasticis, tum reliquis principiis, quae in variis medicis Aquis delitescere Chemicae rationes demonstrarunt. Harum quippe defectui artificiales Aquas, si rite parentur, suppetias afferre pluribus in casibus experientia evicit.

791. Haec diaetetica praesidia ut per se ad roborandum valent sic etiam recte usurpata non parum adiuvant eorum medicamentum actionem, quae roborandi caussa e Pharmaceutico fonte duci solent, quaeque numero plura virtute et usu probantur. Si quidem praeter Adstringentia, ac Stimulantia, de quibus sequenti capite dicam, non pauca ex Stirpibus sumpta veluti proprie Roborantia medicamenta accipi iamdiu consueverunt. Quamobrem de iisdem singillatim, ut decet, nunc loquar initium ducens a Stirpibus Compositis. Inter eas, quarum aliae a Rei Herbariae Scriptoribus capitatae, aliae discoideae, aliae radiatae vocantur, quae genera Officinis praebent usitatores, et medicatores species, saltem roborandi caussa, sunt *Carduus*, *Onopordum*, *Centaurea*, *Tanacetum*, *Artemisia*, *Inula*, *Anthemis*, *Matricaria*, et *Arnica*. Ex foliis *Cardui mariani* seu

Cardui mariae leviter amaris sive fiat decoctus, sive exprimatur succus, ad uncias alias quot olim propinatus ante febris intermittentis invasionem, atque etiam in hydropisi exhibitus, tum ex seminibus oleosis alias in pleuritide perperam probatis nihil proprii nobis hodie pollicemur. Potius nunc ex herba contusa, aut succo expresso *Onopordii acanthii*, seu Cardui tomentosi in carcinomate faciei, narium, labiorum, aliatumve partium, si mammarum excipimus, insigne auxilium Chirurgi non incelestres sibi pollicentur, cum gravissimum hocce malum onopordum impostum interdum sanasse referant, quod de pravis item ulceribus emendatis, et cicatrice impletis apud nos etiam nonnulli se observasse tradunt; etsi neque in istis mihi unquam successerit.

792. Ad *Centauriam* vero tamquam species referuntur *cyanus*, seu *Cyanus minor*, cuius flores coeruleos quasi inodoros, atque insipidos interne diufeticos, externe oculorum morbis utiles olim habitos nunc iure negligimus; *montana* seu *Cyano* maiori, cuius herbae alias Officinis receptae nec cardiacas, nec alexipharmacas vires tribuimus; *iacea* seu *Iacea vulgaris*, cuius floribus et foliis adsertas alicubi in Italia eximias vires, si forma decocti, gargarismatis, aut cataplasmatis usurpentur, roborantes, adstringentes, vulnerarias, atque una resolventes in serosis faucium morbis, ulceribus, et cutis vitiis sumopere proficuas Medicorum experientiae po-

tius, quam Vulgi opinioni inniti vellemus; *Calcitrapa* seu *Carduus stellatus*, aut *Calcitrapa*, cuius succo e foliis vel e tota herba expresso ad aliquot uncias epoto in febribus intermittentibus paullo ante febris accessionem, vel eiusdem similiter herbae extracto, infuso, et pulvere cortici peruviano comparato febrim nunquam tollere, ac viscerum, quae abdomine continentur, obstructiones etiam recentes nunquam pariter discutere potimus; ac demum *benedicta*, seu *Carduus benedictus*, cuius potius fidimus virtuti. Huius quippe herbae, cui amarissimus sapor inest cum levissima acrimonia, atque ingrato odore, folia, et summitates adhibitas vel in infuso a dimidio manipulo, usque ad duos, in succo ab uncia una ad tres partitis viciibus, ne vomitum secus incitet, aut in extracto ab uno scriptulo ad duo stomacho infirmis, cachecticis, hydropisi tentatis, obstructa abdominis viscera habentibus, aliisve incommoidis obnoxiiis ex debilitate, laxitate, bilis inertia, et lenti ac viscosi humoris copia saepe subvenire, tum interdum benignas, vernales, legitimas intermittentes febres confirmato stomacho, discussis levibus viscerum obstructionibus, ac morbida materie incitatis paullum urinis, metisve sudoribus educta abigere cum plerisque Clinicis non raro vidimus. Nec ignoramus in notha pleuritide idem remedium caute datum utraque excretione excita superstitem dolorem discussisse, et redditum morbi prohibuisse etiam apud nos in

iis constitutionibus, quae eiusmodi curationis,
vel auxilii genus postulabant.

793 Herbam vero, quam praebet *Tanacetum vulgare*, seu *Tanacetum*, odore graviter aromatico, et sapore praeditam valde amaro, ac destillatione flavum, amarum, et acre oleum praebentem iis non modo opitulari morbis, quibus prodesse dixi *Carduum benedictum*, fere omnes Medici tradunt, verum etiam suis medicatis principiis, melius alcohole, quam aqua educendis, modo alvum movendo, modo urinam plerumque ciendo infusam a pugillo ad manipulum, subinde lacte et saccharo mitigatam, podagram mitigationem, rarioremque, imo ad interiora delatam innocuam effecisse *CULPEPERUS*, *CLARKIUS*, aliquie *Angliae*, et *Scotiae* Cl. Viri testantur (a). „Sed respicias, dicam cum *MURRAYO* (b) ad aegri constitutionem, nam non omnibus idem convenit.

794. Dicendum nunc est de *Artemisiae* iis speciebus, quae roborandi caussa inter Stirpes medicatas usu probandas hic iamdiu relatae fuerunt, nimirum de *vulgari*, de *abrotano*, ac de *absynthio*. Nam *Iudaica* ad aliud pertinet remediorum genus, ac reliquae species, nempe *maritima* seu *Absynthium maritimum*, *rupestris* seu *Genepi album*, et *glacialis* seu *Genepi nigrum* in Officinas In-

(a) Essays et Observ. phys. et lit. T. III. pag. 438. (b) App. Med. V. I. p. 130.

subriae nondum illatae sunt. Hae tamen rectius *vulgaris* substituerentur seu Artemisiae, quae, ut parum amara est, ita eadem, licet aromaticam suavitatem inter comminuendum effundat, egregie roborans, atque inde valde emmenagoga, et febre intermittente correptis proficua alias multum probaretur, et parum efficax iudicatur, et usu plane eviluit; quemadmodum *pontica* seu *Absynthium ponticum*, aut *romanum* pariter eviluit. Nec usitatus hic loci est *abrotanum* seu *Abrotani maris herba*, aut speciatim summitates crebrius usurpantur, quippe quae ratione virium cum multis aliis convenient, atque exsiccatione multum amittunt tum gravis odoris, tum aromatici amari saporis, quibus recentes doabantur. Unum itaque fere est *absynthium* seu *Absynthium vulgare* quod viribus, atque usu valde probatur.

795. Multis sane Stirpibus Roborantibus anteponenda sunt folia *Absynthii vulgaris*, quae tum illis, tum suis etiam summitatibus, et floribus praestant aromatico gravi valido sibique proprio halitu, ac sapore amarissimo acrimonia aliqua non destituto roborandi stimulandi, et putredinem cchibendi virtute infusa instar theae cum aqua, vel cum diluto vino a pugillo ad dimidium manipulum vel in pulverem a scriptulo uno usque ad duo data, vel in succo quavis vice a dimidia drachma ad unam, tum maxime assumpta in extracto, in quo quidem, non in eius oleo destillato nunc exoleto, amarities

omnis superest, pilularum instar a media drachma ad sesquialteram vel per se, vel aliis additis remedii sumendo, vel in Essentia simplici a scriptulo uno ad drachmam idoneo liquore soluta multis in casibus mirifice prosunt. Enim vero Absynthium partim amaritie sua, partim stimulo lentos, viscidos, effusos, impactosque humores discutit, urinas in hydropicis citat, et podagraris ac calculosis quandoque levamen atque inducias affert, acidum primarum viarum aliquatenus infringit, vel avertit, ac resolutioni oedematum favet, ita vero stomachum confortat, bilis potentiam acuit, et peristalticum motum intendit, ut appetitus redeat, coctio iuvetur, inclusus inflationesque suscitans aer extricetur, et Cachectis, Chloroticis, aliisque auxilio sit aegris, qui laxitate fibra rum, viriumque debilitate laborant, febres intermittentes leviores quandoque valde mitigat et aufert, atque ea denique omnia bona adducit, quae generatim Amara, et Aromatica, diu praesertim adhibita, adducunt.

796. Ab huius vero remedii virtute, atque in agendo constantia longe distant duae illae *Inulae* species, quae ad medicata Vegetabilia, ac proprius ad Roborantia referuntur, nemirum *helenium* seu Eaula campana, et *dysenterica*, seu Conyza media, aliis *Arnica Svedensis*. Nam prioris radix sicca odoris inter Violam, et Acorum quodammodo medii, et saporis leniter glutinosi, dein amari aromatici, et acriis non inefficax utique est

ut pote quae composita ex gummi, resina, oleo volatili, et pauxillo Camphorae, quam inter distillandum in flocculos concretam vitro adhaerentem MALOVINIUS obtinuit (*a*), et roborando par videtur, et a Clinicis revera iudicatur. Eadem nihilominus inpectoris chronicis morbis, menstrui fluxus suppressione, atque in aliis affectibus, in quibus valide incidendum, ac resolvendum sit, speciatim proponi, atque usurpari hactenus consuevit. De altera vero specie nempe *dysenterica* quodnam iudicium proferas mecum fortasse dubius haereas animo reputans roborando, atque adstringendo eius folia ingrate amaricantia, acriuscula, odorem spirantia lenissime virosum, seu, ut RUTTYO, aliquie visus est, instar lintei sapone loti, dysenteriae castrensi, aut cruento non epidemicō alvi fluxui iuxta quosdam medelam attulisse, tum contra iuxta Cel. VITETI, aliorumque sententiam dysenteriae cuicunque nunquam auxilio fuisse, imo ardorem, et tenesmum saepe concitasse (*b*): quod eiusdem stirpis non mediocri acrimonia spectata verisimillimum mihi videtur.

797. Antequam vero, ut constitutus postulat ordo, de *Matricaria* dicam, monere oportet *Anthemis nobilis* nomine *Chamomillam romanam* venire, quam *Matricariae chamomillae*, seu vulgari praestare cum alibi iure exi-

(*a*) *Chemie* V. I. p. 321. (*b*) *Op. cit.* p. 449.

existimunt Medicorum plerique, quoniam flores magis fragrantes atque efficaciores expeditat, sic eam vulgari anteferunt. Sed cum hic loci *Chamomilla* a *Matricariae* genere perpetuo desumatur, huius tantum vires et usus expendam. Iam vero *Matricaria* duas valde usitatas Officinis nostris erogat species, *parthenium* scilicet, seu *Matricariam*, et *Chamomillam* seu *Chamaemelum vulgare*. Illius herbam cum floribus inter praecipua, et domestica auxilia adversus hystericae passionis insultus, atque uteri affectus Vulgus apud nos habet, ac revera feminae in infuso, vel in succo evidenti, nec mediocri emolumento plerumque usurpant, inde discussis flatibus, stomachi intestinorumque doloribus sublatis, motibusque spasticis compositis. Quare non satis assequor cur Medicorum quidam remedium istud plane contemnunt, praesertim cum eadem herba odoris validi gravis, et saporis valde amari, ac mediocriter acris destillatione subcitrinum oleum largiatur. Potius mecum credant Aquae *matricariae* stillatiae, quae in Officinis occurrit, etsi rite confecta fragrans sit, infusionem esse substituendam, tum eandem *Matricariam* in pulvere non esse adhibendam, ut quidam solent, qui non considerant in sicca *Matricaria* ut parum odoris, sic minimum virtutis superesse.

798. Alterius *Matricariae* speciei, seu *Chamomillae* flores, atque imprimis calyces, quos unice oleum aromatico volatile continere Chemi-

corum pericula docuerunt multiplicem, atque egregiam prorsus vim habent, si eorum qualitates, Medicorum cuiusque aetatis auctoritas, et omnium Gentium usus spectentur. Tum recentes quippe, cum rite exsiccati odorem fragrantem, aromaticum, validum, per risque non ingratum spirant; gustui aromati ci, et amaricantes apparent; in aqua fere ad medias, in alcohole ad octonas partes iuxta LEWISIUM (a) queunt dissolvi, ac distillationi traditi e quavis libra fere drachmam olei (Therebinthinae oleo, quo ad odorem quam proximi) pulchre coeruleo sapphyrino colore donati sibique proprii, nec, ut BER GIUS (b) nuper evicit, e vasis cupreis ad distillationem adhibitis ullo modo derivandi, facile suppeditant. Iisdem vero floribus omnium Gentium Medici antiquiores usi sunt, omnesque nostra etiam aetate crebro utuntur. Plures autem proprietates habent, inter quas tamen huius loci solummodo sunt, quae ad roborandum valent. Porro iisdem tantum tribuo, quantum requiritur, ut in ventriculi et intestinorum variis effectibus a fracto robore, a pituitosa colluvie, ab aeris inflationibus ab una, alterave drachma ad unciam dimidiad ex aqua infusi subveniant. In febribus vero intermittentibus, contra quas iidem flores olim adeo inclarerunt, ut HOFFMANNUS,

(a) Mat. Med. p. 208.

(b) Op. cit. V. II. p. 69c.

HEISTERUS, SCHULTZIUS, aliquique ipso interdum Cortice Peruviano certius et tutius eas curare, imprimis pertinaciores, docuerint, earumque absolutorium VOGELIUS appellaverit (a), atque omnes fere Medici in iisdem non parvi fecerint, in febribus, inquam, intermittentibus ego floribus istis non multum tribuo. Etenim infusus, succi, aut pulveris modo hic loci iisdem exhibitis, interdum cum aliis remediis, ac praesertim cum Carbonate potassae, atque Oxydo stibii albo nitro confecto (quae duo maxime probantur) una admixtis pluries frustra tentavi quartanas, et tertianas benigniores fugare, ac rarissime potui eas, quas cachexia, viscerum obstructio, et humorum vitia fovebant, sistere, in quibus speciatim, etiam ob resolvendi vim, convenire iudicantur. At de hisce floribus alibi.

799 Superest modo, ut inter Compositas Stirpes *Arnicam montanam*, seu *Arnicam*, alias *Doronicum romanum* commemorem. Ea enim acris, amara, aromatica, ubi recens est, graveolens, et sternutamenta movens, et nauseosa, vomitum, cardialgiam, et tormina ventris vix oleo compendenda inferens ingesta, etsi virosa, ac perculi plena haberetur, nunc modica dosi assumpta non minus innocua, a COLLINIO praesertim iudicata est, quam multis gravioribus morbis accommoda-

S 2

(a) Mat. Met. p. 144.

tissima ob plurium virium una conspirantium actionem, atque efficacitatem (a). Inter eas porro vires, suis locis opportune indicandas, excitantem, roborantem, ac submoventem febres intermittentes instar Corticis ille Author, aliisque praesertim in floribus, atque in radice admiserunt. Quamquam autem eiusmodi flores illis febribus, ac praesertim recidivis discutiendis pares esse FEHRIUS et BRÜKNERUS ante COLLINIUM monuerint, et Cl. AASKOWIUS eorum manipulo ex Zytho infuso, paullo antequam febris invaderet, exhibito eam diu protractam bis e corpore deduxerit; COLLINIUS nihilominus tot observationibus in medium prolatis eandem vim demonstrare suscepit, ut eiusdem inventor habeatur. Trium enim annorum spatio Arnicae floribus in pulvere, vel infusu, vel extracto exhibitis se millenos, et amplius Aegros curasse testatur, quos febris intermittens diversum omnino ordinem, et characterem, diversamque naturam, et caussam praeseferens, quin tamen perniciosa esset, detinebat. Ego vero de eiusmodi remedii quod alio fusius expendam, apud nos usum abunde experimentis inquisiverim ita censeo, eos flores, sive in pulverem contriti a scriptulo ad duas drachmas, sive aqua copiosa infusi, vel clauso vase incocti a drachmis duabus usque ad sesquiunciam, aut

(a) Op. Par. V.

paullo ultra , sicuti praecepit ille Auctor , partitis vicibus intra diem propinentur , nemini sine molestia , plerumque non levi , dari posse , imo longe minori dosi , atque una saccharo , aut syrupo idoneo edulcati ubi assumantur plerisque evidenter officere .

800. Quo ad virtutem autem ita pariter censeo , eos solummodo ad illas , nec quidem perpetuo , febres valere , quae in corpora pinguia , muco , et sero copioso praedita incident , atque ubi vires solidarum partium nec admodum fatiscant , nec praeter modum vigeant , neque mobilitas , aut exquisitus irritabilitatis , et sensilitatis sensus praestosit . Ob quas caussas raro hocce remedium nobis tutum , et utile esse solet , tum in illis tum in aliis febribus , aliisve aegritudinibus . Quare non minus tutius , quam utilius roborandi caussa radix floribus anteponitur , quae roborans et antiseptica post **COLLINIUM** tanti in alvi fluxibus , ac speciatim dysenteria a **STOLLIO** olim facta est , ut affirmaverit prae caeteris hactenus repertis medicamentis eius mali absolutorium aequiori iure eam dici posse , atque insigniter prodesse largiter datam in ea consumptionis specie , quae ex ingenti puris , ichorisque profluvio externa per ampla vulnera saepe insequente originem ducit (a) . In diarrhaea sane diutina ex laxitate , debilitateque , humorumque ad putre-

S 3

(a) Rat. Med. P. I. cap. VI. , et P. II. cap. XVII.

scendum proclivitate ego persaepe adhibui, morbo plerumque radicitus sublato, eam exhibendo pluries die ab octo granis ad quindecim quavis vice pulveris forma. Si enim exhibeatur dosi a COLLINIO constituta ad drachmam scilicet, toties iterandam, quoties Aeger diei spatio unciam, aut sesquiunciam, vel ea ratione, vel arenae balneo cum aqua digestam assumat, toties ex ea noxam accipit, neque eius beneficium sentit.

801. Huic radici accenseo alteram iisdem usibus a Nuperioribus dicatam, cui nondum certo ordini, ac generi adscriptae, atque ex Asia advectae *Calumbae*, aut *Columbae* nomen est. In taleolas, aut orbiculos secta valde rugoso cortice et fusco donata odoris leviter aromatici, ac validi, nec tamen ingrati amaroris paucis ab hinc annis (cum a PERCIVALIO, aliisque multi fieret) in Insubriae Officinas recepta veluti ea quae ad roborandum, ad putredinem, maxime bilis, corrigendam, atque ad vomitum sedandum accommodatissima esset, ac proinde alvi profluviis, dysenteriae, cholerae, phthisi, aliisve morbis mederetur, iam Medicorum fiduciam partim amisit. Nec quidem iniuria, quantum iudico; quia eius usu, sive exigua dosi quavis vice, at pluries die, sive rarius, at liberalius eam exhibuisse semuncia et amplius intra diem insumpta, nullum dysenteria implicatum potui sanare, aut vomitum in aliis tollere. Neque ea praeterea aut promptitudine, aut efficacitate diarrhaeam

sistere in adductis casibus (§. 800) qua vel Arnicae radix, vel Alumen sistit, imo plerumque fallere observavi, nisi alvi fluxus a ciborum ob enervatum stomachi, intestinorumque robur imperfecta coctione pendeat. Tunc enim egregie prodesse vidi tum generatim cum CULLENIO vidi iis non parum opitulari, qui dyspesia laborant.

802. Ex Stirpibus Rotaceis duo tantum genera huc pertinent *Menyanthes*, et *Gentiana*. Ex *Lysimachiae* quippe genere *nummulariam* seu *Lysimachiam*, aut *Nummulariam* herbam leniter acrem, atque adstringentem neque ad interna, vel externa ulcera implenda, neque ad haemorrhagias cohibendas, neque ad alvi sistenda profluvia veluti inefficacem Medici amplius usurpant. Crebri contra usus nobis est *Menianthes trifoliata* seu *Trifolii fibrini*, aut *Aquatici herba admodum amara*. Nam sive recens, sive exsiccata, vere roborans, scorbuto adversa, et varias excretiones leniter invitans tum in infusu, cum in extracto, raro in pulvere exhibita, non eas solum utilitates in morbis quamplurimi praestat, quas pura, et validiora *Amara* adducunt; sed praeterea in aliis chronicis affectibus, qui ab humorum multiplici labe nascuntur, aut qui cutim obsident, eamve exulcerant plerumque utilissima est. Hinc eadem passim utor, quemadmodum hic frequenter, et summo Aegrorum commodo Magni Viri BURSERIUS, et TISSOTUS superioribus annis utebantur.

803. Ex altero item genere, nempe ex *Gentiana* quae desumitur duplex species, una *lutea*, alia *centaurium* nuncupata, utraque nobis usitatissima est. Nam illius seu *Gentianae* radix insigne amara, etsi aromaticā atque adstrictoria qualitate careat, vel per se tam egregium debilitatis remedium affert, eorumque affectuum, quibus generatim Amara subveniunt, ut revera ventriculo, atque intestinis robur restituat, a muco liberet, vim bilis acuet, appetitum suscitet, coctionem ciborum expediat, aliaque mala vel discutiat, vel avertat. Febres etiam intermitentes singulari virtute discutere communiter censemur, coque fine saepe apud nos, hodie etiam, praescribitur. Sed adversus eas vini non habet, qua ab amaris reliquis differat. Hinc, licet febris solutioni interdum faveat, quando scilicet remedia ista roborantia et amara sufficiunt, atque interdum magna stomachi debilitate praesente, ut in diutinis febris accidit, Cortici peruviano rite coquuletur; generatim tamen in eiusmodi febrium genere spem Medicorum eludit. Caeterum abs re non erit monuisse radicem hanc aromaticis unitam, vel alcohole, aut Vino multarum virium extractam, unde essentiam, tincturam, elixirium, quorum variae compositiones occurunt, Aegris praestet, ab Exterarum Gentium Medicis communiter praescribi. Quamquam enim hoc modo agat *Gentiana* potentius, et amaritie minus suamentibus dispiceat; nihilominus experior

Infirmos, nisi morbi ratio aliter suadeat, illa præparata et composita ob maiorem stimulum aegre ferre, et interdum minus utiliter, quam simplicem radicem ferant, nunc sectam aqua maceratam, atque infusam ab una drachma ad duas, tresve, nunc a scriptulo ad drachmam, aut paullo supra in electuarii, aut pilularum modum ad amarorem obvelandum paratam. Similiter Gentianæ species altera *centaurium* dicta seu *Centauryum* minus quemadmodum genere, et amaritie valde intensa, quae, observante LEWISIO, in herba, non in summitatibus haeret, radici Gentianæ proxima est, ita huic passim solet substitui confectum ex eadem herba ad duas drachmas decoctum: quod tamen frequentissime a Pauperibus, et Villicis usurpari solitum minus hodie frequenter, quam alias consueverint, in febribus intermittentibus, et morbis, quibus Gentiana mederi student, nostrates Medici praescribunt.

804. Alii etiam Stirpium Ordines Rorantia medicamenta non parum efficacia erogant. Ex Lomentaceis siquidem *Fumaria officinalis* seu *Fumaria* cur a Clarioribus Medicis nostratis negligatur, in domestica caeterum medicina usitatissima, et antiquis, superioribusque Proceribus Artis probatissima, ego non satis intelligo. Eiusmodi quippe herba licet ingrata habeat amaritatem, quam in extracto aqua parato superstitem cum sale nitroso inde efflorescente communicat, tantam quoque habet, etiam exsiccata, in succo ad

aliquot uncias, vel in extracto ad aliquot drachmas, vel ad manipulum infusa, coctave roborandi, et discutiendi, humoresque emendandi facultatem, tamdiu adhibita, quamdiu expedit, ut in obstructionibus iecinoris, lienis, et mesenterii, in plerisque cutis vitiis, nec quidem, docentibus Summis Clinicis THOMSONIO et CULLENIO ipsa lepra, puto Graecorum, excepta (a), valde proficia sit. Quare propria etiam multiplici experientia suffultus contendeo in usu Fumariae a Veteri consuetudine, quam Vulgus retinet, non esse recedendum. Potius ex Serabridis Stirpibus non desumant ad medendum, si velint, Clinici nostrates *Humulum lupulum*, seu lupulum ad zythum tenuandum, atque ab acore tuendum accommodatissimum, donec propriae eius vires, nec cum caeteris Amaris communes, maximeque in praecavendis resolvendisque calculis rectius constituantur. Ex Verticillatis autem, ac speciatim ex *Teucri* genere quoties medicatas Stirpes roborandi caussa Medici desumunt, toties perspectum habeant *scordium* seu *Scordii* herbam valde amaram, leniterque aromaticam roborando, et discutiendo parum idoneam esse, alexipharmacam perperam iudicatam fuisse, atque externe instar fomenti, aut cataplasmati, utut antisepтика sit, per se gangraenam non cohibere; tum *Chamedrym*, aut *Chamedryos* herbam

(a) Med. Consultat. p. 161.

parum amaram non sine levì aromatico hali-
tu sive in pulverem trita, sive infusa detur,
nec roborando, nec incidendo parem adeo
videri, ut alias creditum est; tum denique
chamaepitym, seu *Chamaepityos* herbam sapo-
ris amari, odorisque instar resinae ex pinu,
Chamedryo neque dissimilem, neque maiorem
vim ostendere, praesertim cum in podagra
eiusdem usus parum utilis a quibusdam ha-
beatur, ab aliis etiam, instar reliquorum
medicaminum amarorem habentium, non satis-
tutus existimetur.

805. Esset nunc e Sarmentaceis Stirpi-
bus dicendum de *Aristolochiae* variis speciebus
quatenus amarae et roborantes huius loci
sunt, tum speciatim *Aristolochia serpentaria*
seu *Serpentaria Virginiana*, quae radicem sup-
peditat, cui inter caeteras eximias vires, qui-
bus stimulat, excitat, pellit, putredini ad-
versatur, competit quoque illa, ob quam vali-
dioribus Roborantibus non cedat. Sed de
eiusmodi stirpe, affinibusque speciebus pro-
prius alibi loquar. Esset quoque inter Sola-
naceas commemorandum *Strychnos nux vomi-
ta*, quatenus bacca inclusa semina *nuces Vo-
nicæ* dicta e Malabaria, et Ceylano advecta
orbiculata, utrinque compressa, umbilicata,
villosa, grysea, aut cinerea, inodora, atque
amarissima tamquam roboranti, aliave multi-
plici praedita virtute dosi trium, aut quinque
granorum in pulvere, vel sex usque ad
quindecim in infuso non ignobiles Medici
adversus *hippocondriacam*, aut *hystericam*

passionem, ventriculi, intestinorumque dolores, maniam, rheumaticos affectus, herpetem, ac praesertim contra dysenteriam, et febres intermittentes adhibuerunt. Verum qui mecum animadvertat Nucem vomicam in illis morbis aliis remediis adjunctam fuisse, a me in intermittentibus febribus prudenter datam nihil boni praestitisse, atque in dysenteria a BERGIO saepe praescriptam noxiam extitisse, SPIELMANNO facile assentietur suadenti intrinsecus eam nunquam esse exhibendam, cum revera ipsa parva dosi Canibus, Foelibus, Cuniculis, Vulpibus, et Lupis, tum non nullis Avibus, ac speciatim Cornicibus, atque Anatibus potentissimo veneno sit, ac maiori copia exitio interdum fuerit hominibus, qui convulsi ex ea mortem occubuerunt. Nec quae olim ad Strychnos veluti speciem revocata *Strychnos Ignatii*, seu Faba S. Ignatii vocabatur, nunc vero proprio adscripta generi *Ignatia amara* dicitur, aut potius eiusdem stirpis semen, quod in uno fructu multiplex occluditur ex Insulis Philippinis siccum deportatum avellana nuce maius, subtrigonum, durissimum, ex albo glaucum, inodorum, et amaroris vehementia Amara omnia superans usu probandum esse puto, quia etsi valde roborans, aliisve praeditum viribus habeatur, atque a granis quinque ad decem tutum forte esse queat remedium, ac febre intermittente, et speciatim tertiana detentis proficuum; attamen veneno suo discrimine nunquam vacat, nec raro, ut rela-

tum est, ad scriptulum assumptum nervorum distentionibus, frigidisque motis sudoribus praeceps vitae periculum homini intulit.

806. Ob quam sane caussam spectatis lethiferis effectibus, quos e foliis *Prunus laurocerasi* seu *Laurocerasi* Aqua destillata certa nec magna dosi assumpta quadrupedibus brutis animantibus infert, atque homini etiam affert (nisi protinus iisdem Lac, Oleum, *Ammoniacæ aqua diluta*, aliaque, licet non satis evicta sint, antidota subveniant) in illa sum sententia, ut eam nunquam credam intus esse Aegris propinandam. Scio equidem non In celebres Medicos eam etiam ad triginta, et longe amplius guttas ter, quaterve die impune dedisse, imo ad confirmandum stomachum quosdam valde probasse, atque ad sanguinem potenter tenuandum, obstructionesque viscerum resolvendas aptissimam alios habuisse (a); sed non interim volo in tanta, quae praesto est, tutissimorum medicaminum copia, istis periculi plenum pharmacum substituere.

807. Prudentis proinde Artificis erit hisce vitatis Roborantia medicamenta vel ex iam adductis Stirpibus desumere, vel ea ducere ex reliquis earum Ordinibus, quos singulos apta roborando remedia complectentes sumabor, ut hoc caput absolvam. Itaque dicam ex Pomaceis, ac speciatim e *Citrus aurantium* externum Corticem desumptum, qui

(a) Murr. Op. cit. V. III. p. 213. et seq.

Aurantiorum flavedo dicitur grata amarum, aromaticum, et fragrantem in pluribus nervorum, stomachi, et intestinalium morbis, in uteri profluviis, aliisque aegritudinibus, in quibus roborando, et stimulando oportet muscularibus, nerveisque fibris robur, vigoremque impertiri nunc ex aqua, nunc ex vino infusum, subinde in Syrupo remediis aliis admiscendo ad unam, alteramve unciam, interdum in Essentia vel ex vino graeco, aut hispano, vel ex alcohole confecta guttatum sumenda opportune usurpatum iamdiu ex Magni olim Insubriae Medici SEPTALII consilio (a) hic usu receptum egregie prodesse. Neque praeteribo eiusdem Aurantii folia grata fragrantia et amara, etsi non multi facienda sint ad graviores convulsivos, et spasticos morbos vincendos, ut alibi dicam, ad confortandum tamen stomachum, et totius corporis debilitatem ex nervorum affectione potissimum natam tam saepe mihi valuisse, in pulvere praesertim ad medium, aut integrum drachmam ter, quaterve die iis datam, qui ob mobilitatem, aliamve caussam Amara caetera ferre nequibant, ut merito Ill. TISSOTO gratia habenda sit, qui eiusmodi remedii usum hic exemplo suo prolataverit. Nec utilitate sua carent Foemini nostratibus usitatissima forma emulsionis *Citri medicae* semina amara, atque oleosa.

(a) Animadv. Med. lib. VII.

808. Inter Gruinales Stirpes roborando aptas sola *Quassia* est, quae duas species medicamentariis Officinis largitur, nimurum amaram, et *simarubam*. Utraque magnum apud Medicos nomen obtinuit. Nam prioris, seu arboris in Surinamo spontaneae radicis, ac potissimum ligni, modo humani brachii, modo calami scriptorii crassitatem habentis pede plerumque longioris tenui cortice rugoso albo, aut gryseo tecti, cinereis, aut fuscis maculis subinde obsiti, intus albidi, levis, non admodum duri, inodori, atque intenso, et diutissime persistente, quin nau seam faciat, amaro donati, huius ligni, inquam, quod fere unum in Europa usurpatur, *Quassiae*, aut *Ligni amari Surinamensis* nomine, vim, atque usum, cum LINNAEUS tringita ab hinc annis illustrasset, insignem fiduciam Clinicorum plerique in eo posuere. In morbis enim a stomachi, intestinorumque debilitate, omnibusque inde profectis digestionis vitiis, et nervorum affectibus, maximeque hyppocondriaca passione, in febribus intermittentibus, atque in continuis debilitatem comitantibus, in cruciatibus ex arthritide, et calculo, imo in mucoso uteri fluxu, atque in haemorrhagiis, aliisque aegritudinibus, quas singillatim MURRAYUS prosequitur (a), vix dici potest quantum Ligno huic inciso dia digesto, atque ex aqua ad drachmam unam,

(a) Op. cit, V. III. pag. 432.

vel alteram pro quavis eius libra infuso, raro ex vino, etsi magis agat, rarius adhuc in tinctura alcohole aqueo facta, non pauci traherint, et adhuc tribuant. Hinc superioribus annis e re visum est Summo Praeceptoris BURSERIO omni experimentorum genere eius principia, et vires ita scrutari, ut verum eius in Medicina praetium constitueretur, tum utilissimum Cl. SEVERIO eiusdem observationes suis etiam periclitationibus, animadversionibusque auctas eleganti commentario complecti, quo Quassiae principia, vires, et usus admodum illustrantur (a). Ego autem etsi vim egregiam Quassiae in adductis casibus nolim detrahere, cum tamen propria, et quidem multiplici, experientia noverim Quassiam antiseptica virtute, sive extra humanum corpus, sive in eo experimentum sumatur, Cortici peruviano, radici Arnicae, aliisque remediis non parum cedere, vix unquam in febribus intermittentibus, licet benignae sint ac purae febrim radicitus discutere; cum nihil, quod vere singulare sit in eius principiis a PAARMANNO (b), ELBELINGIO (c), SEVERIO, aliisque illustratis detegam; cumque in morbis passim observaverim aut expectationem fallere, aut saltem non plus efficere, quam simpliciora, et una efficaciora cae.

(a) Comm. quo Med. Quass. Vir. expenduntur.

(b) Diss. de Lign. Quass. Argent. 1772.

(c) Diss. de Quass. et lich. Isl. Glasg. 1779.

caetera soleant Amara medicamenta, caussam non assequor cur ei Gentianae radicem, aut similes indigenas stirpes nolint adhuc Medicis substituere. Maxime vero qui credam quoties par virtus est, toties praestare potius indigenis, quam exocticis uti medicamentis.

809. Quod vero ad speciem alteram *Quassiae*, nempe *Simarubam* attinet, eius Cortex e radice sumptus in frusta pedem longa convolutus, levis, lineam non aequans crassitie, ex albo flavescens, inodorus, et valde amarus e Cayenna ineunte hoc Seculo in Galliam allatus, atque in dysenteria, in reliquis fluxibus alvi, in haemorrhagiis, in colicis, aliisque morbis magni protinus factus, suam celebritatem non satis tueri mihi videatur. Eum enim, quamquam roborando efficacitate non careat in morbis, quorum caussam praebet, aut solutionem impedit debilitas, saepe observavi nunc in pulvere tenuissime tritum a quindecim granis ad scriptulum pluries die, vel rarius ad medium, vel unam drachmam quavis vice datum, vel instar infusi, aut decocti ex duabus, tribus, aut quatuor drachmis intra diem sumendi propinatum per se dysenteriam nunquam sustulisse, qua in re consentientem **CULLENIUM** habeo, aliosque Scotiae praestantissimos Medicos; imo perraro eius abigendis reliquiis parem fuisse. Quod si diarrhaeam ex debilitate diu durantem interdum cohibuerit *Simarubae* cortex, praestitit sane id, quod ex aliis aequa-

indigenis amaris Roborantibus medicamentis pari securitate, imo maiori fortasse promptitudine obtinetur.

810. Inter Stirpes praeterea Trilhilatas occurrit *Aesculi hippocastani*, seu *Castaneae equinae*, aut *Indicae*, sive *Hippocastani cortex*, qui ab alburno separatus adstringens, atque amarus ob roborandi vim alias vix ad medendum propositus postea *MISTICELII*, *ZANICELII*, *TURAE*, aliorumque exterarum etiam Gentium Scriptorum laudibus adversus febres intermittentes in infuso, in decoctu, in extracto, ac maxime in pulvere tenuissimo, forma, modo, et dosi corticis Peruviani nuper adeo inclaruit, ut vel ipsi MURRAYO ad praestantiora remedia, quae febrim discutiunt, visus sit pertinere (a). Verum nimis raro mihi licuit iam tredecim ab hinc annis susceptis periculis, quae cum BURSERIO tunc communicaveram, intermittenti febre, quae modo quotidiana, modo tertiana, modo quartana, interdum simplex, interdum duplex fuit, implicatos Aegros hoc uno remedio largiter etiam, diuque exhibito sanitati restituere, ut modo possim eius usum in eiusmodi febribus etiam vernalibus, et mitioribus multifacere. Maxime cum inertiam remedii postmodum quoque novis, tum propriis, tum alienis hic, et alibi in Italia susceptis periculis didicerim, atque Aegri stomacho non

(a) Op. cit. V. IV. p. 62. et seq.

leviter interdum officere animadverterim .
 Pari iure etsi inter Amentaceas *Salicis albae*
 seu *Salicis vulgaris* albae cortex e minoribus
 ramis quatuor circiter annorum decerpitus , in
 tenuem pulverem tritus , gustui adstringens ,
 et amarus ad unum alterumve scriptulum
 quarta quavis hora in febribus intermittenti-
 bus tempore integratatis a STONIO , aliisque
 exhibitus quam plures Aegros tuto ac facile
 sanaverit , hic loci pleniori etiam manu saepe
 a me datus febrim nunquam plane sustulit ;
 quemadmodum Cortex alterius speciei nempe
Salicis pentandrae in iisdem febribus BERGII
 expectationem perpetuo elusit (a).

811. Nec qui ex Tricoccis , ac speciatim
 e Crotone *cascarilla* seu *Cascarillae* frutice
lamaiae sumptus Cortex ad nos usque
 iamdiu advehitur , perperam alias cum *Cincho-*
nae officinalis cortice confusus , pluris fieri
 debet adversus febres , quae intermittunt . Ei
 quidem secto convoluto in tubulos lineam
 fere crassos , pollice plus minus longos , du-
 ros , et fuscos , si albida , parum rugosa , lineis
 transversim interspersa , lichenibusque inter-
 dum obiecta epidermis eximatur , aromaticus
 debilis , sed in igne fragrans odor inest ,
 itemque sapor aromaticus amarus adest cum
 aliquo diu persistente pungentis fervoris sen-
 su , ac cum oleo aethereo , et copiosa resina
 una virtus inest roborans , at non ita tamen

T 2

(a) Op. cit. Vol. II. p. 788.

praestans in morbis, ut olim a plerisque tradebatur. Nam quod de eius insigni utilitate in febribus continuis, biliosis, exanthematicis, atque in morbis ipsis inflammatorius pectoris quidam olim tradiderunt, a Sapien-
tioribus Clinicis nunc denegatur. Quod alii non pauci de eius eximia plane virtute Cor-
tici peruviano aut pari, aut eo tutiore in
febribus intermittentibus protulere, instar
huius remedii adhibito, id veritati contrarium
ab aliis satis superque evictum est. Quod si
in pulvere a granis decem ad scriptulum,
vel in electuario, vel in extracto exhibitum
eiusmodi corticem quidam adhuc in morbis
omnibus, in quibus roborare stomachum ex-
pedit, magni faciant, vel in alvi fluxibus, et
praesertim dysenteria, ei multum tribuant,
vel cum MURRAYO iudicent prodesse „ eun-
„ dem cum cortice peruviano commiscere,
„ quando nimirum prae debilitate nimia ven-
„ triculus Chinachinam solam non fert, vel
„ haec ipsa alvi profluviū excitat, vel ia-
„ cturae virium subveniendum est „ mecum
saltem animadvertant stimulando, et calorem
augendo multis officere aromate suo, non
paucis suo halitu, et sapore invisam esse
Cascarillam, tum Corticem peruvianum nullo
subsilio in adductis casibus indigere, nec
aliorum remediorum auxilium requirere.

812. Sunt, praeter ista, alia, quae hu-
referri possint, Vegetabilia, aut eorum partes
ignoti generis, aut speciei, ac praesertim
quaedam Radices, et Cortices, quibus hic loci

nondum utimur. Inter primas venit *Cassia muniar* seu Bengale radix, quae in segmenta divisa, aut in orbiculos, interne albido flava, externe flavo cinerea, odore et sapore instat Zedoariae superiori seculo ex India Orientali allata, veluti egregium in morbis nervorum, atque in dysenteria remedium afferret, hodie exolevit cum ad stimulandum, ac stomacho robur impertiendum vix non inefficax habeatur. Radicem vero *Chynlen* e China traductam cylindricam, flexuosam, rugosam, calamo scriptorio crassam, quae in frusta pollice longiora secta est, fragilem, ex luteo rubram, inodoram, ac multum amaram, quamquam vino infusam stomachum confirmare, intestinorum doloribus mederi, et coctionis opus adiuvare, eiusdemque vitiis opitulari credant Chinenses, ac propria nixus experientia multi faciat BERGIUS (a), Medici nondum adhibent, forte ex eo quod sciant nonnullis exhibitam vomitum movisse. Plus itaque credunt quidam in Belgio celebres Clinici duce GAUBIO in alvi profluviis Radici *Lopianae* ab Io. LOPEZ invectae, cuius descriptionem MURRAYUS tradit animadvertis contra quorundam iudicium odore, non amaritie destitui (b). Testantur quippe, ut idem Auctor refert, eandem radicem perperam olim adversus Serpentum morsus, et febres intermittentes commendatam, in pulvere, aut

T 3

(a) Op. cit. (b) App. Med. Vol. VI. p. 166.

in pilulas subactam a medio scriptulo ad unum, vel ultra, ter quaterve die exhibitam vel tincturae, sive spirituosa, sive aquosae forma ad drachmam circiter datam summa saepe promptitudine lienteriam, et diarrhaeam sistere, etiam si diutina admodum sit, aut conliquativa, aut eadem puerperis, et phthisi ac tabe consumptis supervenerit.

813. Ad Cortices vero quod attinet tres potissimum sunt, qui hic debent expendi. Prior dicitur *Cortex Poggerebae*, cuius fragmenta MURRAYO primum exploranti visa sunt lineam crassa, convoluta, ramosa, dura, ponderosa, rugosa, interdum annulata, fusca, lenissime amara cum salso et adstrictorio levi sapore quodammodo aluminis (a). Quae quidem ad alvi profluvia cohibenda trium unciarum pondere data a VOGELIO, et a quibusdam Galliae Medicis olim propinata valuisse dicuntur; etsi hodie plane negligantur. Cortex alter *Bela-Aye* audit, qui e quodam arbore Madagascarii depromptus in India potui additur ex arundine saccharifera, atque eo modo infusus ibidem passim adhibetur ad sistenda alvi profluvia, quemadmodum Cl. SONNERATUS eodem dysenteriam compescuit, et cruentum haemorrhoidum fluxum cohibet; imo Lutetiae Parisiorum ad scriptulum semel et iterum aliquot diebus ex vino, vel infusione propinato diurniores, contumaciores-

(a) Op. cit. pag. 184.

que diarrhaeas sanavit (a). Tertius **Cortex** ille est qui *Angusturae* dicitur nuper ex Insula Trinitatis Londinum allatus in frusta convexa, medium lineam crassa, sex circiter pollices longa, ac pollice non minora, luteo fusca, dura, albida cuticula inequaliter obtecta. In pulverem comminutus colore aemulatur Rhabarbarum, et sapore praeditus amaro, aromatico, et fervido aquae solam amaritiem tribuit, alcoholi vero suas omnes proprietates largitur. Viribus praestare Cortici Peruviano eidemque maiori effectu suffici, atque etiam diarrhaeae, et dysenteriae egregie mederi Trinitatis incolae arbitrantur. Hisce assentitur Cl. BRANDIUS, qui ad eadem mala potenter valere, ac generatim roborando in morbis omnibus a debilitate, et laxitate prodesse propria experientia se didicisse testatur. Caeterum aliorum Clinicorum observationes de eius usu avide expecto cum propriis hactenus destituar; unde modo solummodo addam dari in pulvere a granis decem ad quindecim quavis vice, non ultra, ne nimis calfaciat, aut nauseam excitet, in extracto a granis quatuor ad octo, atque in decoctu ad drachmam paullatim assumi (b).

814. E *Contortis* denique Stirpibus unum quidem est genus, quod roborans medicamentum nobis praebeat, sed tam validum, tamque eximium ad roborandum, atque ad

T 4

(a) pag. 178. (b) pag. 176.

alios vere singulares effectus praestando praebet, ut nisi antecellat caeteris omnibus Artis praesidiis, nulli saltem cedat. Profecto *Cinchona officinalis* seu Arbor in Peruyiano regno, ac speciatim in montibus crescent Loxae urbi propioribus corticem, qui Peruvianus, vel *China china* nuncupatur, largitur tot, tantisque medicatis viribus praeditum, ut eo salutaris Ars maxime superficiat, eumque auro et gemmis e novo Orbe allatis longe praetiosiorem iure existimet. Quid enim eodem cortice in febribus intermittentibus praesentius, quid in febribus aliis, atque in pluribus morbis potentius, quid generatim tutius, atque innoxius, quidque demum usitatius in universo remediorum genere existit? Tanta sane promptitudine, constantia, et securitate agit hoc pene divinum remedii genus, ut a praecognitis Vulgi opinionibus, atque a Medicorum quorundam vituperationibus ubique locorum hac aetate non solum evaserit, verum etiam tutissimi, atque efficacissimi pharmaci nomen apud omnes obtinuerit. Quamquam enim *Cortex*, qui ad nos plerumque advehitur, efficacitatem illam non habeat, quam eo tempore, quo primum adhiberi coepit, exerebat; non ideo tamen suam celebritatem amisit. Nam maiori datus copia aequa medicatus existit, atque in morbis aequa proficuus, et tutus apparel.

815. Probae tamen notae sit. Eiusmodi censetur e minoribus tenerioribusque ramis

facta incisione degluptus, et rite exsiccatus, fibris iuxta longitudinem crispatus, scaber, convolutus, non nimis crassus, nimisve ligiosus, nec nimis levis, nimisve ponderosus, qui fuscus, et pallidis interspersus maculis musco canescente tenuissimo obtectus, non albus, non alieno colore infectus, ac specie^m flavo ex Curcuma, qua corticibus aliis Peruviani species fraude tribuitur, intus laevis, ab omni ligno sciunctus colorem fere cinnamomi ferrugineum exhibeat; qui in frusta diffractus in pulverem non fatiscat, aut in longa filamenta discerpatur, et Soli obversus puncta splendentia veluti crystallino sale repleta patefaciat; qui odorem habeat mucidum et leviter aromaticum, dentibusque confectus resolvatur facile, ac cum saliva prompte subactus non glutinosus, non ligneus nimium amaroris, aut adstringentis sensum non excitet, aut amaritatem ex succo Aloes acceptam prodat, at saporem praeseferat ex aromatico amarum, sibi proprium, et leviter adstringentem; qui demum inter decoquendum incoctam aquam ita rubicundam reddat, ut postmodum refrigerato decoctu, et Cortice ad fundum vasis delapso pallidum colorum assumat: quod inter potiora indicia optimi corticis a plerisque habetur.

816. Hisce potissimum notis arduum non est verum, integrum, optimumque corticem ab adulterato, corrupto, Vermibus exeso, atque aetate, aliisve caussis effoeto distinguere, tum eum, de quo dicimus,

corticem ab iis internoscere Corticibus, qui vel ab aliis *Cinchonae speciebus*, vel ab eiusdem Varietatibus sumpti, atque alias vel neglecti, vel incogniti, nunc aut in usum traducti, aut saltem ad medendum propositi hic loci debent expendi, antequam vulgaris Peruviani Corticis vires, atque usus propo-
nuntur. Scire itaque expedit *Corticem Chinæchinae regium flavum* a MURRAYO describi Francofurti a se duobus ab hinc annis ob-
servatum caro admodum praetio ibidem ven-
ditum, qui in frusta fere plana, digitum lon-
ga, pollicem lata, et lineam crassa divisus,
ex ferrugineo colore flavicans, ac pulverem
praebens flavum, valde amarus, lenissime-
que adstringens Vulgari Cortici in febribus
intermittentibus sistendis plurimum antecellere
dicebatur (a). Alium item Corticem idem
Auctor commemorat Amstelodami nuper ca-
riori adhuc praetio venditum nomine *Corticis Chinæ Regii* virtute Vulgari longe praestan-
tiorem, qui colorem ferrugineum, non flavum
habuit (b). Tertium pariter Corticem ipse
indicat, vocatque *Chinamchinam Surinamensem*
sapore intense amaram, quam tamen ex
THUESSINKIO in febribus intermittentibus
a vulgari Cortice non pârum superari conce-
dit (c).

817. Praeter hosce Cortices, quorum
ignotum adhuc est genus, etsi a quibusdam

(a) Op. cit. Vol. VI. p. 178.

(b) pag. 180. (c) pag. 181.

ad *Cinchonam* referantur, veniunt *Cortices* alii, atque in primis duae Species sub nomine *Chinaechinae de Santa Fé* nuper tum Parisiensibus, tum Londinensis Academicis cum siccis stirpibus ex Hispania, ut suo adscriberentur generi, transmissae (a), quaeque etiam in Italia a Cl. ASTIO exploratae sunt (b). Una *Cinchona peruviana* dicitur, et corticem praebet, qui tum amaritie, tum virtute multum Vulgari concedit. Altera *Cinchona bogetensis* corticem erogat, quem parum amarum, sed valde acerbum Vulgari multum postponendum esse Ill. BAKERUS censet, cui ipse MURRAYUS subscrispsit. Binae aliae deinde praesto sunt *Cinchonae* Species, nempe *Caribaea*, et *floribunda*. Illa suppeditat corticem *Chinaechinae caraibaeae*, aut *Iamaicensis* nuncupatum, quem insigniter pro parte, e qua evellitur, variare docet MURRAYUS, qui dum refert ex Cl. WRIGHTIO roborare, vomitum sedare, et colluviem primis viis haerentem corrigere, atque hac ratione in febribus remittentibus prodesse, apposite animadvertisit desiderari hactenus observationes, quae eius vires singillatim evolvant (c). Quae autem species *floribunda* dicta tribuit corticem *Chinaechinae Sanctae Luciae grysea* epidermide tectum, intus levi-

(a) Op. cit. V. VI. p. 67., et seq.

(b) Della nuova China di St. Fé. Mant. 1786.

(c) Op. cit. Vol. VI. p. 58. et seq.

ter fuscum, convolutum, pedem longum, et
fere dimidiam lineam crassum, initio adstri-
gentem, dein intense amarum, instar Gen-
tianae, nauseosum, atque inodorum, qui
vomitum facile excutit, interdum ad pauca
grana in pulvere, atque etiam alvum movet.
Hinc ad quinque, octo, aut decem grana,
non ultra, quavis vice dandum esse vel cum
miti aliquo aromate praecipiunt qui in febi
intermittente commendant, etsi aliis neque
in hoc febris genere sat tutum, atque efficax
remedium videatur, neque in dysenteria
putrida, ac cum intermittente febri coniun-
cta, in qua multi habuit DAVIDSONIUS, satis
sua utilitate probatum. Et re quidem vera
dicam cum MURRAYO „ pauciora iusto ha-
„ ctenus experimenta suppetunt, quam ut
„ hic cortex diu usitato palmam praeripe-
„ ret (a) „.

818. Ad quam vero *Cinchonae* speciem
pertineat cortex ille Peruvianus, qui Ruber
vocatur, hodie magni factus, nondum liqueat.
A vulgari differt maiori pondere, et crassitie,
quae duarum linearum plerumque est, tum
longitudine, qua concava frusta donantur,
colore extus canescente, ac sub lichene le-
viter flavo primum fusco rubro, atque inte-
rius rubicundo, maiori amaritie, atque odoris
defectu. Vulgari etiam citius in pulverem
resolvitur, qui intensius rubet, et facilius

(a) Op., et Vol. cit. pag. 66.

adulteratur, copiosior in aqua et alcohole solvitur, resina longe magis abundat, et validius putredini adversari dicitur. Hunc praeterea olim non incognitum, et nunc quidem iam a decen annis cuique notum, atque ab Anglis praesertim multi factum, et crebro adhibitum censem plerique sumentium palato, et stomacho magis amicum Vulgari, eodemque duplo efficaciorem, atque iis etiam accommodatum casibus, in quibus alter non profuit. Tutissimis enim observationibus se didicisse affirmant Corticis eiusmodi Rubri unam drachmam in quovis casu, quocumque fine data ea sit, illud generatim efficere, quod binae drachmae alterius, seu pallidi, aut exilioris Corticis vix praestant.

819. Sed neque mihi fidissima observata desunt, quibus innixus queam huic opinioni non plus quam deceat, tribuere. Comparanti quippe mihi novem ante annos utriusque Corticis vires, atque effectus in Aegris febri, aliisque morbis implicatis, quibus Chinachina remedio est, expeditissimum fuit cognoscere, ac tuto concludere, Corticem Rubrum longe efficaciorem esse altero, si de eo sermo sit, qui communiter in Officinis prostat, parum vero eidem praestare si probatissimae notae sit: cuiusmodi erat ille, quem comparationis causa tunc temporis ex Hispania proxime deportatum Aegris sumendum dabam. Eius enim bonitatis erat, ut raro oportaret ad tertianas vel graviores febres sistendas ad sex eius drachmas adscendere. Quin imo

cum istam periclitationem instituerem Corticem Peruvianum fuscum valde, Chinaechinae nigrae nomine, ex Hispania transmissum, cuius libra tribus aureis mihi veniebat, una potui experiri tanta praeditum efficacitate, ut eius in pulverem redacti media uncia ad febrim quamcumque vincendam valuerit. Cuius quidem Corticis (nescio utrum singularem speciem, an raram varietatem dicam) novam mihi comparare copiam postmodum non licuit.

820. Quamquam autem iis non assentiar Medicis, qui Rubrum corticem asserunt spem Sumentium saepe eludere, neque aliis subscribam reputantibus non ultra scriptulum, aut drachmam dimidiad quavis vice in pulvere, qua forma magis probatur, sine molestia dari posse, quia a me et crebro, et ad unam drachmam, vel ultra datus neque expectationem elusit, neque noxam generatim intulit; non diffiteor tamen vel maiori amaritie sua, vel alia non satis comperta caussa Rubrum Corticem vel parva copia datum stomachum plerumque plus gravare altero, sensiliores Aegros interdum improvide comovere, atque aliis etiam, licet robustiores sint, Aegris inducta nausea, aut vomitu concitato interdum officere. Quae quidem a me non raro observata convenient cum iis, quae Medici alii viderunt, atque inter eos, animadvertente MURRAYO (a), ipse vidit

(a) Op., et Vol. cit. pag. 57.

III. BAKERUS, qui ideo ab eiusdem corticis administratione abstinuit (a).

821. Non est igitur cur Vulgari Cortice Peruvianio, dummodo optimae notae sit, cum minori fiducia utantur Clinici, quoniam eius tutissimae, et prorsus eximiae vires extra omnem dubitationem positae sunt. Quare huius maxime usus multiplices exsequens, quos rectius, ac plenius caeteris Ill RHA-NIUS (b) scrutatus est, non alienum iudicavit vestigio ea attingere, quae de eiusdem principiis Chemici tradiderunt. Etsi enim eorum experimenta parum, aut nihil lucis ad eiusdem pharmaci vires a priori, ut dicunt, eruendas, aut explicandas contulerint; ea tamen ad rectam, tutioremque Corticis praeparandi, conservandi, atque adhibendationem plurimum contulisse idem Auctor apposite animadvertisit. Porro cum tentassent vera eius patefacere principia omni Chemiae subsidio, constituerunt Corticem Peruvianum volatiles particulas, quae inter contundendum in auras vehuntur, atque inter coquendum nares proprio odore percellunt, continere, ac gummi, resina, terra, sale, et ferro diversa proportione una admixtis componi. Hinc deducunt, cur Corticem eiusmodi Aqua melius alcohole dissolvat, Alcohol aqueum pleniū tursum, ac rectius aqua, tum vinum

(a) Med. Trans. Vol. 3. p. 162.

(b) Advers. Med. Pract. Vol. 1.

Rheanum, aut Mosellanum, PERCIVALIO docente, efficacius caeteris liquoribus.

822. Nemo interim melius Corticis principia, eorumque rationem, et modum illustravit Cel. FOURCROYO, nuper absolutissima investigatione suscepta cum hoc Cortice, et cum altero vomitioni, et alvo movendae pari, quem S. Dominici appellat (a). Ex utriusque autem resolutione concludit omne actionis principium in Cortice peruviano a matre resinoso - extractiva, seu extractivo - resina amara, adstringente, atque in aqua fervente solubili proficisci; in eodem roborantem, et febrim dicutientem vim haerere; alcalica, et terras eiusdem indolis, ac magnesiam huius materiae eductionem adiuvare; eiusdem Corticis decoctum exiguum vim adversus febrim possidere, nisi raptim fiat, atque ab externi aeris actione tueatur; extractum Garayanum, salem Corticis essentialiem perperam dictum, ob aeris, atque oxygenii actionem non multum efficacitatis habere; in cortice S. Dominici eo minorem vim contra febres inesse, quo maior est ea, quae vomitum et alvum movet; materiem extractivo-resinosam in eodem cortice differre ab ea, quae e Vulgari obtinetur, sola minori oxygenii copia; hoc discriminem tolli, atque cum eo amaritatem, et potentiam ad vomitum ciendum tolli eodem oxygenio addito; ac proin-

(a) Annal. de Chimie Fév. et Auril. 1791.

proinde inter utramque Corticis Speciem in agendo differentiam a varia oxygenii proportione pendere, quae tamen in Cortice S. Dominici, quem ad *Cinchonam angustifoliam* Cel. SWARTZIUS retulit, certius est eruenda.

823. Nec reticenda alia pericula sunt, quae cum Cortice peruviano ab aliis fuerunt instituta. Etenim HALLESIUS facto in animalibus experimento eorum vasa Corticem contrahere observavit, atque HAVERSIUS glandularum mucum ab eo coagulari reperit. Quod vero tradunt alii sanguinem Chinachina tenuari, eiusdem coagulum prohiberi, vel iam efformatum solvi; id sane STORBII, HALLERI, aliorumque observatis adversatur, qui calenti adhuc sanguini guttas aliquot decocti ex Cortice affusas coagulum evidenter promovisse observarunt, unde hocce remedium cruentem potius inspissare, quam tenuare concluserunt. Commemoranda item pericula sunt, quae Ill. Viri PRINGLAEUS, MACBROIDIUS, PERCIVALIUS, COLLINIUS, aliique non pauci cum Cortice instituerunt eum admiscentes solidis et fluidis Animalium partibus tum integris, tum corruptis. Ex hisce quippe innotuit, Corticem peruvianum palveris, infusus, aut decocti forma praesentissimum esse antisepticum, quatenus corpora a putredine tuetur, vel iam ex ea corrupta, et contabescentia emendat, corrigit, et pristinae quodammodo integritati restituit.

824. Hisce propositis ad ea, quae de Cortice scitu magis sunt pernecessaria, ac
Tom. II. V

proprius Medicum attinent properemus. Eo enim nullum est in febribus intermittentibus praesentius pharmacum, ac multiplici praeditum facultate in morbis quoque aliis non paucis praestantius ac tutius remedium existit. Tum in hisce quippe, tum in febribus omni noxa generatim caret. » Non
 » obstructiones, inquit eximius de usu Cor-
 » ticis Scriptor BURSERIUS, non infactus
 » progignit, et si qui a febri ipsa imprimis
 » diuturniore geniti fuerint, eos paullatim
 » resolvit, et reserat; non ventriculo infen-
 » sus est, cum potius, exceptis paucis easi-
 » bus, eum firmet et recreet; nec febrim
 » sopit tantummodo, sed penitus extinguit,
 » dummodo satis valida manu, et quandiu
 » opus est, adhibetur, et crises quas promo-
 » vere certo solet non impedianter neglectu
 » diaetetici regiminis (a) ». Nec benignas
 quidem ac solitu faciles, sed pertinaciores
 etiam, gravioresque, imo perniciosas, aut
 cum lethali symptomate copulatas certissi-
 me, penitusque extinguit.

825. Quonam vero potissimum principio,
 aut quanam ratione extinguat, quaeri a non
 paucis solet, etsi tamen mihi id querere
 alienum prorsus videatur. Nam neglectis
 etiam iis opinionibus, quas de acido sale,
 vel alcalico, aut de utroque, de eius terra,
 et de martialibus particulis quidam Auctores
 protulerunt, quibus hodie assentiri non licet,

(a) Institut. Med. Pract. V. I. pag. 86.

tum reiectis eorum sententiis , quas de gum-
mi , aut de resina , aut de volatilibus parti-
culis alii proposuere , quibus pariter non plus
tribuitur , si omnis actionis principium , aut
ratio in extractiva resinosa materie constitu-
tur , ut Nuperiores quidam arbitrantur , satis
ne quod est in quaestione assequi licet ? Si
enim id admittatur , nonne rursum quaeri de-
bet quibusnam particulis illius materiae actio
speciatim sit referenda ? A compertis vero
eiusdem Corticis viribus si vis eius in febri-
bus explicetur , ac proinde cum quibusdam
dicatur roborando , vel stomachum firmando ,
vel nervorum genus afficiendo , vel musculis
insitam vim commovendo , vel singulari sti-
mulo amaro , et adstringenti operando febrim e
corpo diducere , nonne illud admittemus ,
quod vel falsum est , vel hypothesim plane
savit , vel ipsis phaenomenis nullo modo
respondet ? Inquirere vero cum aliis Medicinae
Scriptoribus in penitiores caussas , ob quas
nullum hactenus pharmacum in universo re-
mediorum genere detectum sit , quod Corticis
vim , maximeque adversus febres , attingat ,
nonne tempore abutentis esset ? Profecto
cum ista obvelentur tenebris , satius videtur
Corticis vires , atque usus novisse , quam
inutili plane labore rationem investigare , qua
febres cito , tuto , et iucunde sanat .

826. Praestabit idcirco illa potius exe-
qui , quae Corticis in febribus uteundi metho-
dum respiciunt . Porro scire expedit eum nec
praesente , aut ingruente accessione , nec , ubi

febris gravius urget, at eius impetu remitte-
tente recte dari, partitis vicibus exhiberi,
nisi breve inter unum, alterumve perniciosa
febris accessum, intervallum sit, aut nullum,
ut in subcontinua, et subintranti accidit,
aliter iubeat; ad quamlibet accessionem ge-
neratim prohibendam, iuxta variam Corticis
bonitatem, atque ipsius febris vehementiam,
modo quatuor, modo sex eius drachmas,
modo unciam, modo sesquiunciam requiri.
Scire pariter iuvat Cortici quaedam plerum-
que esse praemittenda, nempe, si sanguinis
copia sit, venae sectionem; si fervor, atque
ad inflammationem proclivitas occurrat, quae
temperant, ac sine irritatione resolvunt; si
primae viae sordibus scateant, vomitum, vel
alvum moventia; si mucosa colluvies inci-
denta, ac tenuantia; si obstructiones subsint
quae aperiunt, et discutiunt; atque ea gene-
ratim, quae peculiari humorum, aut solidarum
partium cognito vizio adversantur.

827. Curandum quoque est, ne in eius-
dem remedii usu inopportunae vel nimiae
exinanitiones, ac speciatim alvi, moveantur
quae tum Corticem oxyus subtrahendo, tum
eius actionem impediendo, aut effectus de-
struendo irritam, aut parum efficacem curatio-
nen reddunt. Moliendum interim quibusdam
in casibus, ut primum vomitus prudenter
cieatur. Studiose caeterum prospicendum, ne
in usu Corticis aut cum eo coniungatur,
aut interponatur quodvis remedium, quod
vim eius enervare, aut effectus pervertere

posset. Censendum praeterea est Corticem, etsi pulveris tenuissimi modo propinatus ceteris aliis praestet rationibus, et certius, ac maturius febrim cohibeat, datum nihilominus diluti, infusus, decocti, tincturae, extracti, elixirii, syrupi, pilularum, aut electuarii forma prodesse; tum in alvum largiter, nempe unciatim, et subinde apta lotione, et modo infusum, loto prius clystere recto intestino ut retineatur, efficacitatem suam ostendere, et commodissime hac ratione adhiberi, quoties assumi nequeat ob vitium faicum, vel retineri non possit ob crebrum vomitum, vel stomacho nimiam molestiam pariat, vel eius assumptioni Aegri natura invicte repugnet, vel promptioris, ac validioris effectus caussa hac quoque via idem pharmacum intromittendum esse videatur; tum ipsum denique Corticem insutum panis, et corpori admotum, vel instar balnei adhibitum, aut liquore aliquo subactum et variis corporis locis impositum sua etiam utilitate, maxime in infantibus, ac teneris pueris, non destitui.

828. Quae tamen pro varia Aegrorum aetate, temperie, et natura, proque dissimili febris indole, et gradu quantitas esse debeat Corticis Peruviani ad febrim sistendam; quibus Aegris vetitum sit maturos etiam fructus, atque ipsa insipida olera (quae vel alvum laxando, vel ex principio alio, forte ex acido, aut oxygenio, effectum Corticis quandoque impediunt, aut facile destruunt),

concedere ; quando conveniat alio potius modo, quam in pulvere eum exhibere ; ac quando patiter forma pulveris debeat idem Cortex omni hora , sesquihora , aut secunda tertia , aut quarta , vel bis tantum , terve die praescribi , et quidem quavis vice ad dimidiam drachmam , ad unam , vel ad duas , quemadmodum crebrius fit ; ac quamdiu in eiusdem usu ad recidivae febris metum prae- cavendum oporteat persistere Clinicorum erit dispicere . Hi quoque casus definiant , in quibus dandus sit Cortex vel cum tantillo Opii crudi , vel cum eius praeparationibus , quae aromata vehunt , coniunctus , vel cum salibus mediis , aut alcalicis , vel cum Amaris non admodum calidis remediis , vel cum fervidioribus et aromaticis , vel cum Antiscorbuticis , vel cum Chalybe , vel cum Muriato hydrargiri dulci , vel cum Tartrite potassae stibiato , vel cum Oxydo stibii sulphurato rubro , vel cum aliis consociatus medicamentis , quae speciatim referre non vacat .

829. Potius nostra interest quaestionem dirimere , quae circa tempus Corticem exhibendi inter Medicos adhuc solet magna contentione agitari . Quidam enim Corticem non prope ipsam accessionem , sed a ventura quam longissime dandum esse praecipiunt , quia credunt eum , ut vim exerat , egere tempore , quod non minus sit viginti quatuor horarum , atque etiam observant paullo ante febris invasionem assumptum vomitu saepe

reiici. Alii vero animadvertisentes primis temporibus, quibus hocce pharmacum usurpari coepit, eius in pulverem resoluti duas drachmas ex vino infusas duabus horis ante accessionem dari consuevisse, ac tunc mira prorsus efficacitate bis, terve repetitam eam remedii vim agere solitam fuisse; hac quidem ratione nunc quoque Cortice utendum esse fidenter praecipiunt. Utraque opinio summum habet patronum; prima nempe BURSERIUM, altera CULLENIUM: Clinicorum nobilissimum par. Quare facile nutarem animo nisi veritatem mihi experientia monstrasset. Cum enim eam optimam magistram in hac re pluribus diligentissime vario anni tempore institutis periculis, observationibusque nullo partium studio consuluisse, profecto cognovi rectius, et tutius esse BURSERIO, apud nos saltem, generatim assentiri. Accidit quidem mihi oppositam methodum, quae fuit olim etiam Italorum, sequuto febris intermittentis accessionem interdum omnino prohibere (quemadmodum ipsi Praeceptor, de me optime merito, non semel accidisse recordor) at id raro, et solummodo in iis febribus accidit, quae facile diflandam caussam habebant, quae in corpora boni habitus inciderant, quae purae, aut legitimae erant, quae solutioni proximae videbantur, quae diutinae evaserant, quae omni pernicie carebant, quaeque nullum in solidis fluidisque partibus manifestum vitium praeseferebant. In caeteris enim casibus omnibus datum ea ratione Cor-

ticem generatim observavi vel vomitum concitare , vel stomachum molesto pondere afficer , vel anxietatem , aliasve commotiones inferre , et accessionem magis incommodam reddere , nec ipsam prohibere : quemadmodum vel priscis temporibus dato Cortice paullo ante invasionem , et quidem gravorem , si febris duplex erat , illa accessio non cohibebar , apposite observante BURSERIO , sed futura , quae ei respondebat (a) .

830. At nimium fortasse de Corticis usu in febribus intermittentibus . Quare modo iuvat referre quid idem in reliquis febribus , atque in morbis vel aliquam , vel nullam febrim comitatis praestet . Porro in iis , quae speciem intermittentis simulant , atque ab humorum solidarumque partium singulari vitio pendent , cum morbi caussam vel prorsus , vel magna ex parte alia medicamenta sustulerint , Corticis usus utilis est ; secus alienus , et nocuus . Item in semitertiana tunc solum indicatur quando longa febris remissio est , aut nullus inflammationis metus , nullave aegritudo subest . In remittentibus febribus eo tutior , atque utilior Cortex est , quo magis febris ad finem vergit , magisque remittit . In exitu pariter acutarum , continuarumque febrium utilitatem non mediocrem , praesertim roborendo , praestat Cortex , dum contra nocet in inflammatoriis , nisi levis inflammatio intermit-

(a) Op. cit. pag. 80.

tentis febris symptoma sit, vel eius fervore
aut impetu cessante insignis virium debilitas
supersit, aut cum putrescenti humorum condi-
tione consocietur, quibus in casibus eum
magni nominis Clinici utilissime adhibue-
runt. In putridis autem febribus, biliosis,
exanthematicis, lentis nervosis, et malignis,
in secundaria febri Variolarum, praesertim
quae intermissionem affectet, vel nimium
protrahatur, atque in iisdem Variolis cum
malignitate coniunctis, aut difficulter ex debili-
tate erumpentibus magnum saepe auxilium
Cortex affert, dummodo circa tempus, for-
mam, et copiam eum administrandi ea dili-
genter serventur praecepta, quae ad Clinicos
pertinent, quaeque CULLENIUS, et BURSE-
RIUS speciatim exsequuntur. In febribus
praeterea lentis, chronicis, nervosis, atque
hecticis sine ulcere multam saepe opem idem
Cortex medentibus affert. Demum in Phthi-
si, in qua nonnulli plurimum laudant, alii
non parum vituperant, quid circa eius usum
existimandum sit MURRAYUS definire studet
inquiens „ ante suppurationem, quam initio
„ eiusdem sub debita cautela, et scito con-
„ nubio conducere ad moderandam febrem,
„ humores condensandos, eorumque putridam
„ diathesim corrigendam. Desistere autem
„ pudentia iubet si ex primo tentamine nihil
„ commodi redundet, quin malum contra ea
„ deterius evadat (a).

(a) App. Vol. I. pag. 593.

831. Praeter haec autem mala aliis quoque non paucis, ut notum est, succurrit Cortex ob multiplices, quas habet facultates. Cum enim egregie roboret, stomachum confirmet, nervis vigorem impertiatur, et cordis muscularumque vires excitet, atque intendat, multis sane affectibus auxiliatur, ac saepe medetur. Sunt eiusmodi passio hysterica, atque hypocondriaca, anxietas, tremores, spasmi, convulsiones, epilepsia, ac nervorum debilitas, tussis convulsiva ad finem proxima, cordis palpitatio, cephalalgia, hemicrania, aliarumque partium dolores, ac varii affectus, quos etiam certius, et citius tollit ubi statim horis accedant, invalescant, ac recedant instar febris, quae intermittit. Sunt item menses nimii, aut devii, aut cohibiti, albi mulierum fluores, haemorrhagiae, atque haemophthisis a laxitate, a vitio sanguinis, eiusque solutione, atque a fracto viscerum robore. Sunt denique eiusdem generis stomachi, intestinorumque debilitas et laxitas, atque inde profecta retardatae, aut laesae coctionis incommoda, aliquae multiplices affectus; tumores, et ulceræ scrophulosa cum cachexia coniuncta; arthritidis, et podagrae illae species, quae roborantia potissimum postulant, aut ferunt; retardata, aut difficilis urinarum expulsio ob vesicae, fibratumque vim contractilem fractam, earumque paralysim; cachexiae, atque hydropisis species, quae ob resorbentium vasculorum robur insigniter enervatum cum diureticis Robo-

rantia requirunt, atque alia demum corporis mala, quae ex perspectis Corticis Peruviani facultatibus erui facile possunt, atque a Clinicis speciatim indicantur.

834. Superesset modo, ut ad Corticis Peruviani historiam explendam dicerem de eius usibus in aliis internis, atque externis corporis morbis, quibus ideo magnopere opitulatur, quia ad tutiora ac validiora antisepatica medicamenta pertinet, nisi consultum magis esset alio opportuniori loco de eodem veluti antiseptico disserere. Hinc, hisce modo missis, hic tantum eiusdem Corticis Praeparata, et Composita, quae potiora, usitatoraque nobis sunt, commemorabo. Porro eiusdem Corticis Extractum spirituosum, quod a scriptulo uno ad duo praescribi solet, non iners quidem remedium est, sed Cortici in pulverem resoluto, saltem in febribus, nullatenus praestat. Item Extractum aquosum sive vulgari ratione, sive BAUMAEI methodo paratum, admodum debile, aut parum efficax medicamentum est. Quod vero Extractum Garayanum dicitur, seu Sal Corticis, cui a scriptulo dimidio ad unam, alteramve drachmam, aut etiam ultra propinato plerique magnam potentiam tribuunt, cum BERGIO vocare soleo sumptuosam praeparationem praetio non respondentem, quam minoris adhuc facio postea, quae ex FOURCROYO superius adducta sunt. Huc quoque pertinent Tinctura simplex, Tinctura Volatilis, et

Resina, quae exiguum sane Corticis vim
retinent, ac denique Syrupus Corticis,
qui ab uncia una ad duas, tresve dari solet,
aut remediis aliis admisceri, quamquam pul-
veris, aut diluti ex Cortice facultates nullo
modo attingat. Caetera vero Corticis Peru-
viani Praeparata, ac Composita ad eiusdem
obvelandum saporem innecta ex Medicamen-
tariis Codicibus, vel ex iis Auctoribus
peti poterunt, qui de febrium curationibus
speciatim disserunt, ne haec quoque singilla-
tim rimando iam nimium de Cortice Peru-
viano sermonem ulterius adhuc protrahamur.

C A P U T V I I .

De Medicamentis Stimulantibus.

§ 33. **A** Roborantibus progredior ad Stimulania, quo quidem nomine, etsi innumera pene medicamenta, cum pleraque stimulo aliquo non careant, complecti possint; ea tantum, et proprie intelligo cum Therapeuticis Scriptoribus, quae ad sensum, vel motum, vel ad utrumque in humani corporis partibus excitandum accommodata censemur. Horum vero remediorum actionem, quam valde obscuram atque explicatu difficillimam esse fatentur, ita nihilominus concipiunt, qui effectus, non hypotheses in hac re nimis multas sequuntur, ut credant, praeter vim stimulandi ab ipsis sensibus ex voluntatis arbitrio, et mentis actione vehementer excussis proxime profectam, quaedam medicamina, sive primum agant in nervos, eorumque vires, sive proprius in musculares fibras operentur, alterutra ratione stimulantem virtutem exerere. Quem profecto duplicem actionis modum eo fidentius admittunt, quia non ignorant, deleto etiam sensu, in muscularibus fibris vim aliam stimulis excutiendam superesse, tum quasdam res suppetere, quae eo tempore, quo cerebri nervorumque potentiam imminuunt, vim contra carnibus insitam ex-

cutiunt, augent, atque ad validiores vividos resque motus sollicitant. Observant praeterea odorum, sapidorumque corporum exemplo quaedam in ipsum commune sensorium, quaedam in alias partes et proxime, et potissimum agere, quaedam validius in unum, quam in alterum sensuum organum; quaedam eo vehementius operari, quo vividior eorum actio est, in partem cui admoventur; ac contra quaedam in hac nullam sat manifestam mutationem inferre, cum evidentem, et magnam in aliis dissitis corporis locis suscitant; quaedam item vim in una parte excutere, in alia sopire; imo nonnulla singularem tantum corporis particulam stimulare, dum pleraque suam virtutem, inductamque mutationem ad omne nervorum genus, atque ad universum corpus deducunt.

834. Stimulantium praeterea remediiorum dicam cum Ill. GREGORYO alia magis, alia
 „ minus diffusilia dici possunt; aliorum quo-
 „ que effectus magis durabiles, aliorum magis
 „ fugaces reperiuntur: omnibus autem hoc
 „ vitium est, quod effectus eorum excitans
 „ plerumque nimis fugax sit, et quod peius
 „ est, saepe in contrarium effectum desinat;
 „ ita ut gratissimam illam alacritatem, et
 „ mobilitatem, et vigorem corporis, et sua-
 „ vissimam animi hilaritatem, quae certa re-
 „ media stimulantia efficere solent, insignis
 „ languor, et debilitas, et hebetudo, et
 „ moestitia, brevi excipient (a) . Quin imo

(a) Op. cit. n. 1172.

ista generatim remedia cum consuetudinis vi
maxime obtemperent, singulari corporis pro-
prietati, aut naturae facile se accommodent,
non solum saepius admota stimulandi, quam
initio exerebant potentiam non amplius dein-
de ostendunt, verum etiam ob ipsum habitus
vim, aut usus diuturnitatem, quae secus
aliena, et nocua videri poterant, utilia, ac
necessaria perpetuo fiunt.

835. Quatenus vero eo vividior, prom-
ptior, ac maior est actio Stimulantium, quo
pars, quae perculta ab iisdem est, sensilitate,
irritabilitateque praestat, ac potiorem, ar-
ctioremque habet cum reliquis corporis par-
tibus consensum, primum est intelligere, (cum
haec duo occurant in stomacho), cur eius-
modi viscus a Stimulantibus afficiatur maxime,
acceptamque mutationem propere, valideque
ad cerebrum, ad nervorum universum genus,
ad cutim, et totum corpus traducat. Neque
acceptam mutationem per ipsum tantum ce-
rebrum, cum quo potissimum consensus oc-
currit, ad istas partes traducit, ut quorundam
est sententia, sed proxime interdum, ac sine
ullo manifesto ipsius cerebri interventu ad eas-
dem derivat, unde calor intendatur, sudor mo-
veatur, vel stimulum cum intestinorum fibris
communicet, unde eorum motus augeatur,
humorum secretio maior fiat, atque alvus
ipsa ad egerendum sollicitetur. Quamquam
autem ista admittam, nolo interim cum qui-
busdam affirmare Stimulantium omnes effectus,
sive externe imponantur, sive interne su-

mantur, vel ab affecto proxime cerebro,
 vel a nervis ventriculi primitus percussis
 solummodo esse deducendos. Saepe enim,
 ut observat apposite GREGORYUS » egregie
 » profuit Stimulantia remedia neque partibus
 » male affectis admoveare, neque ita adhibere
 » ut totum corpus fere pariter afficerent, sed
 » eadem prope originem nervorum partium
 » laborantium admoveare, veluti cervici, et
 » inter scapulas cum brachia male se habent,
 » aut lumbis et ossi sacro cum crura, vel
 » vesica afficiuntur. Interdum quoque, ut
 » clarus Auctor testatur, cum vitium qua-
 » rundam partium a malo aliarum, et remota-
 » rum quasi per consensum aliquem oritur,
 » veluti brachiorum et crurum a colica Pi-
 » ctonum, oportet remedia Stimulantia parti-
 » bus primo affectis, vel quam proxime adhi-
 » bere, quae tum omnem suum usum prea-
 » stabunt, quamvis partibus ipsis iam labo-
 » rantibus adhibita parum omnino valui-
 » sent (a).

836. Ne vero effectus caeteri Stimulan-
 tium, qui a cerebro non pendent, uni refe-
 rantur stomacho, quemadmodum CULLENIUS
 arbitratus est, cum nullam iisdem actionem
 in vasa sanguinea concesserit, animadvertere
 oportet, Stimulantia non pauca, sive ore sum-
 pta sint, sive in alvum, ut interdum com-
 modissime fit, infusa, in primis viis haerentia

(a) Op. cit. n. 1175.

vim suam nullo modo exuere, eamque plane
 integrum habentia in sanguinem abripi, quod
 vel ille Auctor non denegat. Si itaque ve-
 niunt in sanguinem, et quidem intactis adhuc
 viribus veniunt, cur in ipsa vasa, ac praeser-
 tim maiora, ipsumque cor proxime agere non
 poterunt? Quia, cum CULLENIO, aliisque
 dices, a tanta liquorum copia Stimulantia
 diluta plurimum suae virtutis amittunt, quia
 a viscose humorum indole irretita, atque
 involuta, inertia pene fiunt, quia, dum vas-
 rum intimiores partes attingunt, in partes
 operantur, quae admodum exiguo sensu do-
 natae vix, ac ne vix quidem, affici possunt,
 quia demum nonnulla Stimulantia, quae per
 circuitum ad secretoria organa delata in istis
 valide agunt, totum vasorum genus perfluunt,
 quia ullum suae actionis indicium edant.
 Sed in promptu sunt, quae istis tutissime
 reponas. Nam non ita dilui, atque involvi,
 ut vim exuant, eorum efficacitas ostendit,
 quam deinde ad secretoria organa delata
 confessim exerunt; vasa autem, maximeque
 cordi propiora, ipsiusque cordis intimae par-
 tes nec sensu omni carent, nec destituuntur
 fibris irritabilibus, in quas saltem admodum se
 prodat stimulus remediorum; huic revera
 se facile prodere natae in iisdem vasis ex
 improviso acrum, et stimulantium usu in
 sanguinem receptorum inflammations, alia-
 que phaenomena luculenter significant; deni-
 que si nonnulla Stimulantia in vasa tantum
 alicui secretioni dicata vim patefaciunt, non

in caetera, id erit derivandum ex eo, quod in istis nimium divisa reperiuntur, nisi etiam dicendum sit effectus, quos eadem remedia in excretionibus afferunt, interdum non minus ab ipsis pendere organis secretoriis speciatim perculis, quam a generali mutatione, quam primitus in universo vasorum genere praestiterunt.

837. Hinc facile intelligimus quomodo late pateat Stimulantum utilitas, ac quomodo pro vario cui admoventur loco, aut plus minus valide agunt, varios admodum effectus afferant, praeter illos, quos generatim edunt. Eiusmodi autem praecipui habentur auctus sensus in ea parte, cui applicantur Stimulanta, tum deinde in iis, quae innexae, propinquae sunt, aut maxime cum illa consentiunt; mobilitas maior facta; insitae virtutis in musculis, et motuum inde pendentium manifestum incrementum; resorbentium vasorum vis aucta; sanguinis motus incitatus; humorum affluxus ad partem, quae stimulum sentit, uberior factus, qui validus ubi sit, diuque perduret, calorem, ruborem, tumorem, dolorem, verbo inflammationem moveat; avocatio humorum a reliquis partibus; auctus, aut mutatus secretionis, atque excretionis modus in eo organo, in quod proxime stimulus se adigit, ex qua mutatione in caeteris secretionibus, excretionibusque aliis ordo nascitur; conditio pariter non una ratione mutata quarundam partium, ac totius corporis; ac demum cerebri nervo-

rumque vis ita excussa, ut animales functiones maiori celeritate, vigore, atque oblectamento absolvantur.

838. Ex quibus sane effectibus quisque intelliget cur Stimulantia speciatim convenient, atque egregie prosint in morbis omnibus, in quibus sensus languet, torpet irritabilitas, atque utriusque facultatis vires, et motus vel segnescunt, vel deficiunt, ac speciatim in soporosis affectibus, in anaesthesia aut totius corporis, aut alicuius partis, et in paralysi, vel totius lateris, vel alicuius particulae; in Amaurosi, atque affectibus morbidis a secretionum, atque excretionum tarditate, et imminutione ex defectu stimuli; in effreni impetu humorum in aliquod viscus aliorum avocando; in virium generali debilitate, vel alicuius visceris, unde cordis arteriarumque motus langueant, et stomachi actio fracta sit; in obstructionibus glandularum, et viscerum; in vitiis humorum, si a spissitudine, et lentore ob motus inertiam fiant; in spasmis, quatenus roborando, et nervearum, carnearumque fibrarum statum immutando prosunt; ac denique in iis aegritudinibus, in quibus, languentibus animalibus actionibus, motibusque, marcat animus. Quam ob rem cum tantis, et tam variis usibus Stimulantia apte adhibita prospiciant nunc Analeptica, nunc Cardiaca, nunc Stomachica, nunc Antiparalytica, nunc etiam Roborantia, nunc Antispasmodica vocata fuerunt, et adhuc a plerisque pro re nata vocantur.

839. Quamquam autem , ut iam dixi ,
 (§. 830.) innumera pene remedia suppetant
 stimulando paria ; hic tamen ea dumtaxat
 proponam , quae hoc fine magis virtute , et
 usu probantur , et quae proprius ad Materiam
 Medicam pertinent . Qua proinde de caussa
 quae iam alibi dicens de Aeris usu in secun-
 da , et adversa valetudine (§. 46. et seq.)
 protuli generatim de vi caloris , et frigoris
 (duo sane quae , certum ubi habeant gradum ,
 ad humanum corporis partes stimulandas ma-
 xime valent) hic non repetam ; neque repe-
 tam , quae de variis ad stimulandum idoneis
 corporis exercitationibus iam tradidi (§. 420.
 et seq.) ; neque iterum dicam , quae de animi
 affectibus excitantibus alio loco posui (§. 501.
 et seq.) ; neque multis exsequar , quae medicam
 attinent administrationem Electrici Ignis , cui,
 ut notum est , recte adhibito iuxta Clinico-
 rum praecepta in non paucis morborum ge-
 neribus magna , ac summopere interdum
 proficia ad stimulandum virtus inest . De
 hoc quippe praesidii genere , quod prudenter
 usurpatum , sive per scintillas , sive per ictus
 admoveatur corpori , ad excutiendum , atque
 ad propria loca derivandum nervis haerens
 principium , atque ad irritabilitatem muscula-
 rium fibrarum excitandam potenter valet , et
 diu continuatum non raro paralysis , amauro-
 sis , torporis , imminuti alicubi sensus , retenti
 menstrui sanguinis , ischiadis , et rheumatico-
 rum affectuum , aliorumque morborum egre-
 gium remedium attulit , de hoc , inquam

praesidii genere Clinicos praestabit consulere, ac speciatim, quae sapienter nuperrime protulit Ill. GALVANIUS (*a*) ac plenissima doctrina paucis ab hinc annis duo Viri pariter Illustr. TRATSCGWIKIUS, et KRAYENHOFFIUS tradiderunt (*b*).

840. Hisce igitur missis quae meae partis potissimum sunt breviter exsequar orsus ab iis medicamentis, quae stimulandi caussa e Verticillatis Stirpibus ducuntur, quae ab aromatico volatili oleo praecipuat mutuari facultatem iudicantur. Primum quod inter eas considerandum occurrit genus *Teucrium* est. Nam praeter illas species, quas superiori capite recensui, *scordium*, *chamedrym*, et *chamaepitym*, alias largitur huc referendas nempe *creticum*, seu *Polium creticum*, cuius herba fragrans, aromatica, amara, olim aperiens, roborans, et cephalica indicata, atque ad Theriacam recepta, usu non venit, *polium* seu *Polium montanum*, et *montanum* seu *Polium lavandulae folio*, utrumque qualitatum ratione Polio cretico affine, et succedaneum indicatum, et hodie tamen obsoletum, ac denique *marum* seu *Marum verum*, vel *Syriacum*, cuius folia, quae odore aromatico singulari, quodammodo camphorae, nares vellicante donata, sternutationem moventia ubi

X 3

(*a*) Comm. cit.

(*b*) *Appliquat. de l' Electricité à la Phys., et à la Medicine.*

afficentur, atque aromaticum instar bituminis intense amarum saporem linguae imprimentia multi olim fieri solebant, a scriptulo uno ad drachmam unam, vel a duabus drachmis ad medium unciam infusa, utpote hystericas, aegre ex spasmo spirantibus, capitis dolore ac virium languore ex nervosa affectione detentis, et cachecticis, ac chloroticis utilissima hodie negliguntur, quia et exiguum plerumque, et nimis fugax esse perpetuo solet commodum, quod afferunt. Nec frequentioris usus sunt apud Medicos *Thymi* variae species, quae condimentum aromaticum cibis crebro praestant. Herba enim vulgaris proprio odore fragrans, atque aromatica, et leniter acris, cui ob copiam maiorem, quam inter destillandum praebet, aromatici, volatilis, flavicantis olei, odori, atque admodum acris, atque ob materiem, quam tunc demittit albidam halitu, aliisque notis camphorae simillimam, potior virtus tribuitur, usu non venit, nec eius oleum, quod ad unum, vel alterum granum cum saccharo in stomachi debilitate, in colica ex aere rarescente, atque in mensium retentione olim adhibitum, utpote nimis acre, modo usurpatum. Nec caeteris *Thymi* speciebus utimur; cuiusmodi sunt *Serpullum* seu *Serpillum*, cui debilior *Thymo* vis inest, *acinos*, *masticina*, *alpinus*, atque aliae, quarum vires non satis innotuerunt.

841. Accedit deinde *Melissa*, cuius quatuor Species in Italiae Officinas inventae sunt, scilicet *officinalis* seu *Melissa*, *calamin-*

tha, seu *Calamintha vulgaris*, *nepeta* seu *Nepeta*, et *grandiflora* seu *Calamintha montana*. Prima, quae in exterarum Gentium Officinis *Melissa citrina* audit, ob fragrantem odorem in citrum incidentem gustantibus calidiuscula, et levissime acris ob oleum, quod vehit, et destillata erogat, fragrantissimum stimulando non impar est, valuitque revera non raro a summis Clinicis adhibita in pluribus nervorum affectibus tum infusa, recens a pugillo uno ad duos, atque exsiccata a medio manipulo ad unum, tum in extracto a scriptulo ad drachmam. Raro tamen nunc adhibetur, nec eius *Aqua stillatitia simplex* viribus herbae dives, atque efficacissima ad aliquot uncias a BOERHAAVIO iudicata, valde nunc usitata nobis est, qui praeterea *Aquam Melissae compositam*, additis aromatibus, *Conservam florsum*, ac *Syrupum* nunquam ad medendum recipimus. Nec quidem recipimus *Calamintham vulgarem*, quae fragrans, aromatica, leviter amara, et calida *Menthae* potius, quam *Melissae* vires referens in stomachi, et pectoris affectibus olim toties laudabatur, quoties stimulando expediret debiles fibras confirmare, ac crassos, lertosque humores discutere. Nec item utimur vel *Nepeta*, quae *Melissae* succedanea habita est, vel *Calamintha montana*, quae ei praestare a quibusdam censemur.

842. Vix quoque nobis non inusitata sunt folia, aut summitates *Hyssopi officinalis*,

seu Hyssopi, quamquam sapor amarus, et calidus, odor fragrans, et oleum valde acre, quod destillatione elicetur, verosimile reddant stimulando, et discutiendo iafusum ex herba stomacho robur addere, et catarrhalibus pectoris morbis auxilium afferre posse. Mihi enim, non secus ac CULLENIO accidit, nunquam licuit hyssopo vel pectoris morbis radicibus mederi, vel eadem herba instar fotus imposita effusos, haerentesque in contusis, ac suggillatis partibus humores discutere. Neque experientia doctus pluris ego facio ad discutiendum simili modo impositos flores *Lavendulae spicae* seu *Lavendulae*, quos tamen amaricantes, calidos, gratum odorem valde fragrantem spirantes, oleo, de *Spica* nuncupato, odoris gratissimi divites usurpari apud nos iterum vellem, cum in morbis nervorum, in quibus expedit, vires protinus excutere, stimulare, et roborare, unde nervis vigor redeat, sudor interdum moveatur, et humorum congestio discutiatur, non semel viderim, et quidem tutius aliis remedii, quae id nequeunt efficere, quin sanguinis circuitum nimium intendant. Oleum vero destillatum debilibus, torpidis, ac paralyticis membris rarius illinitur, quam alias fieri consueverat.

843. Quatuor vero species Officinis *Origanum* largitur, cuiusmodi sunt *dictamnus* seu *Dictamnus creticus*, cuius folia aromatica et fragrantia vix ad Theriacam, et Electuarium Dioscoridis recipiuntur, *creticum* seu

Origanum creticum, cuius spicae grata aro-
maticae ad exoletas stirpes pertinent, *vulgare*
seu *Origanum vulgare*, cuius fragrantia, aro-
matica, atque acriscula folia infusa, alibi
tamquam *Theae succedanea* commendata, nun-
quam hic loci usurpantur, ac demum *mai-
orana* seu *Maiorana*, quae valide fragrans,
aromatica, leviter amara, atque acriscula, et
oleo suaviter fragrante dives *Lavendulae* vires
aemulatur, etiamsi solummodo probari soleat
in polverem trita, ac naribus attracta, ut pas-
sim alibi fieri solet, ad sternutamenta movenda
vel per se, vel aliis pulveribus addita. Nec
usitata, nisi ad condimenta ciborum *Satureia
hortensis* est cum *Thymo* adhuc debilior appa-
reat. Maxime vero usu probatur duplex *Men-
thae* species, *crispa* seu *Mentha vulgaris*, et
piperita seu *Mentha piperis* sapore, caeteris
nunc neglectis, nempe *sylvestri* utpote quae
longe debilior censemur, et *pulegio* seu *Pulegio*,
quia licet aromatica, fragrans, ac leviter acris
herba non careat virtute, supervacanea iudi-
catur, tum reiectis *viridi*, *gentili*, et *sativa*,
aliisque.

844. Porro *crispa* valide fragrans, gustui
calida, aromaticum cum aliqua amaritie ingrata,
suas proprietates exsiccatione non exuens,
atque oleum copiosum destillata erogans, non
solum communes *Verticillatis* vires habet,
verum etiam rite infusa a medio manipulo ad
unum, ubi recens, vel a pugillo uno ad
manipulum dimidium, ubi exsiccata sit
stomachi vires erigit, robur ei restituit, et

spasmos solvit, sicque etiam ventris dolores, inflationesque discutit, et vomitum a spasmo illatum sedat, uteri fluxum a spastica caussa retentum revocat, aliisque affectibus a nervorum affectione potenter auxiliatur. Quare eius *Aqua stillatitia* ad semunciam, vel unciam hausta vel per se, vel ad alia excipienda remedia paullo maiori dosi adhibita, efficax est, etsi infusioni non praestet, imo herba externe applicata, vel cataplasmatis instar imposita, aut pro clysmate sumpta egregiam pariter opem stimulando, spasmos solvendo, et resolvendo in adductis casibus praestat. Hinc mihi non inverisimile videtur quod docuit LINNAEUS, Mentham impositam lac in mammis discutere, atque humorum ad eas affluxum aliorum avocare: quamquam id non satis evictum videatur. Quod vero speciem alteram Menthae respicit, nempe *piperitam* cum copia olei, et fragrantia crispa evidenter praestet, cum gustui acrior sit, initio linguam et fauces valde calfaciens, dein ad sensum grate refrigerans, ac cum veram camphoram ignis ope evolvat, ut GAUBIUS detexit (a), facile assequor, cur virtute etiam crispa antecellat, efficacioremque aquam distillationi commissa eroget, oleumque largiatur, quod cum saccharo unitum, vel potius rectificatum (quemadmodum Verticillatarum reliqua olea rectificanda esse Che-

(a) Advers. var. arg. pag. 100. et seq.

mici recte monent) et alcohole solutum
egregii usus sit in spasmis , inflationibusque
discutiendis .

845. Validioribus istis propositis vix
indicandas duco quasdam alias Verticillatas ,
ac speciatim *Ocimum* tum *basilicum* , tum
minimum , utrumque alias in nervorum affe-
ctibus commendatum , et nunc solum inter
condimenta receptum ; *Nepetam* catariam seu
Mentham catariam , herbam antispasmodicam ,
atque emmenagogam quibusdam habitam , no-
bis plane insuetam ; *Betonicam officinalem* ,
seu *Betonicam* , ab ea , quam hoc nomine
designarunt Veteres , diversam , non multae
sane virtutis stirpem , quia eius folia Verticil-
latis reliquis longe minus aromatica , et pa-
rum amara in pulvorem trita dum sternuta-
tionem movent , ac nares emungunt , nil pro-
prii praestant . Neque ab istis *Marubium*
vulgare , seu *Marrubium album* seiungam ;
quod sane mirum videbitur reputanti , quae
de eiusdem foliorum viribus ad incidendum ,
atque ad resolvendum aptissimis , praesertim
in pulmonum congestionibus , asthmate hu-
mido , difficiili expectoratione , phthisi ulcerosa ,
empyemate , obstructionibus abdominalium
viscerum , iecinoris scirro , in ictero , atque
in hydropisi a Veteribus , Recentioribusque
fidenter prolata sunt . Verum qui animadver-
tat amaram , et leviter acrem stirpem in illis
morbis adhibitam aliis adjunctam tuitaribus
medicamentis fuisse , ubi profuit , imo ple-
rumque spem frustrasse , tum a me largiter ,

diuque datam nullum ex illis morbis sanasse, et nullam pariter in iisdem opem CULLENIO praestitisse, quod ita sentiam desinet mirari.

846. Potius Medici utantur, et quidem fidentius, *Salvia officinali* seu *Salvia*, neglectis caeteris debilioribus eius speciebus, alias ut succedaneis in Officinas invectis, nempe *sclarea*, *verticillata*, seu *Hormino sylvestri*, et *hormino* seu *Hormino sativo*, dummodo tamen illa omnia a *Salviae* foliis sibi in morbis non policeatur, quae olim quidam expectanda esse docuerunt. Ab ipsis enim foliis valide, atque insuaviter odoris, aromaticis, et cum leni adstrictione amaris paralysis, arthritidis, convulsionum, contagis, atque ulcerum, morborumque malignorum sperare remedium vanum est; etsi adversus spasmos, ac putredinem aliquid *Salvia* possit. Censere cum Aliis eadem folia, quae a pugillo ad medium manipulum infundi, atque in pulvere a scriptulo ad drachmam praescribi solent, Theae chinensi succedanea esse veritati adversatur. Item quibusdam concedere diarrhaeas, et leucorrhæas sistere, ac febres intermittentes, quas ego sanare nunquam potui, certo submovere, est concedere quod experientiae repugnat. Ad lactis vero secretionem prohibendam, atque ad infantum aphtas præcavendas et sanandas, quanti foliorum decotus fieri debeat, non satis mihi evictum videtur. Credas igitur in virium languore, in stomachi imbecillitate, aliisque morbis a

debilitate, laxitate, defectu stimuli, et conge-
stione humorum Salviam stimulando, robo-
rando, ac leniter adstringendo proficuum,
atque externe etiam instar fomenti utilem,
tum speciatim cum SWITENIO, aliisque cre-
das eam nocturnos revera cohibere sudores,
qui a fracto robore, et ab anteacto morbo nati
vires magis prosternunt, et tabem minitan-
tur. Etsi enim eiusmodi effectum vino po-
tius, quam Salviae malit referre CULLENIUS,
aut saltem non satis evictum censeat; de-
monstratum tamen habemus experientia Ill.
QUARINII, qui eandem utilitatem ex Salvia
aqua infusa obtinuit. Cuius quidem observa-
tionibus proprias etiam una consentientes
addere possem si nefas non esset discipulo
Summo Praeceptor iam suo, Artis usu, at-
que auctoritate insigni aliquid addere.

847. Transeo nunc ad eas Stirpes com-
memorandas, quae ex Verticillatis supersunt,
quaeque efficacitate non parum inter se dif-
ferunt. Etenim *Rosmarinus officinalis*, seu
Rosmarinus hortensis odoratissimo oleo, aeta-
te camphoram redolente, abundans in flori-
bus, qui Anthos dicuntur, seu potius in
calycibus, atque in foliis, quae usu magis
probantur, cum insigni fragrantia saporem ha-
bens camphorae, calidum, et acrem cerebrum
et nervos afficit, stimulat, roborat, discutit,
et putredinem cohabet, ac proinde in nervo-
rum affectibus, atque in iis generatim omni-
bus prodest, si interne, externeque usurpetur,
quibus dixi Salviam opitulari. Quare minus

recte negligitur hic loci, ubi, si externum excipimus usum, solummodo usurpatur Aqua Reginae Hungariae, seu Spiritus Rosmarini, qui languidos, animo linquentes, et syncope correptos, nonmodo olfactus, aut illinitus odore solatur, atque externe discutit, et roborat, verum etiam in convulsivis affectibus ad drachmam unam, vel alteram cum aquae cyatho haustus stimulat, viresque reficit. Herba vero, quam suppediat *Glechoma hederacea* seu *Hedera* terrestris succulenta, parum aromatica cum levissima acrimonia, et amaritie in succo ab uncia ad tres, atque in infuso recens a manipulo uno ad duos vel tres, aut exsiccata a manipulo dimidio ad sesquialterum, magnum utique nomen in haemophthisi, in phthisi, in empyemate, vomica, ulcere renum, et vesicae, calculo, atque inveterata cephalalgia consequuta est. Num iure? Mibi sane non videtur. Quae enim curationes eadem absolute narrantur, non solo hederae usu peractae sunt, at melle, saccharo, lacte, eius sero, aliisque quam plurimis egregiae virtutis medicamentis. Si profecto solam adhibuissent tum sane cognovissent quod ego diutina experientia didici, in allatis casibus abunde diuque datam vix sputum interdum promovere, et urinas paullum augere, nec quidquam aliud boni efficere; quemadmodum eadem nihil efficit recens contusa, atque applicita in ulceribus, fistulis, scrophulis, et haerniis, in quibus fidentissime olim commendabatur.

848. Nec maiorem opem Medentibus afferunt reliquae Verticillatae . Nam quod olim a Medicis quibusdam tradebatur de egregia vi florum , foliorumque *Lamii albi* seu Archangelicae , aut *Urticae albae* in haemorrhagiis internis , itemque in scrophulis , id plane a Clinicis sapientioribus observationum subsidio falsum habetur . Quod pariter de *Leonuro cardiaca* seu Cardiaca , amara , et leviter foetida herba , quae obsoletis Stirpibus iam erat adscripta , hic loci superioribus annis traditum est , eius scilicet folia in pulvrem resoluta et *Corticis Peruviani* dosi , aut paullo maiori adhibita , vel ex vino infusa , vel decocta febres omnes , quae intermitterent , ac speciatim ab obstructis visceribus , aut a cachexia natas facile et certo sanare , id ego tum propriis periculis , tum aliis quam plurimis a Medicis me auctore alibi susceptis veritati non respondere iamdiu demonstravi . Quod praeterea de *Prunellae vulgaris* seu *Prunellae* leviter amarae , atque austerae in haemorrhagiis internis , alvi profluviis , faucium inflammationibus , vulneribus , ulceribusque facultate alias tradebatur , quo iure traderetur , cum apud nos in usum haec herba non veniat , non facile dixerim . Quod demum de *Scutellaria galericulata* seu *Tertia-naria* , herba valde amara odore alii vel nupet quidam apud nos protulerunt , eam nempe ad manipulum ex aqua decoctam , vel in pulvere instar *Corticis Peruviani* usurpatam contra febres intermittentes plurimum valere ,

ego non potui post multa exacta pericula confirmare.

849. Hactenus de Verticillatis, quibus ideo addam ex Oleraceis Camphoram quatenus inter eas Stirpes, quae viribus excellunt non minus ab oleo aromatico volatili, quod habent, quam a Camphora, quam pariter continent, vim suam potiorem agnoscent. Etenim Camphoram multis praeditam facultibus ad Stimulantia iure optimo pertinere contendeo, nec quidquam CULLENII in hac re nimium vanitate hypothesis impulsi, ac perperam omnium fere Clinicorum auctoratem parvi habentis contrariis rationibus commoveor. ob quas sedanem dumtaxat virtutem huic pharmaco tribuens nullam stimulandi eidem concessit. Porro concrementum illud ex Iapone advectum e *Lauro Camphora* sumptum, cuius originem, et historiam plenissima doctrina MURRAYUS prosequutus est (a), in Officinis prostans Camphorae nomine, concrementum, inquam, est album, laeve, solidum, paullo pingue, fragile, tenax, pellucidum, almodum fragrans, halitumque quasi Rorismarini late effundens, gustui aromatum, atque amaricans, initio fervoris validi, dein frigoris sensum in ore excitans, inflammabile, in auras avolans, aquae innataos, eique saporem odoremque tribuens, quin penitus solvatur, quemadmodum alcohole ad du-

(a) Appart. Vol. IV. pag. 445. et seq.

duplum ponderis adhibito facile, ac plane solvitur, non secus ac in oleis fixis, et stillatitiis, aliisve liquoribus, ut Chemici docent, solutionem accipit, ac mucilagine, et syrupis subigitur.

850. Huic igitur materiae singularem prope naturam habenti nec satis evolutam, etiamsi quibusdam olei volatilis, aetheris, et resinae proprietatibus non careat, perperam, ut dicebam, stimulandi vim denegat CULLENIUS. Postquam enim stimulantes iudicavit Verticillatas, quae camphoram vehunt, cur non hanc quoque stimulantem habuit, quae rursum oleorum volatilium proprietates habet, nec amaro principio destituitur? Si praeterea cognovit acrimoniam, quam ipsa in ore relinquit, fervoris sensum, quem excitat, dolorem, irritationemque, quam stomacho recepta in superiori eiusdem orificio protinus infert, calefacientem et stimulantem vim ostendere, cur postea eam nulli habendam esse contendit? Si ulceribus admotam caleficere, irritare, et inflammationem evidenter movere cognovit, cur ab ea eiusmodi effectus excitari interne recepta non existimat, imo plane contrarios edere affirmat? Cum praeterea in periculis cum vario Animalium genere ad actionem eruendam Camphorae tum primum a MENGHINIO (a),

Tom. II.

Y

(a) Comm. Acad. Bon. T. III, et IV,

tum dein fusius a me ipso (*a*), tum demum ab Ill. MONROO (*b*) institutis manifesta, ac pene innumera phaenomena viderit, quae summam inesse Camphorae stimuli potentiam arguunt, qua ad furorem usque anima-
lia convellit, qua cordis arteriarumque mo-
tum intendit, qua, ubi confestim deleto sen-
su nervorum non illico lethum afferat, partes
inflammat, qua insitam carnibus vim insigni-
ter auget, qua post ipsum etiam animantis
interitum irritabilitatem adhuc vividam in
animalium quorundam corde relinquit, cur
stimuli praesentiam studens veritati potuit
inficiari? Cur denique, quae in homine ipso
ex Camphora assumpta observata a plerisque
Medicorum, de viribus scilicet auctis, de
concitato pulsuum motu, de inflammationis
praesentis incremento, atque ex eius abusu
de accersitis inflammationibus, deliriis, aliis-
que iniuriosam, validamque vim praemon-
strantibus signis ita CULLENIUS neglexit, ut
ab iisdem nullo modo propriam sententiam
infirmari existimaverit?

851. Quia, inquit, Camphora stomacho
excepta actionem suam instar vaporis, ut
ego demonstravi, diffundens in nervos so-
lummodo stomachi agere videtur, atque per
eos ad universum eorum genus propagare

(*a*) De Animal. ex Meph. iater. Lib. III. Cap.
III. de Camph. pag. 191. et seq.

(*b*) Essays and Obs. phys. and. liber. Vol. III.

vim suam sedantem, qua largiter data digestionem, quod ipse quoque certius in Animalibus evici, impedit. Quia hoc modo in sensorium Camphoram operari ostendit mors Animalium stupore et somno praegressa, tum ostendit propior eiusdem caussa a nerveae facultatis mobilitate deleta. Quia delirium, furor, et convulsivi motus, qui stimulantem vim portenderent a lucta, et renisu virium vitalium, et sedantis potentiae inter se verius pendent. Quia a pharmaco ad viginti grana ab HOFFMANNO, atque a se ipso exhibito, tum ab eodem usque ad semunciam a COLLINIO dato nec corporis calor increvit, nec celerior pulsus evasit. Quia GRIFFINII, atque ALEXANDRI experimenta probant idem remedium magna copia ingestum calorem ad sensum non augere, et pulsuum frequentiam imminuere. Quia ipse pleniori manu hocce medicamento feminae porrecto pulsum, quo ad robur, insigniter infirmatum, et pulsationes rariores factas observavit. Quia observationes ab Ill. QUARINIO, aliisque in contrarium adductas ipse confirmare non potuit, quia phaenomena, quae in Animalibus accident multas ob causas differunt, quia inflammationes in iisdem repertae a Camphora proxime deduci non possunt, quae a renisu iam proposito originem ducunt. Quia denique, quae in nudis ulceribus, vel sensilioribus partibus internis excitat Camphora ab iis dissentient, quae aliis admota suscitat.

852. Sed qui ita cum CULLENIO sentiunt animadvertant quaeso horum quaedam ostendere Camphoram nervorum sensum proxime afficere, ac sedantem exerere virtutem, quin tamen eius stimulandi vim excludant. Maxime vero quod, praeter illa, quae iam adduxi (§. 850.) inflammatio in Animalibus, quae non confessim Camphora sustulit, visa generatim fuerit in iis partibus, quas eadem attigerat, nec ab imminuta nervorum facultate vere queat derivari; quod quae in iisdem Animalibus symptomata ostendunt ingens virium incrementum a renisu nervae facultatis laesae, et valde imminutae, ac sedantis potentiae recte explicari non possint; quod ictus arteriarum a Camphora non semper decidere viderint GRIFFINIUS atque ALEXANDER, qui pulsus citationis facti (a), ac sopore praesente ad centum ictus accelerati (b) etiam meminerunt; quod acceleratio pulsus a plerisque visa, congestio insignis ad caput, sudor ex ea motus, aliaque calidum stimulum ostendant; quod omnium Clinicorum consensu viribus nondum fractis, vigentibusque cum pulsu pleno, ac valido evidenter Camphora noceat; quod eadem maxime prosit quando in morbis irritabilitas imminuta est, aut in suis motibus segnescit et languet; quod Ill. QUARINII observata in dubium revocari

(a) Diss. de Virib. Camph.

(b) Op. cit. p. 141.

non possint, eademque cum plurium Clinorum experimentis convenient, qui etiam torpentibus viribus, et languidis cordis arteriarumque motibus tutius, rectius, atque utilius eam dari cum BURSERIO tradiderunt; quod nimis saepe viderim, ac mecum videant, qui me in Valetudinario Aegris quam plurimis medicinam facientem sequebantur, tum superioribus annis, tum hoc ipso, rheumatica morborum constitutione existente, in istis, aliisve morbis acutis, febrilibus, gastricis, atque etiam inflammatoriis manifeste indicata Camphoram a viginti ad triginta grana partitis vicibus intra diem insumptam et evidenter, et nimium interdum, quam oportebat, calorem auxisse, et pulsum insequente sudore, incitasse; quod sanis, et plethoricis stimulando nocuam vel ipse non diffiteatur COLLINIUS, cui tanti tribuit CULLENIUS, imo moneat ipsis nonnisi vasis sanguine depletis, et congrua nitri quantitate remixtam dandam esse (a); quod demum observaverim in ulceribus sordidis putridisque impositam camphoram non irritare solum, et inflammare, (in melius mutata morbi facie, et certa inducta spe sanationis) loca, quibus admovetur, sed irritationem, et irritabilitatis incrementum attulisse in universo systemate, cum eam olim Artis usu, et candore animi insignis Praeceptor BURSERIUS ad antiqua, et dira

Y 3

(a) Camph. vires pag. 148. et seq.

ulcera inferiorum artuum emendanda, et cicatrice implenda cum externo eius usu internum quoque sat copiosum utilissime una institueret, eademque mira prorsus celeritate persanaret.

853. Quae quidem omnia non eo sane animo profero, ut Camphoram sedare denegem, sed, ut vim, quae in eadem pariter praesto est, stimulandi, ac certis sub conditionibus calefaciendi, et incitandi defendam a contrariis argumentis magni Viri, sicuti semper mihi CULLENIUS erit, cuius auctoritas potuisset minus exercitatis, aut Tyronibus dubitationem non levem movere circa vires, et rectam administrationem pharmaci, quod iure usitatissimum, et probatissimum est. Secus enim vel ipse sedantem vim in Camphora admitto, eamque revera nervorum sensum consopientem adeo, ut, eodem ob nimiam ingestam dosim vel protinus, vel paullatim deleto, nunc brevi, nunc tarde Animalia intereant, alibi experientia multipli ci doctus ultiro admisi (a), sed eam etiam cum stimulandi facultate, quae in fibrarum muscularium genere se prodat, coniunctam in Camphora reperiiri contendeo. Etenim nihil video, quod rationi repugnet in eiusmodi sententia, quae uni pharmaco duplicem potentiam concedit, quarum una in nerveis, alia in carneis fibris se exerat, atque ita qui-

(a) Op. cit. pag. 208. et seq.

dem se exerat, ut dum illae, quae irritabiles non sunt, atque a stimulis non paucis infirman- tur, mobilitatis, et sensus detrimentum acci- piunt, istae, quas natura contractiles effecit, stimulo obtemperantes, et necessario assuetas validius contractae suos motus vividius, et celerius obeant. Si enim idem CULLENIUS non modo absurdum non censuit, sed plane consentaneum veritati in quibusdam pharma- cis, tum speciatim in Vino, in Opio, ac maxime in Alchole sedantem, et stimulan- tem potentiam coniunctim occurrere, atque alterutram distincte agentem ex effectibus in homine evidenter prospexit, cur ego non potero utramque vim coniunctam in Cam- phora admittere, quemadmodum iure sibi vindicant quae in sanis et aegris Homini- bus, quaeque in vario Animalium genere ex ea eveniunt?

854. Nihil profecto vetat sive a dupli- ci, sive ab uno tantum actionis principio utramque vim derivemus. Sive enim quis- quam velit ab eodem stimulo explicare, quomodo eius actio nervis applicita horum sensum sedet, ac leniat, contra vero irritabi- litatem muscularibus insitam fibris incitet, et augeat, sive existimet Camphorae medicata quaedam principia nervos, quaedam muscu- los afficere, mihi perinde est. Nec repugna- rem ab eo, qui existimaret Camphoram ita quorundam medicaminum virus habentium agendi rationem aemulari, ut certa dosi, et certis sub conditionibus, certoque modo

adhibita convellat et stimulet, secus sedet, et consopiat. Quemadmodum vero Opium si parcus, quam oporteat sedandi, et comprehendendi fine detur, stimulat, exagitat, febrim magis accedit, et dolorem potius auget, quam copiosius datum protinus lenit et tollit; nonne pari modo Camphora forte operabitur? Profecto in hanc sententiam facile veniet, qui animadvertis eam quoties protinus una vice, aut intra exiguum temporis spatium largissime data est, eiusdem nempe quatuor drachmis, aut sex, et ultra (non imitanda sane generatim methodo), intra diem insumptis, ut cum Phraeneticis actum est, toties solos fere sedantes, et quidem magnos, effectus edidisse. Tunc enim infirmato protinus sensu nervorum, quid mirum si confessim eius mobilitas insigniter infringatur, dolor cessen, et interdum praesto sint omnia, quae sensuum imminutionem arguunt, et vitae principium in suis motibus deficere significant? Cum vero nervorum imperio arteriarum et cordis motus, ac maxime muscularum nutum obsequentium voluntatis ita obtemperent, ut ab eo moderentur, aut incitentur, praesertim in perfectiori animante ac potissimum in Homine, cur mirum si tunc stimulantes hisce in partibus eiusdem Camphorae effectus exerci non possint, immo harum quoque vires una conspirantes segnescant, atque infirmitatis cerebro et nervis illatae participes evadant?

855. Nec quidquam mihi officiet si

quisquam credat cum MURRAYO (a) (cui
 sane nimis cito litteris et Mater. Med. incre-
 mentis abrepto de me , vel paullo ante obi-
 tum (b) , nimis comiter iudicanti voluisse
 aliud quam lacrumas offerre) ex Camphora
 „ in brutis , hominibusque obvia phoenomena
 „ multis momentis congruere cum iis , quae
 „ Opium excitat : eadem fere utrobivis effe-
 ctus celeritas , quae impressionis in nervos
 „ documentum praebet ; eadem sub parva
 „ quoque dosi potestas ; eadem in sensu so-
 piendo , in vi irritabili autem excitanda
 „ efficacia . Quae tamen duplex vis contratio-
 „ ordine se se conspiciendam dat in Cam-
 phora , quam in Opio ; quippe in hoc lan-
 guor systematis nervosi excipit irritationem
 „ praegressam , in ista praecedit languor ,
 „ subsequitur incrementum irritabilis muscu-
 „ larium fibrarum virtutis . Nec quidquam
 officit illi , quam posui , de actione Campho-
 rae sententiae , quod vera , atque intimior
 caussa actionis perspecta non sit , aut referri
 debeat eiusdem electricae naturae , ob quam
 ad Electrica corpora non inferioris ordinis
 pertinere III. VOLTA , aliquique demonstra-
 tur (c) , quae singulari modo principium
 illud electricum afficiat ab III. GALVANIO in
 Animalium , Hominumque nervis nuperrime
 detectum ; qua de re experimenta , quae instia-

(a) Op. cit. Vol. IV. (b) Vol. VI. pag. 86.

(c) Mur. Vol. IV. loc. cit.

stui, alibi referam. Hoc mihi concedatur satis est, quod nequit denegari, ex iis, quae hactenus protuli, facile intelligi Camphoram sedantes et stimulantes effectus ita edere, ut ad Stimulantia etiam medicamenta suo maxime iure pertineat; ex utroque agendi modo non obscure assequi, cur magno dissensu Medicorum quidam refrigerantem, alii calefacientem eandem Camphoram dixerint; tum demum quanta non minus sagacitate, quam veritate suam olim de eiusmodi pharmaci agendi ratione proferens opinionem Immortalis Praeceptor BURSERIUS, et quidem post innumera in Aegris capta pericula proferens, docuerit Camphoram fibrae muscularis irritabilitatem augere, nerveae vero sensilitatem compescere (a).

856. Fidenter itaque potero ad Stimulantia remedia Camphoram quoque revocare, atque eam quibusdam in casibus hoc fine proficuam credere, proindeque caussam intelligere, cur eadem cum caeteris aliis facultatibus coniunctam habens stimulandi vim in quibusdam morbis certius auxilium afferat. Cur siquidem in febrium continuarum vario genere dum putredinem potenter avertit, aut eiusdem initia tollit, turbasque nervorum consopit, convulsionesque removet, utpote quae antiseptica, sedans, atque antispastica est, vi muscularibus fibris insita provide ex-

(a) Thes. de Camph., eiusque virib.

cassa earum solutionem adiuvet, et sudores opportune invitet. Cur eadem Camphora in exanthematicis morbis, ubi variolae, morbilli, purpurae, aliaque exanthemata confestim retrocesserint, ea ad cutim revocet, aut lente erumpentibus utilem ac saepe parem eruptio- ni procurandae stimulum largiatur. Cur in morbis aliis, etiam quibus caussam inflamma- tio praebuit, et parva dosi, et apto tempore et subinde, si expeditat, cum nitro coniuncta innocuo stimulo motus incitet languentes naturae, unde lenti discutiantur humores, haerentes dimoveantur, ac critice per sudo- rem erumpant qui excretione indigent. Cur in rheumaticis affectibus, qui a subita refri- geratione corporis pendent, saepe auxilio sit. Cur rursus morbis generatis opituletur, in quibus imminuta speciatim irritabilitas, vel inertia eiusdem ad contractiones et mo- tus animadvertisit, sive in universo corpo- re, sive in aliqua eius particula.

857. Neque minus perspicue ex consti- tuta Camphorae agendi ratione assequi poten- ti, quomodo eadem vel externe adhibita stimulo suo saepe utilissime discutiens reme- dium tribuat si vel per se, vel aliis admixta medicamentis imponatur aut sacculo, aut malagmate, aut cataplasmate excepta, ut in faucium, proximarumque partium congestio- nibus fit, caute tamen, ne odore suo, aliisve modis Aegrotantibus officiat. Quomodo prae- terea in tumoribus, qui resolutioni resistunt, interdum in ipsis oedematosis, aut per se,

aut aliorum additamento resolutionem afferat, atque in ulceribus antiquis, sordidis, corruptisque vel inspersa, vel alio modo applicata, ubi stimulare, et leviter inflammare putredinem simul corrigendo expediat, summam utilitatem afferat, iisdemque non raro medeatur, praesertim si una interne rite usurpatur. Quomodo demum in eius usu convenienter generatim duorum, vel trium dosi granorum, vel paullo ultra quavis vice eam exhibere, et deinde eius dosim intra diem iustis intervallis caute repetere, neque audacter nimis ad plures drachmas die eam propinare; tum eadem, quae nunc instar boli, nunc fluida forma datur, rectius interdum exhibeat cum nitrate potassae, aut saccharo, aut gummi, vel cum emulsione, aut mucilagine ex gummi arabico, vel aceto soluta, et syrupo mitigata. Hactenus de Camphora, de qua alibi iterum dicam.

858. Accedam modo ad Umbellatas expendendas Stirpes, non quidem omnes, at eas solum, quae stimulando potissimum inserviunt, aut saltem olim huic usui inservire consueverant. Etenim *Eryngii campestris* seu *Eringii* radix licet dentibus confecta aliquid aromaticae acrimoniae prodat, nunc neque aphrodisiaca, neque in morbis nervorum stimulando proficia censemur. Nunc quoque semina *Dauci carotae* seu *Dauci sylvestris*, tum *Tordilii officinalis* seu *Seseli cretici*, tum *Athamantae cretensis* seu *Dauci cretici*, tum *Athamantae oreoselini* seu *Oreoselini aromaticae*

fragrantia ex oleo aromatico volatili, quod continent, alias inflationibus ex aere dissipandis, et urinis, calculisque expellendis utilia iudicata, exoleverunt. Prorsus etiam negligitur radix sive *Peucedani officinalis* seu Peucedani, quae fervida, atque insuaviter aromatica spastica affectione, obstructione, et cachexia laborantibus subvenire dicebatur, sive *Laserpitii latifolii* seu *Gentianae albae*, quae aromatica cum acri amaritie ad roborandum stomachum, et menstrua, urinasque pellendas accommodata, nec quidem sine caussa, iudicabatur, sive *Laserpitii Sileris* seu *Sileris montani*, quae seminibus odoratissimis magis adhuc fervida stimulando sane par, et ad salivam ciendam ab *Alpicolis* usitata, nunquam hic adhibetur.

859. Quamquam etiam satis certam habent vim stimulantem quaedam aliae Umbellatae, nobis tamen inusitatae sunt. Siquidem *Ligusticum levisticum* seu *Levisticum*, in cuius herba, radice, et seminibus cum odore proprio insuaviter fragrante, et aromatico sapore stimulandi vis ad fatus discutendos, atque ad sudorem pellendum non desideratur, nunquam praescribitur. Raro vero praescribitur *Angelicae arcangelicae* seu *Angelicae sativae* radix, quae herba, et seminibus magis fragrans, aromatica, amara, calidior, et acrior, ac proinde medicatior iudicata, in pulvere a medio scriptulo ad drachmam, atque a dimidia drachma ad duas infusum plurimi alias fieri consuevit, in morbis

omnibus, in quibus stimulare expedit, nec immerito ob gratum, quo donatur, aroma, cui respiciens insigne olim Patriae nostrae decus COSTAEUS eam supparem Costo habuit. Vix autem non obsoleta est radix *Imperatoriae ostruthii* seu *Imperatoriae*, quae qualitatum, viriumque ratione ab Angelica non differre censemur, imo iuxta quorundam sententiam validius et certius agere creditur.

860. Ad eas vero Stirpes, quarum stimulans facultas dubia est, revoco *Sium ninsi*, seu *Ninsi Radicem*, quae ex *China*, et *America Septentrionali* allata leviter aromatica, et dulcis inter tot *Sinensium* et *Iaponensium* paeconianti eam facientium, ut ad stimulandum, et roborandum reliquis remedii anteferant, atque eius usum longaevitatem adducere credant, neque istis donata viribus, neque aliis certo praedita nobis censemur. Nec minus dubia, aut pluris facienda videntur nobis quae iidem *Sinenses* de altera radice tradunt cum *Ninsi* saepe confusa, et *Ginseng* nomine cognita, quam sane non ad *Umbellatas*, sed ad *Hederaeas* pertinere Stirpes, at vere desumi ex *Panace quinquefolio* in *China* et *Septentrionali America* compertum habemus. Quae enim ipsi tradunt de eiusmodi radice, cui *Ninsi* facultates concedunt, ac praeterea ad vires animi, et corporis protinus excitandas, ad vertiginem, vomitum, et convulsivos affectus removendos, atque ad frigidam venarem excutiemad eximium prorsus, et certum pharmacum habent, eadem sane su-

perstitionem earum Gentium credulitatem, non radicis praetium ostendere censemur.

861. Rectius igitur Seminibus quarundam Umbellatarum, utpote calidis, aromaticis, fragrantibus, plus minusve amaris, et distillatione iisdem qualitatibus praeditum erogantibus oleum stimulandi potentiam, qua fatus resolvant, qua stomachum roborent, qua hystericas Feminas, atque hypocondriacos Viros levent, et qua externe adhibita utiliter quoque discutiant, Europae Clinici referunt. Eiusmodi sunt semina, quae *Sison ammi* seu *Ammi verum*, *Ammi maius* seu *Ammi vulgare*, *Bubon macedonicum* seu *Petroselinum macedonicum*, *Cuminum ciminum* seu *Cynamum*, *Phelandrium aquaticum*, atque *Aethusa nemorosa* seu *Meum athamanticum*, medicamentariis Officinis suppeditant: quae quidem vix indicanda duxi, quia video eadem apud nos nunquam praescribi. Ex aliis siquidem Umbellatis stimulandi caussa semina, easque radices desumimus, quibus ad medendum utimur. Desumimus quippe ex *Coriandro sativo* semina *Coriandri*, quae exsiccata suaveolentia, aromatica, amaricantia ad confirmandum stomachum, ad inflationes discutiendas, atque ad incitandum sudorem raro quidem, ut alias fieri consueverat, contusa, atque ad unam alteramve drachmam infusa nunc hauriuntur, sed tamen dupla dosi ad infusionem adhibita crebro, et utiliter ad ventris spasmos, inflationesque ex aere dissipandas in alvum immittuntur. Contra ex *Anetho graveolente* seu

Anetho nunquam fere ad eadem mala probata semina desumimus, et raro pariter ex *Anetho foeniculo* seu *Foeniculu* semina ad illos usus petimus, eadem potius adhibentes frequenter ad cibos condiegos, atque ad *Aquam Foeniculi* parandam, quae ad mixturas componendas in adductis casibus non male recipitur. Relinquimus vero aliis Europae Populis semina modice calida, et amara, ac grato aromate praedita *Cari carvi*, seu *Carvi*, quae nec cibis, nec pani addimus, nec ad spasticas ex flatibus molestias levandas, aliaque mala resolvenda usurpamus. Nec *Pimpinellae* tum *Saxifragae*, seu *Pimpinellae* *albae*, tum *magnae* seu *Pimpinellae* *nigrae* sive *seminibus*, sive *radicibus* alias adhibitis, nec quidem ob aromaticum, quem secum vehunt, stimulum inefficacibus, utimur.

862. Crebro vero utimur *Pimpinellae anisi* seu *Anisi vulgaris* *seminibus* praesertim ex Hispania, aut Sicilia allatis quoniam dulci aromatico, et fraganti odore gratissima dum impune stimulant vel mansa, vel una, alterave drachmam infusa et hausta leniter roborant, flatus dissipant, lento et crassos humores incident, ac discutiunt, atque in ore detenta, etiam si saccharo obducta sint, pravum halitum emendant, gratiam remediis invisis, quae in pulvere, aut alia forma sumenda sint, addita conciliant, impediuntque inflationes moveant. Lactis etiam secretionem ex laxitate imminutam, non secus ac reliqua Umbellatarum semina, augere dicuntur. Ero.

Erogant praeterea Aquam stillatitiam aromaticam, atque efficacem si ad aliquot uncias assumitur, tum Oleum stillatum vix acre, caeteris aromaticis oleis minus, quod cum saccharo ad aliquot guttas fatus, et inde ortas molestias, et colicas discutit, ac similiter ventri illinitum prodest, tum Sulphuri sublimato additum Balsamum sulphuris anisatum constituit. His vero seminibus cur substituendus sit fructus ex *Illicio anisato* ad Coadunatas Stirpes pertinente sumptus, atque in Officinis Anisi stellati nomine cognitus, et Badian etiam dictus ex Insulis Philippinis allatus ego sane non video. Eius enim capsulae cum seminibus, etsi saporem et halitum referant Anisi vulgaris, viresque aemulent, huic tamen cedunt gratia, cedunt virtute.

863. Cui praeterea bono cum tot alia validiora, tuta, et gustui grata suppetant semina Umbellatarum, de quibus hactenus dixi, retinenda in Officinis adhuc sint *Apii petroselini* seu Petroselini, aut *Apii graveolentis* seu Apii semina, aut *Bupleuri rotundi folii*, seu *Perfoliatae* ego pariter non intelligo. Nam neque huius semina adhibentur, neque usurpantur Petroselini, et Apii, etsi utraque contra fatus, et congestiones humorum stimulando, atque incidendo prodesse queant, eorum qualitatibus perspectis, atque olim revera usurparentur. Harum quippe Stirpium herbis et radicibus ne quidem stimulandi fine utimur, quae, ut notum est,

atque alibi dixi, condimentorum numerum augent, vel aliis Medicinae usibus suo loco indicandis aliquatenus possunt prospicere.

864. Ad Siliquosas deinde veniens Stirpes, harum pariter pleraequae stimulandi facultate praestant. Stimulum quippe, ut notum est, a principio oleoso aromatico volatili, quod iam ipse odor penetrans indicat, acris sapor ostendit, ac distillatio patet, quodque omnibus stirpium partibus haerens, et acrimoniam tribuens exsiccatione, aliisve modis facile perit, ipsae Siliquosae accipiunt. Quae quidem Stirpes propere putrescentes (cum tunc ammoniacum destillatae praebeant alcalescentes vocatae), queunt nihilominus certa ratione fermentescentes acidam naturam assumere, acidumque largiri, imo nonnullae, quae minus acres apparent, et succo magis abundant, non exiguum copiam saccharinae materiae, ut CULLENIUS apposite observat, in se habent, qua etiam scorbutum melius certiusque avertant, et sanent, ne dicam principia alia in quibusdam siliquosis praesto esse non satis adhuc, quo ad omnes proprietates, comperta. Qua quidem in re exemplo sit Nitras potassae, quem Cl. MARABELLIUS e *Sisymbrii nasturtii aquatichi* succo recenti evaporationi tradito, depurato, ac sibi relicto aliquot ab hinc annis obtinuit.

865. Idem porro *Sisymbrium nasturtium aquaticum* seu *Nasturtium aquaticum*, quod minus recte alicubi ex *Cardamine pratensi*, utpote debiliori, desumi iam ab aliis animad-

versum est, herbam praebet, quae recens odore proprio contrectantibus volatili, et sapore amaro pungenti donata in acetariis comesta, vel in succo ab uncis duabus usque ad quatuor assumpta, cum aliis modis singulare, quod habet, volatile acre principium exuat, nisi in conservam redacta sit, qua forma diu servatur, ad avertendum, et curandum scorbutum eximia est. Maxime vero si eius succo Acetosae, aliarumve Acidarum stirpium succi admisceantur, atque ille praesertim, qui ex Citro aurantio expressus sit, cui potior, ut compertum est, adversus scorbutum virtus tribuitur. Neque tantum in scorbuto et affectibus, qui ab eiusmodi labo originem ducunt Nasturtium aquaticum egregii usus a Clinicis habetur; verum etiam diu datum in obstructionibus viscerum, et chronicis pectoris, aliarumque partium morbis, in quibus leni stimulo tenuare, ac resolvere conveniat, ab iisdem proficuum censetur.

866. Parvi vero nunc facimus *Erysimi* duplice^m speciem, *officinale* seu *Erysimum*, et *alliarium*, seu *Alliariam*, quoniam e prioris herba paullo acri incidendi, atque expectorandi caussa in pectoris pituitosis morbis alias multi facta, **LOBELIO** praesertim auctore, vix expressum succum aliquibus in Insubriae locis adhibent ad conficiendum syrupum de *Erysimo Lobelii*, qui nisi, ut post **GEOFFROYUM** animadvertisit **MURRUS**, simplici methodo ex succo, et melle,

aut saccharo conficiatur, caeteris rejectis, probari non potest. Semen vero eiusdem *Erysimi*, quod *Sinapi* succedaneum dicitur, inusitatum nobis est; quemadmodum usu non venit *Alliaria* sapore in *Allium* incidente, et amaritie aliqua non carens, quae et discutiens, et stimulans olim habita intus assumpta, celebrior adhuc ob eiusdem vim a Cl. Medicis adsertam in putridis, malignis, et cancerosis ulceribus, si contusa imponeretur, evasit. Quare eam a BOERHAAVIO, et BAVHINO commendatam iterum vellem a Chirurgis periclitari. Parvi etiam facimus herbam *Cardaminis pratensis* seu *Cardaminis*, aut *Nasturtii pratensis*, quae alibi, ut monui, *Nasturtii* aquatichi loco sumitur. Quanti vero habeamus eiusdem *Cardaminis* flores nuper egregie antispasticos iudicatos proprius alio dicemus.

867. Itaque neglectis ad medendum tum istis, tum plerisque *Siliquosis*, ac speciatim *Raphano sativo*, *Brassicae* variis speciebus, *Cochlearia armoracea*, et *Thlaspi*, tum *arvensi*, tum *bursa pastoris*, aliisque stirpibus, adhuc maiori ab hinc tempore obsoletis, e *Siliquosis* solummodo, praeter iam dicta, *Sinapis nigra*, *Lepidium sativum*, et *Cochlearia officinalis* in usum veniunt. Verum cum de *Sinapis nigrae* semine leniter amaro, fervido, et acri, vereque stimulante, tamquam condimento alibi dixerim, eiusque tum extrinsecus, tum intus adhibiti varii usus alio loco opportunius sint expendendi, de *Lepidio* vero

nativo seu Nasturtio hortensi monendum tantum occurrat, herbam qualitatibus, viribusque consentire cum affinibus Siliquosis, et semen quod acrimonia herbam superare dicitur, nunquam usurpari, de una *Cochlearia officinali* seu hortensi superest ut breviter dicam. Eius enim herba amara, acria, oleoso volatili penetrante principio admodum dives, nec acido carens, virtute reliquis eiusdem Ordinis Stirpibus efficacior, iisdemque in scorbuti curatione praestantior est, sive detur sola, potissimum in succo, sive cum lacte, vel cum succis aliis antiscorbuticis, vel acidis vegetabilibus ex Citro aurantio, aut Limonio, vel ex Acetosa, Acetosella, et similibus, qui dum fervida eius acrimoniam moderantur, vim adversus scorbutum, nisi certiore, validiore, reddant, non enercent. Cum vero facile penetret volatili principio, atque utiliter stimulum intromittat, quo discutit, resolvit, urinas efficaciter pellet, rheumatismo vago, arthritide, paralysi, cachexia, obstructione viscerum laborantibus, tum febri intermittente ex humorum vitio, aut ex scorbutica labe obnoxiiis saepe auxilio esse solet; tum praeterea antiseptica in aliis morbis valet, ac praesertim in scorbuticis oris ulceribus succi modo applicata, potissimum Alumini, aliisque remediis addita, quae in isto ulcerationum genere prosunt. Eius vero Conserva herbae recentis defectui suppetias affert, quatenus hac forma virtutis tatis adhuc retinet, ut efficacitatem suam pro-

dat; tum eiusdem Cochleariae Spiritus efficax est a guttis decem ad triginta, et ultra datus, ac praesertim Spiritus compositus seu Mixtura antiscorbutica DRA. WIZII, qui eadem fere dosi, interdum maiori addito syrupo, valde volatilis, et penetrans, non solum in adductis morbis, verum etiam in paralysi, hemiplegia, atque in vitiis digestionis, et vomitionibus a tenaci, corruptaque bile a Summis Clinicis magni habetur.

868. Prolatis istis, quae ad Siliquosas pertinebant, nunc progredi deberem ad Liliaceas Stirpes, cum inter eas plura Genera Officinis non paucas species suppeditent, quae a stimulo, quo pollent, praecipuam suam efficacitatem agnoscent, tum inter eas occurrat *Allii* genus, cuius dissimiles species ob validum, penetrantem, et plus, minusve acrem stimulum, non solum, ut vidi-mus (§. 291.), aptum quibusdam condimentum ciborum praebent, sed intus, atque externe in morbis adhibitae quarundam aegritudinum remedium afferunt, nisi ob constitutum dicendi ordinem eiusmodi Stirpium medicatas facultates, et usus alio Capite mallem proponere. Ob eandem caussam hic non exequar, quae tradere potuisse de iis Stirpibus e Coniferis, e Dumosis, e Gruinalibus, atque ex aliis Ordinibus desumptis, quae cum varias partes, ac speciatim olea, balsama, resinas, gummi-resinas, cortices, ligna, radices, aliaque praebeant, quibus sti-

mulandi manifesta virtus inest, quemadmodum
in therebintina, in balsamis, et resinis usitatio-
ribus, in Vanilla, in Guaiaco, similibusque
medicamentis experimur, sic praebent remedia
quae huic capiti a Therapeutices Scriptoribus
iure referuntur. Verum cum de istis quoque
opportunius dicturus sim alibi, hic potius
attingam, quae, si modo praeterirem, minus
recte alio traderem loco.

869. Huius generis sunt Aromata ad
stimulandum accommodatissima, et passim
hoc maxime fine adhibita, quorum alia Ole-
raceae, alia Hesperideae, alia Piperitae, aliae
Scitamineae Stirpes nobis largiuntur. Porro
ex Oleraceis *Laurus*, *Myristica*, *Myrthus*,
Canella, et *Vintera* ea Genera sunt, quarum
nonnullae Species aromatica medicamenta
suppeditant. Etenim *Laurus cinnamomum*
Corticem Cinnamomi nomine largitur, qui
ex arbore, quae in Ceylano habitat, praeser-
tim sumptus, flexilis, tenuis, ex rubro et
flavo fuscus, dulcescens cum levi, et grata
acredine paullum adstringente, non fervens,
non valide pungens, non urens, non austre-
rus, non amarus, ut infimae notae esse
solet, laevis, paullulum fibrosus, et tenax,
ac suavem aromatis halitum effundens princeps
aromatatum iure censemur, cum caeteris praet-
est gratia saporis, et suavius ac sapidius con-
dimentum ad cibos afferat, atque utilius,
et una innoxius Medentibus auxilium praebat.
Ab oleo siquidem aromatico, seu
potius, BOERHAAVIO omnium primum do-

cente (a) a volatilibus, quae eidem inhaerent, particulis eam facultatem, illudve stimuli genus accipit, quo nerveas, et musculares fibras excutiendo earum vires, et motus incitet, stomachum confirmet, et roboret, nauseam avertat, inflationes ex aere et laxitate discutiat, calorem excutiat, sanguinis circuitum augeat, sudorem moveat, usque ad uterum actionem suam extendat, atque alvo ob laxitatem fluenti frenum iniiciat, alia que bona adducat.

870. Ad eiusmodi interim assequendas utilitates raro eius solo utimur pulvere, alias per se a paucis granis ad scriptulum usitato, sed eum admiscemus remediis aliis pulveris maxime forma exhibendis tum ad gratiam odoris saporisve conciliandam, tum ad vim acuendam. Itaque eiusdem Corticis Praeparatis, Compositisque medicamentis magis credimus. Sunt eiusmodi **Aqua Cinnamomi Stillatitia simplex** quae lactescens, atque admodum suavem halitum spirans suas qualitates remediis, quibus additur correctio- nis praesertim caussa, tribuit, ac per se ad unum, alterumve cochleare ad protinus exci- tandas vires nervorum languore fractas, atque ad ventris inflationes ex aere discutendas frequenter hauritur; **Aqua Cinnamomi Stillatitia vinosa**, et **Aqua eius- dem spirituosa**, utraque priori ad stimu-

landum, et calfaciendum validior, etsi nobis inusitata plane sit; Oleum essentialē cinnamomi, quod (ubi non adulteratum sit, quemadmodum saepius ob carum, quo venit, praetium, esse solet) corticis vires, a quibus tamen leniter adstrictoram plerique excipiendam esse arbitrantur, habet, ac fervida, et acri sua insigni qualitate ad excitandum et stimulandum instar elaeo-sacchari assumptum maxime valet, ac gossypio exceptum et denti inditum, vel ossi cuique applicitum cariem, quae in alterutro invulnerit, cohibere dicitur tum putredinem prohibendo, tum corruptum os exedendo; Tinctura Cinnamomi ex sesquiuncia corticis cum Alcoholis aquei libra parata, et dein aquae aromaticae stillatitiae selibrae ad medium unciam addita, si ad unum cochleare quavis secunda, aut tertia hora, aut crebrius propinetur, in haemorrhagiis uteri ex laxitate, debilitate, languore, et paralysi post SWIETENIUM ab Ill. PLENKIO, aliisque summpere extollitur; et merito quidem, ut vel ipse cognovi, si de adductis speciebus sermo sit. Secus enim nocet, quemadmodum nocet ad partum adiuvandum, nisi ad dolores excitandos, qui ex virium lapsu deficiant, indicetur; denum Syrupus Cinnamomi ad medium unciam, et ultra acuendis liquidorum medicaminum viribus stimulantibus, et roborantibus, tum iisdem, quo ad saporem, corrigendis inservit.

871. Hic quoque loci expedit meminisse

ad Cinnamomum referri quosdam flores, qui Flores Cassiae dicuntur, quatenus ex Cinnamomi arbore desumi a plerisque censemur, dubitantibus aliis, atque ad eiusdem Corticis sapidas, et odoras qualitates accedere, ac vires aemulari existimantur. Sed in nostras Officinas recepti nondum sunt, nec forte merentur recipi si, ut quorundam est sententia, longe debiliores Cinnamomo, huius etiam non omnes facultates habent. Neque modo alienum erit pariter meminisse, quod de Cinnamomo loquens monendum duxit CULLENIUS, Corticem illum, qui Cassia Lignea, aut Canella Malabarica in Officinis audit, a LINNEO singulari *Lauri* speciei, quam *Cassiam* dixit adscriptus, nunc vero ad *Lauri cinnamovii* Varietatem pertinere iudicatus, nulli sibi proprio usui accommodatum videri, cum longe debilior sit Cinnamomo, ac magnam vehat mucilaginis copiam sic, ut appareat iure apud nos exolevisse. Neque supervacaneum erit indicasse Malabatri folia, quae adhuc ignoramus e quam specie, aut varietate *Lauri* desumpta sint, vix non omni odore, et sapore aromatico destituta, ad Theriacam, aliasve Veterum compositiones adhibita, iure in medicamentariis Insubriae Officinis non amplius prostare.

872. Sed cum de *Lauri* Speciebus, et Varietatibus dico silentio praeterire non possum e *Lauri*, ut ferunt, specie nondum determinata desumptum Pichurim, aut

Pichuris, tum Fabam vel Nucleum, tum Corticem, utrumque ex Brasilia, et Panama in Lusitaniam iamdiu advectum in huius Provinciae Officinis desiderari, cum apud Exterarum Gentium Medicos multae auctoritatis non mediocre nomen uterque sibi comparaverit. Neutrum proinde, cuius descrip-
tio a MURRAYO peti poterit, unquam mihi licuit, aut periclitari, aut prae oculis habere: quod doleo si revera tanta sint ab alterutro expectanda, quanta nonnulli pollicentur. Tradunt quippe in Lusitaria, et Svecia Pichuris fabam, aut fructum aromati-
cum, et qualitatibus Nucem Myristicam, aut Sassafras aemulantem in pulvere, praesertim ad medium drachmam, quae dosis intra diem ter quaterve iteratur, dysenteriam castrensem, praemissis evacuantibus, contumaces phthisi-
corum fluxus ex alvo, et colicos dolores plerumque sanasse; tum eiusdem Pichuris Corticem Myristica odoratiorem gustui valde stimulantem cum levi adstrictione, et amari-
tie, atque antiseptica facultate Cortici Peru-
viano comparandum, in pulvere ea, quam dixi, dosi, vel forma infusionis ex vino datum in dysenteria, maxime sub finem, in ventri-
culi debilitate, in vomitu contumaciori, in cholera, in febribus quibusdam, atque in albo mulierum fluore egregium remedium supperbitasse.

873. Corticem item alium Culilawan nuncupatum alia Lauri species sistit, nempe *Laurus culilawan*, quem ex Amboina allatum

aromaticum, acrem fere instar Corticis Winterani, leviter adstringentem, et mucilagineum, ac Sassafras odore aemulanten ideo crediderim sine ullo Aegrorum damno apud nos nullibi in Officinis servari, quia apud alias Gentes, quae multo ab hinc tempore inter remedia admirerant, nunc obsoleuisse videam, ac fidias observationes apud Clinicos non inveniam, quibus innixus, praeter stimulanten, et roboran tem facultatem, ullam aliam eidem propriam, speciatim in colicis doloribus, alisque fluxibus, tuto queam concedere. Ex *Lauro* vero nobili seu Lauro vulgari folia aromatica, amara, et adstringentia, licet stimulare, roborare, et resolvere queant, et olim clysmatibus addita, et cocta atque imposita discutiendi caussa adhiberentur, nunc insueta sunt, neque baccae aromaticae, atque intense amarae illis proprietatis donatae, imo foliis efficaciores, multi usus sunt; neque triplex oleum ex baccis, nempe *Oleum destillatum*, *Oleum laurinum coctum*, et *Oleum expressum*, vel illinitur, vel unguentis ad stimulandum additur, vel ad clysmata discutientia, atque antispasmodica recipitur, quemadmodum frequenter alias fieri consueverat.

874. Consideranda nunc est *Myristica aromatica*, quae arbor in Insulis Moluccis, ac speciatim Banda summa cura a Belgis exculta largitur fructum, cuius nucleus *Nux Moschata* vocatus, et huius tunica, seu mem-

brana nucem obvelans pulposa, et pinguiscula Macis appellata ad praestantiora aromata pertinent. Idem quippe nucleus, qui in Europam exsiccatus deportatur, duriusculus, intrinsecus ex cinereo flavicans, atque interspersus inaequaliter fuscis venuulis, sua viter fragrans, ubi incisus sit, aut abrasus, dentibus non aegre conficiendus gustui gratum prodit aroma, linguam leniter vellicans, et os non moleste calefaciens, quia pinguisculum una saporem evolvit. Neque diversum, quamquam validiorem odorem, saporemque habet Macis, qui ex luteo sanguineus, aut coccineus exsiccatione evadit. Hic quippe oleum erogat, Oleum destillatum macidis vocatum, volatilius, et paullo acrius eo, quod Nux moschata praebet, e qua, ut notum est, praeter oleum illud, quod destillatione obtinetur, ac dicitur Oleum aethereum, vel destillatum Nucis Moschatae, educitur etiam exprimendo alterum, nempe Oleum expressum Nucis Moschatae seu potius butyrum, quatenus huius densitate praeditum, pingue instar unguinis, gustui aromaticum, odorum, citrinum colorem, vel ex albo rubrum in pallidum aetate convertens, quod aromatis principia omnia habens a sebacea, insipida, atque inodora, ac plane inertis materie irretitur, ac contemperatur. Hinc dum illud stillatum Nucistae oleum abdomini, et artibus paralyticis illinitur validiori stimuli caussa, hoc solum ad roborandum, et stomachum

confortandum scrobiculo cordis, aut ventri, aut aliis partibus admovetur quando levis tantum stimulus conveniat. Quamquam autem Myristicae nucleus aromatum vires roborantes et stimulantes, atque eas pingui materie mitigatas, eosdemque fere usus in morbis habere queat a debilitate, laxitate, et defecitu stimuli profectis, nec levi ebullitione, ut monet CULLENIUS, medicatas suas particulas facile amittat, unde ad quaedam componenda remedia commodat, fere ad solos cibos condendos, non secus ac Macis usu venit; tum eadem nux iam saccharo condita ad nos advecta in splendidioribus conviviis belliorum numerum auget. Sed haec quoque prudenter usurpetur, ne copia nimia assumpta, cum nucis non conditae vires servet, eos noxios inferat effectus, quos largiter Nux moschata ingesta ob virus, quod ei inesse videtur, sopiendo, et stimulando ad mortem usque infensum, non semel intulisse a plerisque traditur.

875. Revocantur pariter ad Oleraceas, quae ab aromate vim suam accipiunt, quamquam non sine dubitatione ob non satis constitutum genus, duo alia remedia, scilicet *Canella alba*, aut *Cortex Vinteranus spurius*, et *Cortex Winteranus*, aut *Magellanicus*. Primum enim probabiliter censem Rei Herbariae Scriptores ad *Canellam albam*, alterum ad *Vinteram aromaticam* pertinere. Quidquid vero de hac opinione sentiendum sit nobis satis erit novisse *Canellae albae corticem*,

cum Winterano tam saepe confusum, etsi
 hoc pallidior sit, laxior textura, minusque
 amarus, aromatica acrimoniam, quam in ore
 excitat, mitiorum aromatum vires ostendere,
 atque una commonstrare sine ullo Aegrorum
 damno cortici Winterano, vel errore, vel
 hoc deficiente, olim suffectum fuisse, tum,
 ex eo quod proprii nihil habeat, iure a
 Nuperioribus supervacaneum iudicari. A ve-
 ro autem Winterano cortice ex freto Magel-
 lanico allato in cylindros nunq̄ exiliores,
 nunc crassiores variae longitudinis, duros, et
 leviter rugosos convoluto, undique flavescentes,
 nisi aliqua parte cinnamomi colorem aemula-
 ret, caryophyllum leviter spirante si commi-
 nuitur, atque in ore aromatis acris, diuque
 persistentis sensum inducente, quem aquae
 infusio amarum, et adstringentem etiam
 ostendit, ego nihil quod proprium, aut vere
 egregium sit cuiquam possum polliceri. Ex-
 periundo quippe didici comminutum a paucis
 granis usque ad scriptulum, iteratis die dosi-
 bus, vel infusum ad duas, et ultra drachmas
 eiusmodi remedium stomachum utique robo-
 rare, flatus in hypocondriacis discutere,
 ciborum desiderium facere, et fluentem ex
 imperfecta coctione, aut ex laxitate alvum
 moderari; quando alia verosimiliter grata aro-
 mata, leniter amara, ac paullo adstringentia
 idem praestitissent. At eiusdem usu nec affectus
 nervorum, qui graviores essent, sanare, nec
 sudorem manifeste pellere, nec mesenterii
 obstructions resolvere unquam mihi acci-

dit. Num vero istud medicamentum scorbutum sanat? Num paralyticis opitulatur? An aquae dum pravum odorem adimit, eam corruptam integritati restituit? An demum alias maiores, et novas plane vires promittit? Ista mihi nondum experientia innotuerunt.

876. Gradum idcirco faciam ab Oleraceis ad illas Hesperideas, quae Medicis aromaticis medicamina praestant. Inter eas spectato, non quidem usu, qui hodie rarus est, sed virtutis praetio primas tenet *Caryophyllus aromaticus*. Etenim flores arboris in Insulis Moluccensibus, et Nova Guinea sponte crescentis, ac speciatim in Amboina a Belgis propagatae, tum nuper feliciter a Gallis alibi satae, atque exultae nondum expansi, eorumque calyces una exsiccati caryophyllorum nomine ad nos advecti forma, et eximiis qualitatibus odoris proprii, et suavis, saporiisque valide aromatici, fervidi, acriusculi, et lenissime amaricantis cuique notissimi, ab oleo aromatico, quod destillatione eruitur, fervidissimo, fragrantissimo, atque acerrimo tantam stimulandi vim accipiunt, ut ad aromata validiora pertineant. Interim sive ob eiusdem nimis irritantem potentiam, sive ob aliam non satis compertam caussam, Caryophylli ad roborandum, praesertim stomachum, ad pellendum ex utero sanguinem, atque ad nervorum, et musculorum vires erigendas non infrequentis olim usus, nunc solum Electuariis, et Pulveribus ad dentes, et
gjn-

gingivas apud nos usurpantur, vel odoramentis admiscentur; item *Aqua Caryophyllorum stillatitia aromatica et grata in Officinis Insubriae non prostat; atque ipsum Oleum Caryophyllorum destillatum vix in dentem, qui ex carie doleat, gossypio exceptum indimus, neque fixis oleis, ut mitigetur eius acrimonia cutim inflammans, admixtum multiplici fine, sicuti alibi usu venit, extrinsecus admoveamus.*

877. Referendae huc etiam sunt tres Species *Myrthi*, nempe *communis*, *caryophyllata*, et *pimenta*. E priori seu *Myrtho*, cui exstimulans ab aromate profecta virtus nequit denegari, neque folia, neque baccas hodie desumimus, neque ad condimenta aromatica recipimus, neque ex iisdem *Vinum myrthites*, vel *Oleum Myrthinum*, utrumque Veteribus valde probatum, paramus. Ex altera Corticem *Cassiae caryophyllatae* nomine cognitum, qualitatum, et virium ratione *caryophyllorum aemulum*, si non adstringeret, atque efficacior esset, iis relinquimus, qui aromaticos Pulveres ad cibos condiendos parant. Ex tertia vero, quae ex Antillis, ac potissimum ex *Jamaica Pimentae*, aut *Piperis Jamaicensis* nomine in Angliam advectae baccae exsiccatae, granis *Piperis vulgaris* maiores, cum prope miram et gratam praestantiorum aromatum coniunctionem, singillatim gustantibus percipientem, in ore evolvant, atque oleoso aromatico principio abundant, quin ex eo nimium

fervoris, aut acrimoniae explicit, in condimentis ciborum ab Anglis magni sunt, nostras sane animadversiones non exigunt, cum medicamentum nullibi praestent, nec nobis condimento inserviant.

878. Piperitae deinde Stirpes aromatum seriem amplificant. De iis vero, aliisque aromatibus tamquam condimentis, cum alibi satis dixerim (§ 293.), reliquum est, ut modo de iisdem veluti medicamentis disseram. Itaque scire expedit *Piper* e tribus sumptum Speciebus in Officinis occurrere, *nigrum*, *longum*, et *cubebam*. *Piper nigrum* nil aliud est, quam plantae Indiarum Orientalium, in Sumatra praesertim cultae, fructus, seu bacca, quae ante maturitatem collecta, sphaerulam piso minorem quo ad formam referens, exsiccatione dura, rugosa, et nigra reddit, odore aromatico, atque acrimonia fervida linguae, et faucibus, ubi comminuantur, fere urentis caloris sensum impertitur. Quae quidem *Piperis bacca*, ubi in aquam prius mersa, dein Solis ardore exsiccata, et manibus afficta extimum corticem exuerit, albida tunc facta *Piper illud* constituit, quod *Album* dicitur. Differt autem *Piper* ideo praesertim ab aliis aromatibus, de quibus hactenus dixi, quod oleum destillatione praebeat pipere aequa odorum, at citra acrimonię fervidam, suamque profunde potiorem actionem, ut *GAUBIUS* potissimum evicit (a), agnoscat a principio ad-

(a) *Advers.* pag. 55. et seq.

modum fixo, seu pingui materie gummi resinosae indolis participe. Hinc facile explicatur cur integrum piper deglutitum longe minus calefaciat contuso, aut comminuto. Dum enim stimulat et discutit una calefacere, et quidem potenter, nemo denegaverit, qui experientiam consulat, atque animadvertisca quam infirmis fundamentis innitantur illa, quae ad vim eiusmodi vel denegandam, vel exiguum, aut reliquis aromatibus longe minor ostendendam a GAUBIO, aliisque adducta sunt.

879. Haec solum probant ob consuetudinis vim, ob peculiare victus genus, atque ob coeli admodum calidi, et humidi naturam Piperis usum vel copiosum, vel quotidianum tum impune, tum utiliter humanum corpus admittere, non vero idem aroma vel refrigerare, vel saltem lenissime calefacere, et stimulare. Quare etsi Piper antiquitus crebro ad medendum adhibitum laxis, et debilibus fibris addito robore, nervorum conditione mutata, lentis et crassis humoribus motis, tenuatisque, et sudore praesertim incitato, in stomachi, atque intestinorum morbis, in arthritide vaga ad ventriculum tendente, in ventris ex aere inflationibus, in cephalalgia, aut vertigine diurna, atque in chronicis quibusdam pectoris malis profuerit, sive nigrum, sive album, quod mitius creditur, aliquot dosi granorum usque ad scriptulum apte, et caute iteratum, saepe etiam Aegris nimis calefacenti, atque irritanti suo stimulo

graviter obfuit. Pari modo etsi vel per se, vel cum vino ruditer tritum Piper febrim intermittentem, maximeque quartanam, profusis praesertim sudoribus, interdum vicerit, aut eius saltem horrorem, ut tradit CELSUS, sustulerit vel paullo ante accessionem, vel maturius audacter assumptum; saepius tamen nullam opem egit, et quandoque febris indolem deteriorem, contumacioremque reddit, imo cephalalgiam, delirium, furorem, et ventriculi inflammationem, aliaque gravissimia damna intulit.

880. Quae quidem ex improviso, diutino, aut largiori Piperis usu a Clinicis magni nominis observata a me quoque visa doleo, tum apud Rusticos proximorum montium incolas, quibus cum ad nos descendunt, mos est ad quosdam morbos vincendos, maximeque ad discutiendas quartanas pipere nimis audacter uti, tum etiam apud Cives largiter, diuque pipere superioribus annis usos ex consilio Viri, cui fidebant maxime, qui indiscriminatim chronica passione laborantibus copiose, et quotidie Piper sumendum imperitabat. In istis vero praeter dicta mala quantam etiam possit noxam illius abusus inferre, imo interdum aegre corrigendum, aut plane immedicable vitium fluidis, solidisque partibus inducere, in duobus maxime Aegris cognovi. Etenim uterque hyppocondriacus, optimi caeterum habitus, aetatis vix ingravescens, ac firmi reboris ad passionis eiusmodi, maximeque ex flatibus molestias

dissipandas, aut praecavendas, Viro, cuius memini, suadente, quovis mane duas tresve drachmas Piperis ruditer effracti ieuno stomacho cum assumere consuevisset, atque hoc pharmaco se iam morbum viciisse blanditur, neque interim ab eo, ne forte molestiae redirent, sibi temperaret, uterque in eam aegritudinem vix aliquot mensibus praeterlapsis incidit, cui a nulla alia caussa, ut pluribus Clinicis visum est, quam a Piperis abusu illatae nullum potuit remedium auxiliari. Nam unus gravi primum renum, et vesicae ardore correptus, ac dein, ob penitus retentas urinas, hydrope, nihil proficiente Medicina, brevi confectus est. Alter vero ad annum usque vitam prostravit, at exedente in utraque sura orto hepete, ac dein tam late diffuso, ut inferiores artus pene omnes ulcus foedaret, etiam pruritu, et dolore infensum, quod internis externisve medicamentis quam plurimis includere, aut cohercere Chirurgia nequivit, inter diras angustias, ac miserandas aerumnas lenta demum febre sublatus est. Utinam vero funesta eiusmodi exempla cautos eos reddant, qui apud nos falso existimantes Piper vel refrigerare, quemadmodum quidam temere censem, vel saltem parum, aut nihil calefacere, eodem aromate in cibis condiendis abutuntur!

881. Mitius quoque non agit ea Piperis Species, quae *Piper longum* dicitur, quod pulpa occlusas baccas, aut grana nigricantia, et dura praebet ex Orientalibus Indiis allata

nigro pipere acriora, et fervidiora, quae vix ad quasdam Veterum Compositiones alicubi recipiuntur, cum nigri vires, imo validiores habere plerisque videantur Medicinae Scriptoribus; quibus tamen non assentitur Cel. VITETUS (*a*), qui id clarius, certiusque experimentis constituendum esse arbitratur. Mitius certe nigro, et longo Pipere agunt *Piperis cubebae* aut *Cubebae* ex Iava potissimum adductae baccae, *Piperis caudati* etiam nomine in Officinis indicatae, quatenus minus acres et fervidae sunt, atque in ventriculi debilitate, flatibus, et chronicis e mucosa colluvie natis morbis non minus cum saccharo, quam per se ad pauca grana innocuo stimulo utilia esse dicuntur.

886. Ad Piperitas Stirpes quoque attinent *Acoris calamus*, atque *Arum maculatum*, et quidem iure, si etiam utriusque vires respicimus. Prioris siquidem seu *Calami aromatici*, aut *vulgaris*, seu *Acori veri Radix*, ob aromaticum, pungentem, fervidum, et leniter aromatum saporem, ob aromatis halitum, quem secta spirat, atque ob vires stimulantes cum antiseptica facultate coniunctas aromatibus similes, indigenis Aromaticis stirpibus antecellere omnium consensione traditur. Miror proinde cur eam vix unquam adhibeant, praesertim cum laudent in morbis, quibus aromata mitigata subveniunt, eamque ipse

(*a*) Op. cit. pag. 204.

pluries a dimidio scriptulo ad medium drachmam, quae dosis apte iteratur, modo per se, modo pauxillo sacchari admixtam, vel ad duas tresve drachmas aquae infusione digestam ad confortandum stomachum, atque ad mala ex eius debilitate orta removenda aptam viderim, iisque maxime commodam, qui ob mobilitatem, aliasve caussas caetera aromata vel adversantur vel non bene sustinent. Alterius vero, seu Ari Radix, quae siccata solum usui nobis cedit, (neglecta herba, nisi radici praestet, ac reiecta F o ecula Ari, utpote viribus fere effoeta), autumno collecta, et clauso vase servata ubi sit, non vetusta, dentibus confecta pungentis, ac dein fervidi, atque urentis saporis sensum in ore excitat, (ac tantum quidem recens, et succulenta ut venenis adnumeretur) quaeque aqua infusa amyllum, ac decocta nutrientem gelatinam praebet, licet non minus stimulando, quam instar saponis tenuando, et incidendo, forma praesertim pulveris a medio scriptulo usque ad drachmam dimidiam a plerisque multi habeatur in morbis a debilitate, laxitate, et nimia muci, et glutinis copia et densitate profectis, sive fauces, sive pectoris, sive alias partes occupent, ea nihilominus negligitur. Neque eius pulvis ad ulcerata mundanda a Chirurgis nunc inspergitur. Neque demum recentissima eius radix, veluti cachecticis maxime proficua a quibusdam alias proposita, a prudenti Medico unquam propinabitur, qui ex Ill. Archtr. Cae-

sar. Com. STÖRKII observatione , et monitu sciverit ab eius interno usu protus abstinentum esse cum tormina , et cardialgiam morte interdum excipiemad queat inferre .

883. Inter Scitamineas hic indicaedas occurunt variae Stirpes , quae tamen in officinis Insubriae servatae usui raro inserviunt , nempe *Amomum zingiber* seu Zingiberis communis Radix , quae ex India Orientali , atque ex America secta , atque exsiccata , ac pro vario exsiccationis modo albida , aut fusca (unde Zingiber in album , et nigrum distinguuntur) adfertur in frusta divisa , duos fere pollices longa , lobulata , nodosa , utrinque compressa , fragrantia , gustui inter mandendum valde acria cum fervore diu persistente , etsi potenter stimulet , ac discutiat aliis potius Gentibus , quam nobis in morbis , quibus validiora aromata subveniunt , forma pulveris , electuraii , syrupi , vel saccharo condita , vel aliis addita remediis adhibetur . nec ciborum condimentum hic loci ditioribus praestat . *Amomum cardamomum* seu Cardamomum minus , (quo nomine varios fructus in Officinis prostare observat MURRAYUS dum eorum discrimina nitiatur explicare , eosque propriis notis distinguere) , quamquam grate aromaticum stimulare , vires stomachi , nervorumque erigere , aliaque afferre commoda queat , hic loci obsoletum est . Nec *Amomum grana paradisi* Insubriae Officinis usitata semina , aut Grana paradisi vocata , inodora , instar piperis , si conficiantur , pungenti , acri , diuque durante acrimonia praedita suppeditat .

884. Reliquis etiam Scitamineis non plus tribuimus. Nam etiam si ex eiusdem speciei *Marantae galangae* varietatibus duplex desumpta Radix, quarum una ob diversam magnitudinem Galanga maior, altera Ga-
langa minor dicitur, in Officinis adhuc pro-
stet, atque utraque ex India Orientali allata,
(ac praesertim minor aromatico halitu, et acri
mordico fervore maiori praestantior) ad aro-
mata, quae magis stimulant, ac calefaciunt,
referenda sit, eorumque in morbis vim,
atque efficacitatem attingere nequeat denegari;
in tanta copia similium vix aliquas fere obso-
letas medicaminum aromaticas Compositiones
ingreditur. Radicem vero *Circumae longae*,
seu *Circumae longae* (a qua Rotundae *Cur-
cumae* radix figura tantum differt), extus pal-
lide lutescentem, intus obscure flavam, aut
croceam, fragrantem, modice amaram cum
leni acri fervore ex eo, quod urinae luteum
colorem suum tribuat, quidam non solum
summa corpus pervadendi vi donari arbit-
rantur, verum etiam magnas inde vires in
morbis expectant. Quas quidem se observasse
affirmant in ictero sanando, in calculis bilia-
riis solvendis, in viscerum obstructionibus
reserandis, in revocando menstrui sanguinis
fluxu, atque in febribus intermittentibus
sistendis cum eam contritam in pulvere a
scriptulo ad drachmam, vel in extracto
paullo minori dosi, vel infusam ad duas
drachmas, iteratis die plures dosibus, exhi-
buissent. At quaeso videant, ne ista vel

solo corporis beneficio, vel aliorum una adhibitorum medicaminum virtute acciderint. Ego enim ea tot iam adductis modis copiose diuque exhibita nunquam potui illa mala aut sanare, aut insigniter imminuere. Radix autem *Costi arabici*, seu *Costo Arabico*, qui, reiectis Costo tum *Dulci*, tum *Amaro*, in Officinis tantum servatur, licet eadem aromatica sua amaritie, dum leniter stimulat, commode roboret, atque in stomachi nervorumque morbis magnam olim famam sibi comparaverit, ubique locorum usu eviluit. Denique quae e *Kaempferia rotunda* in India Orientali perenni duplex Radix desumpta in Officinis prostat *Zedoariae*, tum *Longae*, tum *Rotundae* nomine odoris in camphoram indentis, et saporis acris, amari, ac fervidi, etsi non minus condita, vel in pulvere saccharo admixta, quam instar extracti, ac praesertim elixirii, dicatur a MURRAYO (a), „afferre omnia commoda, quae ab eximio „aromate cum amaritie iuncto expectari pos- „sunt „nunquam fere hic usurpatur.

885. Duo denique sunt e Vegetabilibus sumpta, quae ad Stimulantia proprie pertinere iudicantur, unum e Solanaceis stirpibus, alterum e Multisiliquis. Ex illis siquidem *Capsicum annuum* seu *Capsicum*, aut *Piper Indicum* cum apud nos abunde etiam cultum fructus proferat fervida, urenti, diuque in ore per-

(a) App.. Vol. V. pag. 86.

sistente acrimonio piperis nigri aemulos iure quidem validiorum Stimulantium vires sequuntur. Fructus istos nihilominus sale, et aceto paratos ad condimenta solummodo recipimus, nec semina ipsa ad medendum usurpamus, ex eo maxime, quod in febribus intermittentibus eorum usum a BERGIO plurimi factum nec tuto, nec utiliter cessisse observaverim. E Mutisiliquis autem *Anemone pratensis* seu *Pulsatilla nigricans* ideo utilioribus Stimulantibus accenseri debet, quod ex herba vehementer acri, atque urenti confectum extractum, ac dein ita saccharo admixtum, ut illius septem granis huius drachma adiiciatur, invenerit Vir de Materia Medica insigniter meritus Ill. STÖRKIUS tuto ad grana viginti bis, terve die assumi, nec, aucta pedetentim quotidie dosi, largius ingestum officere, summum vero remedium, dum stimulat, discutit, ac resolvit in chronicis, contumacioribusque oculorum morbis, ac speciatim in amaurosi, corneae opacitate, et cataracta, in doloribus, ulceribus, tumoribusque venereis, in ulcerationibus aliis, in melancholia, paralysi, aliisque malis suppeditare. Quod si ex eiusmodi pharmaci usu utilitatem, in oculorum praesertim morbis, experti non sunt Viri, caeterum Summi SCHMUCKERUS BERGIUS, et RICHTERUS, eam tamen Medici et Chirurghi alii perceperunt.

886. Haec, quae hucusque sum exsequuntur, illa Vegetabilia sunt, quae magis proprie-

ad eiusmodi caput pertinere Materiae medicae Scriptores arbitrantur, quamquam mecum agnoscant inter alios Vegetabilium Ordines, maximeque inter Stirpes Liliaceas, Solanaceas, Campanaceas, Multisiliquas, et Vepreculas multas occurrere, quae acri, atque insigni stimulo, praeditae huius loci essent. Sed cum easdem ad alios potissimum usus, ac speciatim ad varias excretiones incitandas atque augendas, quas proprio stimulo, aliisve rationibus operando movent, Clinici adhibeant, rectius ad alia Capita revocant. Quare ipse quoque ab eiusmodi medicaminum recensione modo abstineam alibi de iisdem singillatim dicturus; ac potius monebo inter Stimulantia magnum praetium, nec minorem usum habere, sicuti cuique notum est, Vinum, eiusque potissimum species, quae multarum sunt viarium, atque ex eo destillatione elicitos seu varia ratione praeparatos ex Alcohole Liquores fervidos, et valde excitantes, tum ipsum Alcohol longe fervidius: quibus omnibus quanta stimulandi potentia insit, et quanta, hoc etiam fine si in morbis prudenter adhibeantur, ab iisdem utilitas praesto sit, nemo est, qui ignoret. Sed cum de illis egerim (§. 315. et seq.), de Alcohole vero alio disserere constituerim, modo satis erit haec indicasse.

887. Ob easdem caussas praetereo nunc, quae secus, utpote valida, usitata, atque utilissima Stimulantia, tradenda essent medicamenta e Salium, et Fossilium genere ducta. Praetereo scilicet Sodam, Potassam, Carbona-

tem et ammoniacalem, et potassae, Muriatem, et Tartritum, utrumque ammoniacalem, Muriam tem sodae, Ammoniacam, Sulfatem aluminosum, cupri, zinci, et ferri, Acidum sulphuricum, nitricum, et muriaticum, ac multigena medicamenta sumpta ex Hydrargiro, et Stibio, a quibus omnibus certa copia, et methodo, atque opportune datis non sedantes, non evacuantes, non alii, quos secus adhibita afferrent, at stimulantes, saltem potiores, plane eximii effectus in morbis praesto sunt; quemadmodum quotidie experimur. Horum quippe vires et usus opportuniori loco tradentur.

888. Quod si quis a me sciscitetur quamnam de caussa de Stimulantibus disserens duplex remedium omiserim, quod ex Animalibus sumptum a plerisque Therapeutices Scriptoribus, dum pharmaca stimulo maxime proficia perquirunt, praeteriri non solet, unum, quod praestat Fel Animalium, ac speciatim Tauri, alterum Meloe vesicatoria, seu Cantharis non minus exterius, quam intrinsecus recte prudenterque adhibita, respondebo de Cantharidibus, utroque sane modo validissime, atque utiliter stimulantibus, me alio esse dicturum, de Felle autem Animalium verbum iniicere mihi plane alienum videri. Si enim concederem amaritie sua stimulando, roborando, et bilis defectui suppetias afferendo interdum profuisse, esset ne idcirco hocce medicamentum probandum? Cum amara, quae stimulent, et roborent, tam plura, tamque

eximia suspectant, quonam animo possem obsoletum apud nos remedium in usum iterum revocare, quod, dum supervacaneum censetur, vel nomine plerisque invisum est, ac quibusdam stomachum facit?

C A P U T VIII.

De iis, quae rodunt, aut exedunt.

389. **P**roxima Stimulantibus sunt ea medicamenta, quae extrinsecus adhibita humani corporis partes vel mortuas, vel saltem vivas, quibus imponuntur, rodunt, aut exedunt. Sicuti enim quae inter illa validiorem stimulum habent, non solum intus usurpata nerveas, et carneas fibras potenter exstimumant, verum etiam exterius applicita irritationem, interdum non mediocrem, suscitant; sic ista generatim, antequam rodant, exedant, destruant, atque absument partes, quas attingunt, eas acri urentique stimulo afficiunt, irritant, ac convellunt. Quamquam autem ob eiusmodi caussam utraque remedia inter se convenire, aut invicem innexa esse videantur; non una tamen ratione ipsa differre censemur. Ex iis enim effectibus, quos utraque edunt, perspicuum videtur non una virtutis efficacitate invicem discriminari. Nam, praeter quam quod proprias Stimulantia in vivas tantum partes actionem suam exerunt, dum Exedentia nonnulla quam in vivo corpore vim habent, eam etiam in eodem mortuo, ostendunt, illa generatim stimulando texturam solidorum non immunt, aut resolvunt, haec vero ita laedunt,

ac destruunt, ut corum vi cutis particula, quam attigerunt, a proximis innexisque sedens vel per se excidat, vel facile idoneo instrumento postea evellatur.

890. Hoc proinde actionis discriminum animadverterent quidam Nuperiores, atque etiam existimarent a maiori stimuli gradu tuto deduci non posse, coniecerunt aliam subesse caussam, ob quam Exedentia efficiant, quae solo stimulo Remedia alia nequirent. Eam autem se invenisse credunt in singulari affinitate compositionis iam alibi a me (§. 568.) indicata, qua particulae horum medicaminum nituntur tanta vi, proclivitate, celeritateque in eas, quae fluidae et solidae cutim componunt, donec, pristinis cohaesionis vinculis solutis, ex intima particularum utriusque generis coniunctione novum corpus nascatur. A vi siquidem, qua invicem accedere, atque una coalescere nituntur Exedentium medicaminum principia cum cutis elementis, et qua revera, dum coalescunt, cutim eorum actioni expositam, atque obnoxiam rodunt, convellunt, dividunt, discerpunt, ac resolvunt, irritationem, calorem, inflammationem, dolorem, ac reliqua explicant, quae applicita eadem Exedentia suscitant. In crusta vero, seu eschara, quae ab eorum actione superest, affirmant, contineri ipsam e principiis remedio, et cuti propriis simul coalitis noviter emersam compositionem, quae singularem et novam penitus naturam exhibeat. Enim vero observant eam

eam compositionem neutrae indolis esse ; non secus ac Salia media , atque in ea effor- manda adhibita medicamenta tantum suarum proprietatum , chemicarum virium , ac pristinae efficacitatis impendisse , ut postmodum ad novam inflammationem , atque erosionem excitandam non valeant ; proindeque nova , seu nondum adhibita , requirantur , ubi item inflammare , exedere , atque absumere conveniat .

891. Qui quidem effectus comparari iis plane solent , quos ex dissimilibus Salibus Chemici in suis operibus exhibent , ut speciatim Ill. FOURCROYUS animadvertisit dum opinionem , quam expendimus , conquisitis undique rationum momentis veritati apprime consentaneam studet demonstrare (a) . Et re quidem vera sive existimandum sit Stimulanta , atque Exsedentia ab eodem principio , seu compositionis affinitate vim suam singula agnoscere , et solo gradu invicem discriminari , quod quibusdam arridet , sive dicendum illa uno stimulo , haec propria potissimum affinitate operari ; proposita Chemicorum sententia verosimillima apparet , licet ab omnibus difficultatibus nondum vindicata , nec satis evoluta quibusdam Medicis videatur . Quaerunt siquidem sibi declarari quae- nam inter Exedentia azotum , quae carboni-

Tom. II.

Bb

(a) Elém. d'Hist. Nat., et de Chim. T. I.
P. 384.

cum, quae utrumque, quaeque aliud principium e cute secum abripiant: quaerunt rursus certius demonstrari crustae, aut escharae neutram naturam, eamque ex utroque particularum, ut dicebam, genere una intime coniuncto profectam; quaerunt demum utrum a solo eiusdem efficacitatis discrimine, an ab alia potius caussa pendeat cur nonnulla medicamenta, ut *Nitras argenti fusi*, vivas tantum partes rodant, alia vero in mortuas etiam, sicut ex *Potassa*, aut *Soda fusa* in *Cadaveribus* experimur, ita agant, ut in iisdem escharam relinquant.

892. Quidquid tamen de eiusmodi opinione censendum sit iam satis ex dictis possunt Stimulantia ab Exedentibus distingui; ac tutissime etiam potest constitui duplex eorundem exedentium genus occurtere, quorum unum in vivas tantum partes, alterum in mortuas quoque evidenter operatur. At non una haec est differentia, quam in Exedentibus Therapeutae admittunt. Ea enim, quae extus applicita inflammanti potestatem habent, quaeque generatim Inflammantia vocant, in varia veluti genera, aut plures species secernunt. Etenim cuti applicita medicamenta, quae eam plus, minusve rubore suffundunt Rubefacientia vocant, quae eam extimam in vesicam attollunt Vesicatoria, quae paullatim erosionem inferunt Rodentia, quae escharam relinquunt, Caustica, Cathartica, Escharotica, aut generatim Exedentia; tum postrema in Actualia, et Potentialia,

de quibus solummodo hic loci dicemus caetera alio tradituri, iamdiu distingui, praesertim a Chirurgis, consueverunt.

893. Exedentium, aut Causticorum utriusque generis non alii sunt praecipui effectus, quam ii, qui igni humano corpori applicito proprii habentur, quem porro ignem omnes norunt rarefacere, dilatare, dividere, acriter stimulare, inflammare, magnum inferre dolorem, urere, absumere, atque in iis partibus, quae supersunt, eiusque actioni restiterunt, ambustionis signa, crusta, aut eschara ipsis inducta, relinquere. Hinc nullo negotio assequimur, quomodo illa Artis praesidia vehementer stimulando ea commoda saepe praestent, quae Stimulantia caetera afferre non potuerunt, ac proinde in soporosis, spasticis, et convulsivis capitum morbis, in epilepsia, apoplexia, atque asphyxia, in gravioribus nervorum affectibus a virium imminutione profectis, in paralysi, atque in imbecillitate ad motus obeundos ex irritabilitatis defectu, aut inertia, atque in anchylosi, cui adhuc Medicinae locus sit, magnum auxilium praebeant. Quomodo irritationem, humorumque affluxum ibidem avocando ubi admoventur, revulsione a reliquis facta, congestiones, quae in aliis partibus obtineant, ad resolutionem disponant, ac discutiant, et secretiones excretionesque, levato nimio humorum onere, recto ordini restituant, atque hac etiam ratione contumaciores, gravioresque passiones interdum sanent. Quomodo ipsa

attrahendo, ac vim vitae suscitando in tumoribus, qui vel non debent excidi, vel resolutioni, aut maturationi reluctantur, salutarem suppurationem moveant. Quomodo novam viam humoribus effluxuris parando ad eos morbos, alicubi haerentes, aut virus quoddam adeptos educendos, quibus incisio nec tutum, nec utilem exitum daret, commodissima sint; ut in quibusdam abscessibus, et apostematibus, quae praesertim contagiosis malis, epidemicis, et malignis supervenerint, non raro experimur, imo in capitis, oculorum, aurium, et artuum rheumaticis inveteratis affectibus saepe videmus. Quomodo quod cuti inditum virus ei inhaesit facile educendo impediant quominus penitiora corporis invadens dira mala, mortemque inferat, ac virus ipsum a rabidorum Animalium morsu infusum subtrahendo futurum aquae pavorem, et rabiem potenter avertant protinus excitata, dummodo inducta ulcera diutissime trahantur, ut post Veteres et Recentiores semel, et iterum vidi; imo instantem iam hydrophobiam prohibeant, (ut rara observatione in Muliere a Cane iam pridem morsa instituta cognovi), ubi nulla interiecta mora locum, qui praegressi vulneris indicia retinet, et tunc plerumque dolet, illico, et profunde inurant. Quomodo inutilem humorem trahendo, atque exsiccando humida, laxaque ulcera ad sanitatem perducant; tum absumendo quod in iisdem vel supercrevit, vel corruptum est, carnes luxuriantes

cohibeant, excrescentias, et callos tollant, atque ulcera a corruptione ita liberent, ut ea sublata queant includi; tum crusta inducta sauciato vasi, cuius vulnus consui nequeat, haemorrhagiam sistant; tum demum urendo ulceri corrupto, proserpenti, et fere cancroso limitem ponant, eiusque pravitatem ita emendent, ut bono orto pure cicatrice obducantur, imo humidae cariei progressus inhibeant, eam partim absument, ac superstitis secessioni faveant, seu, ut Chirurghi loquuntur, eiusdem exfoliationem promoveant.

894. Haec bona rite, et opportune adhibita praestant Caustica, praesertim quae Actualia diximus, quaeque nudus ignis inuendo loco applicitus praebet: medendi genus, quod ad antiquiora, et praestantiora Artis praesidia pertinet. Ab HIPPOCRATE enim usque ad hanc diem qui Artis usu, et fama apud omnes Gentes inclaruere magni fecerunt, atque in plerisque chronicis morbis, iisque speciatim affectibus, quos proposui, summo Aegrorum commodo usurparunt. Quod si nostra aetate rarioris admodum usus istud praesidium evasit, aliis potius caussis referendum est, ac potissimum Aegrorum mollitiei, atque Artificum praeconceptrae falsae opinioni, quam ei vitio vertendum sit. Non defuerunt siquidem vel nostris diebus, nec desunt insignes in Arte Viri, qui eo utilissime, nec infrequenter usi sint, eodemque non pauca mala sustulerint. Non una autem fuit ratio tum apud Veteres, tum

apud nos ignem adhibendi, prout mitiorem, aut validiorem eius vim experiendam existimabant. Ubi enim stimulare, calefacere, attrahere, atque exsiccare potius, quam inure expediret, tunc ignitos carbones affectis locis, maximeque ulceribus appropinquabant, quin tamen illi cutim, aut ulcus tangerent. Quam quidem ignis utendi methodum Antiquis, et praesertim GALENO receptam nuper in Gallia restitutam, etsi non tanti faciendam esse, quanti prolatum est, ipse etiam didicimus; attamen interdum proficuum, et speciatim eligendam in quibusdam casibus ulcerum, tumorum, et contusionum, quos Illust. FAVRIUS, et RICHTERUS indicarunt, ratio, atque experientia suadent.

895. Si validior vero ignis actio conveniret, quae suppositam partem lente, et sine multo dolore inureret, eschara interim relicta, exedenda cutis particulae fungos, radices, Animalium faeces, linum, atque alia imposta Veteres accendebant, quae ignem facile conciperent, conceptumque ad cutim paulatim duderent, donec eadem in escharam combureretur. In hunc finem grysea lanugo e foliis tuis, et tritis *Artemisiae vulgaris*, Moxa Iaponica dicta, instar turundae inurendae cutis particulae affixa, atque accensa a Sinarum, atque Iaponis incolis magni habetur, praesertim iterata pluribus turundis adhibitis inustione, tum ad tuendam valetudinem, tum ad restituendam ab arthriticis, rheumaticis, aliisque chronicis morbis tentatam, aut iam laesam. Linum aliae Gen-

tes Moxae substituunt, nos vero, ubi eiusmodi lentae unctionis genus conveniat, aut aliud validius et promptius Aeger formidet, et respuat, eius loco utimur Gossypio, Aegyptiorum more, qui pyramidis ex eo factae ac linteo lineo convolutae basi inurendae particulae imposita, atque affixa, eiusque apici flamma dein admota, suppositam cutim, igne sensim gossypium depascente, comburunt. Ex hac sane ignis utendi methodo, quam ex Veterum consilio nonnulli ad pus etiam in empyemate sine incisione, aut punctione educendum magnificant, non levem utilitatem variis passionibus allatam cognovimus, ac praesertim quando in recentibus artuum, aliorumque partium cruciatibus ex cohibita cutis emanatione, aut leviori rheumatica causa cum igne, et sine scarificationibus impositae, ac saepius die renovatae Cucurbitulae levandis, et discutiendis, ut solent mature adhibitae, doloribus impares extiterunt.

896. Huic interim administrationi, sive ea ignis actionem minus profunde, quam par est, deducat, sive eius vim non illa, qua interdum expedit, celeritate, et vehe-
mentia ad inurenda loca deferat, longe antecellere existimant Proceres Artis, eidemque generatim praeferre solent illam, qua non quidem istorio speculo, (quamquam eo Cl. PEY-
RIUS (a) utiliter usus sit), vel pulvere pyro in conum, aut pyramidem humoris ope redacto,

B b 4

(a) Hist. de la Soc. de Méd. 1776. p. 296.

at candardi ferramento diversam formam pro vario ustionis modo, et loco habente ignis admoveatur, ac subiecta cutis confestim inuritur. Hoc enim ustionis genus Veterum consensione, et usu probatissimum, quod Cauterium actuale vocatur, in iis omnibus casibus, quos iam indicavi (§. 893.), quanti fieri debeat non modo ex eius effectibus cuique primum est intelligere; verum etiam tuto cognoscere ex fidissimis observatis, quibus insignem eius utilitatem in vario aegritudinum genere a nonnullorum criminatibus Nuperiores quidam vindicarunt. Quare mirari soleo rarissime a Medicis, imo nunquam a quibusdam, istam medendi rationem in contumacioribus chronicis morbis apud nos institui. Maxime vero quod eiusmodi ustione in occipite peracta, Cl. Viro, et dextetrimo Chirурgo PALLETTA referente (a), eclampsia idiopatica, et trismo correptos infantes ab horci faucibus saepe vindicaveris Ill. MOSCATUS, quem eximium, et nemini secundum Anatomes, Chirurgiae, atque Artis Obstetriciae Praeceptorem mihi extitisse nunquam obliviscar; quod eiusdem ignis usus Cl., expertissimusque Chirurgus RIBOLUS (b), variis paralysis speciebus, rheumaticis doloribus, rheumatismo inveterato, ischiade nervosa, atque imperfecta anchylosi graviter

(a) ROSENSTEIN delle Malattie dei Bambini Cap. X. not. pag. 64.

(b) Sull' uso del Fuoco ec. Mil. 1787.

detentos Aegros sanaverit; quod eadem de-
nique medendi ratio a me proposita egregie iis
profuerit, qui diutina cephalalgia, et antiquis
aurium, oculorumque morbis ex rheumatica
caussa, aut ex serosa colluvie laborabant,
tum paralysi rheumatica detinebantur, imo
post irritum aliorum remediorum usum tres
saluti reddiderit, quos ischias nervosa deti-
nebat: morbi quidem contumax genus, cuius
absolutissima historia, aliisque inventis Ill.
COTUNNIUS Italicae Medicinae gloriam plu-
rimum auxit. Curent idcirco qui salutarem
Artem profitentur hoc etiam prudenter usur-
pato praesidio morbos discutere, atque ab
Aegrorum animis omnem ex eo formidinem
depellere, quod, ut notum est, maiorem
metum, quam dolorem incutit.

897. Ad Caustica Potentialia plura re-
ferti solent. At cum horum aliqua ad hoc
remediorum genus propriè non pertineant,
nonnulla minus apta usui sint, et quaedam
supervaganea iure habeantur, paucissima su-
persunt, quae a nobis debeant singillatim
expendi. Porro quae huc revocatae fuerunt
acres Stirpes, ac speciatim *Apocynum*, tum
androsaemifolium tum *cannabinum*, *Alisma plan-*
tago aquatica, *Clematis*, sive *flammlula*, sive
recta, *Anemone*, sive *pulsatilla*, sive *nemorosa*,
Helleborus niger, *Daphne mezereum*, et *thyme-*
laea, *Anacardium*, sive *occidentale*, sive *oriен-*
tale, *Euphorbia*, vel *officinarum*, vel *esula*, aliaeve
species, *Ranunculi* item species variae, ac
praesertim *acris*, *sceleratus*, *flammlula*, *bulbosus*,

ficaria, *thora*, aliarumque folia, radices, fructus, aliaeque partes, aut recentes, aut succi expressi, acres, inquam, eiusmodi Stirpes, quae assumptae, nisi protinus earum veneno vomitio, tepidae potionis, oleosa, mucilaginea, lac, interdum acida vegetabilia occurant, gravissima mala, mortemque inferunt, si, unquam externe adhibentur, ut quaedam revera mitiores adhibentur, ad rubefaciendam cutim, non ad escharam inducendam impununtur. Nonnulla vero usui minus apta sunt: quod de *Acidis* fossilibus non dilutis, et puris, *sulphurico*, *nitrico*, et *muriatico*, de quibusdam metallorum solutionibus, itemque de *Ammoniaca*, et *Soda* solutis perhibetur. Cum enim in eorum usu perarduum sit impedire, ne eadem, caeterum validissima, quatenus fluida sunt ad eas quoque partes se effundant, quae attingi non debent; hinc vel non adhibentur, vel solum in usum veniunt quando exedendus locus magnum spatium occupet. Supervacanea vero nonne erunt cum Sapienteribus Chirurgis habenda Caustica quaedam alias caetero usitata, nec a quibusdam neglecta, tum speciatim *Sulfates*, *aluminosus*, *cupri*, *zinci*, et *ferri*, *Oxydum cupri viride*, ac quae ex eo *Unguentum Aegyptiacum*, aliaque medicamenta parantur?

898. Probent sane qui postrema ista retinenda volunt accuratioribus experimentis, atque iteratis observationibus eadem singulare aliquod commodum afferre, quod ab Exedentibus, Causticisve hodie usitatoribus expe-

ctandum non sit, atque eorum sententiae
tunc lubens subscribam. Ob eandem caussam
vellem ab iisdem certius evinci *Oxydum ar-
senici*, seu Arsenicum album, quod potentis-
simum venenum intrinsecus sumptum aqua
tepidâ, oleo, lacte, mucilagineis, alcalicis,
sulphure sublimato, et sulphureto potassae vix
enervandum vel exterius ad medendum adhi-
bitum tam saepe gravem noxam intulit,
verrucosum revera cancrum, et impune absu-
mere, et p̄ae aliis medicamentis exedentibus
ad cicatricem disponere, qua demum firme-
tur. Vellem pariter ulterius ab ipsis confir-
mari quod de *Oxydo arsenici sulphurato luteo*
seu Auripigmento III. RÖNNOWIUS (a) protulit
contendens cancrum labiorum, et mammarum
non solum sanare in modum lamellae appli-
citum, sed adversus cancerosum virus vere
antidotum largiri remedium, quod efficiat,
quae Caustica caetera praestare non possunt.
Vellem item ab iisdem, qui eiusdem Arse-
nici usum tuentur, certe ostendi ad *Colly-
rium Lanfranci* praeparandum idem adhi-
bitum, remedium tantae virtutis ad ulcerâ
faucium cancrosa suppeditare, quod non
minus tutum sit, quam praestantius reliquis,
quae alia Caustica soluta, ubi expediant,
Medentibus erogant. Vellem denique aliqua
observatione, quae tutissima sit, declarari non
minus innoxium, quam aliquo in casu *Oxy-*

(a) Schwed. Abhand. 1778.

dum arsenici sulfuratum rubrum, seu Sandaram mineralem, aut Realgar speciatim proficuum esse.

899. Dum autem in ea sum sententia, ut credam ab externo etiam usu Arsenici abstinentium esse, quia hoc pariter modo a vasculis susceptum, atque ad intimiora traductum teterima non raro intulit mala, imo interdum perniciem, dispiciant quoero Chirurghi, utrum mihi pariter assentiendum sit reputanti *Muriatem hydrargiri corrosivum*, seu Sublimatum corrosivum neque ad exedendos tumores, neque ad excrescentes absumendas carnes, neque ad ulcera abstergenda, neque ad eadem sive cancrosam, sive venereum, sive aliam virus habentem naturam adepta coercenda, ac sananda inspersum aut singulare, aut satis innoxium auxilium largiri. Ab eiusmodi quippe remedio sic adhibito quam saepe adducta mala in peius mutata fuerint, atque alia etiam graviora illata ab eius particulis ad intimiora corporis traductis me quidem dolet non minus in Medicorum libris legisse, quam in eorum curationibus observasse, qui nimium tum interno, cum externo Sublimati corrosivi usui favebant. Quod si non desint Chirurghi, qui ex eo paratae Aquae Phagedenicae instar fatus adhibitae, aut etiam in uretram injectae in adductis casibus plane innocuam, et medicatissimam vim tribuant; sunt quoque alii, qui eam neque ab omni discrimine vacuam, neque valde egregiam reputant, vel saltem

mēcum existimant supervacaneam, cum alia tūtiora, efficacioraque praesidia suppetant.
 900. Itaque arbitror usū generatim sufficere quatuor tantum Exedentia potentialia, aut Caustica medicamenta, quorum duo in vivas partes operentur, alia etiam ad mortuas actionem suam extendant. Ad haec revoco Muriatēm stibii fumanēm seu Butyrum, vel Causticum Antimonii, et Potassam fusam, quae concreta Lapidem Causticum, aut Cauterium Chirurgorum constituit; ad priora Nitratēm argenti fusi seu Lapidem Internalem, vel Causticum lunare, atque Oxydum hydrargri rubrum acido nitrico confectum seu Mercurium praeципitatum rubrum. Haec vero medicamina, etsi Caustico actuali non praestare, imo ei cedere non una de caussa indicentur, iisdem tamen generatim usibus inserviunt, ac magoam saepe opem Chirurgis afferunt. Speciatim autem utuntur Butyro Antimonii, quod acerrimum summa promptitudine cutim erodit admotum, atque in escharam convertit, in callosis, fungosis, ac scrophulosis ulceribus, in corneae staphylomatē, et proptosi iridis, in quibus casibus penicilli ope ita admovent, ut vix illinita loca tepido lacte eluant. Usitator tamen est Lapis Causticus, qui caute diligenterque adhibitus, servatis nempe praeceptis, quae circa rectum modum utendi tradunt Chirurghi, suppositam partem potenter erodens, atque escharam inducens saepe utilissimum praesidium suppeditat. Enim vero, ut quod supercrevit,

et callosum, corruptumque in ulceribus est, absumant, interdum abscessus, interdum bubes, interdum hyrocelen aperiant, exscentias, polyposque quandoque evellant, fonticulos excitent, atque alia perficiant, quae referre non vacat, Lapide caustico utuntur ii, qui manu medeatur. In gonorhea praeterea virus habente, postquam vis inflammationis deferuit, Lapidem eiusmodi tanta dilutum aquae copia, ut solutio nimis acrem saporem in lingua non excitet, ac rite, et saepius in uretram idoneo instrumento inieatum non minus nova irritatione, et iam ex morbo praesenti contraria inducta, quam, ut quibusdam videtur, chemica potentia a vi affinitatis orta in ipsum virus operando, quod plane resolvat, atque in aliam innocuam naturam convertat, prodesse, et multis anti-stare methodis curationis cuique iam competissimum est. Nec minorem adversus virus Viperarum, atque alia venena animalia ita adhibitum, aut in vulnus immissum, ut venenato humori admisceatur, facultatem polliceri ex iis innotuit, quae iam (§. 600.) attigimus.

901. Lapis infernalis usitatissimus esse solet ad fungosam carnem, et callos ulcerum, ac fistularum exedendos, ad verrucas, aliasve excrescentias erodendas, atque ad fonticulos excitandos; imo aqua dilutus roborandi, atque exsicandi caussa ex Ill. PLENKII, aliorumque consilio punctis lacrymalibus infusus fistulae lacrymali prodest, quae eius-

mōdi medendi rationem admittat. In usum denique utilissime venit Mercurius praecipitatus ruber, qui ob maiorem vim Praecipitato albo praefertur, quando ulcera leni erosione abstergenda, vel fungosa exedenda sint, aut reprimenda, ubi eorum labia leviter callosa fiant, ulcerationes syphiliticae coerceri debeant, vel emendari, tum prohibendum sit, ne excisae verrucae, et condylomata, aliaque eiusmodi evulsa repullulent, quibus inspergitur, aut, ubi mitius agere conveniat, unguentis admixtus illinitur.

902. Caeterum qua ratione, quo tempore, quibusve regulis oporteat ista, quae modo proposui, tum Actualia, tum Potentialia medicamenta usurpare, ut nullamnoxam inferant proximis partibus, quibus admoventur, atque Artificis expectationem expleant; quae imponenda sint post inustionem, ut eschara facile, et prompte secedat; quibus remediis applicitis moliendum, ut copiosa suppuration superveniat; quando iteranda inustio sit, ut materies inutilis, arescente iam ulcere, iterum evocetur; quando id alienum sit agere, etsi vitium, cui per haec optulamur, nondum conquieverit; quamdiu morbo devicto trahenda ulcera sint; quae praestare oporteat, ubi eadem, postquam diu fluxerint, sponte inerescant, aut implenda cicatrice videantur, Chirurgorum officium est specialiter docere.

903. Interea, antequam hoc caput absolvam, non possum non eos, qui manu me-

dentur, excitare, ut accuratis experimentis, observationibusque studeant nobis monstrare quantum utilitatis, et commodi habere queat nova illa ratio Exedentia, aut Caustica administrandi, quam Ill. BARRYUS proposuit, cum suasit summum esse proficuum Caustum nunc acidum, nunc alcalicum alternis impositum. Quamquam enim CULLENIO eiusmodi methodus ex voto non cesserit, vel ipsi nihilominus non aliena visa est; imo quibusdam Chirurgiae Professoribus magnum interdum subsidium allatura videtur. Videant itaque, utrum ei solum coniectura, an etiam experientia respondeat.

C A P U T I X.

*De Sedantibus, ac primum de Antispasticis,
dein de Sopientibus.*

904. **P**ost illa Artis praesidia, quae humani corporis vires morbidarum caussarum vi lamente, imminutas, suisque motibus, qua decet ratione, celeritate, et constantia obeundis impares stimulo nunc miti, nunc valido, nunc vehementiori excitant, erigunt, augent, ac non parum incitant, ad ea sermonem ducimus, quae easdem vires ex dissimili caussarum genere praeter modum affectas, nimium incitatas, excussas, et auctas, earumque inconditos, abnormes, et nimios motus, qui Animales, Vitales, ac Naturales functiones, vel singulas, vel omnes perturbant, ac laedunt, proindeque varias, et graves aegritudines inferunt, opportune, apteque adhibita ita moderantur, compescunt, imminuunt, atque ad naturalem ordinem revocant, ut generatim, et proprie Sedantia a Therapeutis soleant appellari. Haec vero in varia genera distingui consueverunt, quamquam non ab omnibus Medicinae Scriptoribus eodem modo. Nonnulli siquidem Sedantia secernunt in Paregorica, seu quae dolorem mitigant, quin eius caussam tollant, aut quae extrinsecus imposita cum leniant; in Antispasmodica

quae spasmos, et convulsiones tum avertunt, tum solvunt; in Anodyna, quae interius sumpta sine ullo alio evidenti effectu dolorem discutiunt; in Hypnotica, quae dolorem dum moderantur et removent, levem, placidumque somnum accersunt, vel hoc inducto eum auferunt; atque in Narcotica, quae graviori concitato somno, seu potius citra noxam sopore, dolorem ipsum conspiunt, atque abigunt. Alii vero Sedantia in Antispastica, in Sopientia, seu Narcotica, atque in Refrigerantia mecum seiungunt.

905. De triplici igitur hoc Remediorum genere ita disseram, ut hoc Capite de Antispasticis loquar, ac de Sopientibus, sequenti vero de Refrigerantibus, ea solum persequens, quae ex manifestis eorum effectibus in morbis experientia compertis de ipsis viribus, atque usibus tuto proferri possunt. Si enim penitorem, primamque eorundem agendi rationem, vel actionis principia vellem intimius cum Nuperioribus quibusdam Medicinae Scriptoribus rimari, oleum sane, ut in proverbio est, atque operam perderem. In ea quippe re tam densis adhuc obruiimur tenebris, easque discutere aliqua luce affusa tam vacuum adhuc est ob principiorum, e quibus ratio omnis deducenda est, seu omnis actio debet explicari, incertitudinem, aut ignorantem, ut ipsae etiam hypotheses ad probabilem saltem conjecturam constituendam hactenus inventae non aliquam nobis in obscurò versantibus faciem praebent, at solum

irritos plurium sapientium Virorum labores ostendant.

906. Quare missis iis, quae neque conjectura satis assequi possunt, cum primum de Antispasticis dicere constituerim, praestabit singula remedia persequi, quae adversus spasticos, et convulsivos affectus probantur. Quae quidem nec pauca sunt, nec ex uno genere petita, nec iisdem praedita viribus, nec in omni casu utilia, nec eadem agendi modo proficia. Cum enim non una sit causa, quae nerveas, et carneas fibras ita afficit, ut spasmus, aut convulsio succedat, non unum quoque esse potest auxilii genus, quod aegritudinem eiusmodi compescat, et tollat. Aliud enim opus est si ab aucta virium actione, aliud si ab earum languore, aut defectu, aliud si ab alterno virium, et actionum incitamento, ac collapsu, spasticus motus fiat. Praesertim cum eiusmodi praeterea causas modo a nervorum insigni debilitate, modo ab eorum nimia tensione, modo ab acri humore iisdem insito, modo ab affectibus, qui sensorium proxime detinent, modo a vicio muscularum, modo ab involucris nervorum laesis, modo ab aliqua proximarum partium labe, duce Ill. TISSOT^o (a), primitus oriri Pathologi doceant. Hinc absolute Antispastica medicamenta non suppeditat Medicina,

C c 2

(a) Traité des Nerfs Tom. II. P. II. pag. 234.

sed alia, atque alia pro caussarum discrimine usurpat, quae natura, proprietatibus, atque agendi ratione inter se adeo differunt, ut eadem ad certum, ac distinctum Caput a Therapeutis minus recte revocari multorum sit sententia. Hos vero neque probare, neque refellere animus est; cum eorum observatio eos solum afficiat, qui indiscriminatim cuncta veluti Antispastica proposita, uno sermone complectuntur, nec eadem mecum in varia genera seiungunt.

907. Porro Antispastica occurunt plura, alia Vegetabilia, alia Fossilia, alia Animalia. Priora ex vario Stirpium ordine desumuntur, quae singulari potissimum odore, plerumque gravi, aut foetido antispasticam iam vim praemonstrare videntur. E Compositis desumitur *Artemisia vulgaris*, quam tamen, sicuti ad roborandum parvi feci (§. 794.), non pluris adversus hysterica passionem, et spasmos, quibus egregie opitulari Veteres existimarent, nunc faciam; desumitur etiam *Tanacetum balsamita* seu *Balsamite maris herba fragrans*, atque amara ab iis, qui eius in hysterica affectione, atque in melancholia adhuc dubiis viribus credunt; tum sumitur ab aliis non infimae notae Medicis *Tussilago petasites*, qui ab eius radice graveolente, ubi recens sit, paullo aromatica, acri, et leniter amara, tamquam alexipharmacum, atque antispastica superiori aetate apud nos magni facta, non solum boni aliquid in levioribus convulsivis affectibus iure expectant, sed ab

eadem ad unciam infusa, et quotidie diuque propinata epilepsiae, quod nimium est, curationem pollicentur (a); desumitur vero perraro, neglecta iamdiu *Anthemi cotula* seu *Cotulae foetidae* herba cum floribus, (utpote dubiae in spasticis Mulierum morbis efficacitatis) *Achillea millefolium* seu *Achillea*, cuius herba cum floribus ex levissime aromatico, et adstrictorio sapore cum prodat adstringentis, et roborantis virtutis indicium, non iniuria a quibusdam *Chamomillae* dosi commendata olim videtur in haemorrhagiis spasmo copulatis, in cardialgia, flatibus, passione hysterica, atque hypocondriaca, imo in ipsa epilepsia; dum interim ego tantam vim ei non inesse cognoverim, ac revera inefficacem in levioribus etiam casibus esse, suspicans potius *Achilleam ageratum* seu *Agerati herbam odoram*, atque amaram, nunc exoletam, minus imparem spasticis affectibus levandis futuram.

908. Longe aequiori proinde iure e Compositis Stirpibus Clinici desumunt, ubi antispasticum conveniat remedium, tum *Anthemis nobilis* seu *Chamomillae Romanae*, tum *Matricariae*, sive *parthenii* seu *Matricariae*, sive *chamomillae* seu *Chamaemeli vulgaris* flores, cum praeter reliquas iam expositas (§. 797. et seq.) vires, rite, atque opportune usurpati antispasticam quoque facultatem

Cc 3

(a) CRANTZ. Mat. Med. T. 2. p. 162.

exerant. Etsi enim eiusmodi vim traditae eo loco eorum qualitates manifeste indicent, eamque usus luculenter confirmet, non in quovis tamen ventriculi, intestinorum, atque uteri dolore, neque in omni spasticae, et convulsivae affectionis specie ipsam virtutem flores ostendunt. Nisi enim dolor, aut spasmus a flatibus, debilitate, laxitateque, aut stimuli defectu originem ducat, aut acrimonia, inflammationis metus, vel iusto maior irritabilitas absit, eiusmodi flores nec prosunt, nec convenient, qui etiam generatim hystericae, aut hypocondriacae passionis insultus saepe levant, ac subinde discutiunt quin generatim morbum radicitus tollant.

909. Validior igitur inter Compositas antispastica virtus *Arnicae montanae*, de qua iam dixi, (§. 799.) floribus tribuitur, sive ea cum quibusdam a resolvendi facultate derivetur, qua in cerebri nervorumque vascula obstructa agat, haerentesque humores discutiat, sive cum **COLLINIO** a singulari in cerasrum, et nervos actione deducatur. Porro eiusmodi remedium in spasticis, convulsivis, et paralyticis affectibus magni fit datum ea forma, copia, ac prudentia, qua dandum esse indicato loco monebam. Postquam enim **JUNKERUS**, **ESCHENBACHIUS**, **MARCHIUS**, aliique florum infusu potissimum usi plures **Aegros** a linguae, artuum, et totius lateris paralysi liberassent, **COLLINIUS** data opera florium vires antispasticas ulterius exploravit. Multis vero in medium prolatis curationum

exemplis summam florū utilitatem in omnibus paralysis speciebus, etiam gravioribus, neque amurosī excepta, tum in morbis a convulsione, et spasio profectis, ac speciatim in opisthotano, spasio cynico, aliisque vehementibus malis. Verum monere oportet apud nos eiusmodi flores spasmos solvendi fine, caute etiam adhibitos, ob eas, quas iam proposui, caussas raro, quamquam indicarentur, Aegris operem praestasse, imo iisdem plerumque offecisse, dum interea adversus paralysim usurpati saepe effectu non caruerunt. Hemiplegiam enim hoc uno medicamento licet admodum gravem ter sustuli, linguae paralysim ex serosa apoplexia cum inde laesa deglutitionis potentia bis discussi, ac semel vesicae paraesim curavi. Caeterum animadvertisi, ut florū infusus in paralysi certius prospicit, quandoque cum interno eius usu externum una esse coniungendum. Binae siquidem Mulieres non multae aetatis, ex hemiplegia paralyticae novent ab hinc annis in Valetudinario degentes cum ab Arnica intus diu assumpta nullam evidentem utilitatem accepissent, ab impositis postmodum floribus pristinum sensum, omnemque motus potestatem recuperarunt.

910. Quae vero ex aliis Stirpium Ordinibus antispastica Vegetabilia vel olim a Medicis peti consueverunt, vel adhuc prouintur, sunt ex Coniferis *Iuniperus sabina*, seu *Sabina*, cuius folia graviter olida, fervida, atque amara non solum ad menstruum san-

guinem pellendum aptissima olim habebantur ad dimidiā drachmam in pulv̄e, vel ad unam in infuso, verum etiam nervis affectis adversus spasmos proficua quibusdam visa fuerunt; ex Ascyrōideis *Tilia europea* seu *Tilia* quatenus eius speciatim flores odoris suavitatem, quae tamen exsiccatione perit, late effundentes, ab HOFFMANNO, aliisque in spasmis valde probati, A quam florū *Tiliae* Officinis praebeant, quae ad mixturas antispasticas parandas crebro a BURSERIO usurpata, ab ipso etiam MURRAYO od vim analepti-
cam, et discutientem flatu non parvi facta est (a); e Siliquosis *Cardamine pratensis*, cuius memini (§. 866.), flores utique largitūr, qui acris amaritie sua vires spondent, atque eximi revera in convulsivis, et spasticis morbis, si comitialem excipimus, Ill. *Viris BAKERI* (b) et LYSONSI (c) visi sunt, motis subinde sudoribus; sed neque Ill. GREDINGIO in gravioribus casibus, neque mihi in levioribus spasticis affectibus tentanti ex voto cesserunt; e Multisiliquis *Ruta graveolens* seu *Ruta*, et *Peonia officinalis* seu *Peonia*, quarum prima acris, fervida, leniter amara, et gravem admodum halitum spirans herba, etsi malignitatis, contagii, ac pestis antidotum a Veteribus perperam habita sit, atque ab

(a) Op. cit. Vol. III. pag. 527.

(b) Med. Trans. V. 1. p. 442.

(c) Practical Essays p. 173.

aliis deinde Medicis impensius, quam oportebat, in epilepsia, omoibusque pene morbis nervorum laudata fuerit, nimis tamen a Nuperioribus negligitur, cum stimulans, aromatica, et antiseptica interius in spasticis affectibus exhibita, atque in putridis etiam externis morbis usurpata saepe revera profuerit, et apte adhibita, ut vidi, soleat prodesse: quod quidem affirmare non possum de Peoniae radice, et floribus, quorum vires adversus epilepsiam, et spasmos olim adeo amplificatas post ea, quae speciatim in medium protulit Ill. TISSOTUS (a), frustra quidam, ut vel ipse experientia didici, tueri nituntur.

912. Quomodo vero quaedam inter Versicillatas quandoque possint pro varia morbi taussa, atque aegrorum conditione antispasticum largiri remedium, nemo est inter Medicos, qui facile non videat. Neminem pariter fugit ex Oleraceis non solum *Chenopodium* sive *vulvariam*, seu *Atriplicem* foetidam, aut *Olidam*, sive *botrytim* seu *Botrytim vulgarem*, sive *ambrosiodem* seu *Botrytim Mexicanam* herbas praebere a Medicis in morbis spasticis, ad quos non inutiliter adhibitas legimus, nimis hodie neglectas; verum etiam *Camphoram*, de qua fuse actum est (§. 849. et seq.) erogare in multiplici spasmorum genere valde proficuam, ac crebro

(a) Trait. de l'Epileps. 354.

usitatam, si in eo rerum statu, eo modo, eaque dosi, et prudentia exhibeat, quam ibidem tradidimus. Antispasticam enim eius saepe egregiam facultatem Medicorum non pauci evicerunt cum ostenderint molestas ventriculi, intestinorumque inflationes, oppressiones hypocondriorum, singultum, asthmaticos insultus, malum hystericum, atque hypocondriacum, et inde ortas multiplies, ac gravissimas molestias, febrium horrorem, melancholiam, quasdam maniae species, aliasque aegritudines, quas spasmus, aut convulsio intulit, vel comitur, quasque Clinici speciatim determinant, saepe aut mitigasse, aut etiam sustulisse, etsi interdum, Ill. HOMIO animadvertente, breve nimis sit commodum, quod Camphora affert, ac plurimumque ad mali redditum inhibendum non valeat (a).

913. Quam autem eximum antispasticum remedium vel unum Aggregatarum Stirpium Genus suppeditet, nempe *Valeriana* cum ex officinali specie, eiusque potissimum varietate foliis angustioribus distincta, atque in montanis locis obvia praebeat Radicem, quae Martio ineunte, cum caulem nondum emiserit, effossa halitu aromatica, et foetida, ac gustui subdulcis, leviter acris, et americans est, quin exsiccata odorem, saporemque exuat, nisi etiam, BERGIO auctore,

(a) Clinical. exper. p. 193.

utrumque intensiorem prodat, nemo est qui
inter Medicos ignoret. Quamquam enim
RUTTYO, aliisque non videatur eiusmodi
Valeriana ARAETEI, GALENI, DIOSCORIDIS,
aliorumque Veterum Phù, atque a quibus-
dam in dubium revocetur ex ea destillationi
tradita oleum essentiale, a SAGARIO praeser-
tim indicatum, cum amara, atque odora aqua
prodire (ego enim e tribus radicis unciis
humida via distillatis tredecim grana eiusdem
olei flavescentis, tenuis, acris, atque aquae
innatantis (a) obtinui) in eo iam omnes
Clinici consentiunt Radicem hanc antispastica
facultate multis, ac maioribus morbis opitu-
lari, imo in epilepsia curanda hactenus com-
petitis remediis antecellere. Tot enim epi-
lepsiae curationes a diversis caussis natae,
et vim aliorum remediorum eludentis eadem
absolutae memorantur a FABIO COLUMNA,
PANAROLIO, SCHUCHMANNO, MARCHANTIO
SAUVAGESIO, HALLERO, aliisque, tot sunt
super ab Ill. TISSOTO in aureo eius de
Epilepsia tractatu prolatae, ut cum eo exi-
stendum sit, quoties haec radix p[re] cae-
teris medendi methodis indicata non prosit,
toties declarari nullam amplius curationem
morbum admittere, ac vitium nervorum in
eorum origine medicaminum potentiam longe
superare. Hinc ego pluribus curationibus
(quas iam alibi retuli (b), et quibus alias

(a) Op. Therap. pag. 231.

(b) Op. cit.

postea institutas addere possem) Aegrorum, quos modo idiopatica, modo secundaria, modo sympatica epilepsia detinebat, evidenter cognovi nullum ea praestantius, ac magis generale nobis suppetere dirae huius aegritudinis auxilium, quod iis etiam in casibus, quibus ob impossibilem caussae amotionem a me exhibita Valeriana mederi nequivit, confirmatis nervis, atque irritatione mitigata boni aliquid generatim praestiterit. insultus retardando, atque una eorum impetum minuendo.

914. Non ergo audiendi sunt qui Valerianae Sylvestris radicem vel inertem, vel stomacho nocuam, vel non satis experientia contra epilepsiam probatam adhuc praedican. Eos porro non unam caussam in errorem adduxisse verisimile est. Radicem forte administrarunt aestate collectam quando viribus prorsus expertem usque ad semunciam inutiliter propinari **CULLENIUS** observavit. Dederunt maiori copia, quam initio conveniat, quod ubi fiat anxietatem aliquam inferre doseos imminutione, vel Macidis additamento facile avertendam Cel. **TISSOTUS** concedit, nos interim monens stomachi mala quae ex Valeriana interdum visa dicuntur verosimiliter profecta fuisse a radice venenata **Ranunculi**, quae in quibusdam Officinis cum ea incaute confusa aliquoties occurrit. Valerianam praeterea usurparunt nulla praemissa corporis praeparatione, quam tamen pro varia Aegri conditione dissimilem plerumque

necessariam esse MARCHANTIUS, et TISSO-
TUS monuerant, qui modo sanguinis missio-
nem, modo antiphlogistica, modo diluentia,
modo balnea, modo incidentia, modo pur-
gantia, modo alia praemittere consueverunt.
Ipsum forte nimis parva dosi exhibuere, aut
non ea, qua magis expedit forma, non scili-
cet ab uno scriptulo ad drachmam, quae
dosis sensim aucta bis, terve etiam die pro-
re nata praescribitur, aut aliis potius modis
quam in pulvere, qua ratione praestare Vale-
rianam experientia mihi monstravit, cum
ostenderit salutem hac forma duobus Epile-
pticis attulisse, qui eam infusam sine ulla
fere utilitate diu usurpaverant. Eam quoque
praescripserunt non cum scobe ferri, ac po-
tissimum cum Cortice Peruviano, aut cum
aliis remedii, quorum coniunctio vires ei
non adimit, imo saepe novas addit, sed
cum aliis copulatam medicamentis, quae eius
indolem invertunt, aut efficacitatem enervant.
In eius usu victus opportunam rationem negle-
xerunt Aegris imperare, ac praesertim a vino
abstinentiam, quod non minus morbi natu-
rae favens, quam remedii actioni contrarium
deo observavi, ut inde non raro inutiliter
susceptae curationis una caussa extiterit. Re-
medii usum tamdiu non protraxerunt quam-
diu ad curationem, atque ad facilem morbi
redditum praecavendum necesse erat, neque
subinde, eo relicto, et morbo sublato, sal-
tem intra annum, ut soleo praecipere, ad
eum iterum per aliquod tempus redierunt.

Denique ideo inefficax remedium habuerunt, quod non animadverterint ab iis caussis moribum non raro progigni, quas Ars nequit superare, tum in comitiali morbo, etiam quando is Medicinae vires non excedit, spectata dissimilitudine caussarum, summam esse variae, ac multiplicis curationis necessitatem.

915. Haec autem cum ostendant iure Valerianam adversus epilepsiam eximiam iudicari, caussam quoque ostendunt, ob quam alius etiam convulsivis, et spasticis morbis persaepe medeatur, cum scilicet horum curatione longe minus difficilis habeatur. Sunt eiusmodi cephalalgia, hemicrania, affectiones hysterica, atque hypocondriaca, nimia mobilitas, aut sensilitas partium, stomachi intestinorumque passiones a nervis primario affectis, aliaque mala a simili caussa orta, quae sola Valeriana tum *Clinicorum* plerique superarunt, tum ego ipse pluries sustuli. Ea scilicet mala radix Valerianae sylvestris sustulit, quae *Valeriana celtica* seu *Nardo*, aut *Spica celtica* sanari aequae posse ii existabant, qui perperam, ut multiplice experimentorum serie demonstrosavi (a), istam speciem sylvestri supparem esse coniiciebant. Haec vero nisi *Celtica Valeriana*, saltem radice *Valerianae phœniciæ* seu *Valerianæ maioris*; (quae ut saporem, odoremque, sic vires

(a) Op. cit. pag. 230. et seq.

attингat sylvestris) tolli pari efficacitate posse, qui arbitrantur, proferant quaeso observationes, quae eorum conjecturae respondent. Ego enim hisce destituor, quibus possim eiusmodi opinionem vel confirmare, vel refellere.

916. Interea abs re non erit meminisse Valerianaе Sylvestris radicem non conditio-
nem nervorum solum immutando adductis morbis mederi, sed etiam excretionem aliquam generatim promovendo. Modo enim sudorem, modo urinam, pro vario Aegrorum discrimine, sollicitat, incitando, roborando, ac discutiendo. Hinc originem duxerunt Valerianaе p̄aeconia in paralysi, obstructionib⁹, et leucophlegmatia: in quibus morbis nisi perpetuo, interdum tamen profusse verisimile est, ac mihi revera non una observatione compertum. Nuperrime siquidem in Viro epilepsia laborante, cui leucophlegmatia se adiunxerat, consueta Valerianaе dosis urinas tam valide, ac crebro excivit, ut hydropisi brevi discussa, copia remedii imminui debuerit, ne nimio, quod adhuc ciebat, urinarum profluvio, vires prosterneret, aliisve modis noceret. Caeterum Valerianaе, (quam cum BERGIO vomitum non concitare, atque alvum vix unquam laxare vidi), ad medendum reliquos usus alibi attingam.

916. Nunc ordo postulat, ut ad Umbellatas accedam Stirpes ea negligens Vegetabilia, quae ex aliis Ordinibus sumptas veluti antispasticas quidam nobis minus recte pro-

posuerunt. Quis enim censebit ex Personatis ductam *Verbenam officinalem* seu *Verbenam contusam*, et capiti impositam spasticae cephalgiae, sive diutinae, sive vehementi misericorde mederi, etsi ETTMULLERUS, FORESTUS, HAENIUS, aliique tradiderint? Ego sane non credam, licet omni medicata virtute cum quibusdam destitutam vocare non possem *Verbenam postquam* didici expressum ex ea succum paullatim ad unam, alteramve drachmam, donec aliquot eius unciae insumentur, febri tertiana, interdum duplice, non pravae interim indolis, occupatis plures salutem attulisse, ac pueris minori copia exhibitum non sine nausea, aut vomitu profuisse; etsi tamen non in omni febrium constitutione, ut perperam Vulgus alicubi existimat, proficiat. Quis rursus e Rhoeadibus flores *Verbasci thapsi* seu *Verbasci flores*, licet suaviter oleant, antispasticos cum aliis Medicinae Scriptoribus censebit reputans animo eiusmodi vim experientia constitutam non esse? Harum sane Stirpium loco magnam quisque fiduciam iure optimo habebit in Peruviani Corticis usu cum singularis eius in nervosis, spasticis, et convulsivis morbis praestantia, ubi a laxitate orta aegritudine non stimulo iniuriosam potentiam adimere, non irritare, aut valde calefacere, sed fibris robur restituere, atque humoribus naturalem densitatem reddere convenientem, omnibus iam Clinicis compertissima sit. Tunc enim modo per se, modo cum Valerianae radice con-

functus, modo aliis admixtus remediis, modo cum lacte, aut mucilagineis, quae nimimum stomachi sensum retundant, unitus tantam efficacitatem ostendit, ut nulli pharmaco cedat, atque hysterics, hypocondriacis, nervosa debilitate, et spasio diversarum partium laborantibus, epilepticis, ac convulsiva tussi obnoxius, ac varia convulsionum specie occupatis summum praestet pharmacum, quod malum vel avertat, vel leniat, vel radicitus tollat. Quo vero a Corticis agendi ratione minus recedunt Amara caetera, et Roborantia, quae alibi exposui, eo etiam utilius in nervosis, spasticis, et convulsivis morbis ei suffici solent. Quare facile crediderim Corticem *Swieteniae mahagoni* ex Insulis Caribaeis ad nos nondum allatum in istis quoque morbis Cortici Peruviano persimilem vim habitum, si qualitates, et reliquas eiusdem vires habeat, quemadmodum quidam nuper tradiderunt (a).

917. Iam vero de iis Umbellatis dicam, quae gummi-resinosa medicamenta erogant non mediocris virtutis ad spasmos mitigandos, ac discutiendos, monens interea Umbellatarum Stirpium, de quibus iam dixi, semina, quae sapore, et fragrantia praestant, ipsa quoque, sive agendi ratio spectetur, sive natura morborum, quibus auxilio sunt, ad Antispastica iure revocari. Iam vero e *Ferulae*

Tom. II.

D d

(a) MURR. op. cit. Vol. VI. p. 132. et seq.

assae foetidæ in Persia crescensis radice, non ex caulis, succus lacteus, et pinguis incisione uberrime distillat, atque interdum arte exprimitur, qui Solis vi album colorem amittens in frusta flavescentia, seu potius, purus ubi sit, pallide rubra, atque albis granis interspersa concrescit; quae ad nos advecta adhuc vehementem, foetidissimum nidorem sibi proprium cum Alii odore coniunctum spirant, acrem, et calidam amaritatem habent, atque aqua, et alcohole soluta plus gummi, quam resinae largiuntur. Quamquam autem dubium sit, an succum istum, ut patet, perperam in Officinis olim gummi vocatum, Veteres Laseris, vel Laserpitii, vel Succi Cyrenaici, aut Syriaci nomine cognoverint, (quem succum ad ciborum usitatissimum condimentum Indi recipiunt), dubium sane non est, eum a paucis granis ad scriptulum, quae dosis iteratur, et sensim augetur, pilularum forma, quae invisas eius qualitates obvelat, assumptum, vel ad quatuor scriptula, vel ultracum lotione infusum, interdum instar suffitus usurpatum, eximiam antispasticam potentiam ostendere, eamque cum roborante, discutiente, atque antiseptica, aliisque facultatibus sociatam. Doloribus quippe ventriculi, et intestinorum, tympanitidi, hypocondriacis, hystericsque affectibus, a rarescente aere, laxitate, debilitate, et spasmo illatis potenter subvenire, epilepsia obnoxiiis, in apoplexiā non sanguineam pronis, asthmate ex pituita, ac præsertim ex spasio, ac convulsione labo-

rantibus saepe auxiliari, ac tum in morbis generatim nervosis, et spasticis, tum in aliis non paucis, expedita ciborum coctione, mensibus avocatis, sudore incitato, alvo interdum reserata, deturbatis vermisbus, ac putredine cohita, non mediocrem opem affere Assam foetidam praestantiores Clinici observarunt. Quare mirari subest tam magnum Artis praesidium, quo vel nuper reluctantem diu, multumque remediis aliis asthma spasmodicum bis die redeuntem cum suffocationis metu in Viro, atque in Foemina mira promptitudine curavi, a plerisque Medicorum negligi, praesertim cum innocuum existat, ubi calefacientis remedii usum morbi, aut aegri natura non excludit, atque ad nauseam, et molestiam, quam foetore suo quibusdam parit, avertendam satis est aut mucagine involvere, aut in alvum saltem infundere.

918. Qui vero succus tum sponte, cum incisione e trunco *Bubonis galbani* extillans, ac deinde concretus in grana, vel in massas e Mauritania potissimum, atque ex Persia adfertur, *Gummi Galbani* nomine, licet gummi resinosus appareat, mucilagine arabica, aut syrupo commode subigendus, ubi probae notae sit, non arenulis, terra, aliisve alienis rebus admixtus, non fuscus, non durus instar ligni, aut vix odorus, aut vix aliqua praeditus amaritie, at molliusculus, pinguis, tenax, albicans, vel flavescentis, foetidus, gravis, ac non sine acri fervore amaricans

stimulando, et resolvendo egregie prodest in morbis spasticis, et convulsivis, atque in pectoris pituitosis affectibus, viscerumque obstructionibus ex laxitate, in quibus tutum, et utile est irritare, ac calefacere. Secus medicamentum, quod non infrequenter video egregie prodesse a medio scriptulo ad unum, vel alterum mucilagine involutum, aut mixturis additum, certo noceret. Hinc declaratur cur intrinsecus sumptum, vel exterius ad bubones, et tumores maturandos, atque ad paralytica membra stimulanda in modum emplastri usurpatum gummi Ammoniaco praeferti soleat, hoc vero ei, utpote minus calcificiens, ac magis resolvens, anteponatur, ubi resolvere conveniat.

919. Vires Galbani aemulari, atque in iisdem casibus sive interius, sive exterius adhucbitus eadem dosi prodesse dicitur, (licet debilior revera sit, et rarius per se adhibetur) succus ille, qui in calidioribus regionibus, ac praesertim in Sicilia, e *Pastinaca opoponace* prope radicem incisa aestivo tempore erumpit gummi-resinosus, et lactescens, dein sponte inspissatus in grana, vel grumos, vel glebas ad nos pervenit, atque Opopanax dicitur. Probatur qui in lacrymas concretus est, aut granatim adhaeret, nitet extrinsecus croceo colore, intus albicat, friabilis est, ac pinguis, graviter olet, et multa, ac persistente pollet amaritie. Reicitur qui in glebas compactus ob admixtas caulium festucas solidus est, nigricat, ac minus amarus, atque

una ingratus gustantibus appetet. Huic accensetur concretus pariter succus plus resinæ, quam gummi habens *Sagapeni* nomine in Officinis cognitus, quatenus idem ex Persia allatus, auctore MURRAYO, ex Umbellata stirpe erumpere videtur, etsi eiusdem genus adhuc ignoremus. Adfertur nunc in massas, nunc in glebas, nunc in frustula coactus, quae ut figura, magnitudine, mollitie, et puritate; sic etiam colore saepe differunt, qui tamen ad rubrum, quo magis accedit, eo meliorem, purioremque indicare succum dicunt. Hodie vix non obsoletus nobis est, quamquam ex similitudine odoris validi, quam habet cum Assa foetida, ex saporis nauseosi, fervidi, amaricantis, et acris indole, atque ex sententia Medicorum tutissimum sit existimare, ad utiliora Antispastica remedia eum pertinere, ac commode posse Assae foetidae substitui quoties paullo mitius agere oporteat, nec necesse sit, ut ea promptudine, qua Assa foetida solet, medicamentum operetur.

920. Iстis saltem gummi resinosa natura accedunt succi alii concreti, quorum tamen usus, si unum excipimus, apud nos vel eviliuit, vel nondum invaluit. Etenim quae in Officinis adhuc occurrit *Tacamahaca*, perpetram gummi vocata, cum resina sit ex *Fagara octandra* in Curacao potissimum obvia, ab inciso cortice extillans, ac concreta in glebas variae magnitudinis viridescentes, sordibus saepe inquinatas, fere pellucidas, tena-

ces, valide fragrantes, halitu instar lavendulae, ac leviter amaras olim egregie antispastica, et discutientis, etiam in suffitu igne resoluta ab hystericis, atque asthmaticis una cum aere inspirata, hodie eviluit adeo, ut vix emplastris addi soleat, utpote quae facile cuti adhaeret. Usus vero apud nos nondum invaluit *Carannae gummi*, seu resinæ ex Palma nondum determinatae speciei, inciso cortice, erumpentis, quae in Nova Hispania vel exterius imposita dolores sedare, atque etiam dentium, temporibus applicita dicitur. Neque invaluit usus succi magna ex parte resinosi, odoris gravis, leviter balsamici, ac saporis paullo acris, quem ex America advectum, nec notum genere, nec a me hactenus visum, gummi *Kikekunemalo* dictum, MURRAYUS nuperrime describens (*a*) voluisse minus dubia roborantis, resolventis, discutientis, atque antispasticae virtutis argumenta in morbis praebuisse. Neque usu hic invaluerunt gummi *Galda*, et gummi *Look*, quae duo gummi resinosa corpora ignoti adhuc generis ad medendum proposita, atque in natali loco interdum exhibita idem MURRAYUS recensuit monendo utriusque facultates resolventes, discutientes, atque antispasticas, ac caeteras, quae alterutri tribuuntur, experientia nondum suffultas

(*a*) App. Vol. VL pag. 207., et seq.

esse (a). Unum proinde est gummi *Ammōniacum*, quod a Medicis negligi non debet. Sed cum eiusmodi gummi resinosum corpus hactenus prolatis antispastica virtute longe debilius habeatur, ac magnam potius apud Medicos famam ob resolvendi, ac discussiōni virtutem sibi comparaverit, de eo rectius alibi disseram.

921. Itaque sermonem convertam ad ea Antispastica, quae ex Animalium genere Medicina hodie desumit. Negligam idcirco illa omnia, quae licet adhiberi alias consueverint; attamen non Antispastica esse, at superstitiosa, vana, atque aliena ratio, atque experientia, nostra maxime aetate, monstrarunt. Quisnam *Mytili margaritiferae* calculos, quos Uniones Latini, Perlas, aut Margaritas Medici vocarunt, tum grana Kermes e *Coco ilicis* petita, e quibns succulentis cum saccharo Syrupus alkermes adhuc conficitur, tum e *Coco cacti* sumptam Coccinellam ad remedia, quae cephalica, analeptica, cardiaca, atque alexipharmacā dicebantur, pertinere arbitrabitur? Quisnam vero cordatus non risu excipiet, quae de *Unicornu* seu dente e superiori maxilla *Monodonis monoceps*, Narval dicti, prodeunte in scobem redacto, tamquam eximio exanthematici, contagiosi, et maligni cuiusque morbi remedio, atque epilepsiae, omniumque pene cerebri, nervorumque affectuum absolutorio, unde

D d 4

(a) Op. et Vol. cit. pag. 200., et 210.

antispastica Praeparata, et Composita medicamenta ingrederetur, fidenter proferebantur? Quisnam os petrosum *Trichecbi manati*, vulgo Lapidem Manatum eximias adversus epilepsiam, et spasmos possidere facultates cum RIVERIO, et HOFFMANNO censebit, aut cum aliis pares vires, *Hippopotami amphibii* dentibus comminutis in pulverem tribuat? Quisnam ex *Elephante maximo* desumptum Ebur in scobem redactum compositis medicamentis adversus convulsiones, et spasmos olim magnifactis addendum suadebit, vel contra epilepsiam, vertiginem, aliasve spasticas, et convulsivas passiones adhibitam *Cervi alcis* seu Alcis sinistri pedis ungulam in pulverem tritam non irridebit, aut vulgo dabit arefactum *Caprae hirci* Sanguinem partim in nervos operando, partim humorum coagulum impediendo mala a metu, et terrore futura praeeavere? Quisnam non absurdas arbitrabitur, quae tum pilae e paleis, plantarum recrementis, et terreis particulis ob interpositum gluten natae in ruminantium Animalium, ac speciatim *Caprae rupicaprae*, seu Rupicapræ ventriculis, tum *Aegropilæ*, aut calculo e quarto ventriculo sumpto *Caprae bezoartieæ*, Bezoar iamdiu vocato, a Medicis caeterum magni nominis tribuebantur, qui utrumque, ac praesertim Bezoar, ut cephalicum, analepticum, cardiacum, antispasticum, alexipharmacum, omniumque pene venorum antidotum habentes passim ad medendum receperunt? Haec quisque despiciet,

maximeque indignabitur Cranium hominis violenta morte absumpti in tenuem pulverem comminutum antispasticum, cephalicum, atque epilepticis utile quosdam habuisse, ac praesertim spiritum, et sal volatile, utrumque ex eo destillatione consequutum; plerosque adipem in celebri, nervorumque morbis, ac rheumaticis doloribus illinitum olim probasse, neque Vulgum adhuc adspetnari; alios Mumia ex Aegypto allata spasmos, atque epilepsiam solvere tentasse; nec demum Epilepticos horruisse gladiatoris, vel nocentis hominis iugulati calidum sanguinem bibere, ut morbo se liberarent: „apud quos, inquit „CELSUS (a), miserum auxilium tolerabile „miserius malum fecit„.

922. Verum si ista, aliaque huius gentis ab Arte longe aliena sunt, non desunt tamen (etiam si mittam unguen illud e magno folliculo *Viverrae zibethae* olim petitum singulari valido, atque aromatico halitu datum, acre, nauseosum Moscho par virtute perperam habitum, atque apud nos obsoletum) duo ex Animalibus sumpta medicamenta Antispastica, quibus rationalis Medicus fideat. Unum *Castor fiber*, alterum *Moschus moschiferus* suppeditat. Primum quod spectat nostra scire interest, in illius animantis binis folliculis ovi gallinacei magnitudinem fere habentibus, iuxta anum, et uretram sitis.

(a) Lib. III. pag. 197.

atque a testibus diversis, contineri pinguedinis speciem, instar sebi sensim indurescentem, leviter nigricantem, singulari odore pene trantissimo aromatico, et gravi donatam, gustui amaram, paullo acrem, et nauseantem, inflammabilem, atque e materie compositam, quae partim resinosa est, partim mucilagineo gelatinosa, partim extractiva, ac sale, quem III. NYCOLAS Phosphatem ammoniacalem declaravit, dum III. FOURCROYUS invenit resinam illam aemulari eam, quae ex bile educitur, atque in ipsa omnem vim medicatam delitescere. Eiusmodi materies Castoreum vocatur, quod in multis cellulis secretum, quae duos maiores folliculos componunt, nisi fibris, et membranis intertextum sit, verum, purumque non habetur; quamquam hoc etiam modo adulteratum interdum occurrat sanguine, atque adipe animantis in iisdem folliculis oleosae materiae loco arte immissis. Ex minori interim odore, quem tunc spirat folliculus, fraus detegitur, imo facta solutione cognoscitur, num aliis modis, nempe Ammoniaco, Sagapeno, melle, arenulis, aliisve additis rebus lucri cupidio Castoreum corruperit, quod ex Rutheno imperio allatum, utpote odoratissimum, aliunde petito praestantius, et medicatus censetur.

923. Castoreum sane post HIPPOCRATEM, GALENUM, aliosque Veteres communifere consensu par remedium ubique Medici habuerunt muscularum inordinatis motibus conspiendis, mobilitati nervorum sedandae,

spasticis doloribus ex aere stomacho, atque
intestinis vim inferente mitigandis, erigenda
cordis, aliarumque partium irritabilitati, aliis-
que alibi proponendis effectibus praestandis.
Verum cum quidam Artis Proceres nostra
aetate monuissent, nullam occurrere certam
observationem, quae tantas vires demonstret;
cum Ill. HOMIUS in adductis casibus inutile,
aut parum efficax Castoreum se observasse
tradiderit, cum denique neque in Cel. ALE-
XANDRI periculis (§. 541.) neque in iis,
quae ipse institui, audacter a sano homi-
ne assumptum vel calorem auxerit, vel pul-
sum concitaverit, sui nominis plurimum ami-
sit. Caeterum fateor, ut iam monui, (§. 541.)
mutata sententia, quam alibi posueram (a)
sicuti novae observationes me docuerunt,
odore praesertim suo, hysterics, ac convul-
sione leviori detentis non raro subvenire,
ubi et simpliciori ratione, et maiori dosi,
quam fieri olim consueverat, nempe pilula-
rum forma a decem granis ad scriptulum,
iterata etiam dosi, vel alchohole extractum
ab octo guttis ad triginta propinetur. Quam-
quam vero hac ratione proficuum existat,
quando tamen validum Antispasticum requi-
ritur Medici expectationi explendae impar-
est.

924. Sed quae Castoreum in spasticis
gravioribus affectibus non explet vota Me-

(a) Opus. Therap. V. I. pag. 305.

dicorum, explet singularis illa materies Moschus nuncupata, quae in *Moschi moschiferi* folliculo prope genitalia conspicuo collecta per bina foramina hiantia e corpore excernitur. Ea siquidem pinguis, sebacea, gryseo fusca, leviter amara, paullo acris, eminus fragrantissima, et proprium odorem summopere penetrantem, diutissimeque persistentem retinens in iis corporibus, quibus tenuissimas sui particulas, in infinitum pene dividuas, quae undique emanant, vel minima copia tribuerit, in nervosum genus tanta promptitudine, ac potentia operatur, ut dum quibusdam Mulieribus, ac Viris sensilioribus cominus olfacentibus vertiginem, nauseam, animi deliquium, aut convulsionem quandoque infert, avocatque interdum e naribus sanguinem (a), tum iisdem, tum caeteris nervosa, convulsiva, et spastica affectione laborantibus si propinetur validissimum, utilissimumque remedium generatim largiatur. Mira siquidem Moschus tenuitate partium donatus, et fugacissimus illico cuncta permeans cerebrum, et nervos proxime afficit, ac nervearum fibrarum, dein muscularium conditione mutata, ac postmodum facile propagata actione ad caeteras partes, cum quibus odorem suum, qui spiritum, urinam, ac sudorem etiam inficiat, evidenter communicat, ad subitos, multiplices, ac magnos edendos effectus accommo-

(a) TRALL. Diss. de Limit. laud. Moschi. §. 4.

datissimum sane pharmacum est; ubi tamen istud integras suas proprietates retinens odorum maxime sit, neque viribus aetate effoeatum, neque alia ratione enervatum, aut etiam alieno additamento corruptum. Qui enim Moschus super carentem laminam impositus non illicoflammam coenicit, non foetidum, ac leviter urinosum halitum emittit, non in auras fere omnis abripitur, at potius in terream materiem convertitur, quique praeterea ferrugineo colore caret, ac parum odorus percipitur, non purus, non integer, atque optimus est; sed vetustus, non rite servatus, vel sanguine, adipe, aut carne animalis corruptus, terra Iaponica admixtus, aliisque rebus lucri caussa a Mercatoribus adulteratus iudicatur.

925. Unde nam vero tantam Moschus accipit potentiam? Ut eiusdem caussam, seu verum actionis principium patefacerent Therapeutae ad ea, quae cum Moscho olim egerant Chemici, studium revocarunt. At perperam, donec Nuperiorum industria Moschi principiis certius declaratis lumen in obscurissima re nobis affulserit. Postquam enim Moschum componi cognovissent ex materie, alia resinosa, alia gelatinosa, alia extractiva, atque ex quodam sale, quem incognitum natura Cl. MARABELLIUS Phosphatem ammoniacalem esse nuper reperit, demonstrarunt deinde odorem resinae, (quae interim copia gelatinae, atque extractivae parti plurimum concedit), ita proprium

esse, ut eadem dempta, e superstite materie odor ipse adimatur, quemadmodum virtus adimitur. Quod si Aqua ex addito Moscho odoratissima quoque sit, nec efficacitate careat; perperam inde quidam concludunt resinae neque odorem, neque virtutis principium adhaerere. Nam, praeterquamquod aqua tinctura Moschi utroque respectu plurimum cedit tinctuae alcoholae confectae, ideo aqua odorem, et vim a Moscho adiecto, ut experimento innotuit, aecipit, quia ipsa resina ob arctum cum aliis principiis, quae aqua solvuntur, nexum in eam quoque partim transit. Et re quidem vera si post resinan eductam quod de Moscho superest aqua solvas, neque illam fragrantiam, neque Moscho propriam vim idem patefaciet. Sed haec fusius alia occasione pertractabo, quando nempe experimenta, atque observata referam, quibus studeo verum in Medicina praetium, atque usum constituere tum Stirpium, quae Moschum redolent, sicuti sunt *Geranium moschatum*, *Malva moschata*, *Lathyrus moschatus*, atque aliae, tum speciatim seminum *Hibisci abelmoschi*, quae istis magis fragrantia, indole, ac vehementia odoris ad Moschum adeo accedunt, ut succedaneum huic remedium erogare posse, atque etiam, ex eo, quod emulsionis forma exhiberi queant, commodissimum MURRAYO (a), aliis.

(a) Op. cit. Vol. III. pag. 376.

que probabili admodum conjectura visum fuerit.

926. Interea mihi licebit ex Moschi resina odoratissima potiorem eiusdem phar-maci vim deducere, qua cuncta pervadens evidenter excitando, nervorumque conditio-nem mutando torpentes vires excutiat, hu-morum motui opposita impedimenta remo-veat, contractiones convulsionesque solvat, perturbatas functiones ad pristinum ordinem revochet, ac sudorem leniter invitet. Qua quidem multiplici actione perspicuum fit quomodo Moschus languidis, debilibus, hy-stericis, hypocondriacis, melancholicis, ac paralyticis mirifice subveniat; quomodo Ae-gris, qui detinentur sopore, ac nervosis, et malignis febribus, morbisque exanthematicis, ac variolis ex retropulso exanthemate, aut negre erumpente, aut ex prava febris non inflammatoriae indole gravioribus laborant egregie auxilietur; ac quomodo denique epi-lepticis interdum profuerit. Omni siquidem noxa caret, ac summa revera promptitudine, atque efficacitate adducta mala mitigat, et sanat, quando spasmus, et convulsio a lan-guore, et debilitate originem ducunt, aut ab ea nervorum conditione, quam volatile, et penetrans remedium repente mutat, eaque confestim mutata, malum cessat, aut quando Moscho a morbi natura, eiusque caussa indicato neque humores nimio impetu caput subeunt, neque corporis habitus exsuccus est, neque calor excedit, neque nimia irritabilitas, ple-

thora , proclivitas ad inflammationem , aut consuetudo ad haemorrhagiam praesto sunt . Quamquam enim interdum a Clinicis clari nominis animadversum sit in spasticis affectionibus , artuum tremoribus , tendinumque subsultibus , in quibus neque utilis , neque inoxia Camphora extiterat , Moschum exhibitum , etiam pulsu duro existente , non raro profuisse ; singulari morborum , caussarum , Aegrorumque naturae id tribuo , cum in ea sim sententia , hoc pharmacum , quo saepe utor , generatim non convenire , quoties vires adhuc vigent , neque a debilitate , aut languente sensu nervorum motus abnormes fiunt .

927. Quare qui in morbis nervorum , ac speciatim in epilepsia , in mania , atque in colica Moschum indiscriminatum praescribunt , videant quid agant . Etsi enim Moschi usu duos Viros epilepticos olim plurimum iuverim , ac Mulierem ex diutino moerore , epilepticam nuper sanaverim , in Adolescentem tamen , atque in Virgine observavi comitalem morbum , quoties Moschus datus est , toties crebriores , validioresque insultus accersisse , quia scilicet in illis a debilitate , ut visum est , morbus originem agnoverat , in istis a terrore natus firmas admodum corporis vires nondum fregerat . In maniacis vero , etsi ego nunquam Moschum dederim , tamen ad curationem ab aliis adhibitum delirium , et furorem auxisse potius vidi , quam mitigasse . In colica item , quam hysterical

Moscho saepe curavi, interdum in alvum infuso, memini eodem remedio audacter dato auctos plurimum fuisse intestinorum cruciatus, quia Artifex sero cognovit cum nervorum affectione instantis inflammationis indicia subesse. Quod si addimus, quae de Moscho Vir summae auctoritatis TISSOTUS docuit, eum (*a*) quandoque instar Opii agere, atque huic certa dosi datum fere suffici posse; quam maiori saepe diligentia curandum non erit, ne indiscriminatim in quavis spasticae, et nervosae aegritudinis specie, aut in quovis Aegro adhibeatur?

928. Quam caute profecto eum administrandum esse crediderim ubi podagra ad interiora delata caput, aut stomachum prehendit, ac cephalalgiam, delirium, vel cardialgiam, singultum, aliaque mala suscitat. Quemadmodum enim eiusdem morbi, Aegrorumque differentiis spectatis facile assequor cur non raro Moschus a CULLENIO datus potuerit profuisse; pari modo vereor, ne interdum ad ea lenienda mala, atque ad podagram revocandam non valeat, imo noxam inferat. Non enim semper a debilitate, et spasmo podagra repellitur, nec ab iis, quae excitant, et calefaciunt ad pristina loca tuto revocatur; imo diversam indolem praeserferens, atque ob dissimilem prorsus caussam interiora subiens contrario remediorum genere solum.

Tom. II.

E e

(*a*) *Traité de l' Epilep.* pag. 321.

modo mitigatur, atque ad artus iterum adducitur. Memini revera vomitus ex arthritica materie in Viro mediae aetatis subinde podagra tentato, imprudenter repulsa, ex Moschi usu tunc a Medico non ignobili instituto crebrioris, ac vehementioris facti, atque iam inflammationem minitantis (remedii partite in pilulas dati duabus drachmis triduo insumptis), nec prius sublati quam relichto eiusmodi pharmaco, detracto bis sanguine, ac lacti sero abunde propinato, aptius curationis genus Artifex elegerit, quod protinus vomitum lenivit, dein sustulit, podagra utrumque pedem denuo invadente.

929. Ob adductas proinde caussas sciant se tutissime non agere qui Sinensium more Moschum, ubi conveniat, ad quadraginta, aut sexaginta etiam grana intra diem impendunt. Quae enim ob crebrum usum iisdem innocua, ac proficia methodus est, apud nos generatim neque impune, neque utiliter admittitur. Qui enim tanta remedii copia eius efficacitati certissime prospici, atque eiusmodi consuetae doseos, quae a paucis granis ad viginti divise exhibendis communiter statuitur, incremento, bonitatis defecatum, qui in Moscho persaepe occurrit, apprime compensari putant, ii quidem ignorare videntur, quod plerique observarunt Medicorum, largiter Moschum in convulsivis, spasticisque affectibus assumptum eos plerumque exasperare, aliasve noxas inferre, quodque docuit CULLENIUS Moschum dete-

rioris notae, ac parum odorum copiosius datum ea commoda non afferre, quae minori quantitate odoratissimus, optimusque praestat. Qui rursus ad vim Moschi vel mitigandam, vel acuendam, ut singulares indicationes tutius expleant, nitratem potassae, aut saccharum, aut alia remedia ei addunt, aut alcohole solutum propinant, non animadvertisunt priori ratione vitium non sine virtutis dispendio detrahi, altera effici, ut tutum interdum non sit ob additi liquoris naturam tantum Moschi praebere quantum oporteret. Quam ob rem in Moscho adhibendo commodissimum mihi perpetuo visum est, eum mucilagine arabica involutum ad duo, vel tria grana quavis hora, aut secunda, aut tertia exhibere, (nisi sex, octo, aut decem eius grana una vice danda esse singularis postulet casus, ut interdum evenit) nec prius intermittere, quam eius actio manifeste se exerat; dein ipsum iterum offerre; atque aptis vicibus ita eum modo relinquere, modo ad eum redire, donec malum prorsus amo-veatur. Quo quidem fine quandoque expedit Moschum, ut dixi, (§. 927.) in alvum, ad unum saltēm scriptulum, infundere: quod praesertim soleo quoties eum, licet indicetur, deglutire cubans Infirmus renuit, vel ob spasmī vim non potest, aut crassa intestina, proximasque partes, ac speciatim vesicam, et uterum spasmos occupat.

930. Ingreditur demum Moschus plura Officinarum Composita adversus spasmos

probata, ac speciatim recipitur ad conficiendum Pulverem Tunquinensem contra hydrophobiam a rabidorum animalium morsu nascentem magnopere, atque instar antidoti a non paucis celebratum. Insignis quippe virtus in eo dirissimi morbi genere Moscho tribuitur. Sed quid de huius, quidque de illius pulveris efficacitate, et usu in hac aegritudine existimandum sit, opportunius dicam quando de hydrargyro loquens rimabor praecipua medicamenta, quae ad hydrophobiam sive praecavendam, sive curandam hactenus a Clinicis prolata fuerunt. Quam ob rem ea nunc persequar, quae ad spasmos solvendos e Fossilibus peti solent.

931. Ex his varia Praeparata, ac Composita medicamenta in spasticis, ac convulsivis morbis usitata, atque utilia sunt, dum contra parum arte mutata vix aliqua, nec quidem multi usus, aut multae facultatis, remedia ex ipsis ducuntur. Nam *Succinum eletricum*, seu Ambra lutea, vel *Succinum*, quod in glebas, aut frusta varia magnitudine, et forma praedita ex Borussia praesertim advectum, eo magis probatur, quo minus ex fusco lutescit, ac concretum pellucet, et quo plus aromatici odoris affrictum emittit, validioremque, et suavem igni iniectum cum fumo exhalat, saporemque quodammodo resinae vix nauseantis, atque acris gustatum ostendit, antiquitus roborans, ac discussiens habitum, dein tamquam egregie antispasticum, et morborum capitis, nervorumque re-

medium ab octo granis ad scriptulum magni factum, per se, nisi suffimentis inserviat, nunquam, utpote hac forma inefficax, hodie praescribitur. Nec *Ambra ambrosiaca*, seu *Ambra grysea*, quae sicca, fragilis, levis, ex gryseo cinerea, albidis striis notata, exiguo calore facile liquecens, grato praedita aromatico odore, ac paullo acris, etsi initio insipida videatur, ob suavissimam fragrantiam, quam candenti ferramento imposita exhalat, (praesertim si ex Orientalibus Indiis perveniat), plurimi ad medendum olim facta a Clinicis praestantioribus exhibetur. Hi siquidem nesciunt iis subscribere Medicinae Scriptoribus, qui Arabes sequuti, quibus *Ambra* in pluribus morbis probatissima erat, sine necessario observationum subsidio a quatuor granis usque ad triginta partite sumptam Ambram ad omne nervorum genus in plenisque affectibus convulsivis, et spasticis, maximeque Infantum, excutiendum, et robandum magnificent. Nec *Bitumen asphaltum*, seu *Bitumen Iudaicum*, vel *Asphaltum*, concretum, friabile, fractura lucidum, nigricans, empyreumaticum, acre, et nauseans, olim ad Ambrae pondus vel intrinsecus, vel instar suffitus usurpatum, in passione hypocondriaca, vel hysterica, aut in aliis morbis sive stimulandi, sive discutiendi fine unquam adhibetur. Nec demum *Bitumen petroleum* nisi resolutum in liquorem, qui pro vario Petrolei discrimine vel nigricat, vel rubet,

vel albicat, Naphtam sistat, medicatis usibus inservit.

932. Quod si illa medicamenta ex Fosilibus ducta, maximeque ex Ferro, quae iam veluti eximia Roborantia proposita sunt, (§. 770. et seq.) ad hoc quoque Caput a Therapeutis soleant revocari, et quidem optimo iure, non concludendum est, ut quidam temere faciunt, eadem Antispastica generatim esse. Ut enim tutissima sunt, et reliquias remediis antecellunt, quando morbi nervorum a solidarum partium debilitate, et laxitate, indeque nato fluidarum etiam vitio originem ducunt, aut invalescunt, quemadmodum SYDENHAMII, WERLHOFFII, aliorumque experientia iamdiu innotuit; ita non convenient, ac plutimum nocent, Praestantissimo TISSOTO (a) sapienter observante, quando febris lenta, nimius sanguinis motus, insignis tensio vasorum, bilis copia, aut congestio nervis stimulum praebent, eosque irritant. Neque ab eiusmodi agendi ratione, exceptionibusque excludenda esse crediderim ea Fossilia, quae ex Adstringentibus sumpta in convulsivis, spasticisque morbis interdum proficua censentur, ac speciatim *Oxydum zinci sublimatum seu florem Zinci, et Cuprum ammoniacum*, quorum vires antispasticae satis superque (§. 765. et 769.) investigatae fuerunt, tum *Muriatem cupri ammoniacum subli-*

(a) Op. cit. T. II. P. II. pag. 311.

matum seu Entem Veneris, alias in spasmis, atque epilepsia probatum, aut remedium illud, cui longe maiores vires nuperrime tribuuntur, nempe *Arseniatem acidulum potassae*, qui a quadragesima grani parte ad vigesimam sine ulla noxa epilepsiam sanasse novissime traditur. Quin neque ipsum *Oxydum bismuthi album acido nitrico confectum* seu *Magisterium Bismuthi*, quod ab III. ODIERIO ad spasticas praesertim stomachi contractiones utiliter adhibitum, in pluribus dein morbis a me iamdiu est exploratum (a), non alio videtur modo, quam stimulando, roborando, atque adstringendo operari, atque ideo ad unum, vel alterum granum cum pauxillo sacchari, modo bis, modo quater die, aucta interdum dosi, administratum in dyspepsia, in cephalalgia, vertigine, hypochondriasi, subinde in malo hysterico profusse, ac spasticis stomachi contractionibus ab eo proxime ob imbecillitatem, ac laxitatem fibrarum affecto excitatis fere semper remedio fuisse.

934. Illa quoque medicamenta ex variis rerum genere a Chemicis varia opera educta, praeparata, aut composita, quae singulari efficacitate caeteris antistare Antispasticis auxiliis, ac propria veluti natura in omni fere convulsiva, et nervosa affectione insignem opem afferre, ac generatim convenire a ple-

E e 4

(a) Op. Therap. V. I. Opus. II.

risque Medicorum censemur, nempe tum illa Salia volatilia, quae uno *Carbonatis ammoniacalis* nomine complectuntur, tum *Olea sive volatilia* e triplici naturae regno, sive *empireumatica*, non ita sane Antispastica sunt, ut in omni casu proficiant. Id enim rationi, atque experientiae adeo repugnat, ut quidam cum **VIRIDETO**, **RAULINIO**, **POMIO**, aliisque in morbis nervorum generatim nocua, ac vitanda esse crediderint, sive instar odoramenti naribus admoveantur, sive intrinsecus usurpentur. Utrumque quidem nimium. Enim vero dum experientia suffultus contendeo illa medicamenta nec certam perpetuo utilitatem afferre, nec omni semper noxa carere, tutissimum arbitror eorum efficacitatem, atque usum intra eos limites coerere, quos de nervorum morbis omnium optimus **Scriptor TISSOTUS** invenit, et constituit. Postquam siquidem observasset Volatilia, ac Stimulantia fibrarum actionem augere, atque a Roborantibus ex eo solum discrepare, quod illa dum operantur promptitudine acquirant, ac quodammodo rependant, quod salutaris mutationis effectum protrahendo ista efficiunt, rectissime concludit Spirituosa, ac Volatilia, quando vis nimium aucta, tensio, et caloris incrementum morbum inferant, aliena, et nocua esse, contra vero convenire, ac prompte adhibita saepe prodesse quando sensus, motus, et caloris defectus, aliaque significant malum a debilitate primitus eriri. Cuius quidem sententiae veritas

ex iis etiam ulterius patebit, quae singula illa medicamenta persequens monebo.

935. Porro *Carbonas ammoniacalis* seu Alcali volatile ignis ope, sive ex variis obtineatur Animalibus, eorumque partibus, sive ex Cornubus *Cervi elaphi*, Sal volatile *Cornu Cervi* nuncupatum, sive e *Colubre bero* seu *Vipera*, Salis Viperarum nomine cognitum, sive ex *Muriate ammoniacali*, seu ex Sale Ammoniaco, vel Armoniaco, quemadmodum quo ad naturam, ac necessarias proprietates idem semper est, (etsi possit aliquatenus dif- ferre Sal tum *Cornu Cervi*, tum Viperarum ob oleum adhuc unitum, quo in casu magis antispasticum, et nervis amicum a *Clinicis* censemur), ita pariter aequa irritat, potenter vires incitat nervorum, cordis motum inten- dit, calefacit, et sudorem movet. Quamquam proinde Sal eiusmodi vehementi halitu, et valida acrimonia donatum vel concretum, vel praesertim fluidum, maximeque si gas acidum carbonicum amiserit, a tribus granis ad scriptulum syrupo, aut mucilagine exce- ptum, vel in aliquot aquae unciis solutum sopore, et lethargo ex mucosa colluvie de- tentis, in syncopem lapsis, paralyticis, atque hystericis, vel convulsis ex debilitate sub- venire, interdum solummodo olfactum, ac subinde etiam operm aliquam chronica arthri- tide, aut podagra, aut syphilide occupatis praestare soleat, ubi virium infirmitati pros- piciendum sit, nec prodest, nec sine maiori, aut gravi salutis detimento iis datur, qui

spasmo, convulsione, nervorumque mobilitate ex dissimilibus caussis laborant.

936. Nec dissimili modo mihi agere videtur, caeterum natura, et forte agendi mechanice dissimilis, *Phosphorus*, quem excitandi, discutiendi, et roborandi caussa olim propositum, atque exterius potius, quam intrinsecus adhibitum in apoplexia, paralysi, epilepsia, aliisque morbis nunc ad unum, vel alterum granum mucilagine, syrupo, aut alio idoneo remedio urentem eius potentiam contemperante involutum, bis, terve die intrinsecus datum in pluribus, quam deceat, casibus veluti summum analepticum, atque antispasticum sudoremque pellens pharmacum quidam nuperrime extollunt. Memini siquidem earum observationum, ut caeteras praeteream, quas sexdecim ab hinc annis cum eodem medicamento instituit Summus Clinicus MOLINARIUS nimis propere Medicinae abreptus, ut mihi tunc Vindobonae versanti ostenderet Phosphorum in nervorum inveteratis, gravioribusque morbis dumtaxat prodesse quando extimulans, vehementer excitans, ac corroborans medicamentum debilitas postulat, atque alia eiusdem generis auxilia ob consuetudinis vim, aliasve caussas irrita, vel non satis efficacia cesserunt.

937. Neque dissimilem agendi rationem patefaciunt, ac diversum usum habent iidem *Carbonates ammoniacales aqua diluti*, qui *Spiritus volatilis Cornu Cervi*, *Spiritus volatilis Viperarum*, et *Spiritus Salis Ammoniaci tar-*

tarisatus in Officinis hactenus dicuntur. Hi
 si quidem liquores a guttis sex ad viginti,
 triginta, vel ultra Mixturis, aut medicatis
 Aquis additi nerveis, et carneis affectis fibris,
 earumque actione excitata, erectis viribus,
 et calore, motuque aucto, iisdem morborum
 speciebus subveniunt, quas paullo ante indi-
 cabam. Praestat tamen istis validiori actione
Ammoniaca seu *Alcali volatile causticum*, vel
Spiritus Salis Ammoniaci caustici, qui gene-
 ratim in adductis casibus, ubi potentius con-
 veniat remedium, proponitur, ac speciatim
 ad eos, qui mephitum viru oppressi, sub-
 mersi, refrigerati, aut aliter laesi asphyxia,
 aut morte apparenti detinentur, aut paralysi,
 sopore, aliisve morbis, ubi vehemens stimulus
 indicetur, laborant, excutiendos, atque exci-
 tandos tum naribus admotum, et temporibus,
 faucibusque illinitum, tum intrinsecus datum
 magni usus est. Quin imo propria quadam
 virtute mirifice valere ad hydrophobiam, ad
 Viperatum, aliorumque Colubrum virus, ad
 fungorum venenum, ad syphiliticam luem,
 ad pestem, atque ad multigena toxica
 enervanda, et corrigenda, tum inde orta
 mala sananda intus assumptum a plerisque
 nuper prolatum est. In istis sane casibus
 quandoque proficuum extitisse, etsi antido-
 tum non recte dicatur, denegari non potest,
 nec potest denegari vix haustum validissimae
 suae actionis indicia edere. Sed quaeso ani-
 madvertant Medici tam fervidum, acre, et
 causticum remedii genus, quod nonnisi ma-

gna liquoris copia contemperatur , quam caute , et quam raro , ubi etiam vehemens requiritur stimulus , sit praescribendum .

938. Si igitur minus valide , et tutius agendum videatur , huic recte Clinici substituunt *Saponulum Ammoniacae* , qui Gallis *Aqua Luciae* , nobis audit *Spiritus Salis ammoniaci succinatus* . Mitiorem quippe vim ostendit a sex granis ad drachmam , si *Spiritus eiusmodi exhibeat* modo saccharo imbutus , modo in aliquot Aquae vel simplicis , vel stilatitiae unciis solutus ; unde ad ea mala , quae paullo ante proposui , crebro recipi consuevit , eaque revera saepe mitigat , et removet . Interm apud nos crebrioris usus esse solet , ubi in spasticis affectibus , in convulsionibus , in malo hysterico , in epilepsia , lethargo , et sopore , atque in exanthematicis , rheumaticis , aliisve morbis , expediat stimulare , potenter discutere , corroborare , ac pellere , *Succinas ammoniacalis aqua dilutus* , seu *Liquor Cornu Cervi Succinatus* . Est enim medicamentum , ut passim experior , accommodatissimum si idoneo liquore commixtum Infantibus detur a guttis quatuor ad decem ad convulsiones removendas , quae difficilem dentitionem praecedunt , et comitantur , aut repulso exanthemati succedunt , tum Feminis a guttis duodecim ad quadraginta , et ultra propinetur ad eas turbas malorum , et molestiarum scandas , quas ex debilitate saeviens passio hysterica suscitat . Quin imo medicatus revera fit , atque Aegris opportunius istud re-

medii genus, ut magni nominis Clinici iam-
dia tradiderant, si nunc Etheri sulphurico alco-
holizato seu Liquori anodynō Minerā-
li, nunc Laudano liquido varia propor-
tione pro re nata admisceatur. Priori siquidem
modo flatibus, syncope, et serosa capitis
passione detentis, chronica arhtritide cruciatis,
et debilibus, ac paralyticis, altero hysterics
certius, et promptius opitulari non sine experi-
mentis traditur. Sive itaque Spiritus Cornu
Cervi alcalicus ab Acido Succinico dum
saturatur, atque in sal medium convertitur
proprii aliquid, quo medicatior fiat, accipiat,
sive illud tantum, quod aequē Acidum quod-
vis vegetable posset tribuere, quemadmodum
CULLENIUS censuit, nostra parum refert
quos unum interest novisse, nempe Liqo-
rem Cornu Cervi Succinatum tam
commode, atque utile esse medicamentum,
ut iis nequeam assentiri, qui aut parum efficax,
aut saltem supervacaneum temere iudicant,

939. Quid autem de altero Volatilium
medicaminum genere, quod Olea volatilia,
sive Fossilia, sive Animalia, sive Vegetabi-
lia praebebent, existimandum sit, nunc breviter
dicam. Scire enim expedit inter Fossilia non
solum Petroleum fluidum aut Oleum pe-
træ, sed ipsam quoque Naphtam, licet
repetitis destillationibus limpidissima, et te-
nuissima evadat, tam ingratum sapore, atque
halitu remedium suppeditare, ut, etiam si
valido stimulo suo, ac foetido odore anti-
spasticas interdum oportunas vires, et indi-

cet, et revera quandoque ad paucas guttas assumptum ostenderit, Medicina despiciat, ac nunc etiam Vulgus raro apud nos soleat ad enecandos vermes, aliosque usus haurire. Nec ipsum Oleum Succini (quod improprie Fossilibus accenseri Nuperiorum est sententia), utpote extimulando, ac vires incitando antispasticum valde utile a duabus guttis ad duodecim olim habitum iteratis operibus depuratum invisas qualitates ita exuit, aut singularem aliquam virtutem ostendit, ut ab exoletis medicamentis viadandum mihi videatur.

940 E contrario in omnibus pene morbis convulsivis, et spasticis praestantissimum pharmacum a plerisque censemur Oleum illud, quod e Cornu Cervi, vel ex ossibus reliquorum Animalium, aliisve partibus, vel ab ipso sanguine destillatum, dein tot destillationibus submissum, donec volatile, pellucidum, et tenuissimum fiat, Oleum animalie Dippelli nuncupatur. Istud enim oleum, nisi minus diligenter servatum, aut minus caute assumptum ob receptum aerem flavicans, aut fuscum, plus foetidum, et spissum evaserit, ac vehementer summeque penetrantem halitum perdiderit, vim suam prompte diffundere, intimiora quaeque pervadere, omne fibrarum genus, maximeque nerveas valide afficere, earum conditionem mutare, atque actionem tum proprio stimulo, tum alia etiam non satis comperta ratione intendere, et sudorem movere a guttis sex ad quindecim, viginti, triginta, et ultra

partite, et aucta pedetentim, apteque iterata
dosi assumptum, modo cum Aqua stillatitia,
modo cum Saccharo, modo cum Ethere,
modo cum eo sulphurico alcoholizato, imo
exterius affrictum stimulare, discutere, sol-
vere, atque ad interiora etiam hac via de-
ductum alios suae virtutis effectus edere
Medicorum non pauci perhibent. Quod qui-
dem ideo fidentius tradunt, quod in omni
spasmo, in quavis convulsione, in qualibet
nervosa aegritudine, (neque epilepsia, atque
hydrophobia exceptis) in quovis arthritidis,
aut podagrae dolore, atque in quaunque
paralysi idem Oleum, ubi sanguinis nimia
copia, aut inflammatio abesset, aut insigne
levamen, aut salutem attulisse vel ipsi te-
stentur, vel aliis credant.

941. Tanta ne uno pharmaco virtus?
Eam profecto admittant qui volunt, dum-
modo mihi liberum sit fateri, ipsam neque
rationi, neque propriae observationi respon-
dere. Dissimilitudo siquidem caussarum, quae
nervorum affectus, spasmos, convulsionesque
movent, dissimilis quoque curationis necessi-
tatem evidenter arguit. Observatio vero me
docuit, ubi excitare, roborare, ac sanguinis
motum intendere oporteat, commodum uti-
que, atque innoxium esse auxilium, inter-
dum praestans, quae alia praesidia non po-
tuerunt; sed eiusmodi interim esse, quod
non raro fallat, aut exiguum opem, et pa-
ram duraturam afferat, ubi etiam apprime
idoneum videtur, et curatio non perardua

iudicatur. Superioribus siquidem annis plures in Aegris eiusmodi Olei rite praeparati vires mihi exploranti eius usus parum auspicato cessit, quoniam hystericas molestias mitigavit, passionem non sustulit, spasticos capitis, et stomachi dolores, vertiginesque non prohibuit, etsi mitiores interdum reddidisset; ab epilepsia sanavit neminem, ac raro novos eiusdem insultus retardavit; nec arthriticos dolores discussit; nec paralysim unquam vicit, quamquam animi aegritudo, reprimientia eiusdem pathemata, ac corporis debilitas, et laxitas morbum attulissent, nec quidem solutu impossibilem. Aliorum quippe Roborantium, et Stimulantium medicaminum vis ea mala prorsus abstersit.

942. Quae cum ita sint prudentis Medici erit in aestimandis viribus, atque usibus Olei animalis intra modum se continere, neque, ubi tamquam penetrans excitans, extimulans, ac corroborans medicamentum conveniat, eiusdem olei virtutem nullis terminis circumscriptam credere. Utrum vero quod istud praestat aequa efficiat Oleum empyreumaticum quocumque e Vegetabilibus pari ratione, iteratis scilicet destillationibus, purum, tenuissimumque factum, sicuti testatur CULLENIUS, id nondum a Clinicis aliis confirmatum est. Hoc nihilominus verisimile cuique videbitur reputanti Medicos non minus Oleis empyreumaticis animalibus, ac speciatim Oleo Cornu Cervi, et Viperarum, quam iisdem e Vegetabilibus destillatione conse-

quutis, ac nominatim *Oleo fuliginis*, et *Oleo Buxi* e scobe ligni *Buxi semperviren-*
nis destillato fere easdem, etsi debiliores,
 facultates olim tribuisse, quae oleo Animali
Dippellii competere dicuntur. Ista nihilomi-
 nus, ac caetera item empyreumatica *Olea*,
 cuiusque generis sint, vix interdum vulgus
 apud nos adhibet, ac nemo fere Medicorum
 intrinsecus sumenda ad aliquot guttas praescribit,
 aut illinienda suadet. Nec multi
 usus in Insubria iam esse incipit e *Fuligine*
 (quam in passione hysterica rusticae Mulie-
 res nunc perraro assumunt, nec amplius ad-
 versus tineam, scabiem, atque ulcera usur-
 pant), inter destillandum liquor descendens,
 quem ab oleo seiunctum, atque iterum de-
 stillatum *Spiritum Fuliginis* Medici
 dicunt, atque *Acidum pyro-lignosum cum pauca*
ammoniaca Chemici nominant. Ad spasticas
 siquidem, et convulsivas affectiones curandas,
 neque ii solent eiusmodi *Spiritum* admini-
 strare, qui in chronicis pituitosis pectoris
 morbis, aliisque, ut discutiant, vires inci-
 tent, et sudorem proliquant, a paucis guttis
 ad scriptulum eum subinde praescribunt.

943. Quando vero inter Antispasmodica
 innoxium, atque una commodum locum ha-
 bere queant *Olea Volatilia*, quae essentialia
 appellantur, ex iis, quae hinc illinc de Stir-
 pibus, Seminibusque disserens, e quibus
 destillationis subsidio promuntur, alibi indi-
 cavi, tum de *Stimulantum*, et *Calefacien-*
tum usu in spasticis, et convulsivis affecti-

bus saepius hoc Capite monui, tam perspicue arbitror innotuisse, ut modo supervacaneum censeam Olea singillatim persequi Anethi, Cumini, Anisi, Melissae, Menthae, Rutae, et similium in Officinis prostantia, aut de Oleo Terebinthinae, alibi expendendo, disserere. Praesertim vero cum haec, quae solum stimulando, et calefaciendo prodesse possunt, raro admodum convenient; tum iisdem longe antecellere unum Medici existiment, ad quod expendendum protinus accedo. Illud quippe Oleum, quod ex *Melaleucae leucadendri* Indiarum Orientalium arboris diversis partibus, ac potissimum e foliis exsiccatis destillatum a Belgis in Europam advehitur nomine *Olei Cajeput*, cum oleo Cardamomi, cui simile videtur, perpetram confusum, aquae innatans, atque in auras facile avolans ad praestantiora Antispastica pertinere censemur ubi nullo additamento corruptum, purumque sit. Optimum porro iudicatur pellucidum, leviter flavum, admodum tenue, fugacissimum, halitu vehementi, nares vellicante, non ingrato praeditum, ac sapore aromatico proprio donatum; quamquam eiusmodi rarissime occurrat. Cum enim caro admodum praetio venire soleat, saepe adulteratum ad nos usque adfertur.

944. Quare, ne quisquam Mercatorum fraude deceptus in eiusdem Olei administracione spe excedat, sciat necesse est, non solum illa, quae ad stillatitii cuiusque Olei adulterationem detegendam generatim valent, sed

etiam quae in hoc speciatim oleo animadversionem exigunt. Si enim Oleum Caieputi vehementem Cardamomi odorem spiret, atque una viridem habeat colorem ex Cardamomo potius, quam e Leucodendro sumptum fuisse suspicaberis; si ex coeruleo viridem colorem referat, atque interim pelluceat, tuto existimabis Cupri aliquid inesse, sive e vasis ad destillationem, quae in Insula Banda suscipitur, adhibitis, sive a cupreis phialis, quibus interdum inclusum in Europam advehitur, profectum, quod certius Chemicis notissimis operibus declaratur; si vix pellucidum intensiorem, et fuscum viorem exhibeat, resinam Millefolii additam coniicies, quam destillatione, atque alcohole, Cl. SAN-
DIO auctore, deteges; si ex odore, aliisve notis Terebinthinae Oleo admixtum credas, suspecti olei guttula imbutam chartam ex Cl. BIDERMANII consilio ignis calori admove, ut percipias, an validus Terebinthinae halitus erumpat; si cum viredine odorem Rorismarini exhale sentias, non iniuria hu-
ius oleum, ut saepe fit, continere arbitaberis; si denique ex fragrantia Camphorae propria, atque huic persimili sapore, qui etiam in ore fervoris sensum initio excitet, dein frigoris, additam Oleo camphoram metuas, istud, Ill.
HAHNEMANO monente, Saccharo admixtum aqua solve, et tunc eam secerni videbis.

945. Cum autem tot modis, ac tam saepe Oleum Caieputi corrumpi soleat, cave, ne inde conclusas quoties non proposit adhibi-

tum, toties ob alienam indolem non profuisse. Ita quidem fidenter decernunt qui Oleum istud ad penetrandum, ad stimulandum, ad calefaciendum, atque ad sudorem etiam movendum ob auctos solidarum, fluidarumque partium motus revera aptissimum, tam propriam, tamque insignem antispasticam possidere facultatem existimant, ut in omni pene spasmis, convulsionis, et doloris specie etiam graviori, aut diurna, quae vel omne corpus, vel caput, pectus, aut stomachum, ipsum ventrem, ipsosque artus invadat, et occupet, summum praestare remedium credant, quod ipsis proinde epilepticis, chorea S. Viti affectis, catalepticis, colica laborantibus, hystericis, hypocondriacis, arthriticis, et paralyticis, atque amaurosi, ac cataracta detentis datum insigne confestim levamen, ac dein salutem afferat. Sed quam vanum saepe sit istud ex medicamenti adulteratione desumptum perfugium tum horum morborum dissimiles caussae, tum in Aegris instituta experimenta luculenter demonstrant. Ubi enim virium actio nimium excussa, fibrarum tensio, humorum copia, fervor, et nimius motus, ab acri humore irritatio, atque alia spasio, convulsioni, et dolori, caussam praebuerint, Oleum istud et alienum, et valde nocuum futurum quis dengaverit?

946. Ex eo vero quod a me adhibitum optimae notae Oleum, quando maxime convenire censebam, et adhuc existimo, (ubi

stomachi, intestinorumque affectio a laxitate,
 debilitateque nata molestas inflationes, dolores, aliasve spasticas, et convulsivas turbas
 vel in istis partibus, vel ex consensus lege
 in caeteris suscitabat) raro malum radicitus
 sustulerit, etsi plerumque caloris aucti, in-
 ductaeque mutationis manifestum praebens
 indicium, ac subitum levamen afferens inte-
 gram morbi curationem polliceretur; non
 possum sane in remedii adulteratione caus-
 sam perpetuo quaerere, ob quam ipsum in-
 terdum meam, aliorumque fiduciam fefellerit.
 Praesertim cum in morbis nervorum, qui
 caput primario afficiunt, atque in epilepsia
 malum potius augere, quam sedare, aut tol-
 lere observaverim, quamquam istud medendi
 genus convenire videretur, atque Oleum ad
 quatuor vel octo guttas, bis, terve, aut plu-
 nies die, interdum una vice maiori dosi, da-
 tum fuisset, et quam diligenter assumptum,
 nunc cum aqua stillatitia, nunc forma eloeo-
 sacchari. Quare illud etiam arbitror ubi eius-
 modi Oleum vel exterius usurpatur, ut rheu-
 maticos, et arhriticos dolores tollat, atque
 eosdem affectus resolvat, vel denti carioso
 inditur, ut cruciatum auferat, vel in aures
 ad surditatem tollendam demittitur, vel alias
 ad curandam ophtalmiam oculis admovetur,
 vel paralyticis illinitur membris, vel cum
 unguentis, aut emplastris additum suffusis, et
 suggillatis locis, varicibus, et caecis hae-
 morrhoidibus imponitur, non modo pruden-
 tissime in omni casu, qui eiusdem usui appri-

me faveat, esse tentandum, sed eo praeterea animo adhibendum, ut Artifex non existimet tam validum, et tutum suppeditare praesidium, ut quidam temere tradiderunt.

947. Quid quod? ipse *Ether*, quo volatilius, quo tenuius, quo penetrabilius, quo ad agendum promptius nullum hactenus pharmacum innotuit, arctioribus, quam quibusdam visum est, limitibus circumscriptam antispasticam facultatem exhibit. Etenim *Ether sulphuricus* seu *Naphta Vitrioli*, aut *Ether Vitriolicus*, qui *nitrico*, *muriatico*, atque *acetico* usitatiior hactenus esse consuevit, nervorum, muscularumque vires promptissime excitando, non ita in convulsivis, et spasticis morbis, ac speciatim, qui stomachum, innexasque partes potissimum detinent, vel in iisdem caussam, et sedem habent, tutissimum, utilissimumque auxilium existit, ut etiam in caeteris plane innoxium, ac proficuum sit, qui a nimia irritabilitate fiunt, qui inflammationi praesertim interaneorum tentatos, vel ea detentos corripiunt, vel ex iis caassis profiscuntur, quae remedii etiam leviter irritantis, et calefacientis usum non permittunt. Temere siquidem quosdam contendere, in ipsis inflammationibus, ubi spasmus superveniat, Etheris usum utiliter, ac citra omne discrimen generatim institui, satis experientia evicit, ideo etiam, quod monstraverit rite administratum modo cum *Saccharo*, modo cum idoneo liquore a guttis sex ad quindecim, aut viginti, iterata deinde

prudenter dosi , in iis maxime casibus prodesse , quibus ob mali speciem , et caussam , atque ob Aegri naturam illa auxilio sunt , quae revera paullo stimulant , virium actionem intendunt , ac leviter calefaciunt .

948. Et re quidem vera Ether potissimum prodest in soporosis morbis , in paralysi , in cephalalgia , atque hemicrania , in singulu , vomitu , et colica , in hysterics , atque hypocondriacis affectibus , in arhtritide et podagra , in putridis , et nervosis febribus , aliisque aegritudinibus , in quibus spasmus , aut convulsio , aut dolor , aut quodvis mali genus a seri copia , ab humorum lentore , e fibrarum laxitate , a stomachi , aliarumque partium debilitate , ab aere subito , et valide rarescente , atque a putrida caussa oritur . Quod rursus ostendit ex frigoris sensu , quem in lingua , dum hauritur , Ether suscitat non tuto quosdam concludere in omni casu actionem sensilium , atque irritabilium fibrarum sedare , atque imminuere , neque unquam stimulare , ac calefacere . Nam praeter quam quod eiusmodi phaenomenon in stomacho Ether , cum intus haerentem aerem , gasticum suum fluidum evolvens , foras propellit , fortasse non edit , caloris quoque sensum dein inducit , roborat , cutis exhalationem suscitat , et promovet , imo observante Ill. VITETO nimis audacter ingestum omne fibrarum genus convellit , os , et fauces exsiccat , spasticam epigastrii contractionem infert , ac quandam , plus , minus duraturam , temu-

lentiae speciem accersit. Qui observationi si addimus, quod idem Auctor animadverit, quodque alii Clinici monent mediocri dosi saepius haustum, diuque continuatum Etherem stomacho, ac digestioni officere, atque irritationi magis obnoxios nervos reddere; tum mobilitate, irritabilitateque exquisita dominatis molestiam generatim afferre; saepe ut anodynnum, atque antispasticum ideo optime egisse, quod apposite fuerat cum Laudano liquido, vel cum Oleo animali, aut Liquore Cornu Cervi Succinato coniunctus, denti carioso cum gossypio applicitum interdum quidem, non perpetuo sedare dolores; atque utilissimas, quas suscitat, apte usurpatus mutationes in longum non protrahi, ac plerumque citius evanescere, quam accidat ex Camphora (cui ob indolem, proprietates, atque agendi mechaniken Ether non parum accedit) non sine ratione fatebimur verum esse, quod initio dicebamus, istud Artis praesidium, quamquam eximum, commodissimumque sit, suae actionis, ac virtutis limites habere quosdam, extra quos nec proficuum, nec tutum, nec plane innocuum sit.

949. Utrum vero ob dissimilitudinem Acidi, quod cum alcohole intime consociatur ad varias Etheris species consequendas, quae inde emergunt medicatis viribus invicem differant, anxie adhuc qui Materiam medicam exponunt a Clinicis sciscitantur. Apud istos siquidem nondum eas inveniunt observationes, quarum subsidio queant certo

decernere, num iis potius assentiri oporteat, qui a quovis Etherem, sive *aceticus*, sive *nitricus*, sive *muriaticus* sit, eosdem in morbis effectus, quos *sulphuricus* edit, an reliquis Medicis, qui praeter generalem vim cuique Etheri inesse aliam, sibi propriam, atque ad singularem effectum in humano corpore prae- standum accommodatam, vel probabili conjectura, vel certo tradunt. Quamobrem aegre feto in hac opinionum ambiguitate, neque mihi hactenus suppetere, post varia suscepta pericula, eam observationum seriem, quae ad rem tantam certo constituendam valeat. Quae enim adhuc observavi, mihi nondum sufficient, ut queam cum nonnullis censere Etherem *aceticum*, seu Naphtam acetosam in acutis, malignis, atque exanthematicis febribus, in alvi profluviis, aliisque morbis, in quibus putridus fomes adest, spasmos. ac convulsiones sedare, ac putredini adversari longe potentius Etherem sulphurico; vel possim cum quibusdam arbitrari Etherem *nitricum*, seu Naphtam nitrosam huic ideo antistare, quod nullo modo calefaciat, atque urinas, dum spasmos aufert, evidenter proliciat; vel debeam cum aliis credere Etherem *muriaticum* seu Naphtam muriaticam praestare cuique etheri, ubi putredo corrigenda est, atque ex ea profectos spasmos, convulsionesque solvere oporteat.

950. Donec igitur ista discrimina, quorum aliqua cum ipsa experientia consentire iam mihi videntur, melius, et clarius sive

ab aliis, sive a me constituantur, nunc satis erit monuisse Etherem sulphuricum alcoolizatum seu Liquorem Anodynum Mineral em HOFFMANII rite paratum a guttis octo ad viginti, sive idoneo solutum liquore, sive saccharo imbutum, sive mixturis, sive medicamentis (§. 948.) iam indicatis adjunctum, usitatissimum apud nos remedium esse. Cum Etherè quippe communes vires habens iisdem usibus non solum inservit, verum etiam ei praefertur, quando illius stimulum Clinici metuunt, ac magis anodynum, et sedans remedium volunt experiri. Caeterum hoc etiam in casu consentiunt Proceres Artis non ultra propositam dosim quavis vice, nec pluries nimis, ut a quibusdam fieri solet, eam die iterandam esse, quoniam secus potius irritat, inopportune excutit, atque aestum infert, quam sedet, aut consopiat. Hinc quidam novissime proponunt tamquam certius, et validius sedans medicamentum huius liquoris loco Liquorem anodynum aquosum. Verum ei, qui apud nos aliquam famam obtinere coepit nullum ego singulare praetium tribuo, quia observavi efficere, quod ex Liquore anodyno vulgari aqua diluto accidit, quin caeteras eiusdem vires ostendat. Crediderim proinde Etheri sulphurico alcoholizato illum rectius in adductis casibus substitui, quem ex Etherè nitrico confectum, Liquorem anodynum nitrosum vocatum ei commodissime suffici, ac plurimum sedandi, temperandi, at-

que urinam movendi facultate antecellere
Celeb. LASSONIUS et CORNETTUS monuerunt.
Hi quippe in iis nervosis , spasticisque affe-
ctionibus , in quibus Liquor ex Etherie sul-
phurico acri stimulo , calore aucto , et urina-
rum fluxu imminuto , aut cohilito exagitare ,
non consopire apparebat , alterum ex Etherie
nitrico confectum liquorem sopiendo , atque
urinam ex spasio morantem , aut cohibitam
ciendo profuisse observarunt.

951. Sed hoc quoque discrimin certius
Clinici constituant , accuratioribusque pericu-
lis explorent quando in morbis istis , qui
nervos , et musculos afficiunt , atque in aliis
aegrotationibus accommodare speciatim que-
ant Ether aceti aquosus , Liquor
anodynus vegetabilis , vel anodynus
nus martialis , vel anodynus vola-
tilis , Spiritus Mindereri , et Spi-
ritus dulcis sive Vitrioli , sive Nitri ,
sive Salis ; quando Haustus antieme-
ticus RIVERII dum adhuc effervescit as-
sumptus , non solum ad vomitionem cohiben-
dam , sed ad spasticas affectiones , quae sto-
machum , vel alias partes detineant , removen-
das istis anteponendus sit ; quando Guttae
analepticae , anthystericiae , atque
antispasticae magis convenient ; quando
istis rectius anteponantur A quae stillati-
tiae fragrantes , tum speciatim Nanphae ,
Menthae piperitidis , et similium ; quan-
do frigus excitandi caussa , vel alio fine exte-
rius Ether sive purus , sive alcoholizatus tuto .

atque utiliter illiniri queat; ac quando ad excitandum, atque exhilarandum sine ulla noxa, imo utiliter queant naribus admoveri prae ipso etiam Aceto (quod generatim sufficit, et tutum est), Aqua Hungarica, Aqua Melissae Composita, Aceta medicata, aliaque medicamenta, diversaeque res, quae vel gratum, et penetrantem, vel pravum, foetidumque halitum exhalant.

952. Decernant etiam Artis medicae Proceres num Elixiria, Essentiae, seu potius Tincturae, Confectiones, aliaque genera compositorum medicaminum in nervorum morbis utilia habita, atque etiam ad Antispastica relata, ideo solum profutura iudicans, quod stomachum confirmant, roborent, viresque restaurent, sicque caussa sublata, spasmum, aut convulsionem avertant, recte quidem iudicem. Tum videant speciatim num id affirmandum sit de Elixirio Lamotii, Acido Halleri seu Aqua Rabelii, Gari, Proprietatis, et Stomachico Molinelii, ut caetera nobis inusitata praeteream; tum de Tincturis Corticum Aurantiorum, Menthae piperitidis, Antispasmodica, atque Absynthii composita, ne Tincturas reliquas, aut Essentias hic obsoletas commemorem; tum de Lectuariis, Pilulis, Speciebus, Pulveribus, aliisque medicamentis, quae veluti spastica, et stomachica Pharmaceutici Codices describunt, ac prae caeteris plenissima doctrina

III. REUSSIU^S (a) singillatim prosequutus est.

953. Nimius porro essem, si haec singula vellem rimari, aut speciatim persequi ea medicamenta, quae cum mihi videantur aut plane inconcinna, aut prorsus supervacanea, aut spasmis solvendis imparia, de Antisepticis disserens consulto praetereo. Cui enim bono commemorabo veluti antispasticam, atque analepticam a quibusdam adhuc Medicis probatissimam Confectionem alkermes, quae si correcta est, solum a Cinnamomo vires habet, si vero nondum a vanis, atque invicem pugnantibus rebus repurgata sit, absurdia plane compositio existit? Cur expendam vires antispasticas, ac speciatim antiepilepticas olim famigeratissimas Pulveris de Gutteta, et Pulveris Antiepileptici Mar-chionis, cum utrumque ob farraginem, oppositam indolem, atque exiguum componentium vim, ratio, atque experientia exulare iusserint? Cur in viribus, atque usibus expendendis immoraber Pulveris anodynii, Pulveris antispasmodici, aut Sedativi Rosensteinii, Pulveris paregorici, et similium, quos superfluos ideo iudico, quod vim, aut saltem potissimam, ab Opio agnoscant?

955. Quantum praeterea temporis non absumerem si vellem, praeter Composita

(a) Dispensat. Univ. Argent. 1791.

medicamenta, quae omittenda duxi, ea rur-
sus singillatim expendere, quae e simplicibus
petita remediis Antispastica perquirens non
sine caussa in medium non protuli? Profe-
cto in hanc rem nimium temporis oporteret
exiguo admodum fructu impendere. Interea
ne inconsideratissimus alicui fortasse videar
silentii caussas, saltem quo ad nonnulla me-
dicamenta, e vestigio indicabo. Itaque ex
Antispasticis Fossilibus sustuli Sulphuretum
hydrargiri rubrum tum *nativum*, tum *artificiale*
seu *Cinnabarum* nativam, aut factitiam,
quam CRATO epilepsiae magnetem vocavit,
aliique summe antispasticam, atque in hy-
drophobia praesentissimam dixerunt, quia
certe scio istis plane viribus destitui. Nullam
mentionem iniici Stirpes antispasticas enu-
merans *Violae ipecacuanhae* seu *Ipecacuanhae*
radicis, quae quidem exiguissimis dosibus
subinde data magnum quibusdam in casibus
antispasticum remedium, tum aliis, tum mihi
saepissime largita est, quia eiusdem radicis
veluti antispasticae usum alibi opportunius
expendere constitui. Ideo vero non memini
ligni ex *Visco albo*, ac speciatim quercui ad
nato, desumpti seu Ligni *Visci quercini*, ma-
gnopere facti adversus epilepsiam, aliasque
spasticos, et convulsivos affectus, quia plu-
ries tentatum lignum istud non solum hisce
vincendis malis impar apparuit, sed neque
par iisdem mitigandis, etiam si, saltem ut
roborans, convenire videretur. Ex eo item
non attigi *Citri aurantii* folia a non paucis

in epilepsia, spasmis, convulsionibusque va-
luti eximiam, ac pene certam opem affer-
rent, summopere commendata, quia satis
eadem alibi probavi, ut mobilitati, ac debi-
litati contraria (§. 807.), eademque tunc
solum epilepticis, et convulsis proficua ipse
viderim, quando alia potius, quam singulari
in nervos virtute egerunt, nempe vermes,
caussam malorum, deturbarunt. Si praeterea
de aliis, quae spasmis, convulsionibusque
pro re nata medentur silui, ideo accidit,
quod credam latere neminem vel leviter in
Medicina versatum ob multiplicem dissimi-
lum caussarum ea mala inferentium varieta-
tem tuta, optima, ac necessaria Autispastica
fieri, morbi caussa sublata, modo, ut iam
dixi, Adstringentia, et Roborantia, modo
Stimulantia, modo Emollientia aut Relaxan-
tia oleosa alibi indicata, sive ore sumpta,
sive exterius applicata, sive in alvum infusa,
modo Balnea praesertim frigida, modo quae
extrinsecus imposita stimulant, et rodunt,
modo quae refrigerant, et temperant, aut no-
cuam humorum copiam imminuunt, modo
quae excutiunt, et resolvunt, modo quae
ex lacte ducuntur, aut plenius alunt, modo
denique alia, ne dicam singula, genera auxi-
liorum, quibus Medicina ditatur.

955. Nonne demum otio abutentis fuis-
set speciatim referre, quae ad Magnetismi
Animalis usum in morbis ex nimia sensilita-
te, atque irritabilitate, aliisque caussis ortis
sive admittendum, sive vituperandum nostra

maxime aetate prolatæ sunt? Principia sane narrare, quibus, duce MESMERO, quidam studuerunt, vis eiusmodi Magneticae actionem in homine demonstrare; varios aperire modos, quibus contendebant materiam Magneticam cum humano corpore communicari, ac per ipsum excitari, deducique vario commotionis, succussionis, aut mutationis genero; instrumentorum huic administrationi inventium apparatus describere; ac singula, quae ad hanc rem pertinent, rimari nonne ineptientis hominis esset? Ita cuique videbitur reputanti, quae contra eiusmodi genus praestigii, non remedii dicam, a plerisque animadversa sunt, ne ipsum a quorundam caliditate, novandi desiderio, ac lucri cupidine inventum, seu potius e tenebris revocatum, credulos, leves, ignavos, et rudes ulterius deciperet. Post ea siquidem, quae a Clarioribus Medicis tradita sunt de Magnetismo animali, quae ad fraudes demonstrandas indicavit MURRAYUS (*a*), quaeque praesertim R. Societ. Med. Paris. decrevit rationalem Medicum plurimum dedecret aliquam in eiusdem usu fiduciam collocare. Haec siquidem octo ab hinc annis sancivit, referentibus Celeber. Viris POISSONERIO, MANDUYTIO, CAILLIO, et ANDRYO, totam hanc Magnetismi animalis hypothesim nullo

(*a*) De Laud. Magnetis. Animal. ambig. Götting.
1789.

fundamento inniti, principii, cui actio trahitur, existentiam nullo argumento firmari, a pressione, ac frictionibus, quae sub ipso opere instituuntur, atque ab immaginatione laesa, graviterque perculta non levia mala impendere, ac proinde omne istud artificii genus severe proscribendum esse (a).

956. Missis igitur istis unum superesset expendendum et egregiae virtutis, et crebri usus antispasticum remedium, Opium scilicet, nisi tamquam Narcoticorum princeps rectius ad illud Sedantium genus Therapeutae referrent, quod Sopientia constituant. Eius igitur antispasticas vires postmodum expendam. Nunc siquidem ad Sopientia, aut Narcotica tradenda accedens non prius de Opio dicam, quam reliqua, aut saltem praecipua, ad idem remediorum genus a Medicis revocata breviter exposuero. Sunt porro bene multa, quae sensitatem nervorum, irritabilitatemque muscularum minuendo, potentias, quae, praeter cordis actionem, motus omnes praestant, pariter imminuunt, ac cerebrum et nervos ita afficiunt, eosque maxime, quibus proxime admoventur, ut dolores consipient, quietem adducant, somnum accersant, secretiones imminuant, atque excretiones, excepta quae per cutim fit, cui admodum favent, morentur, ac suppressant. Neque in-

Tom. II.

Gg

(a) Hist. de la Sociét. de Méd. 1785. p. 257.
258.

tra hosce limites sedans, et consopiens, nervorumque potentiam imminuens eorum vis continetur, quoniam eo usque a Narcotico, rum largiori, quam deceat, copia intenditur adeo, ut fatuitatem, languorem, soporem, lethargum, paralysim, apoplexiā, viriumque omnimodam exsolutionem morte finiendam inferat, vel febrim, temulentiam, delirium, congestiones in cerebro, inflammations, spasmos, distentionesque nervorum, quae vitam absumant.

957. Quamquam idcirco principia, causas, et modos, quibus ista pharmaca agunt non satis simus assequuti, nec rationem perspicuam, et certam reddere hactenus possumus, ob quam dum motrices vires reliquias imminuunt, cordis actionem non laedant, nisi exitio iam sint, imo eam generatim incitent, atque augeant; scimus nihilominus apta dosi, et opportune exhibita omni noxa carere, ac summum nobis afferre praesidium in doloribus, vigiliis, convulsionibus, spasmis, aliisve nervorum effectibus, immodicisque fluxibus alvi, sive caussam mali tollant, sive effectus mitigent, atque avertant; quoties interim ad haec praestanda nervorum potentiam, muscularumque irritabilitatem oporteat imminuere. Secus enim si plethora, si insigne vitium humorum, si debilitas, inflammatio, valida febris, nimius humorum impetus ad caput, aut congestio, aliaque huius generis, dolorem, vigiliam, convulsionem, aut delirium, aliaque mala inferant sine ullo emolumento, imo

gravi damno, atque interdum Aegri pernicio propinantur; quemadmodum eadem non conveniunt, et nocent utili excretioni obnoxiiis, ad crisim dispositis, quae ad cutim non tendit, sicco corporis habitu praeditis, in syncopem pronis, emaciatis, debilibus, aliisque, qui ob varias caussas, quas Clinici indicant, vel ob singularem proprietatem hoc medicamenti genus non sustinent: quae quidem, ut dixi, audacter exhibita cuique etiam sanissimo ob virus, quod tunc exerunt, non satis natura compertum, summopere infensa, atque exitiosa existunt. Nisi enim protinus inde nascentibus malis occurramus validioribus emeticis, oleosis, lactariis, acidis, alcalcisve, enematibus, radice Ipecacuanhae, infuso ex Coffeae seminibus, aut aliis remediis, deplentibus Chirurgicis, caeterisve rationibus pro re nata dissimilibus, iam inductis noxis medeamur, gravissimum morbum, aut certam perniciem afferunt.

958. Interea cum Vegetabilia, quae ad Sopientia, aut Narcotica pertinent, viderint Therapeutae actione ita differre, ut quaedam viroso tantum principio agant, quaedam vero etiam acri una coniuncto, nos iamdiu monuerunt eadem in Narcotica, et Narcotico-acria esse distinguenda; quos etiam III. PLENKIUS probavit (a). Quamobrem in Sopientibus recensendis ipse quoque ab eius-

G g 2

(a) Toxicolog.

modi ordine non recedam orsus ab iis, quae Narcotica acria dicuntur. De istis tamen loquens praeteream *Hippomane* sive *mancinellae*, sive *biglandulosae* fructus, quia medicatis usibus non inserviunt, *Menisperni cocculi* seu *Cocculi indicae nuces*, quia ad stupefaciendos pisces, capiendosque adhibentur; omittam quoque *Strychnos nucis vomicae*, et *Ignatiae amarae* vires, et usus, quia satis de utraque iam dixi (§. 805.); tum ideo reticebo quae de *Nicotiana tabaco*, ac de *Bryonia alba* tradere possem, quia utriusque facultates alio loco praestabit expendere. Quare de *Atropa belladonna*, de *Chaerophyllo sylvestri*, de *Conium maculato*, ac de *Cicuta virosa* solummodo disseram.

959. Quod porro respicit *Atropam belladonnam* seu *Solanum furiosum*, aut *Belladonnam*, dirum venenum habentem aqua frigida, et lacte praesertim enervandum, vellem sane eius folia tam exterius applicita, quam intus assumpta ad granum unum cum saccharo in pulvere, vel ad duo grana forma infusus, aut decocti (quae dosis bis, terve die prudentissime iteratur) in labiorum, mammarum, aliarumque partium scirrhis, et cancris utiliora; tum eius radicem, quae ad sex grana infantibus, ad decem Adultis exhiberi posse traditur, ad praecavendam hydrophobiam ex rabi-dis animalibus praestantius, certiusque praesidium afferre. Nam post Cel. Viros ACRELIUM, HAENIUM, SCHMUCKERUM, aliasque in scirrhis, et cancrosis ulcerationibus frustra Chi-

rurgos usurpasse vidi, ac duos pariter vidi
 a cane demorsos post diu usurpatam Bella-
 donnæ radicem inter praefocantes angustias
 rabie confectos. Vellem pariter *Chaerophylli*
sylvestris seu *Cicutariae* herbam paullo foeti-
 dam, amaram, et nauseantem suam melius uti-
 litatem comprobasse tum gangraenis imposi-
 tam, tum intus in morbis adhibitam, quibus
Conium maculatum auxiliatur. Vellem rursus
 de *Cicutae virosae* seu *Cicutae aquatica*e radi-
 ce valde acri, et venenata, cuius succo, Opio,
 aliisve admixto celebrem illam potionem sine
 dolore mortiferam confecisse Graecos, quae
 Cives non paucos, ipsumque SOCRATEM ne-
 farie peremit, verisimillimum mihi videtur,
 vellem, inquam, certiora de ejus in Medicina
 usu mihi suppeterem. Etenim dum animadver-
 to BERGIUM (a) testantem succum inspissa-
 tum a minima dosi ad tres usque drachmas
 pedentem exhibitum Feminae, ac decoctum
 herbae exsiccatae saturatum intra exiguum
 temporis spatium ad sex libras per errorem
 assumptum nullum evidentem effectum edi-
 disse, monentem contra audio MURRAYUM
 nemini suadendum esse, ut hanc stirpem,
 quae toties, observante VEPFERO (b), homi-
 nibus lethum attulit, interius praescribat (c).

960. Acquiescendum proinde nobis est
 in usu *Conii Maculati* seu *Cicutae*, quam

Gg 3

(a) Mat. Med. V. 1. pag. 114. (b) Hist. Ci-
 cut. aq. (c) App. Med. V. 1. pag. 275.

murinum, foetidum, et paullo virosum exhalantem halitum, gustui acrem, et nauseantem, atque iamdiu ob Hominum, brutorumque Animalium necem infamem, nostra tamen aetate pauca admodum dosi usurpatam etiam interius impune, utilissimeque in pluribus, ac fere conclamatis aegritudinibus non mediocri ausu, atque Aegrorum utilitate Ill. Archiatr. Caesar. Comes STÖRKIUS exhibuit. Temere siquidem nonnulli eius vitæ ad paucissima, ac mitiora mala limitant, alii inefficacem habent, alii innocuam nunquam esse volunt, aut eam veluti alienam, ac perniciosa reiciendam esse adhuc decernunt. Etsi enim post ANDREI, LANGII, HAENII, SCHMUKERI, HARII, HILLII, WHYTTII, ACRELII, aliorumque experientia *Cicuta* ancipitis usus plerisque visa fuerit; suam tamen famam recepit periculis, observationibusque, quas LUDWIGIUS, TISSOTUS, LOCHERUS, RUTTYUS, NICHOLSONIUS, CUDDENIUS, QUARINIUS, MOLINARIUS, aliique auspiciatus suscepserunt. Ex his enim compertum fuit *Cicutam* potenter resolvere, pus movere, vicia quaedam corriger humorum, urinas, aut sudorem leniter elicere, atque in cancro ita prodesse, ut, etiamsi nec certo medeatetur, nec semper utilis sit, occulti tamen, atque ulcerati progressus quandoque retardet, eius foeditatem emendet, atque ubi recens, et medicabilis est, interdum in eam naturam convertat, quae integrum curationem non respuat.

961. Plures proinde una adhibita Cicutā
 mihi accidit non solum antiquis, et malignis,
 ulceribus mederi, interdum venereis, hydrar-
 gyri vim medicatricem in syphiliticis invetera-
 tis affectibus acuere, scrophulas pertinaciores
 solvere, aut adeo immutare, ut ulceratae, bo-
 no orto pure, cicatrice occluderentur, obstruc-
 tionesque alias glandularum, et viscerum
 discutere; verum etiam antiquos, et scirrhosos
 illos tumores dissipare, ac radicitus saepissi-
 me tollere, qui ex laxitate, cachexia, pravo
 victu, ac febris intermittentis diurnitate,
 vel male acta curatione in rusticis maxime
 Viris, et Feminis apud nos lien crebro oc-
 cupant. Qui quidem tumores praegrandes,
 elati, et duri, nisi cedant Cicutae, modo
 per se, modo cum Mercurio dulci adhibitae,
 sicuti passim experior, nulli alio plerumque
 temedio obtemperant, paullatim sanum cor-
 poris habitum depravant, et lethali hydropisi
 viam sternunt.

962. Ex Cicutā Extractum, Con-
 serva, Syrupus, Pulvis, Aqua, O-
 leum, Infusum, et Decocatum parari
 possunt: quibus tamen multum praestare co-
 gnovi diutina observatione Extractum ea me-
 thodo confectum, quam Cel. STÖRKIUS in-
 dicavit. Huius dosis vix ad duo, vel tria
 grana initio extenditur, dein augetur pede-
 tentim, donec drachma eius una, vel altera,
 imo semuncia, aut paullo ultra, quotidie par-
 tite insumatur. Maiori etiam copia et impu-
 ne, et utilissime assuetis tum ab aliis, tum

a me ipso interdum exhibita est. Generatim tamen tutius esse observavi, si curatio in longum trahenda videatur, una vel altera potius die Cicutam intermittere, (ne ob consuetudinis vim inefficax fiat), ac dein iterum usurpare, quam unciatim ipsam Aegris nostratis praebere, quibus tanta pharmaci vis interdum vel e naribus, vel e pulmone, vel ab ipso stomacho sanguinem prolicit. Datur quoque in pulvere a granis tribus, aucta paullatim dosi, usque ad drachmam dimidiam, quem etiam Extracto praestare censem **CULLENIUS**, cui ob adductam caussam nequeo assentiri; tum praescribitur, minori sane commodo, in infusu a scriptulo ad drachmam. Tandem ulceribus, et canceris vel forma pulveris inspergitur, vel istis, aliisve partibus instar cataplasmati, emplastri, aut fomenti imponitur, eo utilius, quo eodem tempore interius una usurpatur. Haec de *Cicuta*; maiora **STÖRKIUS** in primis docebit.

963. Sermonem proinde converto ad alterum Sopientium genus, quod Stirpes quae-dam non acre, at narcoticum solummodo virus habentes constituunt. Ex istis autem omissis *Lolio temulento*, *Lathyro cicera*, *Ervo ervilia* (§. 165.) *Chelidonio glauco*, et *hybrido*, *Taxo baccata*, *Physali somnifera*, *Daturae*, et *Solani variis speciebus*, aliisque Stirpis ad medicos usus nondum receptis, praeteritisque *Pruno lauroceraso*, de quo satis iam dixi (§. 806.) ac *Lactuca virosa*, et *Solano dulcamara*, de quibus alibi loquar,

quae huius potissimum loci sunt breviter indicabo. Iure enim hoc referri debet *Solanum nigrum*, cum eius folia, in cutis morbis, inflammationibus, atque ambustis a Veteribus imposta, in cancrosis ulceribus non raro profuerint, et mihi in sopiendis rheumaticis doloribus interdum successerint, ac succum praebeant, quem pauca dosi innoxium, ac proficuum in spasticis morbis quidam iudicavit, atque ego experimentis dignum arbitror Clinicorum. Huc quoque pertinet *Atropa mandragora*, cum eius radicis nimium hodie neglectae in pulverem tritae grana duo cum gummi arabico, dosi prudenter iterata, sine ulla noxa dolores spasticos, atque arthriticos sedare, et vigilias removere instar Opii interdum observaverim, ac sciam Antiquos, duce HIPPOCRATE, in nervosis, et convulsivis affectibus magni fecisse, ac Nuperiorum testimonio radicis pulverem melle exceptam, aut folia cum lacte cocta indurations, tumores, et scrophulas, si diu imponantur, interdum emollire, ac resolvere. Prae caeteris vero Solanaceis *Daturam stramonium*, seu *Stramonium*, et *Hyosciatum nigrum* seu *Hyoscyamum* indicari oportere quis non fatebitur post ea, quae de utriusque viribus Ill. STÖRKIUS nos docuit (a)? Ab eius sane medicaminum supplectilis augendae utilissimo studio accepimus tum Extractum ex herba Stramonii

(a) De Stramon., Hyosciamo, ec. lib.

ab uno grano ad duo, vel tria pedetentim
bis, terve, aut pluries die exhibitum epile-
psia, convulsione, spasio, et mania obnoxias
saepe opitulari, quoties Sopientia convenient,
tum Extractum e foliis Hyoscyami in iisdem
casibus non minus esse proficuum eadem
dosi propinatum, imo praestare Opio, cum
alvum non sistat, quando consopire oporteat
quin ipsa cohibeatur; ne dicam eiusdem
Hyoscyami folia, ut non raro vidi, sive per
se concisa, sive cum lacte exterius applicita
duros emollire tumores, congestiones discu-
tere, ac spasticos dolores, atque inveteratae
arhtritidis cruciatus lenire.

964. Praesentissimum tamen omnium ad
sopiendum pharmacum communi consensione
Opium est, quod ad praestantiora, atque usi-
tatoria Artis auxilia pertinens ea speciatim
efficit assumptum, exteriusve applicitum, quae
exigua, mediocri, aut magna copia usurpata
sive in Homine, sive in Animalibus iam dixi
Narcotica generatim efficere. Sciunt enim
iamdiu Medici validissimam eius in nervo-
rum sensu imminuendo, usque dum is cum
irritabilitate pereat, potentiam a singula-
ri, nec satis cognito soporifero viru profe-
ctam ita Aegrorum, morborumque conditio-
nibus, proprietatibus, naturis, et caussis ac-
commadare, ut sine ullo aut salutis, aut vi-
tae discrimine, quod secus brevi afferret,
summam praestet Infirmis opem, non paucis
malis mira promptitudine, et securitate mi-
tigatis, aut discussis. Opium autem HIPPO-

ERATI, etumque sequutis Medicis notum p̄dū
tius, quam usitatum pharmacum, dein Em-
piricis, Arabibus, et Chemicis acceptissimum,
dicitur succus, qui in Persia, Arabia, atque
Aegypto erumpit e peramplis capsulis fere
maturis *Papaveris somniferi* sive nigri, sive
albi, idoneo instrumento incisis, ac vesperē
per dies aliquot iterum vulneratis. Qui qui-
dem succus, non absimilis illi, quem in va-
riis Europae Regionibus, atque in ipsa Insu-
bria ex eadem Papaveris specie (licet ob
capitulorum exiguitatem paucissimus prodeat)
eductum fuisse scimus, albidus; aut lacteus,
dein ex albo lutescens (qui purissimus, praे-
stantissimusque ditioribus Incolis servatur),
aut ex rubro fuscus e capsulis, quibus accre-
vit, abstersus Solis ardori in vasculo expo-
nitur, et spatha lignea permixtus, ac subinde
motus tamdiu inspissatur, donec in tenaces,
laeves, variam figuram, et pondus habentes,
rubro-fuscas, atque uniformes, nisi interius
salinis splendentibus particulis interspergeren-
tur, placentas nova exsiccatione concrescat.

965. Hac forma concretus succus extra-
ctivis resinosis partibus cum oleo volatili,
et sale compositus, Alcohole aqueo penitus
solubilis, etsi ob arctum principiorum nexum
Aquaee non parum resinae, Alcoholi puro
non exiguum gummi copiam tribuat, si pro-
bae notae sit, seu, ut dicunt, electus, alias
Thebaicus nuncupatus, si illicoflammam
concipiat, si liquorem, quo solvitur, obscu-
re rubrum efficiat, si suppetat non alienis re-

bus, aut Narcoticarum quarundam Stirpium succis adulteratus, non sordibus corruptus, non ignis vi inter exsiccandum adustus, vel aetate, aliisve modis effoetus, qui eius proprietates, et vires enervent, aut immutent, gravem, virosum, ac diu olfacentibus soporiferum odorem emittit, eamque explicat amaritatem, quae gustantibus primo nauseam, dein sensum affert caloris pungentis, et acris. Ex quo sane fervore non illico evanescente totum os molestiam sentit, saliva elicetur, ipsaque nares ad sternutamenta moventur, orto in iisdem pruritu, quem cuti admotum ipsum Opium creare, atque una psilotrum esse, discutiens, suppurans, atque in parte tenera exulcerans apposite observat RUTTYUS (*a*), ut concludat ista frigidae qualitati a Veteribus ei falso adscriptae adversari.

966. Cui quidem opinioni refragantur magis quae ex Opio sive in os indito, sive in alvum infuso, sive in vulnus immisso, aut exterius applicito in Animalibus brutis, atque in humano corpore accidentunt. Porro sive ea reputo in Animalibus pericula, quae suscepit HALLERUS (*b*), quae ipse egit aduersus WHYTTIUM, et WIRTEHOHNIIUM (*c*), quaeque Magnus ille Vir probavit (*d*), censuitque MURRAYUS novum fulcrum eius sen-

(*a*) Mat. Med. pag. 566. (*b*) Elem. Physiol. T. 5. p. 609. (*c*) De Animal. ex Meph. ec. interit. L. III. Cap. 1. pag. 132. 138. (*d*) Corp. hum. Fab. V. II. pag. 392.

tentiae addere (*a*), sive considero effectus Opii in vasorum sanguineorum genere, quos in frigidis Animalibus, postulante HALLERO, microscopio olim scrutatus sum, sive animadverto phaenomena, quae in bene valentibus Hominibus voluptatis caussa Opium largiter ob consuetudinis vim usurpatum excitat, sive ea perpendo, quae in Aegris idem pharmacum sumentibus HALLERUS, YOUNGIUS (*b*), TRALLESIUS (*c*), aliquie plures observarunt; non possum non verissimum iudicare, quod iam pridem cum eodem HALLERO tradidi, Opium sub halitus specie suam vim sine ullo fere sui ponderis decremento diffundens, cuncta facile pervadens, et suo etiam odore humores inficiens cordis motum excitare dum sensum nervorum infirmitat, irritabilitatemque infringit, qua caeterae musculares fibrae donantur. „Quod vero „tot alii, inquit apposite MURRAYUS (*d*), „languescere numero, et vi cordis motus „statuant, vel inde provenit, quod palpa- „rent arteriam, quum iam deferbuisset cor- „dis impetus, huncque solitus eiusdem lan- „guor excepisset, qui ipse tanto intensior sit „necessus est, quo maior copia Opii antea „corpus intraverit“.

967. Quae quidem cum evincant Opium

(*a*) App. Vol. II. pag. 232. (*b*) Treatise on Opium. (*c*) Disquis. de Vi Opii Cardiaca. (*d*) Op. cit. p. 237.

cerebri nervorumque sensum, et voluntarios motus potenter sedare, imo largius ingestum insigniter imminuere, ac delere, atque interim cordis, arteriarumque actiones conservare, et augere, calefacere, stimulare, vasa expandere, ac movere sudorem, tum copia maiori sumptum, aut improvide datum ebrietatem, audaciam, delirium, et furorem concitare; evincunt quoque antispasticas, anodynas, ac sopientes eiusdem facultates, quas hic speciatim expendo, caeteras alibi traditurus, extra quosdam limites non extendi. Hos enim ponunt dissimiles caussae, quae spasmum, dolorem, et vigilias pariunt, morborum complicationes, singulares Aegrorum proprietates, ac doseos discrimen non facile constituendum. Nam etsi Medici generatim doceant Opium parva dosi sumptum pulsum celeriorem, validioremque efficere, alcritatemque afferre, et stimulare, ac maiori dosi vitales vires aut imminuere, aut saltem non intendere, et tunc protinus sedare, et consopire (praeter quamquod id non semper verum est) accidit saepe, ut uni Aegro exigua sit Opii quantitas, quae alteri nimia est, ac vi- cissim. Quam ob rem prudentissime in Opio administrando se gerunt qui eum, ubi conveniat, nemini, cuius natura circa Opii effectus nondum innotuit, nec tuto erui ex morbo potest futura eiusdem actio, initio praebent a quarta parte grani ad granum dimidium, vel, si res urgeat, non ultra granum unum.

968. Ideo autem Opium cautius dandum est, quia etsi interdum inassueto homini nec quietem intulerit ad quatuor grana exhibitum, necem alteri certo attulit (*a*); quia ab eius usu crebriore, aut nimium intra diem iterato, vel diutius protracto ea mala post se relinquat quibus obnoxii fiunt Orientales Populi, qui Opio in secunda valetudine abutuntur, maciem nempe, languorem, sensuum habitudinem, oblivionem, ac praecocem interium; quia ii morbi, qui speciatim exigunt Opium ad plura grana, et crebris intervallis intra diem porrectum, ut mitigari, ac tolli possint, cuiusmodi sunt tetanos, eius differentiae, et trismus, nec tantam interdum phar-maci copiam requirant, nec semper hoc curationis genere discutiantur; quia Opium eodem tempore sedans, atque exstimulans remedium stimulando impar non semper fit, sicuti nonnulli tradunt, ubi illico audacter propinatum insigniter, et protinus cerebri, nervorumque actionem infirmaverit; quia eiusdem stimuli effectus venae sectio, emollientia, et demulcentia non satis avertunt; quia si in alvum cum apta lotione infunditur, quemadmodum, Ill. COTUNNIO (*b*) prae-sertim auctore, commodissime fit sive eo ad unum alterumve granum indito, sive Laudani liquidi guttis quindecim ad viginti, quadraginta,

(*a*) HALL. Elem. Phys. T. 5. p. 612.

(*b*) Comm. de Ischiad. Nerv. §. 42.

vel ultra usurpati, ubi a stomacho non fera-
tur, aut a bile, quam avocat, enervetur, aut
tenesmus, alvi fluxus tabidorum, ischiadis
nervosae cruciatus, spastica uteri, atque inte-
stinorum passio, et strangaria praesto sunt
et stimulum adhuc retinet, et virus, quo po-
tuit ad grana quatuor lethum afferre (*a*);
quia exterius etiam adhibitum anceps saepe
pharmacum est, utpote quod interdum dolo-
rem non consopit, interdum exasperat, et
nervis, ulceribusque applicitum non parum
irritat, atque alias cuti impositum noxas in-
fert similes illis, quas intus assumptum, quan-
do extat infensem, parit; quia illae rationes
hactenus propositae ad Opium corrigendum
eiusmodi sunt, quae ei aut virus non omne
adimunt, aut si adimant stimulandi vim non
tollunt, vel saltem id cum insigni sedantis
facultatis detimento efficiunt.

969. Post ea quidem, quae passim a
Medicis de variis ex Opio praeparatis, com-
positisque medicamentis animadversa sunt,
quaeque ipse speciatim in Animalibus, at-
que in Aegris nuper praestiti ad praetium
constituendum eorum, quae Opio corrigen-
do paria habebantur (*b*), quisque difficilli-
me illas rationes tanti faciet quanti alias fa-
ctae sunt. Porro, ut mittam Extractum
Opii, sive Cydoniatum, sive Citra-
tum

(*a*) GAUBII Meth. concin. form. p. 420.

(*b*) Op. Therap. V. I. Opus. VI.

tum, utrumque apud nos exoletum, quoniam Acidis Opium debilitatur, non corrigitur, ut praeteream Extractum Opii per fermentationem aequiori adhuc iure neglectum, quisnam ignorat Extractum Opii Spirituosum, et Laudanum Opiatum ideo amplius ad medendum non recipi, quia unum ob alcohol, alterum ob additorum naturam ipso etiam opio stimulantius, et calefacientius est? Quisnam, etsi de Therriaca Andromachi, Mitridatio Democratis, Philonio Romano, atque Electuario Diascordio Fracastorii vim praecipuam ex Opio habentibus modo non loquar, (quibus adhuc maior ex aliis additis rebus stimulandi, et calefaciendi virtus inest, ut alibi dicam), quisnam, inquam, non existimabit Opiatum illud medicamentum, quod a guttis duabus ad quatuor Infantibus, a sensis ad quindecim, ad viginti, et ultra Adultis propinatum saccharo, aut liquore idoneo exceptum prae caeteris usitatius nobis est, nempe Laudanum Liquidum Sydehami ipsomet Opio puro validius stimulare, et calefarcere, tum Anglorum simpliciori methodo ope alcoholis aquei confectum, quod nunc Opium Purificatum vocant, alias Extractum Thebaicum, tum maxime compositum ex vino hispanico cum Croco, Cinnamomo, et Caryophyllis, sicuti in Insula generatim usu venit? Quisnam est qui hodie Pilulis vel de Cynoglossa, vel de Styrace, quarum primae a granis duo.

bus ad quinque, alterae a quatuor ad octo, Opio anteponi consueverunt, ubi sine ullo stimulo sedare oporteat, non ideo substituet Syrupos Papaveris albi, et de Meconio, seu Diacodio, quia compertum est, illas pilulas ea aromatica, et calefacientia recipere, quae intendere, non retundere Opii stimulum possunt? Quisnam non usurpabit Syrupum Papaveris albi, qui a media uncia ad sesquiunciam a decoctis Capsulis Papaveris (quae etiam sola coqui solent ad lotiones pro clysteriis parandas) anodynам admodum lenem vim accipit, utpote quae seminibus magis contemperatur, aut Syrupum Meconii, qui iisdem carens ad aliquot drachmas Infantibus, a media vero uncia ad sesquialteram Adultis exhibitus magis sedat, atque Opio lounge minus stimulat, ac calefacit?

970. Neque aliis modis Opio sive virus, sive stimulus et satis, et sine reliquarum viuum dispendio adimitur sola superstite sedandi virtute. Nam, ut ex iis innotuit, quae alio loco exposui (*a*), quaeque deinceps egi, Castoreum ad Opium corrigendum magni factum soporam eius facultatem aliquatenus infringit, aut saltem eiusmodi virosae qualitatis effectibus paullo adversatur, quin caetera ci vitia adimat. Virus illud magis adhuc ener vat Camphora, atque hac ipsa etiam poten-

(a) Op. Therap. Opus. VI.

tius aggreditur, et destruit Coffeae Infusio,
tum addita Radix Ipecacuanhae (*a*), ut sit
in Doweri Pulvere, cuius vires, atque
usus alibi tradam, et nihilominus ista princi-
pium, quo Opium stimulat, cordis actionem
intendit, excitat, calefacit, et sudorem mo-
vet, aut non attingunt, aut etiam efficacius
reddunt. Stimulandi quoque, et cordis actio-
nem incitandi proprietatem Opio non aufert,
nisi etiam intendat Moschus, quem una usur-
patum spasmo graviter detentis maiori efficaci-
tate, et promptitudine subvenire Clariss. Vi-
ri, ac speciatim HYLARYUS, atque HUCKIUS,
observante MURRAYO (*b*), iamdiu tradiderunt.
Quod si eo duplici praeparationis genere,
quo Extractum Opii confecerunt Illustr.
Viri BAUMEUS, et LASSONIUS (*c*) Opium
omni nocendi facultate privari, atque una
stimulandi, atque interim medicatus, atque
ad sedandum potentius effici nonnulli existi-
ment; ego quidem iis non assentior, quia
utraque ratione quaedam ex Opio incommo-
da praecaventur, quin utiles vires, ac pree-
sertim anodynæ, magis evolvantur, atque in-
crementum suscipiant. Non una siquidem
adductus observatione tutum arbitror iudi-
cium, quod in hanc rem alias protuli (*d*)
Opium scilicet halitusosis, volatilibus, oleosis,
salinis, et resinosis partibus spoliare, idem

H h 2

(*a*) ibid. (*b*) Op. cit. Vol. II. p. 268.

(*c*) Opusc. cit. p. 313. (*d*) loc. cit. p. 316.

esse ac pharmacum debilius reddere, non corriger.

971. Hinc prudentis, et periti Artificis erit maiorem adhuc curam in Opii administratione adhibere, ac generatim, nisi singularis casus aliter postulet, ut alia occasione monobo, ipsum purum, nullisve immutatum medicamentis propinare, ne secus minus efficax, atque opportunius evadat in iis morbis, quibus maxime opitulatur. Porro Opium speciatim convenit, ac magnam opem praestat dolorem sedando, convulsionem, et spasmum removendo, vigilias discutiendo, atque excretiones, excepto sudore, moderando quando morbi indoles, et caussae, atque Aegri natura medicamentum requirunt, quod nimium sensum nervorum, nimiamque vim irritabilitatis, quae in voluntariis musculis est, prompte, atque efficaciter queat sedare, ac pristinae conditioni restituere. Hinc cum alterutrum, vel utrumque in passione hypocondriaca, atque hysterica, affinibusque affectibus, atque in iis cruciatibus, quos calculus, ulcus, cancer, aliaque chronica mala, quae radicibus tolli non possunt, praestare utplurimum expedit, ideo plerumque Opium par extat iisdem discutiendis, aut mitigandis. Neque ob dissimilem caussam tam saepe in spasticis intestinorum doloribus, in Ileo, atque in colica Pictorum modo per se, modo oleo unitum, modo alvum ducentibus additum idem Opium mirifice prodest; tum non raro eximie subvenit trismo, tetano, emprosthotano, simili-

busque malis occupatis primo pedetentim, dein audacter datum, atque adeo crebris intervallis, ut tertia, secunda, aut quavis hora, imo dimidia, eius dosis propinetur, vel in alvum infundatur, atque alterutro, vel utroque modo plura eius grana intra diem usurpentur.

972. Contra vero Opium in epilepsia, atque in mania tam raro proficuum, quin nocuum evadere ideo conquesti sunt plerique Clinicorum, quia utrumque malum minus saepe ab illis caussis iam indicatis proficiscitur, quae eius usum requirant, tum insuper eos frequenter aggreditur, quorum natura, temperies, atque aliae proprietates eiusdem administrationi adversantur, aut aegre eam sustinent. In febribus item, quae intermittunt, ob eandem rationem perrato idem medicamentum, sive ad mitigandum accessionis impetum, sive ad symptomata lenienda, sive ad ipsam arcendam febrim valet, ac generaliter, ut post Ill. STÖRKIUM (*a*) susceptis experimentis observavi, eam exasperat, aut novis illatis incommodis molestiorem efficit, etiamsi interdum ab animi pathemate originem agnoscat, quo in casu Ill. TRALLESIUS convenire censuit (*b*). Similiter ab eodem principio non obscure deducitur, cur Opium ob sui actionem, qua stimulat, circuitum

H h 3

(*a*) Ann. Med. 1. p. 77. et seq.

(*b*) De Opio Sect. 2. p. 70.

humorum incitat, congestiones parit, calefacit, corruptioni favet, nervorum sensum infirmat, sudorem pellit, alvum cohibet, coctioni officit, ac crisim per alvum non futuram perturbat, tum ob naturam, et caussas acutarum febrium, atque inflammationum, generatim in hisce non conveniat, imo adhibitum non parum noceat, nisi vigilia, dolor, atque ipse morbus a spastica, et nervosa caussa originem ducat, aut foveatur.

973. Sed in hoc etiam rerum statu studiosissime Clinici animadvertant, ne Opium officiat potius quam proposit. Raro enim ille stimulus, qui movet inflammationem, aut eam sequitur, eiusmodi est qui a sola, et primaria nervorum affectione nascatur, atque uno Opio queat obtundi. Rarius adhuc, quam nonnulli protulere, pectoris, aliorumque viscerum inflammations eiusmodi fuerunt, ut eodem discuti potuerint, cum certum sit in exemplis, quae solent adduci, curationem incohataam, absolutamque fuisse, etsi Opium adhiberetur, iis usurpatiis praesidiis, quibus passim inflammatoriis morbis medemur. Current rursus Clinici, ne in variolis indiscriminatim eiusmodi pharmacum praebeant, neve in secundaria praesertim febre usurpent. Neque existiment Opio adhibito rheumatismi, arthritidis, aut podagrae cruciatus et saepe, et tuto mitigari, vel eodem remedio tussim incipientem, quae a catarrho oritur, aut quae phthisim praenunciat certo tolli, quoniam per se Opium plerumque non sufficere, atque

interdum nocere visum est. Nunquam vero
obliviscantur neque in hisce morbis, neque
in vigiliis, spasmis, convulsionibus, dolori-
busque, neque in caeteris affectibus Opium
convenire, sive purum, sive mixturus, emul-
sionibus, saccharo, gummi, aliisve addi-
tum, aut varia ratione praeparatum exhibea-
tur, quando sanguinis copia, aestus, febris
valida, inflammationis metus, humorum con-
gestio, ac corruptio, ac sordes intestinorum
occurrunt.

974. Itaque prudens Medicus Opium ita
semper exhibeat, sive in adductis casibus
dandum sit, sive administrandum, ut inhibeantur
singularis gangraenae progressus, erumpat
sudor, dyseunteria, aut diarrhoea reprimatur,
aut hydrophobis, et syphiliticis auxilietur,
(quos omnes Opii usus suis locis perquiram)
semper, inquam, exhibeat, ut sciatur se uti
pharmaco, quod ubi morbi, aut Aegri na-
turae repugnet, aut nimia copia detur, non
solum noxam, sed hanc quoque gravissimam
affert, ex qua non minus laborantis vita,
quam ipsius Artificis fama periclitetur.

C A P U T X.

De Refrigerantibus.

975. **A**d Sedantia illa quoque pertinere censemur Artis auxilia, quae cito, opportune, et dissimiliter humano corpori admota huius calorem, sive naturalem, aut sano cuique proprium tam manifeste imminuunt, sive eius saltem insolitum incrementum a quacumque morbi caussa illatum ita moderantur, et tollunt, ut, pristina restituta temperie, irritaciones, molestiae, omniaque mala ab aestu profecta mitescant, ac cessent. Hinc summopere utilia, ac persaepe Aegris necessaria praesidia ista quavis aetate Medici habuerunt, etsi circa modum, quo refrigerarent, inter se adhuc dissentiant. Denegant quippe nonnulli ea nobis ad medendum suppetere, quae humani corporis tum sani, tum aegri temperiem conunquam modo imminuant, vero inducto frigore, quo ipsam revera imminuunt attactu suo res illae omnes applicitae, quae minori caloris gradu, quo ad hominem, donantur; proindeque volunt omnia Refrigerantia solum sublata caloris praeternaturalis caussa, huius decrementum inferre, utilem inde mutationem praestare, ac refrigerii sensum patere. Contra vero alii diversam opinionem amplexi praeter caussae motionem, illo quoque mo-

do nonnulla refrigerare contendunt, atque ex ipsis phaenomenis arguunt, quae in sano etiam homine a frigidis liquoribus, sive exteriorius admotis, sive haustis, a salibus neutrae indolis ingestis, ut in Celebr. BROCKLESFY, ALEXANDRI, aliorumque experimentis visum est, atque a quibusdam medicamentis assortiti solent evenire. Haec siquidem dum ostendunt calorem naturalem, thermometro indice, ad aliquot gradus imminutum, et motum humorum, pulsu explorato, tarditatem factum, satis quoque ipsis Auctoribus videntur ostendere, corpora quaedam, praeter calorem ex morbo auctum, eum etiam, qui bene valenti proprius est, posse imminuere, atque eo quidem pacto, quo frigus, eius sensum, atque effectus excitant admota, quae sanorum hominum temperiem non attingunt.

976. Verum nostra quid interest ob unam potius, quam ob aliam caussam caloris imminutionem perfici, ex qua aestui refrigerium succedant? Quid refert si Therapeutae intimorem Refrigerantium actionem, eiusdemque principia nondum e tenebris eduxerint, praesertim quia caussae, quae humanum calorem propignunt, atque evolvunt, neque omnes innotescant, neque iam compertae satis extricatae sint? Quid si nonnulli acriter defendant Refrigerantia solidas partes proxime, ac potissimum afficere, atque in fluidas secundatio tantum, et parum agere, dum alii volunt primariam, ac potiorem mutationem in istis, vel saltem in utroque partium genere aquae

quaerendam esse? Parum sane nostra interesse arbitror si ista vel adhuc lateant, vel uno potius, quam alio modo se habeant, quando scimus apta ad refrigerandum non pauca suppetere; eorum effectus satis evidentes, ac salutares esse; interdum mutationes, quas inferunt, iis similes videri, quas frigida corpora exerunt; non desiderari varia Refrigerantium genera, quae pro vario caussarum aestum concitantium discrimine convenient, iisdemque sublatis, aut cohibitis ad naturalem temperiem infirmum corpus restituant; tum denique, quae occurunt varia Refrigerantium genera, non solum accommodatissima ideo esse, quod ob dissimilem eorum virtutem, queant contra diversas, ac multiplices caloris morbosi caussas pugnare, iisdemque tamdiu, aut tam valide obsistere, ac reluctari, donec eas abigant, aut earum potentiam prorsus infringant, verum etiam ex eo utiliora existere, quod, praeter vim refrigerandi, possident facultates, quae alios effectus, aliasque utilitates opportune afferant.

977. Multa quidem in Refrigerantibus, quo ad eorum originem, indolem, agendi rationem, ac singulares vires, atque effectus discrimina occurunt. Etsi enim provide usurpata, singula queant refrigerare, ex diverso tamen rerum genere promanant, natura principiorum, ac necessariis proprietatis bus quaedam invicem discrepant; nonnulla nervos speciatim afficere videntur, dum alia nullam satis manifestam mutationem in iisdem

inductam exhibent; quaedam frigoris instar stimulantem potentiam aut in stomacho, aut in aliis partibus exerunt, et tamen refrigerandi vim explicant, atque ad universum corpus ducunt, dum alia hanc produnt in stomacho, aut in singulis corporis locis. illam vero in renibus, aut in vesica, in cute, aut alibi ostendunt; item nonnulla affectis maxime solidis partibus refrigerare non obscure significant, dum alia id praestare ex eo speciatim videntur, quod vel physica, vel potius chemica quadam vi non satis evoluta non exiguum mutationem humoribus tribuant. Licet praeterea haec remedia generatim calorem imminuant, motus cordis, arteriarumque moderentur, humorum aestum cohibeant, eosdemque aliter corrigant, sitim sedent, atque e nimio calore ortas irritationes removant, et quietem adducant; inter ea tamen ob dissimilem naturam praesto sunt, quae rursus alia speciatim efficiant. Quae scilicet tarescentiam humorum prohibeant, quae una adstringant, quae putredini adversentur, quae sanguinis fluxus sistant, quae bilem resolvant, atque ad exitum sollicitent, quae acrem materiem involvant, ac varium stimuli genus retundant, quae stomachi viribus actionibusque prospiciant, quae humorum copiam adrenes avocent, horum actionem excutiant, atque urinam sollicitent, uberioremque reddant, aut diversis sub conditionibus varias exanitiones invitent, quaeque demum alia commoda afferant.

978. Ex hac autem virium coniunctione, tum dissimili virtute, quae in quovis Refrigerantium genere, praeter communem refrigerandi, et temperandi inest, accidit, ut eadem generatim in morbis adhibita eos effectus valde salutares edant, qui a solo, quod inducunt, refrigerio non satis deduci possent, tum, si apta, et variis morbi caussis opportunitiora elegantur, eas omnes facile superent, quas secus una tantum generali virtute donata vel inertes reddere, vel tollere singulas nequicunt. Hinc in morbis inflammatoriis maximum afferunt auxilium, praesertim si circa aeris usum, cibum, et potum, corporis quietem, sensuum curam, atque animi motus illa non negligantur praecepta, quae in eo aegritudinum genere perpetuo servanda esse ad omnem injuriosam irritationem removendam monui cum disserens de iisdem rebus ad Diaetica praesidia relatis eas proposui tamquam praecipuas, quae ad Regimen Antiphlogisticum, ut Medici passim loquuntur, pertinent. Ob eandem caussam Refrigerantia prosunt valde in plerisque acutis aegrotationibus, in biliosis, putridis, atque exanthematicis morbis; convenient in hemophthisi, aliisque haemorrhagiis, ac cruentis alvi profluviis; tum aliis malis prospiciunt, quae singula Refrigerantium genera expendenti se illico offerunt.

979. Inter haec duo occurrere omnium simplicia, atque interim summopere ad refrigerandum idonea, Aerem nempe frigidiu-

sculum saepe renovatum, atque Aquam frigidam, sive haustam, sive exterius applicitam nemo est qui ignoret. Quare utriusque effectus atque usus supervacaneum nunc censeorimari post ea maxime, quae de utriusque auxiliī administratione non minus in secunda, quam in adversa valetudine, refrigerii potissimum caussa instituta, variis iam locis (§. 79. 301. et seq.) tradita fuerunt. Istis quam proximum Refrigerantium genus praebent Aquae illae medicatae, quae sive naturales sint, sive arte praeparatae gas acidum carbonicum habent, atque *Acidulae frigidae* vocantur; quarum usus tunc praesertim purae Aquae anteponitur quando sedare, et temperare refrigeranti remedio expedit, atque una tutum est, et iuvat ea simul commoda Aegris impertiri, quae a gastici illius principii stimulo, natura, atque agendi ratione, ut alibi exposui, generatim eveniunt.

980. Aliud deinde genus remediorum, quae sedent refrigerando, aut temperando afferre dicuntur Semina quaedam Cerealia, mucilaginea, aut oleosa, aliud variae Stirpes, aliud quidam Fructus. E cerealibus porro semina *Hordei vulgaris*, et *Avenae sativae*, quorum iam memini, (§. 155. 158.) tenues ptisanae, aut decocta ad refrigerandum opportunitiora praebere censemur, quia prae caeteris acorem ocyus concipiunt, a quo refrigerans eorum virtus deducitur, quae tamen Aceto, aliisve remediis additis, (§. 324.) generatim acuitur. Quae vero praecipuam vim

suam a mucilagine agnoscunt, ea hodie refrigerando per se imparia iudicantur, ac proinde neque alibi proposita huius generis Semina solent hoc fine praescribi, neque speciatim usurpari semina *Plantaginis psyllii* seu *Psyllii*, e quibus eductam mucilaginem ob refrigerandi vim a corticibus acceptam aduersus inflammationes assumptam, impositamve magni factam, ideo etiam Nuperiores despiciunt, quia alii acrem habent, alii non plane innocuam. De eorum autem Seminum, quae ob oleum, quod habent, mucilagine coniunctum Aquam in emulsione convertunt, usu ad refrigerandum, varia est Medicorum sententia. Nonnulli siquidem Emulsiones ex Seminibus quatuor frigidis maioribus (§. 324) nempe *Cucumeris*, vel *Sativi* seu *Cucumberis*, vel *melonis* seu *Melonis*, et *Cucurbitae*, vel *lagenariae* seu *Cucurbitae*, vel *Citrulli* seu *Citrulli* praeparatas, itemque confectas e Seminibus quatuor frigidis minoribus, nunc veluti superflua, exoletis, nempe *Lactucae sativae* seu *Lactucae*, *Cichorii*, vel *intybi* seu *Cichoreae*, vel *endiviae* seu *Endiviae*, ac *Portulaceae oleaceae* seu *Portulacae* eximie refrigerare contendunt, quod alii denegant. Inter hasce sententias, quae media quodammodo est, omnem disputationi locum praecludere, ac veritati consentire mihi videtur, dum constituit emulsiones illas per se utique refrigerantes non esse, at nihilominus, quatenus facile accescunt, mitissima sua indole demulcent, acia

leniter involvunt, et paullo laxant, eiusmodi evadere, ut irritationibus cohibitis, aliisque insoliti, ac nimii caloris caussis sublatis, queant, ubi haec praestanda sint, proprie Refrigerantia aemulari, ac proinde pristinam restituere temperiem, sitim compescere, vigiliam prohibere, humorum componere motus, ac quietem adducere.

981. E Stirpibus plura olim tamquam singulari aliqua refrigerandi facultate pollecent a Medicis praescribi consueverant, quae tamen hodie, paucissimis exceptis, prorsus negliguntur. Nec quidem iniuria. Ea enim generatim cedunt virtute illis Oleribus, quae cum nutriendi vi temperantem quoque possidere monui (§. 178.), ac praesertim *Lactucae sativae*, tum potissimum foliis *Oxalis acetosella* seu *Acetosellae*, *Rumicis acetosae* seu *Acetosae* quae iusculis, acetariis, et cibis variis addita, aut in succo usurpata acido oxalico suo egregie refrigerant; quemadmodum Sal ex iisdem eductum nempe *Acidulum oxalicum* refrigerat. Porro inter ea Vegetabilia speciatim ad refrigerandum proposita arbitror minus vere ad id proponi folia *Chenopodii boni henrici* seu Boni Henrici, quae potius recentia cuti applicita oedematasos interdum discutere tumores, ac contusa, imposta, apte que renovata, antiqua, rebellia, et sordida ex herpete, scabie, tinea, aut lepra orta ulcera, copioso moto pure, saepe emendare, atque implere vel novissime dicuntur. Num vero imposta adstringens herba *Geranii robertiani*

in erysipelate prosit refrigerando potius ; quam discontiendo , non facile dixerim , cum eam contusam in cancrosis dumtaxat ulceribus , quae sanare dicebatur , incassum tentaverim . Nullam vim refregandi tribuo tum fungo *Pezizae auriculae* seu *Auriculae Iudeae* , qui etiam una adstringendo in faucium , et oculorum inflammationibus aqua solutus gargarizari , aut imponi alias consueverat ; tum *Bixa orellanae* faeculae , quae ex America advecta Terra Orleana in Officinis vocatur , cuius quoque vires rhabarbari aemulæ nondum confirmatae sunt . A *Nymphaea* autem *alba* seu *Nymphaea* nullam utilitatem cum mihi ad medendum pollicear , nullam quoque ab eius radice facultatem expecto ad extinguendam venereum tentiginem , nullamque ex floribus , atque inde praeparatis *Aqua* , *Conserva* , et *Syrupo* ad refrigerandum , ad dolores consopiendos , atque ad vigilias discutiendas .

982. Pari iure *Violae odoratae* seu *Violae* flores cum non duxerim enumerandos inter Antispastica , atque Anodyna remedia , non eos pariter probabo tamquam refrigerantes , tum praesertim *Conservæ* , aut forma *Syrupi* usurpatos , quo quidem modo temperare , et maius refrigerium afferre Medici arbitrati sunt , quia ipsi mucilaginei sive antispasticae , sive refrigerantis virtutis satis manifesta indica nunquam mihi praebuerunt . Emolumen- tum vero , quod nonnulli a foliis mucilaginem copiosam habentibus *Cacti opuntiae* seu *Opuntiae* instar cataplasmatis impositis se accepis-

cepisse affirmant in pleuritide, in doloribus ventris ex dysenteria aut ex inflammatione, in rheumatismo, atque in ischiade cur refrigeranti facultati tribuam, non emollienti, quae dicam, cum MURRAYO (a), fibras constrictas relaxet, ac dolores hac ratione consopiat? Cur demum *Sedi telephii* seu *Telephii*, aut *Fabariae*, sive folia, sive radices proponam, si contusae imponantur, aduersus ambusta, haemorrhoides, aliaque mala, cum incertum sit adhuc, num vere refrigerans iisdem virtus competit, et quae certius refrigerant, ac simul paullo adstringunt, atque egregie abstergent, folia scilicet *Sempervivi tectorum* seu *Sedi maioris*, in illis morbis vix interdum *Vul-*
gus trita imponere, aut clavis pedum applicare soleat, neque Medici nostrates aphtis Infantum succum eius illiniant, neque ad scissas in Nutricibus papillas curandas adhibeant, etsi utriusque morbo mederi SWIETENII, ROSENSTEINII, aliorumque testimonio innotuerit?

983. Ad Fructus autem, quibus, sive alimenti, sive medicamenti caussa ipsa recipiantur, refrigerandi facultas inest, pertinent iigrate aciduli, ex acido dulces, ac praesertim aqueo-dulces, quos alio iam loco singillatim recensui (§. 185. et seq.), eorum etiam tum indicatis principiis, tum usibus propositis

Tom. II.

I i

(a) Op. cit. Vol. III. pag. 342.

(§. 396. et seq.). Quare sufficiet eorum iterum meminisse, iisdemque vere probatissimis ad refrigerium humano corpori impertendum, aut ad caloris insoliti evolutionem arcendam addere nonnulla, quae nondum exposita cum ipsis quodammodo convenire censentur. Scire itaque expedit a Septentrionalibus Gentibus baccas grato acore praeditas *Vaccinii vitis ideae* seu *Vitis Idaeae*, e quibus rob, syrupum, potionesque conficiunt ad refrigerandum, fallendam sitim, ac corruptionem inhibendam, multi fieri; neque baccas saccharo probe conditas ad nimium moderandum acorem *Vaccinii oxycocci* seu *Oxycocci* ad eosdem usus negligi; neque item baccas ex dulci acidis *Vaccinii myrtilli* seu *Myrtilli*, ubi in alvi profluviis, et faucium morbis refrigerare, atque una adstringere conveniat, inutiles iudicari. Nec illae Gentes negligunt in adductis casibus, tum speciatim in Scorbuto, baccas acidulas *Rubi chamaemori* seu *Chamaemori*, dum apud nos neque ipsae ad medendum probantur baccae *Mori nigrae*, etiamsi refrigerantes, atque antisепticas existimari, avideque ab Agricolis comedи communiter soleant.

984. Nec Medici nostrates sola refrigerandi caussa multum hodie favent usui pulpae e siliqua *Cassiae fistulae* seu *Cassiae eductae*, (quam alibi rectius expendam), etsi alias creberime in morbis inflammatoriis, et biliosis adhiberetur, ac revera refrigeret, temperiet, et putredini aduersetur. Ei enim,

ut bona ista consequantur, plerumque substi-
tuunt pulpam, de qua pariter alio loco op-
portunius dicam, *Tamarindi indicae* seu *Ta-*
marindi, quoniam haec copiose etiam deglu-
tita nec nauseam, nec inflationes, aliasve
molestias instar *Cassiae* movet, atque interim
egregie temperat, bilem corrigit, ac putredin-
em emendat, proindeque adversus putridas,
et biliosas febres, phthisim, et varia item
mala plurimi fit tum per se, tum praeser-
tim lactis Sero commixta. Non potest siquidem
Serum non vim eius acuere, cum ipsum
sive dulce, sive acidum ob suam indolem,
maximeque ob *Acidum lacticum*, oxydemque
sacchari ad temperandum aptissimum sit, ac
pluribus in morbis usitatissimum potionis,
et remedii genus, aliis praeterea viribus prae-
ditum, largiatur: quemadmodum (§. 325. et
seq.) traditum est.

985. Sicuti vero ista ab *Acido oxalico*,
vel *malico*, vel *pyro-mucoso*, vel *lactico*,
quod habent aliis particulis admixtum, vim
refrigerandi agnoscunt; sic maiorem habere
consentur ipsa *Acida*, quae mucilaginis, alia-
rumve rerum compedibus minus irretita, aut
prorsus libera suppetunt, vel arte parantur.
Haec siquidem aqua diluta, atque ita modis
aliis temperata, ut nullum molestiae sen-
sum, imo grati acoris gustantibus afferant,
calorem, atque aestum efficaciter moderan-
tur, eo quidem certius, atque utilius cum
inter refrigerandum sitim sedent, bilem acrem
demulcent, ac putredini occurrant, aut po-

tenter resistant. Hinc magni usus in acutis aegrotationibus esse solent, nec minoris utilitatis in chronicis morbis existunt, in quibus illa oportet commoda Aegris afferre.

986. Quare evenit, ut *Acidum citricum* sive e *Citro medica*, sive e *Citro aurantio* expressum sit, quod ad scorbutum praecurvandum, ac curandum caeteris antecellit praesidiis, ob modo indicatas vires, atque ob eximiam gratiam saporis vel cum saccharo aqua solutum, vel in modum syrupi, ut fit in *Syrupo acetositatis Citri*, pocalentis additum creberrime usurpetur. Evenit similiter ut *Acidum acetosum*, seu *Acetum* (§. 89. 751.) ob non diversas proprietates iisdem modis adhibitum vel per se aqua remixtum, vel cum melle aut saccharo (unde *Oxycratum*, *Oxymellites*, et *Syrupus Aceti* emergant) potionibus, et mixturi additum, nisi refrigerando praestet reliquis Vegetabilibus acidis, sicuti communior est *Clinicorum* opinio, saltem istis usitatus, sit, vere eximum refrigerans, sedans, aliisque modis utilissimum medicamentum. Evenit demum, ob eandem virium coniunctionem, ut ex Acidis Fossilibus aliis indicacionibus explendis idoneis (§. 753.) *Acidum sulphuricum* seu *Acidum Vitrioli*, quo fere solo ad refrigerandum utuntur Medici, quoties aqua copiosissima dilutum, aut dulcibus, mucilagineis, aliisque mitigatum rebus palato amicum, atque irritando impar evaserit, toties probetur maxime, et prae caeteris quo-

tidiano Aegrorum potui adiiciatur, quando sedare, et refrigerare non solum expedit, sed putredini potentius, quam caetera Acida soleant, ac promptius obsistere. Sed de istis, nisi satis alibi (§. 323. 324.) dictum sit, dicetur in posterum.

987. Ultimum proinde Refrigerantium genus expendendum est, quod Salia medium indolem habentia constituunt. In eo enim iam consentiunt Medici eiusmodi Salia, si excipientur, quae ex *Soda*, atque *Acido muriatico* emergunt, plus minus singula apte exhibita refrigerare, atque eo maxime modo, nempe exigua copia, et partite propinata, ac rite soluta, et diluta, quo possint omnem, quam possident, sedandi vim explicare, ac simul alteram, quam pariter habent, stimulandi facultatem vel exuere, vel sine illius detimento in uno, aut altero corporis loco exerere. Quamquam autem istis refrigerandi potentiam concedant, ipsis tamen adeo praeferti communiter solet *Nitras potassae*, seu Nitrum, ut missis caeteris alibi indicandis, (quemadmodum iam neglexi de Sale sedativo vel *Acido boracico* dicere, cum antispasticas, narcoticas, ac praestantiores reliquis refrigerantes vires ei nequam tribuere) de eo solum hic dixisse commodum videatur. Non enim ex praeconcepta, nec tuta opinione, ut CULLENIUS, aliquique putant Clari Medicinae Scriptores, Nitrum ad refrigerandum aptius habent, ac crebrius usurpant; at experimentis, observationibusque innixi ipsum caeteris

praeferunt. Quae enim cum eo III. Viri ALEXANDER, BROCKLESBYUS, SMITHIUS, aliique egerunt, quaeque passim de eius effectibus Clinici tradidere optimum, praestantissimumque refrigerans Nitrum declarant, quamquam modus, quo refrigeret, hactenus lateat. Declarant quippe a sex, vel octo granis ad scriptulum, vel ad drachmam dimidiam opportuna aquae quantitate solutum, additumve potionibus, aut mixturis, subinde maiori dosi clysteriis cum lotione infusum, in morbis inflammatoriis aestum compescere, sitim sedare, calorem efficaciter moderari, urinarum ardorem temperare, easque ciere, aliisve modis prodesse, dummodo inflammatio urinae vias non obsideat, quo in casu a Salibus sapientes Clinici abstinent. Qui quidem non ignorant, ubi validius refrigerandum sit, iterato, iustis intervallis, eoque praecepsit momento, quo dissolvitur, rectissime Nitrum propinari, ne secus parcus datum nimis breve sit levamen, ac refrigerium, quod affert, neve una vice largius assumptum anxietate, cardialgia, atque animi deliquio accersitis, ut ALEXANDER observavit, vel inflammatione stomachi, ut semel vidi, inducta, gravissime noceat.

988. Caetero, sive Nitrum, sive aliud quocumque remedium refrigerandi caussa Medici recipient, sedulo curent, ne vel pleniori, quam deceat, dosi, aut diutius exhibendo ea mala accersant, quae Refrigerantia generatim suscitant quando vel intempestive,

vel largiter nimis in exanthematicis morbis propinuantur, vel inconsulto ad alias indicationes explendas ab iis sumuntur, quorum corpora, nisi caloris defectu, languore tamen virium laborant, laxi ac debilis habitus sunt, obstructionibus tentantur, atque in hydropem inclinant. Neque haec minori studio caveant Chirurghi, quando Posca, Oxycrate, aut frigida Aqua, aliisve auxiliis exterius adhibitis utile, et tutum credunt refrigerare, ne istis temere impositis eas noxas adducant, quae improvide usurpata Reprimentia medicamenta facile inferunt magno saepe Aegrotum detimento.

C A P U T X I.

De iis, quae corrigunt vitia humorum.

989. **D**ixi de iis, quae solidis partibus laesis opitulantur, aut ipsis potissimum affectis, ac mutatis prosunt; nunc ad ea veniam medicamentorum auxilia, quae speciatim humores, qui vitium egestione aliqua non removendum conceperunt, provide emendant, ac corrigunt. Eorum quippe vitia, etiamsi reiciantur, quae ex vanis hypothesisibus antiquitus constituta, vel in nostram usque aetatem de variis acrimoniae speciebus prolata fuere; satis manifesta, ac multiplicia occurunt. Quamquam enim nullum vitium iam ob aliquam functionum laesionem conspicuum in fluidis admittant Sapientiores Pathologi (§. 12.) sine aliqua mutatione, aut labe solidorum, ac similiter doceant Therapeutae nullum praesto esse medicamentum, quod eo tempore, quo in fluida agit, non simul solida afficiat; censem nihilominus certa nobis suppetere medicaminum genera, quae speciatim humorum vitiis prospiciant. Illa siquidem, quae vim potiorem, manifestioremque in fluidis exerunt, ea sunt, quae proprius eorum vitiis mederi arbitrantur. Praesertim cum morbosae humorum conditiones, licet per se non existant, aut solae non pro-

deant, satis pateant, ac propriam, et praecipuam curationem desiderent, qua amissas proprietates recuperent. Quaecumque enim sit ratio, ob quam Physicarum, Chemicarumque virium actione a naturali indole dessiscant, atque ubi desciverint apposito remediorum usu ad pristinum redeant modum, generatim Medici admittunt, humores, præterquamquod interdum copia, interdum nimia ad putrescendum proclivitate laborant, vitium contrahere ex nimia spissitudine, tenuitate, atque ex dissimili labore, quae vario acrimoniae, non satis proprio, nomine designatur; vitia eiusmodi peculiaribus signis se prodere; eadem quoque inter se complicari, eorumque coniunctionem probabili conjectura nos assequi; ac singula demum, ut corrigantur, singularē remediorum genus requirere.

990. Quae cum ita sint, potiora eiusmodi genera persequar orsus ab eo, quod spissitudini medetur. Id praestant Auxilia, quae Attenuantia vocata iuxta magis receptam opinionem Medicorum in Diluentia, et Resolventia dividī solent. Illa dicuntur fluida omnia, quae Animalium liquorum moleculis admixta fluidiores eas efficere censentur, quin tamen, quo ad indolem, compositionem, proprietatesque immutent, aut ipsa suam fluiditatem amittant. Altera vero audiunt quaecumque medicamenta humores iam praeter naturam coalitos, vel adhuc in circuitum ductos, vel alicubi haerentes, ita dividunt, nunc mechanica, nunc Chymica,

nunc utraque simul potentia, ut pristinae rationi rediti ad propria iterum munia obeunda aptissimi evadant.

991. Diluentia autem convenient in omnibus pene acutis aegrotationibus, et chronicis plerisque, quoniam tam saepe expedit ardorem moderari, aestum compescere, acia temperare, fluorem humoribus inducere, nimiam sensilitatem retundere, atque in sanguine Aquae rationem augere. Nullum porro, praeter Aquam, suppetit vere diluens remedium, quemadmodum de eius medicatis viribus disserens (§. 295.) proposui. Huc interea referuntur tenues Ptisanæ, Emulsiones, Potus varii ex blandis, demulcentibusque Siribus parati, Serum lactis dulce, et acidum; atque aliae poculentorum Species suo iam loco fuse expositae (§. 324.), in quibus vis praecipua ab Aqua sit, nec eius diluenti facultatem addita quaecumque infringant, nisi etiam eo potius tendant, ut aquosae particulae in sanguinem ocyus influant, atque ipsius moleculis intimius admisceantur.

992. Quoties vero Diluentia ad fluiditatem sanguineo latici restituendam per se non valeant, sicuti in nimia humorum spissitudine, eorumque motu imminuto accidit; toties aliis opus est medicamentis, quae vel interpositione suarum particularum inter cohaerentes globulos, vel attritu per actionem vasorum stimulo excussam opportune aucto, vel utroque modo, vel singulari vi affinitatis, vel aliis nondum compertis rationibus cohae-

tentia dividant, seu resolvant. Quae vero eiusmodi effectus adducant, proprie Attentuaria, aut Resolventia vocata, multigena esse Therapeutae existimant; nec quidem iniuria, cum ad eos assequendos modo oporteat copiam humorum imminuere, modo eosdem irruentes aliorum revellere, aut derivare, modo eos diversa, ac multiplici ratione afficere, prout ex nimia copia, nimio aestu, inflammatione, aliisve caussis nocuam spissitudinem ipsi contraxerunt.

993. Licet profecto actio horum medicinum densis adhuc obducatur tenebris, tantum tamen lucis experientia iisdem offudit, quantum expedit, ut quisquam tuto concludat perperam nonnullos ab uno actionis principio omnem eorum efficacitatem deduxisse. Qui enim resolutionem omnem, quam praestant medicamenta, ab aucta ad putrescendum proclivitate, quam naturaliter habent humores, explicant, ii non animadvertisunt generatim Resolventia sceptica non esse, imo pleraque putredini prorsus contraria, ac quae revera sceptica dicunt, veluti alcalica Salia, eadem huius generis plerumque non evadere, tum non eo in sensu resolutionem, medendi caussa, perfici, ut eam putredinis evolutio excipiat, aut illa cum hac solo gradu distincta, natura conveniat. Qui vero spissos humores tantum tenuari posse concipiunt a singulari aliqua vi solvente quibusdam remediis propria, ac praesertim salibus, sive eductis, sive illis adhuc inhaerenti-

bus, eamque, nisi sceptica sit, a chemica affinitate derivandam coniiciunt, id fiderent nimis assumunt; temere quod in suis operibus praestant Chemici cum aliquid solvunt, ad humanum corpus traducunt; nec vident bene multa ideo Resolventia fieri, quod in solida primum operentur. Qui praeterea, ut reliquorum medicaminum, sic Attenuantium, aut Resolventium actionem perpetuo explicandam esse ducunt a manifesto, aut abdito quodam stimulo, ii pariter quod de uno Auxiliorum genere verum est, id de omnibus Resolventibus perperam affirmant. Nam, ut mittam in nonnullis morbis, qui ad humorum spissitudinem referuntur, et speciatim desiderant, quae ad Stimulantia pertinent, morbosam densitatem non adesse, et quae prosunt, non eam corrigendo, sed alias salutares mutationes, alias effectus, atque alia commoda afferendo prodesse, quorum caussa in attenuatione quaerenda non est, si quandoque oportet, ut spissi tenuentur humores, coaliti resolvantur, et alicubi haerentes, atque impacti discuti queant, ad eadem Stimulantia confugere, quae solidorum viribus, actionibus, motibusque incitatis, et auctis ista perficiant, nonne alias, ut resolutionem consequamur, oportet iis uti auxiliis, quae praternaturalem stimulum removeant, aut ei omnem irritandi potentiam multimodis adiument?

994. Cum itaque non una sit ratio, qua resolvi possunt humores, nec unum proinde

sit Resolventium genus, ea singula persequi
nostrum est, quemadmodum Clinicorum erit
speciatim tradere quando unum potius, quam
alterum pro morborum, caussarumque discri-
mine, ac pro dissimili ratione, qua spissitu-
dinem humores contraxerunt, eligendum sit.
Ut vero in hac re aliquis ordo sequatur
commodum mihi videtur eum sequi, quem
III. FOURCROEUS admisit, Resolventia in tria
genera secernens (a), quamquam ista non
satis certis limitibus circumscripta videantur.
Verum ubi tuto determinata, atque eviden-
ter evicta non suppetunt, quid prohibet quo-
minus, quae magna ex parte vera sunt, am-
plexamur, atque eam rationem, ubi manife-
sta nequit haberi, quae minus dubia, ac ve-
rosimilior iudicatur, sectemur? Evidem ita
arbitror, ac proinde animadverto Resolven-
tia FOURCROEUM distinguere in Aperientia,
Incidentia, ac lympham Attenuantia, seu
quae eandem liquant. Ad prima revocat Re-
solventia, quae caeteris minus efficacia lenius
attenuant, leviores ex spissitudine natas con-
gestiones discutiunt, atque ad primas vias,
et organa urinarum suam praesertim actionem
dirigunt. Ad secunda refert, quae paullo
efficaciora validius quoque fluidas moleculas
dividunt, atque ita solvant, ut viscerum,
praesertim, quae abdomine continentur, ob-
structiones removeant; unde Deobtruentium

(a) Op. cit. Vol. 2. pag. 101. et seq.

nomen accipient. Ad tertia denique pertinere censem, quae istis adhuc validiora non solum horum effectus maiori efficacitate edere existimat, verum etiam lympham speciatim aggredi, eandemque inspissatam, viscosam, et concretam solvere, ac liquare.

995. Si itaque volumus iuxta eiusmodi divisionis methodum singula tradere, quae resolutioni idonea communiter iudicantur oportebit eadem ita inter se dispertire, ut cum Cel. FOURCROEO ad primum genus revocemus mitiora illa Resolventia, quae toties indicata, ac proficia esse solent, quoties in stomachi, intestinorumque vitiis, in viscerum, quae in abdomen sunt, levibus obstructionibus, in hypocondriacis ac melancolicis insultibus, in cutis affectibus, atque in aliis incipientibus chronicis malis sufficit, crassos, et tenaces humores, qui morbo caussam praebent, lenium remediorum actione tenuare, ac dimovere. Huius generis censentur e Salibus Sulphas potassae seu Tartarum Vitriolatum, vel Sal Polychrestum, Nitratas potassae seu Nitrum, Nitratas potassae cum sulphate potassium seu Sal Prunellae, Tartritis potassae seu Sal vegetabile, Tartritis acidulus potassae seu Cremor Tartari, Tartritis Soda seu Sal Segnetti, ac Murias soda seu Sal marinum. Salia siquidem ista, a granis decem ad scriptulum, vel ad dimidię, aut unam drachmam, (quae etiam dosis subinde iteratur) egregie tenuant, ac resolvunt. Hinc modo per se, modo Mixturis, decoctisque addita

crebro usurpantur, modo inspissatis, aut recentibus Vegetabilium succis, vel extractis unita, (ut fit cum Robe ex bacca Sambuci, quod grata acidulum ad aliquot drachmas partite sumptum egregie resolvit) saepe consulto adhibentur. Istis quippe modis usurpata, probeque soluta apprime comodant quando in morbis etiam inflammatorii, aegritudinis impetu iam fracto, atque ad exitum tendente expedit eius solutionem mitissimis Resolventibus, quae Antiphlogistica ideo dicuntur, opportune adiuvare. Quo quidem in casu quam utiliter, et tuto resolvant Saccharum, et Mel, ac quae ex iisdem parantur Syrupi, Hydromel, Ozymel Potionibus, et Mixturiis adiuncta cuique compertum est.

996. E medicatis Aquis probantur speciatim *Aqua ferrugineo-gaseosae* rite, apteque usurpatae, sive naturales, cuiusmodi sunt Spadaneae, tum Insubriae propiores e fontibus Ricobarii, et S. Mauritii, tum aliae non paucae in Italiae Provinciis non infrequentes, sive factitiae, quibus nos non sine evidenti utilitate crebro utimur. E Vegetabilibus vero praeter alia non pauca hinc illinc proposita, ac praeter Filices, qui plus minus omnes aliquatenus attenuare censemur, maiorem apud Medicos famam sunt consequutae Radices quinque Aperi entes tum maiores, cum minores. Maiores audiunt Radices Apii graveolentis seu Apii, Apii petroselini seu Petroselini, Anethi foeniculi seu Foeniculi, Rusci

aculeati seu Rusci, et Asparagi officinalis seu Asparagi; minores autem sunt radices Rubiae tinctorum seu Rubiae, Tritici repentis seu Graminis, Ononidis spinosae seu Ononidis, Eryngii campestris seu Eryngii, et Capparidis spinosae seu Capparidis. Quid vero valeant speciatim decocta, aut apozemata ex iisdem parata, quae de ipsis iam variis locis tradita sunt satis superque docebunt.

997. Praestat enim vero ad Incidentia modo accedere, quae maiori praedita resolventi virtute promptius, validiusque insipissatis, et coactis humoribus resolutis, dimotis, et discussis, eo quidem efficacius, quo solidorum actionem manifestius excutiunt, atque augent, non mediocre Medentibus auxiliū largiuntur. Partim enim solvendo, partim stimulando, suamque vim exerendo non modo in stomachum, atque intestina, verum etiam in vasa cuiusque generis, aptissima sunt ad validas mutationes praestandas, ac praesertim ad efficaciter resolvendum. Hinc in omnibus casibus, quibus Aperientia opitulan-
tur, quod ista interdum non potuerunt, facile praestant; prae ipsis in gravioribus viscerum, glandularumque obstructionibus convenienter; in tumoribus prosunt; atque in aliis morbis opportuna sunt, qui a viscoso, crassiori, inerti, ac stagnante quovis humore nati in solidis partibus debilitatem patefaciunt, nullamque, vel insignem acrimoniam, vel pronam ad inflammationem indolem in fluidis praeseferunt. Secus enim nocerent, quemad-
mo.

modum vel non satis caute administrata, vel nimis audacter, diuque data ob nimiam irritationem, solutionemve inductam non parum nocent.

998. Huc porro revocantur a FOURCROEO, praeter *Aquam calcis*, de qua deinceps occasio erit dicendi, *Carbonas potassae* seu Alkali fixum vegetable, *Carbonas sodae* seu Alkali fixum minerale, *Sulphas sodae* seu Sal Glau-berianum, *Sulphas magnesiae* seu Sal Epsonense, *Murias ammoniacae* seu Sal Ammoniacum, atque *Acetis*, tum *potassae*, tum *sodae* seu Terra foliata, vel Tartari, vel Mineralis. Haec revera Salia, quorum dosis resolvendi causa statuitur, si de alcalicis loquimur a quatuor granis ad scriptulum, vel dimidiam drachmam, si de caeteris a medio scriptulo ad duas usque drachmas, apta liquoris copia soluta, modo per se, modo aliis coniuncta remediis adhibita, ac pro re nata repetito intra diem data potenter incident, atque una ob alias una coniunctas vires, variis iam locis indicatas, eximios saepe effectus edunt. Nec simili carent virtute nonnulla Salia in Officiis medicamentariis nondum prostantia, atque ad medendum nuper a Celeber. Viris Lg ROI, FOURCROEO, et PEARSONIO proposita, tum a me ipso aliquot institutis experimentis explorata. Profecto *Muriatem* sive *magnesiae* seu *Sal marinum magnesiacum*, sive *Calcis*, seu *Sal marinum calcareum*, ac *Phosphatem sodae* seu *Alcali minerale phosphoratum*, et *Phosphatem barytae* exiguis dosibus ubi exhibeantur,

ut alio potius, b quam evacuandi modo agantutum, ac proficuum erogare incidens, et tenuans remedium iam satis cognovimus.

999. Istis addo duo e Salibus ducta remedia nempe *Acetitum ammoniacalem* seu *Spiritum Mindereri*, atque *Haustum*, seu *Mixturam salinam RIVERII*, quae ex acido citrico, et alcali fixo *Vegetabilium* emergit. Huius quippe egregie tenuantes, et resolventes vires alii etiam facultatibus coniunctas, ut opportuniiori loco dicetur, nemo est inter Medicos qui ignoret, quemadmodum tenuare pariter Spiritum Mindereri peritus quilibet Artifex non inficiabitur. Etenim revera ipsum utiliter resolvere, partim stimulo suo, partim alia ratione operando, neque denegant, qui apposite observant famigeratas nimis fuisse olim eiusdem facultates a Scotiae praesertim Medicis, et nimium adhuc iisdem nonnullos credere. Sane qui valde efficax suppeditate auxilium hunc Spiritum existimant, videntur ignorare ad paucas drachmas intra diem usurpatum nulla sat manifesta suae virtutis indicia edere, tum largius, atque unciatim sumptum validos, aut singulares effectus generatim non ostendere. Quae quidem cum propria experientia didicisset *Clinicus summus CULLENIUS* (a), cum observasset interdum intra exiguum temporis spatium ad octo uncias haustum sine ullo effectu fuisse, atque una animadvertisset proprii nihil in se habere

(a) Op. cit. Part. II. Cap. VII.

eiusmodi spiritum, ac gustui ingratum esse,
eius plane usum deserendum esse iudicavit:
quod tamen nimium est.

1000. Occurrunt deinde hic loci com-
memoranda illa ex Ferro petita remedia,
quae iam recensui (§. 770. et seq.) tum spe-
ciatim, quae ex Salibus Ammoniaci, et Tar-
tari parantur; tum recensendae Aquae medi-
catae sive nativae, sive arte comparatae.
Quae scilicet ob diversam principiorum indo-
lem dicuntur *Aquae acidulae*, vel *calidae*, vel
frigidae, *Aquae sulphuratae*, vel *ferrugineo sul-
phuratae*, *Aquae ferrugineo-compositae*, tum
Aquae vel muriatico-sulphuricae, vel *Salino-
muriaticae*, vel *Salino-sulphurico-magnesiana*e,
vel *magnesiano-muriaticae*. Compertum por-
ro cuique est quantam vim habeant eiusmodi
Aquae si ad aliquot uncias quavis vice sum-
ptae, ac pluries, iustis dein intervallis, iterum
haustae diu usurpentur, dosi quotidie pede-
tentim aucta, donec tres, quatuor, aut ultra,
ubi oporteat, librae ieuno stomacho absu-
mantur, iis servatis praexceptis, quae Clinici
tradunt. Eos enim effectus saepe praestant,
quos alia remedia non ediderunt, et graves
saepe morbos tuto, atque iucunde curant.

1001. Scire praeterea expedit ad ea,
quae efficaciter incident, iure optimo pertine-
re alia non pauca medicamenta, e quibus, pro
varia rerum conditione, quod praeferendum con-
veniat, Medici queant desumere. Modo si-
quidem utimur, ubi non sufficient Extracta
Centaureae, Cichorei, Fumariae, Taraxaci,

Sonchi, Sambuci, Cardui benedicti, Absynthii, et similium (§. 791. et seq.) aut ubi speciatim illa convenient, quorum vis praecipua saponaceis inhaeret partibus, ad Sapones arte comparatos confugimus; quia certum est iisdem sive alcalicis, sive acidis, sive medicatis, incidendi, et resolvendi facultatem competere, quam de singulis alibi dicens exequar. Modo usurpamus utilissime eodem medendi fine vel Arnicam (§. 800.), vel Cicutam (§. 961.), quae affinibus stirpibus longe praestat. Modo resolvens, atque incidens remedium petimus a Siliquosis stirpibus, quas fuse iam recensui (§. 864., et seq.), vel ab Umbellatis (§. 858.), vel ab aliis, quas pariter proposui cum Stimulantia medicamenta expenderem (§. 840. et seq.). Modo etiam adhibemus, caeteris neglectis, Liliaceas Stirpes, atque inter eas praesertim ex *Scilla maritima*, aut ex *Colchico autumnali* petita medicamina, quae de urinam ducentibus disserens ea, qua decet, diligentia rimabor. Ista siquidem, atque alia nondum pertractata ideo dumtaxat proponebam, ut appareat, quam inter se natura, ac proprietatibus dissimilia in promptu habeat Medicina, quorum ope tenuatis, incisis, dimotis, resolutisque humoribus, ac solidarum viribus simul excussis, utilissime queat Infirmis solamen, et salutem afferre. Quare studeant diligentissime Medici, ut Incidentium speciem, quae maxime indicatur, ac prodest ex Clinices praeceptis, atque observationibus eruant, eamque opportune exhibeant,

ne secus indiscriminatim utentes hisce auxiliis
quod optimum, ac solum esset proficuum
praetereant, eiusque loco vel contrarium,
vel alienum praescribant.

1002. Ad tertium denique Resolventium
genus illa spectare censentur (§. 994.), quae
tanta potentia agunt, ut non solum ex spis-
itudine, densitate, et coalitu congestiones,
obstructiones, ac tumores inferrentem lym-
pham solvant, ortis inde malis sublatis, ve-
rum etiam attenuent, impactamque discut-
tiant, etsi virus syphiliticum, scrophulosum,
aut aliud quodvis suscepere. Sunt vero non
pauca, quibus tantam vim Medicinae Proce-
res adscribunt. Interea caeteris antecellere
putant *Alcalica volatilia* medicamenta (§. 939 et
seq.), quae iam sum exsequutus; *Aqua mine-*
rales alcalicae; *Vegetabilia*, quibus utuntur Me-
dici in syphiliticis morbis, ut opportunius di-
cetur; *Gummi resinosa* (§. 917. et seq.) iam
tradita; ac quotquot praestantiora sunt Prae-
parata ex *Stybio*, atque *Hydrargyro*, quae in
usum maxime veniunt, quaeque revera, pro-
prio loco singillatim commemoranda, magnop-
ere prosunt. Ea enim nisi iisdem abutatur
Artifex, vel nimia dosi, vel non aptis inter-
positis remediis, vel gracilioribus, debilibus-
que, vel caeteris exhibens, qui ad tabem,
phthisim, sanguinis fluxus, et scorbutum in-
clinant, magnas saepe aegritudines cito, et
tuto sanant.

1003. Ista praecipua sunt, quae Medici
resolvendo paria existere putant, suntque illa:

etiam, quae eodem fine exterius Chirurghi solent imponere. Etenim apto eadem cataplasmate, aut malagmate, aut alio quovis modo excepta, atque applicita nunc relaxando, nunc stimulando, nunc solvendo suppediti haerentis, impactique humoris resolutionem promovere evidens est. Quare accidit, ut tum illa, quae paullo ante indicabam, veluti Resolventia, Chirurgia usurpet, ac generatim ipsa desumat modo ex Enollientibus, et Relaxantibus, modo ex Stimulantibus, modo ex reliquis remediorum Generibus, quae singula iam exposui; quaeque non praetermitunt qui Chirurgiam speciatim tradunt.

1004. Spissitudini vero contrarium vitium, nempe humorum vel in primis viis haerentium, vel adhuc per vasa fluentium nimiam tenuitatem ab iis natam caussis, quas Pathologi rimantur, corrigunt, eosque cohaerentes magis, crassioresque efficiunt Remedia, quae Incrastantia, vel Inspissantia, aut Ecphyctica vocantur. Eorum usum illa omnia postulant, quae iusto tenuiores humores declarant, ut ex acribus, septicis, ac venenatis quibusdam particulis, ex nutritionis defectu, ex haemorrhagiis, profusis sudoribus, ac praeter modum auctis urinarum, atque alvi egestionibus accidit. Hinc generatim iis, qui hisce morbis laborant, tum speciatim, qui in maciem, phthisim, febres lentas, diabetem, diarrhoeam, aut dysenteriam inciderunt, quam saepe mirifice subveniunt; quoties nempe, tenuitate morbosa praesente, ea Inspissantia eliguntur, quae singulari eiusdem solutionis caussae

adversantur. Quamquam enim in universum Therapeutae doceant Incrassantia desumenda esse ab eo remediorum genere, in quo mucilago eius indolis abundat, quae aqua facile solvit, humoribusque humani corporis facile permiscetur, quaeque chylo, lymphae, ac caeteris fluidis sanguinis partibus unita opportunam tribuit spissitudinem, non omitunt tamen apposite animadvertere ad alia quandoque confugiendum esse genera auxiliarum, ut necessaria densitas humoribus redatur. Cum enim tenuitati caussam praebeat vel laxitas fibrarum, vel earum debilitas, vel nutritionis defectus, vel humorum vitium ab acrimonia illatum, modo Adstringentia, modo Roborantia, modo Nutrientia, modo ipsa Demulcentia, aut Edulcorantia vires gerunt Incrassantium.

1005. Patet proinde ratio, ob quam ad hoc Auxiliarum genus revocare soleant Therapeutae omnia, quae suis locis iam dixi ad mox indicata genera pertinere. Cibi porro, qui maxime mucilagine abundant, ac speciatim e subacta farina confecti; (§. 156.), pulticulae, ac cremores ex Hordei, Tritici, Oryzae, aliisque Cerealium seminibus parati (§. 155. 156.), Olera magis mucilaginea, (§. 176. et seq.), emulsiones ex Oleosis Seminibus, (§. 193.), atque ipsa Olea expressa (§. 680. et seq.) huc pertinent. Ex Stirpibus etiam Asperifoliis vel parata decocta, vel educti succi ideo probantur quatenus iisdem mucilago inest. Propria vero est radicibus *Sympyti officinalis* seu *Consolidae maioris*, aut

Sympyti , floribus *Boraginis officinalis* seu *Boraginis* (cuius folia expressa succum leniter temperantem , et resolventem erogant) herbae *Pulmonariae maculatae* seu *Pulmonariae* , nunc in phthisi , aliisque chronicis pectoris morbis neglectae , Radici , herbae , et floribus *Anchusaee officinalis* seu *Buglossi* , ac radicibus , et foliis *Cynoglossi officinalis* , seu *Cynoglossae* , dubiae , ut alibi dixi , virtutis .

1006. Praeferunt idcirco nuperiores Medici tum huic , tum reliquis mucilaginem paratam vel ex Radice Altheae , de qua satis disserui , (§. 697. 698.) vel ex *Mimosa niloticae* gummi , quod Arabicum dicitur . Hoc quippe in frustula modo oblonga , modo fere rotunda , variam magnitudinem habentia , albido flavidantia , et perlucida advectum inodorum , insipidum , cum vere gummi sit , nutriendi facultate emineat , aegre solubilia caeteris facilius subigat , medicamenta , quibus admiscetur , commode involvat , atque una sui uncia Aquae libram satis mucilagineam efficiat , usitatius reliquis est . Quam ob rem in iis casibus , in quibus alias gummi vel *Pruni cerasi* , vel *Astragali tragacanthae* , vel *Amyrum* , vel *Radix Salep* , et *Sagu* adhibebantur (§. 168. 169.) Gummi Arabicum , modo per se solutum , modo in mucilaginem redactum adhibetur , nisi nutriendi , atque inspissandi caussa uti magis expediat rebus ex Animalibus petitis , nempe carnibus , atque iuribus meracribus (§. 26. , et seq.), gelatis seu concretis ex iisdem confectis (§. 280.) , lactariis

pinguibus (§. 415.), atque ovorum albumine, et vitello, vel magis tenuitati corrigendae propria videantur Acida, sive Vegetabilia, sive Fossilia, Spirituosa, ac caetera, quae humores cogere cum Medici existiment Coagulantia vocant. Num iure? Sane, nisi omnia, pleraque saltem aliis potius modis, quam coagulando fluidas, solidasque partes ita afficiunt, et corrugant, ut necessariam densitatem humores recuperent.

1007. Hisce traditis ad ea Artis Praesidia accedo, quae aliis humorum vitiis ab acri quolibet principio illatis, vel a quacumque labore acrimoniae nomine indicata profectis generali quadam virtute potissimum obsistunt. Quando scilicet ex acri, aut alieno, et nocuo aliquo principio labefactati humores manifesto iam vitio laborant, et sanitatem laedunt, quin ob incognitam nocentis principii naturam, vel ob defectum remedii, quod ipsum certo tollat, aut innoxium peculiarii reddit, Medentibus adhuc liceat singularem exequi curationem, illa Auxilia indicantur, ac non mediocre emolumentum afferunt, quae Demulcentia, subinde Edulcorantia, subinde Temperantia, subinde etiam Depurantia iamdiu vocari consueverunt. Quae quidem eo magis commodant, quod revera multiplicia illa vicia non satis natura, proximisque causis innotescant, aut, si innotescant, vix aliqua praesens, aut absolutorium remedium agnoscant, ac tunc etiam plerumque exigant eorum una medicaminum usum, quae ipsius

singularis remedii actioni viam parent, vel motus salutares adiuvent. Ubi vero propriae medicinae lochis non est, Demulcentia, quatenus partes muniunt contra vim nocui principi humoribus admixti, aut eiusdem stimulum retundunt, aliisve modis nocuam qualitatem immutant, aut acres involvunt particulas, aut earum e corpore exitum promovent, adeo utilia fiunt, ut ortis iam vitiis interdum mendicentur, aut saltem, eorum incremento prohibito, nova, ac peiora mala efficaciter arceant.

1008. Demulcentium proinde usus valde probatus, usitatissimusque Clinicis est, qui norunt iuxta varium, quod tuto assequi, aut coniicere potuerunt, in humoribus vitium, (quod modo simplex, modo non unum subsist), opportuniora auxilia ex uno potius, quam altero Medicaminum genere desumere, quae Demulcentia esse queant, atque Aegris maxime subvenire. Quod enim multiplicis vitii, quo tentantur humores, abdita natura non revelaverat, id Proceres Artis observatione, atque usu didicerunt. Eiusmodi scilicet adiuti subsidio reperere ad demulcendum pro vario caussarum, aliarumve rerum discrimine nunc quae diluunt, nunc quae aperiunt, nunc quae incident, aut saponis proxima vi resolvunt, nunc quae bilem specialiter tenuant, nunc quae inspissando involvunt, nunc alia medicamenta convenire.

1009. Caussa idcirco patet cuique ob quam ex istis auxiliorum generibus Demul-

centia passim desumantur, tum speciatim demulcendi fine usurpentur modo singula mucilaginea, atque oleosa paullo ante indicata, tum semina, quae mite oleum expressione erogant, ipsaque educta Olea (§. 680.), modo Saccharum, Mel, et Fructus dulces; (§. 191. et seq.) modo Olera aquosa, blanda, et temperantia (§. 178.), modo decocta, atque Alimenta quaelibet ex Cerealium seminibus petitam (§. 155. et seq.), modo alia quae magis profutura videantur. Scire enim expedit hisce interdum anteponenda esse varia medicata iura Animalium, (§. 270. et seq.), nisi etiam carnes, aut succi expediant, quorum iam memini (§. 253.); interdum Ova (§. 418. et seq.); interdum Lac integrum, vel ipsum dilutum (§. 411. et seq.), maximeque Serum, quod demulcendo antecellit plerisque (§. 325. et seq.); interdum hisce relictis, subinde etiam una usurpati, quaedam Vegetabilia, quae ad Compositas semiflosculosas pertinent.

1010. Neminem siquidem latet *Cychorio intybo seu Cichoreo*, sive tenera folia aceratum praestent, sive radices praebant decoctum, sive e tota stirpe expressus succus vel recens, vel inspissatus in extractum usui inserviat, inesse vim, quae non solum, ut resolvens, atque incidens, verum etiam, ut temperans, ac demulcens obstructis, hypochondriacis, et cachecticis subveniat, ac febre, aestu, atque acrimonia vexatis prospiciat. Neminem pariter latet non absimiles effectus tum a *Cichorio endivia seu Endivia Medicos*

praesertim nostrates sibi pollictri, et si, minus amara Cichoreo, debilior virtute ab aliis iudicetur; tum a *Leontodone Taraxaco* seu *Taraxaco*, e cuius radicibus succum vel recens expressum, ab una uncia ad duas, tresve quotidie diebus aliquot sumptum, vel Extra-ctum *Taraxaci* ex coctis radicibus partite ad unam unciam, vel sesquialteram intra diem usurpatum ab obstructis, ictericis, hydropicis, et cutis, pectoris, aliarumque partium chronicis morbis obnoxiiis iure Medici non parvi faciunt. Latet denique neminem folia tum *Lactucae sativae* seu *Lactucae*, si tamen stomachus eorum usum ferat, tum *Sonchi oleracei* seu *Sonchi*, sive in acetariis, sive in succo sumantur, dum leniter resolvunt, incident, atque abstergunt, temperare, et demulcere; et si hodie communiter medendi caussa negligantur: quemadmodum negligi solent decocta ex radicibus *Scorzonerae humilis* seu *Scorzonerae*, *Tragopogonis pratensis* seu *Tragopogi*, ac similium, quae iam (§. 184.) indicata fuerunt.

1011. Praecipua haec sunt Demulcentia, quibus vitia humorum, quae vel nondum natura sunt comperta, vel propriam curationis methodum adhuc desiderant, corrigere, aut eorum saltem effectus prohibere Medici tentant. Nunc autem ordo postulat, ut iisdem addam quae cognitum humorum vitium, nempe morborum acorem impediunt, ne evolvatur, atque evolutum emendant. Eiusmodi medicamenta Absorbentia, vel Antacida dicuntur.

Utrum vero evolu'us acor in primis dumtaxat viis occurrat, an etiam in sanguine, ac proinde, num intra stomachum circumscribi debeat actio horum Remediorum, an ultra extendi, hic loci solet disputari. Verum etsi credam Nuperiorum observata satis evincere, acidum posse in sanguinem cum chylo recipi, receptumque, ubi non omne absorbeatur, inficere facile humores, qui per vasa fluunt, vel e sanguine secedunt; attamen existimo adeo raro eiusmodi vitium occurrere, ut in unius fere acoris in stomacho, atque intestinis explicati correctione Absorbentium usus limitandus mihi videatur. Quanta vero ab Acido morboso vel in primis viis solum haerente immineant mala, quaeque ipsum praesto esse significant, nostrum tradere non est. Nostra siquidem interest novisse, quae Acidum ipsum prohibere, aut absorbere certius, atque oxyus queant. Non enim singula illa, quae olim vel probari, vel adhiberi consueverunt, ad utrumque assequendum accommodata censemur.

1012. Profecto vel solis Absorbentibus, quibus Acidum corrigimus, vel solo victu ex Animalibus cibis petito ab acore humores tueri posse, temere quidam generatio affirmant. Nam, praeterquamquod carnes, nisi facile transeant, stomacho acorem ipsae quoque tribuere possunt, atque iura imprimis facile aescunt, nec Piscium quorundam, ac Crustaceorum usus semper commodat, aut sufficit, nec Oyi Vitello, aliisve alimentis locus

saepe est, Esculenta animalia, ipsaque Absorbentia acori praecavendo ideo saepe, aut parum, aut nihil idonea futura caussae ipsae morbos acoris satis indicant, atque una observationes evincunt. Cum enim docentibus Pathologis modo virium languori, modo stomachi, intestinorum, aliorumque viscerum robori fracto, modo nervorum debilitati, modo retardatae, ac multimodis laesae ciborum digestioni, aut propulsioni ex defectu stimuli, ex bilis inertia, aut inefficacitate, aliisve caussis, modo boni succi, et sanguinis inopiae, modo acescentium, vel acidarum rerum abusui morbosus acor vel in stomacho, vel alibi tribuendus sit, apprime eruitur qui fiat, ut ad eius evolutionem prohibendum nunc Roborantia, nunc lenia Adstringentia, nunc Stimulantia, nunc Nutrientia, nunc alia necessaria sint genera remediiorum. Hinc rationem facile reddas cur ad acescentem acrimoniam humorum, qui in stomacho, atque intestinis adsunt, vel in circulum aguntur, impediendam Aqua pura, et frigida copiose hausta, Balnea frigida, variae exercitationis, ac gestationis species, Amara, Aromatica, Spirituosa, imo subinde Vina meraciora, subinde etiam Acida ipsa praesertim Fossilia, toties accommodatissima extiterint.

1013. Quo vero non omnia ad evolutum iam acorem corrigendum, et noxios eius removendo seffectus proposita, aut alias adhibita, proficia, ac necessaria non censeam ipsa re-

mediorum ratio postulat. Et re quidem vera Ossa alias valde probata Animalium, ac speciatim de Corde Cervi, ipsum Cornu Cervi, Ebur, atque Ossicula quorundam Cyprinorum, aliorumque Piscium etiam calcinata vere Absorbentia ideo dici nequeunt, quia, ut Ill. FOURCROEUS observat, Acidum primarum viarum Acidum phosphoricum seiungere non potest a calce, quam illud postea secum abripiat. Quae gluten habent ex eo item ad absorbendum non valent, quia ipsum impedit ne Acidum in caeteras partes operetur. Salia quaedam medium naturam habentia, alias usurpata, non expediunt, quia dum acidum stomachi alcalinae eorum parti unitur, extricatur tunc acidum aliud, antea irretitum, quod in stomacho liberum manet. Item Creta, Lapidies Cancrorum, testae Ovorum, Conchylia, Margaritae, aliaque huius generis, quae uno Carbonatis calcarei nomine indicantur, minus opportuna existunt, quia, eodem animadvertente FOURCROEO, Acidum in stomacho praesens dum eiusdem carbonatis acidum aggreditur, atque in Gas acidum carbonicum convertit, cardialgiam, dolores, inflationes, aliasve molestias suscitat. Similiter Corallia rubra, et alba, ad Carbonatum calcareum pariter relata, utpote iisdem incommodis obnoxia, ibi etiam exoleverunt, ubi, tamquam superflua, nondum erant neglecta. Terrae calcareae, aliaeque alibi indicatae ideo non convenient, quia vel satis acidum non absorbent, vel insolutae partim manent, aut etiam

in massas coalescunt, et pondere officiunt,
 Sapo denique alcalicus olim magni factus
 ad corrigendum Acidum ideo praesertim de-
 serendus est, quia „ peius , inquit Ill. GREGO-
 „ RYUS (a), incommodum in se habet, scilicet
 „ qui, dum acorem ventriculi corrigit, multum
 „ oleum crassum, et fortasse rancidum, in
 „ eo relinqu „ .

1014. Ergo non sine eaussa crediderim
 omnium Absorbentium materiem redigendam
 esse ad illa, quae apte divisa, diluta, paul-
 latim sumpta, nec diu protracta acidum fa-
 cile abripiunt, absorbent, atque in Sal me-
 diae indolis convertunt, quod, cum alvo sol-
 vendae par evadat, mala etiam promptius,
 certiusque mitigat, aut si caussa tolli queat,
 omnino removet, quae morbosus acor, praes-
 tertim in Infantibus, Pueris, gracilioribus Vi-
 ris, atque in Feminis procreat, quae chlorosi
 detinentur, vel uterum gerunt, ne dicam util-
 itates caeteras, quas Aegris aliis, maximeque
 calculo laborantibus affert. Porro tria sunt,
 quae ad absorbendum acidum retinenda mihi
 videntur, nempe *Salia alcalica*, quae reliquis
 anteferenda putant plerique Medicorum quan-
 do, dum acor corrigitur, una interest validiori
 stimulo fibras afficere, ut alia commoda Infir-
 mis promanent; *Aqua calcis*, quae aliis etiam
 usibus ob varias vires, suis locis expendendas
 dicata ad uncias aliquot hausta, dum acidum
 egre-

(a) C p. cit. n. 1312.

egregie absorbet, et natis inde morbis subvenit, reliquis Absorbentibus commodior a non-nullis censemur quando lactis in Infantibus abunde, et nimis coacti indicia suppetunt; tum demum *Magnesia* seu quae in calcem redacta, aut pura est. Quamquam enim *Carbonas magnesiae* seu *Magnesia* alba, vel e Nitro para-
ta, vel e Sale Epsomico educta, quae gas nondum amiserit, alias valde probaretur, atque a non paucis adhuc nullis obnoxia vitiis habeatur, quavis vice ab uno scriptulo ad unam, alteramve drachmam sumpta, ei tamen quae ga-
stico principio spoliata, usta, aut pura audit,
seu proprie *Magnesia* est, a praestantioribus Cli-
nicis preferri solet. Ista siquidem minori etiam
dosi data dum acidum alicubi haerens involvit,
absorbet, ac cum eo in Sal mediae
indolis mutatur, (quod alvo laxandae, subin-
de urinae ciendae, aut sudori movendo,
aliisve *Salium* mediorum effectibus praestandis
par remedium evadit), ideo alteri praestat
quia, nullo evoluto aere, inflationes nec auget,
nec movet, ac validius acidum abripit, ipsam-
que alvum efficacius resolvit. Ob haec pro-
inde commoda aliis coniuncta viribus, quas
alibi exequar, iure *Magnesia* caeteris Absor-
bentibus hodie anteponitur.

1015. Num vero debeam Antacidis sub-
iungere, ut plerique solent, illa quoque me-
dicamenta, quae humorum acrimoniam corri-
gant, quam alcalinam, vel alcalescentem cum
BOERHAAVIO quidam Pathologorum adhuc
admittunt, non anceps haereum. Etenim hoc

fine indicare remedia, quae alcali aduersentur supervacaneum mihi plane videtur. Interim cum interdum gravia, ac funesta mala oporteat avertere, aut removere, quae virus sumptum infert alcalicam habens naturam, aut forte alcalinorum abusus intulit, abs re non erit monuisse hisce dannis generatim occurrere, ac morbis inde natis mederi singula illa pluries indicata, quae vel acida sunt, vel facile acescunt.

C A P U T X I I .

De Antisepticis.

1016. Superest illud Alterantium remediorum genus, quo in humano corpore futuram praecavere putredinem, vel iam se evolventem corrigerem student, qui salutarem Artem profitentur. Quamquam enim verae, absoluteque putredini humanum corpus tradi nequeat, vita superstite, ac sanguini, cuique humoris, aliisve partibus, elementis iam putredine corruptis, liquatis, et resolutis, ut quandoque evenit, pristinam restituere integritatem nequeat Medicina, atque ineluctabilem aegri interitum prohibere; quaecumque tamen caussae naturalem corporis ad putrescendum proclivitatem augent, ut vitium putrescentis, aut putridae acrimoniae nomine a Pathologis indicatum succedat, aut imperfecta, ut aliis arridet, sequatur putredo, singulae auxilia requirunt, atque utilissime admittunt, quae futura mala, et quidem multa, ac perniciosa, avertant, vel iam evoluta removeant sive in aliqua parte, sive in toto corpore labes, aut putredo consistat. Non enim solum hoc vitium in humoribus, ac recrementis stomachi, atque intestinorum spectatur, nec tantum in extimis corporis partibus occurrit, nec ex solis primis viis, aut locis cuti propioribus ipsum

ad sanguinem per vasa adhuc fluentem propagatur, sed in hoc etiam proxime oriri, atque inde ad singulas corporis sedes extendi summo sanitatis detrimento, ac vitae discrimine Medici docent, nisi tot erumpentibus, evolutisve malis apta praesidia succurrant, nempe illa, quae sive putredinem arceant, sive ei se evolventi resistant, aut partim evolutam emendent, Antiseptica dicuntur.

1017. Quemadmodum vero non una esse solet caussa, ob quam nimiam, nocuam, perniciosamque indolem in veram putredinem sensim abeuntem humani corporis partes suscipiunt; ita non unum occurrit genus remediorum, quae ad Antiseptica pertineant. Profecto, etsi non diffitear intimam, propriamque rationem, ob quam putredo vita supersite evolvi incipit, non satis esse perspectam; etsi fatear quaedam eiusdem iam se evolventis, aut explicatae indicia ambigua ideo praesertim esse, quia foetet interdum oris halitus, foetet sudor, foetent reliquiae cibi et potus, atque ulcera foetent, quin illum subdit putredinis periculum; etsi rursus admittam non omnes caussas, quae putredinem movent, nobis fortasse innotescere; contendo nihilominus non paucas eiusmodi caussarum certis signis, phoenomenis, atque effectibus satis esse compertas, easque rectissime a Pathologis rimari. Quis enim est qui modo ab abusu cibi ex animalibus, maximeque corruptis desumpti, modo a venenis, modo ab aere non renovato, respiratione corrupto, pu-

tridis halitibus, exhalationibusque onusto, alia-
ve putrida mephiti, aut peste vitiato, modo
ab insigni virium debilitate, modo a nimio
calore, modo ab ipsius motus vel excessu,
vel defectu ipsam concitari, atque intendi
putredinem non affirmabit, cum ista plane
sint tutissimis, ac passim in morbis institutis
observationibus comperta?

1018. Quae cum ita sint, cumque ap-
prime arguant dissimilitudinem caussarum pu-
tredinem inferentium, arguunt quoque evi-
dentissime eos hallucinari, qui Antiseptica ex
uno Auxiliorum genere desumere perpetuo
solent, caussarum neglecto discrimine, aut
unam tantum in iisdem agendi rationem spe-
ctare solent, quin imo non obscure arguunt
a veritate plurimum abludere eorum senten-
tiam, qui vim, atque usum Antisepticorum
in morbis ab effectibus metiuntur, quos eadem
extra humanum corpus tentata ad arcendam,
corrigendamve putredinem, nempe animalium
humoribus aut carnibus vel integris, vel pu-
trescentibus, aut iam corruptis addita facile
edunt. Quamquam enim non pauca eorum,
quae in experimentis a PRINGLAEIO, MAC-
BROIDIO, ALEXANDRO, BOISSIEO, COLLI-
NIO, a me ipso, atque ab aliis institutis
Antiseptica apparuerunt, non dissimili careant
virtute, atque aegris, qui putridis malis labo-
rant, eximie subveniant; attamen ista nec
perpetuo eiusmodi sunt, nec in omni casu
conveniunt, nec pari agunt promptitudine,
et securitate, suntque pariter alia, quae inef-

ficacia existant, aut etiam contraria ratione operentur.

1019. Recte proinde agunt Therapeutae dum eadem Antiseptica ita expendunt, ut appareat, varia eorum genera praesto esse, quorum unumquodque non indiscriminatim, at prudenter, quando speciatim conveniat, ab Artifice adhibitum aegris, qui ad putridos morbos inclinant, aut iisdem corripiuntur, efficaciter, ac tuto auxilietur; sive exterius, sive interius, sive utroque modo, quemadmodum saepe usu venit, adhibeat. Iamdiu siquidem observatio monuit Medicos in morbis putridis aut nullo, aut longe minori, aut exiguo saltem commodo Antiseptica intus usurpari, nisi cum eorum actione ab extrinseco quaedam remedia, aut res aliae adhibetae, quae adversantur putredini, una conspirent; quemadmodum eadem observatio monuit Chirurgos ulcerum putridam indolem habentium, gangraenae, ac similium malorum curationem vel aegre contingere, vel perpetram suscipi Antisepticis impositis, nisi eadem facultate praedita medicamenta eodem tempore intus diu, ac largiter insumantur.

1020. Caeterum quanti conferant ad putredinem arcendam, eiusque progressus inhibendos res bene multae apte administratae, ac speciatim optimus aeris vulgaris indesinenter renovati, et puri, maximeque oxyginii usus, eiusdem aeris moderatum frigus, corporis, cubilis, vestium, et domiciliarum mundities, appositus ciborum, ac praesertim vegetabi-

lum delectus, fructus horaei, atque inter eos, qui gratae aescunt, et succo turgent, saccharum, et mel, vinum, zythum, atque alia huius generis, non est cur dicam cum iam de singulis satis dixerim expendens rerum non naturalium usum in secunda, atque in adversa valetudine. Ob quam sane caussam non tradam quanti pariter adversus putredinem valeant Acetum vel simplex, vel medicatum, Maltum, Aquae acidulae, Succi citri, aurantii, limonii, ribesii, ac similium, atque ipsa imprimis Acida fossilia potionibus modo ad gratum, modo ad validiorem acomrem addita, cum de istis quoque egregie antisepticis remedii satis eo loco disseruerim.

1021. Non ideo vero existimandum est cum CULLENIO in febribus putridis Acida fossilia minus convenire, quia animalibus humoribus intime nequeunt admisceri, aut abunde assumi; nam, praeterquamquod apte diluta opportuna quantitate usurpari possunt, atque in sanguinem veniunt, egregie sane prodesse, ac saepe caeteris Acidis antecellere experientia apprime compertum est, quae eadem ad potentissima Antiseptica pertinere declarat, etiam si monstraverit, revera cedere Acidis Vegetabilibus in Scorbuto curando, ac cedere Vino, Spirituosis liquoribus, atque Alcoholi, quando, quae calefaciunt, excitant, ac motus intendunt, Antiseptica convenient. In hoc quippe casu, maximeque debilitate, aut nervorum languore praesente Vinum optimum magni faciunt Clinici, nec ipsum ne-

gligunt Chirurghi exterius applicitum, etsi generatim Alcohol crebrius adhibeant. Porro quod ad *Alcohol Aqueum* attinet seu *Spiritum vini* non rectificatum sive ex eo quod excitet, sive roboret, sive stimulet, sive alio agat modo, prudenter sumptum, additumve remediis aliis arcere putredinem, quae a motus, viriumque defectu pendeat, eiusque progressus impedire, quod secus noceret ubi stimulus officit, ac putredinem promovet, compertissimum est.

1022. Quod quidem valet de externo usu tum ipsius *Spiritus vini*, tum *Spirituum destillatorum*, tum praesertim *Spiritus Terebinthinae*; quibus in putridis ulceribus, in nirmia, aut prava suppuratione, atque in gangraena nimis crebro quidam Chirurgorum utuntur. Qui enim indiscriminatim in ipsis ulceribus, ac gangraenis putredini resistere istis liquoribus student, videntur ignorare eosdem vix antisepticis viribus prodesse, ac potius (quod verisimile ill. GREGORYUS (a) censuit) stimulantibus,
 „ quae vel actionem iam deficientem vasorum, quae sanguinem vehunt, renovet,
 „ atque intendat, vel inflammationem, et
 „ bonam suppurationem ad marginem sanae
 „ carnis efficiat, quae partes iam putridas,
 „ atque corruptas a sanis separat, morbum
 „ que ulterius serpere impeditat.

(a) Op. cit. n. 1333.

1023. Pari iure si quando stimulus conserat, excussis viribus, aucto calore, ac solidis partibus extimulatis ad prohibendam putredinem, vel ad corrupta iam loca ab ea abstergenda utilia erunt, ac commodissima Stimulantia illa remedia, quae singillatim indica-ta sunt (§. 840. et seq.), ac speciatim quae extra ipsum etiam humanum corpus Antiseptica monstrantur. Aromatica, gummi resinosa, bal-samica, et volatilia medicamenta ad eiusmodi genus pertinent, atque inter ea quidem Camphora antecellit. Nam ne dicam quantam opem eadem praestet intus adhibita in putridis, ac nervosis febribus, non minus insigne afferre solet Chirurgis auxilium in putridis, sinuosis, fungosis, antiquis, atque in gangraenam, vel in cancrum tendentibus ulcerationibus si modo pulveris instar inspersa, modo mucilagine subacta, modo apta ratione rebus aliis excepta prudenter imponatur. Haec quippe ulcera a varia humorum labe orta, putredine cohibita, et pure bonae indolis concitato, praesertim eodem tempore interius usurpata, quam feliciter Camphora sustulerit BURSERII, COLLINII, FLAIANI, aliorumque experimenta luculentissime monstrarunt.

1024. Num vero inter Stimulantia Anti-septica enumerandae quoque sint Siliquosae stirpes ex eo, quod stimulo maxime suo, et Scorbaticis, et putrescenti humorum vitio obnoxiis subveniant, vel potius istis succurrant, non secus ac quaedam evacuantia, corruptas particulas ad vias urinae, aut cutis

amandando, unde prodeant, nostra parum refert novisse quando scimus, Stirpes eiusmodi pro vario caussarum discrimine suum quoque locum inter Antiseptica iure sibi vindicare. Neque interest novisse num stimulando potius, quam aliter operando antisepticam suam vim in morbis exerant *Arnicae montanae* flores, ac praesertim eius radix, quam (§. 800.) ad praestantiora adversus putredinem auxilia pertinere multis innixus periculis arbitror, vel *Aristolochiae serpentariae virginianae* radix, quam in morbis putridis utilissimam passim experior, vel *Violae ipecacuanhae* radix, quam exiguis dosibus crebro iteratis exhibitam, quin vomitum moveret, longa experimentorum serie, alibi tradenda, decem ab hinc annis in putridis morbis praestantissimam reperi, quando non ignoramus ista pollere eximia antiseptica facultate, qua floribus *Anthemis nobilis*, et *Matricariae chamomillae*, radicibus *Valeriana sylvestris*, et *Dorsteniae contraiervae seu Contraiervae fragrantis* et *subamarae*, alias in nervosis, putredisque febribus nimium factae, ac *Myrrhae*, *Aloe*, *Croco*, et *similibus*, alibi expendendis, hodie anteponantur.

1025. Utrum praeterea utilitas, quam si nuosis, corruptis, putredisque ulceribus illinito gastrico succo ex Animalibus, maxime Carnivoris, sumpto pluries percepit, quamque Cel. Viri IURINIUS, TOGGIA, aliquique eum diligenter adhibentes se accepisse ultro testati sunt, a stimulo, quem in se habet humor

iste, an ab antiseptica, an ab alia agendi ratione deducatur perinde mihi est. Satis enim mihi fuit, de eo disserenti (*a*) accuratissimis, et candide revelatis observationibus demonstrasse, succum illum eam, quam in se habet ab III. SPALLANZANIO iam evictam, antisepticam facultatem, retinere quoque, atque utiliter exerere ad humani corporis putrida ulcera curanda traductum, etsi neque alias affirmaverim, neque nunc contendam in omni casu convenire, aut caeteris Artis auxiliis, nisi aliqua caussa, aut necessaria mutatio remediiorum, aut mali indoles eum postulet, suffici oportere.

1026. Aliud autem Antisepticorum genus Adstringentia, et Roborantia constituunt. Nam illa, etsi adversus putredinem minus apta a plerisque nunc iudicentur, quatenus tamen laxitati medentur, et cohoesione restituta, servata, et aucta humorum integritatati propisciunt, unam ex caassis, quae putredinem adducunt, evidenter arcent, imo ei se evolventi fraenum iniiciunt. Praesertim vero cum nonnulla ob alia principia queant corruptioni resistere, atque humores peculiari virtute corrigere. Roborantia vero ad inhibendam, corrigendamve putredinem maxime valent, quamquam non eo prodesse videantur modo, quo extra corpus fluidas, solidasque animantium partes adhuc integras a corruptione

(*a*) Ricerche sulla Nat. ec. del Sugo gastrico.

tuentur, corruptasve emendant. Quod quidem ex eo tutius deduco, quod viderim in illis experimentis quaedam Roborantia, ut singulari loco dicam, Peruviani corticis ratione adhibiti vires aemulari, attingere, imo interdum superare, quod de Arnica in primis verum est, et nihilominus eidem intus, exteriusve in morborum curationibus usurpata antiseptica virtute concedere.

1027. Est porro idem *Cortex eximum*, validissimumque Antisepticum medicamentum in febribus, aliisve morbis putridis, sive internis, sive externis, ubi maxime a virium languore, ac solidorum debilitate, et vitio putredo oriatur, nec valida urgeat febris, nec sanguinis copia, aut nimia densitas humorum adsit, nec aliunde ad putrescendum pronitas aliis indigens auxiliis nascatur. Hinc in gangraena internarum partium, atque in externa vel praesenti, vel instantे, nisi singularis eius indoles, et caussa aliud remedium requirant, mirifice prodest, dummodo liberaliter imponatur, atque una intus crebro, et largiter usurpetur. In vulneribus similiter, ubi expeditat pus movere, vel gangraenam arcere, atque orta ulcera putrida, foetida, tetram saniem fundentia, sinuosa, et maligna corrigerere, utroque item modo administratus magnam operm praestat. In cancro denique ulcerato, atque in ossium carie idem *Cortex*, quatenus utriusque teterimi morbi progressus saepe inhibet, aut retardat, corruptarum partium a sanis secessionem adiuvat, atque istas

ab illarum viru tuetur, insigne praesidium
largitur.

1028. Sales vero quod respicit, dicam
cum Cel. GREGORYO (a) „alcalinos, et qui-
„dem omnes alios Sales neutros terreos, et
„metallicos, quamvis plerique eorum, vel
„fortasse omnes, extra corpus ita adhiberi
„possint, cumque variis rebus putrescentibus
„ita misceri, ut putredinem earum satis effi-
„criter impedian, parum apta remedia,
„videntur, ut hoc consilio in vivo corpore
„adhibeantur. Imprimis quia tantum eorum
„assumi nequit, quantum per mixturam che-
„micam cum tanta mole, ac corpus huma-
„num est, id praestaret; tum quia nonnulli
„ex efficacissimis eorum, parce admixti, vi-
„dentur potius putredinem promovere; tum
„demum quia multi eorum corpus minimum
„excitant, et calefaciunt, et sitim intendunt;
„et omnes fortasse sanguinem, aliasque hu-
„mores nimis attenuant, et nimis acres red-
„dunt. Caeterum Magnesia calcinata
sive per se, sive Cortici Peruviano, aliisve
remediis adiuncta, egregie antiseptica est, tum
Aqua Calcis eam, quam extra corpus pa-
tefacit ad putredinem praecavendam, corri-
gendarve efficacitatem, in eo etiam satis
ostendit. Ea siquidem exterius vel per se,
vel cum aliis remediis adhibita, dum abstergit,
discutit, atque exsiccat, putridas fistulas

(a) Op. cit. n. 1329.

eluit, et corrigit, ambusta a corruptione tuetur, ulcerum proserpentium progressus coeret, eorum malignitati resistit, ac gangraenam avertit.

1029. Sicuti denique spectato caussarum putredinem promoventium discrimine accidit, ut Sedantia inter Antiseptica debeant recenseri, mirum non erit si eiusmodi interdum fiant Sopientia, ac maxime si Opium intus datum ex Ill. POTII observatione, quam in duobus aegris ipse potui confirmare, sive mitigata, vel sublata irritatione, sive alio incognito modo unicum, atque eximium auxilium sit in ea valde dolenti, ac singulari gangraenae specie, quae a digitis pedum, maxime in debilibus, et senibus, incipiens paulatim ad totum pedem, atque ad tibiam propagatur, ac nisi protinus ei Opium subveniat, certam perniciem infert.

1030. Caeterum quae speciatim Antiseptica, quoquo modo in quovis casu, exterius adhibenda sint, singillatim, ac fuse tradunt Chirurgi cum de ulceribus, gangraena, ac cancro disserunt; in quibus tamen solent nonnunquam nihil omnia auxilia proficere.

ERRATA

CORRIGE

Pag. lin.


50	6	corporis	corpori
86	21	metallins	metallis
89	17	argentaeum	argenteum
192	31	exsiccatum	exsiccatus
216	11	uve ursi	uvae ursi
261	32	censuisse	consuevisse
282	13	Serabridis	Scabridis
401	15	earum	earumque
403	10	eadem	eodem
489	22	succedant?	succedat?

C

D

E

F




LEIBI

40-3-30







CARMINATI
MATERIA
MEDICA

2

13.128